

IN NOMINE, JESU!

EXAMEN  
SOCINIANARUM  
CONTROVERSIARUM,  
Juxta Methodum Ar-  
ticulorum Christianæ fidei symbolicam,  
in AUGUSTANA CONFESSIO-  
ne adhibitam,

Quoad Status controversiæ constitutio-  
nem, & rationum adversæ partis dijudicationem, & di-  
vinis literis deductam,

*In usum Studiose Juventutis XX. Disputationibus  
Academicis institutum,*

per

JOHANNEM  Deutschmann/D.

Prof. Publ. & Alumn. Elector.  
Ephorum.

---

WITTEBERGÆ,

Literis Michaelis Meyeri, Anno M. DC. LXXI.



SERENISSIMI ELECTORIS SAXONIÆ,  
IN SUPREMO SENATU ECCLESIASTICO  
DRESDENSI,  
PRÆSIDI EMINEN-  
TISSIMO,  
ET  
CONSILIARIIS  
MAGNIFICIS,  
DOMINO GRATIOSO,  
ET  
PATRONIS OPTIMIS  
MAXIMIS,  
ECCLESIARUM ET ACADEMIARUM  
EPHORIS VENERANDIS,  
GRATIAM SANCTI SPIRITUS, EXOPTATOS  
CONSILIORUM SACRORUM SUCCESSUS, ET FELICES  
LABORUM EVENTUS A DOMINO,

P.

ILLU.

ILLUSTRISSIME DOMINE PRÆSES,  
DOMINE GRATIOSE,  
SUMME REVERENDI ET MAGNIFICI  
DOMINI CONSILIARIJ,  
PATRONI MAXIMI,



*I* pestis aliqua *Christiana religionis* unquam olim caput erexit, certe superiori, præsentique seculo, *Socinianorum Heresis* id fecit. Natales ea suos debet *Latio, Faustog, Socinis*, sed infaustis hujus sectæ conditoribus. Professione quidem *Theologi* non fuerunt, *Theologia* tamen Professionem invadere nulli dubitarunt. Ingeniis curiosis non raro contingit illud, ut, quicquid libet, sibi licere judicent, præsertim si propter verbi DEI contemptum, propriæque vocationis neglectum, pæna divinæ permissionis, confidentia humanæ vel persuasionis, vel eruditionis, & audacia Diabolicæ tentationis accedant. Idem sub infelicibus his aspectibus, sed non parvis progressibus, *Socinis* istis contigisse, deplorandum est. Mala plerumque majores, quam bona, progressus faciunt. Mene humana non tantum *novitatis*, sed etiam *falsitatis* & *prædictæ* avida, facilius mendacium, quam *veritatis* studium admittit. Inde factum, ut Satanas & Autores istos in horrendos & exitiosos errores seduceret, & hæc pessima merces sine difficultate suos emtores alliceret. Dum autem *hereticorum alii* vel hanc, vel illam *Theologia* parsem corrumpere satagerunt, hi *Duumviri* totum *Theologia* corpus invertere, & prima *Christiani fidei fundamenta* prorsus evertere voluerunt. Magis illud deplorandum, quam vel manifestan-

## EPISTOLA DEDICATORIA.

standum, vel examinandum esset, si *pestis* illa *Hæretica* statim sub initiis primis oppressa fuisset. Nunc verò, quia tot sectatores ista lues invenit, qui venenū illud perniciosissimum longe lateq; propagarunt, aliis viva voce pertinaciter inculcarunt, & scriptis etiam ubivis locorum dissemnarunt, orthodoxis minimè tacendum, cum ea sit impudentia *Socinianorum*, ut orthodoxorum silentium sibi ducant in gaudium atq; triumphum. Ea de causa perpetuo Christianæ fidei Doctores atq; Defensores eò nō vulgari studio contenderunt, ut, præter alias hereses, etiam illa *Sociniana pestis* ex divinis sacrarum literarum pharmacopoliis remedium inveniret, neque sic ad seducendos vel altiores Spiritus, vel simpliciores laicos, amplius triumphū ambiret. Nec in Domino conatus illi vani, vel irriti fuerunt. Nam *Hæresis* illa *Socinianorū* parum virium retinuit, nec aliquid incrementorum ætate nostra sumsit. Tanta siquidem *Christianismi* totius in eadē vel inversio, vel eversio reperitur, ut nomine *Christiani* prorsus indignus videatur, qui *Sociniana Religio*nis *sectatorem*, vel *Confessorem* se profiteatur. *Mysterium Trinitatis* citra dubium est *omnis salutis restituta*, vel *omnis boni principium*: sed juxta *Socini brevissimā Christiana religionis Institut.* (qvæ potius minimè Christianæ sunt) p. 11. *nihil vel absurdius, vel impossibilius, vel deniq; divinis ipsis testimoniis repugnantius, excogitari potest; vel ex opinione Smalzzii de Error. Nov. Arian.* p. 49. *fides Trinitatis est crassum dogma, ex vanis Esbnicorum sophisticationibus, non ex Evangelio natum.* Idem p. 9. contra *B. Franz.* thrasonicè prorsus contra *mysterium* hoc insultare conatus est: *Quos (Sociniani) scribit, hæreticos proclamat Francius, illi non religionis Christiana fundamentum solum loco suo movere, & penitus subruere & destrue-*



## EPISTOLA DEDICATORIA.

*struere magno zelo, magnosq. ausu laborant: sed Cassum illud & OCIOSUM adificium, quod haec in pro funamento fuit habitū, concutere non tantum laborant, sed jam bona ex parte (scilicet, si Diis Socinianis placet!) concusserunt, & eorum opera DEUS, alto suo consilio, quicquid ad cognitionem Dei & Jesu Christi veram, aliunde asutum est, universo mundo patefaciet, & per ea, quae non sunt, abolebit ea, quae aliquid sunt, ut nemo in carne gloriatur, sed qui gloriatur, in Domino gloriatur. Propediem exhibebitur (o vanam prophetiam, audacia haeretica munitam!) ista absurdissima simul & falsissima de Dei Essentia opinio. Prope est, cum inter omnes obtinebit, unius Dei Patris, & Jesu Christi, Filii Dei, nati ex Virgine Maria gloria; & denuo solus DEUS Pater, & Jesus NAZARENUS, solennibus gratiarum actionibus in omnibus Ecclesiis celebrabuntur. Ea futura est existimatio de Trinitatis dogmate, qualis est hodie inter omnes Evangelicos de Missa Pontificia, de Purgatorio, & aliis hujusmodi (NB) nugis. Utinam enim haec omnia Authorem habent, Anti-Christum scilicet. Haec Socinianorum fides de Deo Trinuno. Christus incarnatus dubio procul Christianae fidei fundamentum est. Nam juxta Paulum 1. Cor. III, 11. fundamentum aliud nemo ponere potest, praeter id, quod positum est, quod est Jesus Christus, cum *ὁὐλογυῶντες μετὰ τῆς σοφίας*, mysterium sit, DEUS est manifestatus in carne. 1. Tim. III. 16. Sed juxta Smalz. contra Franz. p. 65. Verbum carnem factum esse, nusquam scriptum est: & licet scriptum esset, nunquam tamen probabitur, Verbum illud alium quem significare, praeter Jesum Nazarenum (nudum videl. hominem) ex Maria Virgine natum. Et mysterium hoc iniquitatis longe clarius exponit bomil. IIX. in cap. 1. Job p. 29. *Credidimus, scribit, etiam si non SEMEL atq. ITERUM, sed SATIS CREBR.* &*

## ÆPISTOLA DEDICATORIA,

*APERTISSIME scriptum extaret, DEUM ESSE HOMINEM FACTUM, multo satius esse, quia hac res sit absurda, & sanationi plane contraria, & in Deum blasphemia, MODUM aliquem DICENDI COMMINISCI, quo ista de Deo dici possint, quam ista simpliciter, ut verba sonant, intelligere. Sic igitur facile patet, quod adversarii semper incredulitatis suæ paratissimum habeant effugium, siue scriptum aliquid sit in summis fidei mysteriis, siue non, siue semel, siue sæpius, siue raro, siue crebro, siue aperte, siue obscure, sit in sacris literis revelatum. Nihil enim hoc stratagemate siue Sociniano, siue Satanico, non potest vel impugnari, vel negari. Si quis salutis nostræ λόγος, vel meritum, aut salutifera satisfactionis beneficium, contra Socinianos asserere, vel urgere velit, ipse nihilo magis obtinebit. Sic enim Socinus ipse part. 3. de Servat. Christ. c. 6. suam & sociorum sententiam hac in causa proponit: Ego quidem, etiamsi non semel, sed sæpe id in monumentis sacris scriptum extaret, Christum pro peccatis nostris divinæ iustitiæ satisfecisse, non IDCIRCO tamen rem prorsus ita se habere crederem, ut vos opinamini. Ea, quæ fieri non posse, aperte constat, divinis etiam oraculis, ea facta esse, in specie attestantibus, nequaquam admittenda esse: IDCIRCO sacra verba in alium sensum, quam ipsa sonant, per INUSITATOS etiam TROPOS quandoq; explicanda esse. Smalzius contr. Franz. p. 430. Socino melior non est. Istud, inquit, de satisfactione Christi pro Adamo & peccatis hominum anite & vere prophanum est commentum: p. 140. vocat ridiculam, absurdam, & sacris literis, & rationi constariam & perniciosam opinionem. Nec melius affert de merito Christi, vel fide iustificante iudicium p. 440. De fide in meritum Christi non opus erat ullo modo hic asserere. Quis enim S. literarum locus vel unicus meriti*

## EPISTOLA DEDICATORIA.

mei ita alicujus Christi meminit, cum hac vox plane barbara sit in Theologia, & nullum in ea prorsus locum habere queat, adeo ut nec vocem ullam in sacris literis excogitari posse, vel saltem extare dicant Viri docti, quia meritum exprimi possit. Quid prater ea est fides in meritum Christi? Fides certe, proprie loquendo, nemini nisi persone, eiq. divina, debetur: in meritum autem Christi, etiamsi id tandem extaret, fidem requiri, plane insolens & exoticum quid est. Ex merito Christi sequitur Justificatio miseri peccatoris coram Deo, quæ non aliud, quam principale dogma fidei Christianæ parit, sed tam de mysterio justificationis, quam ipsius fides justificantis, tot errores Sociniani fovent, quot circa doctrinam hanc salutarem questiones occurrunt. Verum hæc & alia modo persequi nec habet, nec licet. Ego, quod mei muneris fuit, hætenus pro Gratia divinæ modulo, mihi clementissime concesso, non tantum aliarum Hæresium errores meis Condiscipulis, exercitiis tam publicis, quam privatis, proponere, sed etiam Capitales Socinianorum Heterodoxias evolvere volui. Cum igitur ex singulari Dei clementia Sub Illustri & Magnifica Vestra Ephoria nunc iterum Collegium Controversiarum Anti-Socinianum abolverim, illud una cum laboribus meis sacris, imò cum Academia nostra tota, Vestro Illustri & Magnifico Patrocinio sisto Fuit Ea hætenus, & per Dei Gratiā adhuc est officina laborum Theologicorum, & in eadem reliquarum Facultatum studia quoq. non parum floruerunt. Wittebergæ nostra, tanquam ultima Reformationis prima, doctrinæ, prioris constans officina, magni semper apud omnes ymoios, Lutheranos fuit æstimmii, sed inde apud alios non parum invidiæ, vel odii contraxit. Stat vero per DEI Gratiā, PATRIS PATRIÆ Clementiam, ac Electoralē Munificentiam;

& Sum-

# EPISTOLA DEDICATORIA.

& *Summorum Patronorum Vigilantiam*. Præstet illud *Providentia celestis*, ut sub his **GRATIOSISSIMIS, GRATIOSIS,** & **MAGNIFICIS aspectibus** nihil de clementi, multumq; incrementi capiat hæc *Illustris Academia*, nihilq; de pristino floretum *Privilegiorum*, tum *Professorum*, tum *Studioforum*, tum *Academicorum laborum*, remittat. **SERENISSIMI PATRIS PATRIÆ GRATIA** per *Vestrum Patrocinium* nobis sit integra, sit perpetua! Favete *Vestra Academia*, favete *mihi*, *laboribus meis sacris*, favete *presenti tum instituto*, tum *deposito*. Videbit id *Dominus Celi*, suaq; *Celesti benedictione* Vestram **ILLUSTRISSIMAM EXCELLENTIAM** & **PRÆILLUSTREM DOMUM, VESTRASQUE MAGNIFICAS AMPLIT. & NOBILISSIMAS FAMILIAS**, perpetuo coronabit, quod precibus devotis semper urgebit

**VESTRÆ ILLUSTRISS.  
EXCELL.**

ET

**NOBILISSIM. MAGNIFICENTIARUM**

Dab. in Museo meo  
VVitæb. d. 4. Sept.  
Anno 1671.

*assiduam apud Deum  
Intercessor*

**Johannes Deutschmann/D.**

IN NOMINE JESU

CONSIDERATIO THEOLOGICA

NOBILIORUM QUARUNDAM CONTROVERSARUM  
SOCINIANARUM,

SECUNDUM AUGUSTANÆ CONFESSIONIS  
METHODUM,

EX SCRIPTURIS SACRIS POTTISSIMUM  
INSTITUTA,

QVÆSTIONES GENERALES

DE

MATÆOLOGIA SOCINI-  
ANORUM.

QVÆSTIO PRIMA.

*Num Sociniani sint veri Christiani?*

I.

**U**T in his terris varia datur Eccle-  
sia milita, cum omni respectu *milicans* appelle-  
tur, sic præter alios Ecclesia *militantis* hostes non  
unius generis *Hæretici* reperiuntur, qui *veri-  
tatem celestem*, genuinum Ecclesiæ veræ palla-  
dium, oppugnare, vel expugnare contendunt.  
Inter eos non postremam phalangem ducunt illi, qui vulgo *Soc-  
iniani* dicuntur. Cum enim alias omnes *hæretici* non per ja-  
nuam veram, sed aliorum in Ecclesiæ mysticum ovile penetrare,  
vel ovibus mysticis damnum dare moliantur, alii tamen alia  
vel astutiores, vel rapaciores, vel perniciores, esse di-  
cuntur.

A

DISP. I.  
Respondens  
M. CHRISTI-  
STIANUS  
Nöbrenses  
Facult. Phil.  
Adj. & A-  
lum. Electo-  
ralis.

euntur: & Socinianipalmam aliis hæreticis in Ecclesiæ, vel cœlestis veritatis, oppugnatione, præripere deprehenduntur, siquidem alii vel testæ, vel parietes, in ovili mystico perfodiunt, sed illi *fundamentum* ipsum effodere conantur, quemadmodum multis demonstrari posset, nisi publice satis notum id esset. Postquam igitur hætenus, cum DEO, Nobiliores quasdam *Controversias Papisticas & Calvinianas*, juxta DEI verbum expedivimus, ad *Socinianarum controversiarum Theologiam considerationem* nos in Domino convertimus, cui soli debetur omnis gloria, qui sua gratia laborem præsentem coronare, fructumq; multiplicem Theologicis his exercitiis propter Christū donare clementissime dignetur.

2. Nec in *Socinianis Controversiis* obeundis & expediendis aliam, quam hætenus consuetam, methodum adhibere placeat, qua juxta seriem Articulorum, in *Augustana Confessione* comprehensotum, cursum Exercitiorum dirigere volumus. Sed in antecessum unam, vel alteram *questionem generalem* præmittimus. Non autem alia magis necessaria, vel instituto nostro magis consentanea videtur, quam si quæatur, *Num. Sociniani sint veri Christiani?*

3. Hic circa *controversiam statum* prius aliqua delibare, quam rem ipsam aggrediamur, non inconueniens erit. Non autem quæritur (1) *de Competentia Christiani nominis ex Socinianorum voluntate, Annon Sociniani velint esse veri Christiani?* Nam quod Christiani nominis possessores esse velint, patet ex ipsorum *dictis, scriptis, factis, hypobrisibus*, & aliis documentis, unde titulos, de Christiano nomine gloriantes, libris suis præscribunt, quemadmodum patet ex *Catechris, institutionionibus* (nam & Socinus, & Olorodius *Institutiones Christiana Religionis*, quas vocant, publicarunt) & aliis *libris*. Sed nec religio, nec denominatio *Christianorum* res est humanæ voluntatis, cum potius sit beneficium divinæ veritatis,

4. Nec (2) *de Competentia nominis Christianorum ex Socinianorum facultate, Annon Sociniani Christianorum nomen sibi tribuere possint?* cum enim voces ex hominum arbitrio pendant, & ex instituto rebus convenient, ideo nihil impedit, quo minus hoc:

hocetiam nomen *Sociniani* sibi tribuere possint. Sed non videndum est, quid illi hac in causa facere possint, sed quid facere debeant, cum notum sit, quod à posse, vel ad esse, vel ad debere, non valeat consequentia, cum primis quia institutum hominum sæpius erroneum, & veritati minus consentaneum est.

§. Nec (3) de *Competentia nominis Christianorum ex generali vocis potestate*, Annon in generalissima significatione, quatenus *Christianorum* nomen in universum omnes Christi confesores à *Judæis*, *Turcis* & *paganis* distinguit, *Sociniani* convenire queat? notum enim est, quod nomen *Christianorum* sumatur tripliciter (1) *generaliter*, vel *ἐν γενικῶς*, quatenus *generaliter* à Christo deducitur, omnibus Christi confessoribus promiscue tribuitur, & omnibus Christum ignorantibus, vel negantibus, vel blasphemantibus opponitur, quia ratione nulla vel doctrinæ veritas, vel bonitas aut vitæ pietas, attenditur, & sic omnis hæreticorum numerus in unam cum veris Christianis massam conjicitur, & hæc ab *aisiis*, *paganis*, *Turcis* & *Judæis* distinguitur. (2) *Specialiter* & *δογματικῶς*, quatenus non tam *nominis communitatem*, quam *doctrina veritatem* attendimus, & simul cum nomine veram Christi confessionem requirimus, quo sensu *Christianus* & *hæreticus* opponuntur, & magis *doctrina veritas*, quam *vita pietas* respicitur. (3) *singulariter* & *ἀπλῶς*, quatenus *Christianus*, quia talis, adæquate, tam ratione *doctrina*, quam ratione *vite*, Christo subordinatur, & omni respectu *Christianus* dicitur, quia ratione *hypocritis*, vel *Christianis φαυλομένως* talibus, vel ut vulgo vocantur, den *Maus* Christi/ den *Scheln* Christi/ *Christianorum* nomen opponitur. *Urit*, scribit Venerand. Dn. D. Calov. in Socinism. proflig. sect. 1. membr. 2. q. 1. *nomen Christianorum παχυλῶς*, *generali* & *impropria vocis significatione*, non denegemus *Sociniani*, eo, quod agnoscant, *Jesus esse promissum illum Messiam*, & *doctrinam Christi unicè sectandam esse*, profitentur, quia parte discriminantur cum à *Judæis*, qui *Messiam venisse negant*, tum à *Turcis Mahometanis*, qui *Mahometis sui profitentur ac sectantur instituta*: unde illos infidelibus καὶ ἑτεροδόξοις, Christum vel ignorantibus, vel negantibus, bur,

bus, haud accensimus, neque quam tamen arrogans sibi titulum Christianorum κυριως ac specialis scriptura sensu.

6. (4) Nec de Competentia nominis Christianorum ex Socinianorum praxi, vel possessionis communitate, Annon ipso facto Sociniani Christianorum nomen sibi tribuant, illudq; sic actualiter possideant? Nam hoc etiam facile largimur. Sic enim Moscor. in refut. append. Contr. Smigl. p. 13. Sii, qui Christum non confitentur, Christiani non sunt, Ergo eos, qui Christum confitentur, Christianos esse, prorsus est necesse. Nos ore, scriptis, studiis, coram universo orbe Christum profiteri, testes sunt tot libri, quos in lucem de Jesu Christi persona, munere, atq; doctrina dedimus: imò se potius à Christo, quam ab alio denominari volunt, ut habet Smalz. contr. Franz. p. 11. Si Photinus verum sensit, Christianus fuit, & ideo nos una cum eo ad Christum appellamus. Quid est Photinus? quid alii? nisi servi Christi. Christus est Dominus noster, ab eo nominari gaudemus omnes: quinimo se cum suis solos esse veros Christianos Smalz. in refut. Nov. monstr. p. 10. non tantum asserere, sed etiam probare conatur inqviens. Omnis Spiritus, qui confiteatur, Jesum esse Christum, qui in carnem venit, ex DEO est. Nostra Ecclesia, E. E. QVE SOLÆ confitentur, Jesum esse Christum. Ergo. Verum aliud est facti, aliud juris: de facto sibi vel cum aliis, vel solis, Sociniani nomen hoc arrogant, sed de jure neutiquam id ipsum. stantibus erroneis suis dogmatibus, sibi tribuere vel possunt, vel debent:

7. (5) Hinc recte quæritur: An Sociniani sint veri Christiani? veritate scil. & nominis, & significationis, & professionis, seu confessionis. Hoc est, quod negamus. Negativam nostram confirmat Dn. D. Calvinus d. l. multis argumentis (1) à prima nominis impositione (2) à requisitis veri christiani. (3) à cultu alieni D. I. (4) à negata propria Christi essentia. (5) à negatione Incarnationis & satisfactionis Christi. (6) ab adomitione mera creatura. (7) ab asfinitate cum Turcis. (8) à cognatione cum Judæis. (9) à reprobatione prædecessorum ab antiqua Ecclesia, quales fuerunt Ebionita, Samosateniani, Ariani &c. (10) à consortio cum Semijudæis: quæ fundamenta prolixius ibidem exposita sunt. Stegman. in Photin. p. 7. Syllogismum hunc adversarius opponit: Omnis Christianus



stianus recte credit, & sincere confitetur Rom. X. 9. I. Pet. III. 15. At Phoriniani hoc non faciunt. Non recte credunt & confitentur. (1) de Deo, & tribus personis Deitatis, quas cum Valentino Gentili commentum mere humanum atq; idolum contumeliose appellant. (2) de Christo, dum cum Serveto personam aternam Filii Diabolicam ideā, & fabulosam Chimaram, vocare non erubescunt. (3) De Spiritu S. quam nudam virtutem DEI faciunt. (4) De homine in quatuor statibus, quod disputant, in statu innocentie nihilominus venturum fuisse Mosiam ad homines, tandem excitandos, utpote mortales creatos, quod statum corruptionis plane negant; quod restorationis modum a scriptura alienissimum sine verbo & Sacramentis effingunt; quod non idem numero corpus post mortem resurrecturum docent &c.

8. Verum, missis istis, nonnulla fundamenta, quibus passim Sociniani, se Christianos esse, contendunt, breviter examinabimus: Nos Christianos esse, sic probo, dicit Smalz. refut. nov. monitr. contra Smiglec. p. 10. Omnis Spiritus, qui confitetur Iesum (esse) Christum, qui in carne venit, ex DEO est. Nostræ Ecclesiæ, eaq; solo, confitentur, Iesum (esse) Christum, qui in carne venit: Ergo ex DEO sunt, & proinde veri Christiani. Major est D. Iohannis I. Ioh. IV. 2. Minor probatur: Nam nostræ Ecclesiæ neminem alium, præter & ante eum, qui in carne venit, hoc est, qui cum carne & infirmitate in mundo versatus est, pro Christo habent; & suum regem agnoscunt, & ob hoc ipsum pro idololatriis ab ipso Smiglecio non minus iniuste, quam audacter proclamantur. Spiritus verò Pontificiorum, qui alium præter & ante Iesum, qui in carne venit, Christum esse credit, Antichristi Spiritus est, teste eodem Iohanne I. Ioh. IV. 3.

9. R. (1) in textu Apostolico non legitur Iesum esse Christum, qui in carne venit, sed ita verba posita sunt: *παρὰ πνεύμα, ὁ ἐμολογεί, Ἰησοῦν Χριστὸν ἐκ σαρκὸς ἐληλυθότα* &c. Iesum Christum in carnem venisse: Socinianorum igitur additamentum suspectum est, cum *ὁ πνεύμα* foveat, quasi Iesus Christus esse non potuerit, aut quasi Christus alio modo factus sit, &c: sicut mysterium hoc iniquitatis passim Sociniani produnt: Socin. adv. Volan. p. 48. scribit; ipsi Apostoli adhuc viventibus, multos Antichristos extitisse, & multos falsos Prophetas atq; impostores in mundum produsse, qui negarent illum Iesum Christum ἐκ σαρκὸς ἐληλυθότα, sive ἐρχόμενον, id est, qui in carne venit (non autem IN CARNEM VENISSE, quod nec græca verba ullo modo patiuntur,

nec res ipsa ferre potest, cum de homine illo Iesu sit sermo, qui in carnem venire non potuit) & hunc esse eum spiritum, qui venturus erat, illius magni Antichristi. Quod etsi propter eos potissimum dictum esse putamus, qui hodie quoque si non verbis, at re ipsa Iesum pro Christo agnoscere recusant, eo quod non cum mundana maiestate & potentia, sed IN CARNE, hoc est, in humilitate & infirmitate venerit, non est tamen, quin in etiam omnibus aliqua ratione accommodari possit, qui hominem illum Iesum Nazarenum, humilem licet antea atque infirmum, & tunc filium illum DEI unigenitum fuisse a DEO mundo exhibitum, & nunc praevalentem Dominum accipere ab ipso DEO factum, & super omnia constitutum esse, non confitentur. Quæ certe nemo eorum revera ac prorsus confiteretur, qui præter hominem illum aliam naturam, sive substantiam excoGITANT, cui vere & proprie hæc omnia conveniant, quæ homini illi non nisi figuratè, ac nimis proprie convenire possent, arbitrantur. Item Schmalz. refut. l. 1. de Err. Arrian. p. 11. Iohannes tantum eos persequitur, qui negabant, Iesum esse Christum; At hoc nunquam de Ebione & Cerintho legitur. p. 12. falsa interpretatione scripturæ nititur, quod scilicet negaverint, Iesum Christum in carne venisse. Non enim spiritus is, quem Antichristi spiritum Iohannes esse asserit, negabat, Iesum Christum in carnem venisse, sed idcirco, quia in carne venisset Iesus, Christum eum esse negabat. Nec est in græco talis vox, quæ per IN CARNEM VENISSE converti possit, quasi scilicet vox ista prædicati locum habeat, sed vox ista ἐλθὼντα, quæ converti debet, Qui venit, & adjunctum est subiecti, nempe Iesu, prædicatum autem est, Christum, ita ut hic idem dicatur, quod ante c. 2. v. 22. de Antichristo dictum fuerat: Qui est mendax, nisi qui negat, quod Iesus est Christus, addito tantum ad subiectum eo, quod causa erat istius seductoribus, cur negarent, Iesum esse Christum, quia scilicet in carne venisset: hinc p. 13. Smalzius hanc phrasin clarius exponit: In carne venire est cum carne venire, ut etiam in aqua & sanguine venire est cum aqua & sanguine venire. Cum carne autem venire est circumdaturum afflictionibus venire. Hæc enim vocis carnis inter alias significatio est. Venire denique (in carne) est munus obire, & mundo sese patefacere absque mundana gloria. Sic enim vox veniendi alibi etiam de Christo accipitur, sive sola, sive cum vocibus, In mundum, ut tempus, non quo natus Christus, sed quo munus suum propheticum aggressus est, exprimitur: imò verbis antecedentibus d. l. Smalzius applicationem ad præsentem

sco-

scopum, quod Sociniani soli sint Christiani, propius respicit, inqviens: Hoc unum nunc attingo: Venire in carne, ait (Smiglecus) esse fieri carnem. Hoc quid absurdum? Nam cum, qui in carne venit, jam carnem esse, antequam in eam veniat, necesse est, cum venire sit actio: actiones autem sint suppositorum. Is verò, qui caros fit, caro antea esse nullo modo potuit. Illud etiam non omittendum putavi, quod nos Ebion & Cerinthus deteriores esse affirmat. Quia scilicet illi naturam Christi divinam non negarunt. Sed duplex est Smiglecii lapsus, ne quid dicam gravius. Primum enim non docet, Ebionem & Cerinthum divinam Christi naturam agnovisse, qualem agnoscit ipse cum suis. Nam si hoc credidissent, quomodo damnari a Iohanne potuissent? cum ex mente Smiglecii, credere divinam Christi essentiam, sit credere Iesum esse Christum? Firmum igitur manet, nos solos, alio DEI consilio, hodie confiteri, Iesum (esse) Christum, qui in carne venit, & proinde (quoad confessionem) SOLOS esse VEROS CHRISTIANOS. Omnes autem alios Christianos, qui non confitentur, Iesum esse Christum, qui in carne venit, sed alium ante & præter eum, licet propterea Christianorum nomine privari non possint, tamen id sectari, quod Spiritus Antichristi portio quædam est, vel reliquæ. Prolixum nimis foret, omnia hæc Sociniana & Conjuncta brevibus examinare, saltem igitur scopum præsentem respicimus, nim. falsum esse, quod h. l. nomen Christi sit prædicatum, cum eodem modo, & quidem sine articulo, vel alia quâdam emphasi Iohannes hæc duo Nomina, IESUM CHRISTUM, conjungat, & loco subjecti ponat, & toti subjecto prædicatum unum, & in hoc, & in sequenti commate tribuat, nim. in carnem venire: cum certum sit alias ex collatione locorum N. T. quod nomen Χριστός, quando prædicati loco ponitur, cum articulo, vel emphasi quâdam exprimitur Matt. XVI. 16. 20. XXVI. 63. XXVII. 17. 22. Marc. IX. 29. & c: cum primis huic loco maxime congruus videtur esse Joh. XX. 31. Hæc scripta sunt, ut credatis, ὅτι ὁ Ἰησοῦς ἰσὺς ὁ Χριστός, ὁ υἱὸς τοῦ Θεοῦ, & ut credetis habetis vitam in nomine ejus: & idem fit I. Joh. II. 12. Quis est mendax, nisi qui negat, ὅτι Ἰησοῦς Χριστός ἐστιν ὁ Χριστός; Hic est Antichristus. (2.) Hinc potius invertimus argumentum: Omnis Spiritus, qui non confitetur Iesum Christum in carnem venisse, non est Christianus: At Spiritus Socinianus non confitetur Iesum Christum in carnem venisse, imo juxta Socinum d. l. quia homo fuit, in carnem

nem venire non potuit. (3) *in carne venire, & cum carne venire*, vel etiam *cū infirmitate venire*, vel *in infirmitate obire* munus Sociniani *ισοδυναμίας* sunt, sed absq; fundamento, cum sicut ex verbis, & scriptura sacra manifestum, diversissima sint. (4) Falsum, quod *λόγος*, vel æternus DEI Filius, sit *alius ante*, vel *præter Iesum*, cum *λόγος ἐν σαρκὶ θεῷ*, vel *ἐν σαρκὶ Θεοῦ* sit ipse IESUS, I.Tim.III. 16. nam *ἐ λόγος σὺς ἐγενήτ* Ioh.I.14. (5) Diff. inter confessionem *verbalem* & *doctrinalem*: Sociniani IESUM Christum verbis confitentur, sed *hypotheticis* & *dogmaticis* erroneis multis modis IESUM Christum non confiteri, vel prorsus solvere deprehenduntur. (6) *Tertull.* lib. de præscript. adv. hæret. c. 33. hoc commentum Socinianorum refutat, inqviens: *In Epistola* (Johannes) *eos maxime Antichristos vocat, qui Christum negant in carnem venisse, & qui non putarent Iesum esse filium DEI.* Illud Marcion, hoc Hebion vindicavit.

10. (II) Quid, juxta Smalz. refut. nov. Monstr. contr. Smigle. p.5. etiamsi divinam Christi essentiam statim temporibus Apostolorum credidissent Christiani, tamen ideo fidem in Christum interius dici non potest. Non enim per se & natura sua error hic tollit fidem in Christum, quantumvis eam vehementer obscuret, & mirifice imricet: quibus ostendere vult Smalzins, quod Christianus sit, qui Christum DEum esse, vel ejus essentiam divinam negat. - R. (1) *Judei* quoq; Christum fuisse confitentur, & idem *Mahometani* faciunt, qui Christum magnum prophetam fuisse non negant, neq; tamen propterea *Christiani* sunt, aut *Christiano* nomine digni. (2) non tantum Apostolorum, sed etiam ipsius Christi temporibus, *Christum esse verum DEum, DEI Filium, unigenitum DEI Filium*, Christiani firmiter crediderunt, quemadmodum ex communi Apostolorum confessione *Matt. XVI. 16.* & ex ipsorum solenni testificatione *Ioh. XX. 31.* & plurimis aliis documentis, est manifestum: imò non tantum Novi Testamenti, sed in universum omnibus temporibus id creditum est, quia IESUS Christus idem est heri & hodie, idem & in secula *Heb. XIII. 8.* Conf. *Ioh. I. seqq. I. Ioh. I. seqq.* (3) *Fides in Christum sine vera Deitate non fides est, sed opinio*, vel *vana mentis humanæ persuasio*, cum fides solius DEI proprium sit, sicut in *Apostolico symbolo*  
cre-

## DE MATÆOLOGIA SOCINIANORUM.

credimus in *Deum Patrem, Filium & Spiritum S.* Maledictus enim est, qui fidem suam, vel fiduciam ponit in homine *ter. XVII. 5.* & certe, qui nudam in creaturam fidem suam dirigunt, idololatram non esse non possunt. (4) Si *fides in Christum, DEUM verum*, pereat, omnino certum est, quod tota fides Christianorum pereat, cum sine hac basi, videl. Deitate, fides Christiana consistere nequeat. (5) Falsum est, quod doctrina de vera *Christi Deitate vehementer obscureretur, aut mirifice intricaret* fidem Christianorum, cum potius hæc doctrina sit genuina fidei Christianæ basis, eamq; vehementer illustret, ac mirifice explicet, ita quidem, ut minime, pro errore haberi possit, cum in sacris literis hæc doctrina fundatissima vere dicatur.

II. (III) Si ii, qui *Christum non consentunt, Christiani non sunt*, Ergo eos, qui *Christum consteantur, Christianos esse prorsus est necesse*: Sic argumentatur Moscorov. in refut. append. Smiglec. p. 13. Nos ore, scriptis, studiis, coram universo orbe *Christum profiteri, testes sunt, tot libri, quos in lucem de Jesu Christi persona, munere atq; doctrina dedimus.* Quapropter ex vi rationis, à Smiglecio allata, nos *Christianos esse, prorsus est necesse.* R. (1) Diff. inter confessionem genuinam, & adulterinam, orthodoxam, & heterodoxam: non quævis confessio Christi facit Christianos, sed genuina, vel orthodoxa confessio. (2) diff. inter confessionem Christi totalem & partialem: totalis confessio doctrinæ de Christo requiritur in Christiano, non autem quælibet particula doctrinæ, vel ejus confessio statim Christianos facit. Ipse Diabolus non semel Christum in Evangelica historia confessus est, neq; tamen propterea *Christianus* vel factus, vel inde dicendus: fuit ejus confessio generalis, saltem verbalis, non fuit specialis & fiducialis, qualis in Christianis requiritur. (3) Qualis Socinianorum confessio, vel doctrina, talia quoq; sunt dicta, scripta studia &c:

12. (IV) Quia ex sententiæ propriæ professione, non ex adversarii sententiæ negatione, Christiani judicandi sunt, ut habet idem Moscorov. d. l. p. 4. Ex eo, scribit, quod sententiam adversarii nego, me non sentire cum adversario liquet; at quid ipse sentiam, nisi illud profitear, nondum apparet. Ex professione igitur

*Sententia mea, non ex negatione sententia adversarii, quod præcipuum & essentiale sit meum dogma, spectari debet.* R. (1) licet Sociniani profiteantur, se Christianos esse, tamen est aliud dici, aliud est esse, aliud est profiteri sine, aliud cum fundamento. (2) *Dist.* inter *assertionem formalem & materialem*: negatio partis unius veræ contradictionis, non est *formaliter* alterius assertio, *materialiter* tamen assertionem aliquam importat. Sic, qui negat, Christum essentialiter verum DEum esse, *materialiter* affirmat, essentialiter ipsum nudum esse hominem, nec præter humanam verè divinam essentiam habere. (3) *Sociniani* non tantum orthodoxam sententiam Christianorum de Christo *θεω λόγος* negant, sed insuper etiam sententiam, quod nudus sit homo, confirmant, & hac ratione ex Christo *non-Christum* faciunt, cum nudus homo *Christus*, vel *Messias* mundi totius neququam esse possit.

13. (V) *Quia non statim omni, qui docet absurda, Christiano nomine privandus est, juxta Smalz. de Verb. Incarn. natur. p. 8.* R. (1) *Christianus* non est *confessor absurdorum*, sed *mysteriorum*, divinit, revalorum: Christiano proinde nomine minime dignus esse videtur, qui vel absurda docere, vel confiteri velit. (2) *absurda* alia dicuntur *rationi*, alia sunt *fi. lei*, vel *divina revelationi*: mysteria quodque *rationi* nostræ videntur absurda, sicut passim *Sociniani* præcipua Christianæ religionis mysteria pro absurdis venditant, quæ talia non sunt, quorum confessores verè Christiani sunt & manent: sed quæ fidei, vel divinæ revelationis sunt absurda, neququam à Christianis approbanda sunt. (3) *dist.* inter *absurda in rebus questionis*, & *in rebus fidei*: si quis absurda docet, vel credit in minus necessariis, vel non *fundamentalibus*, is non statim *Christiano* nomine privandus est: at qui circa *cardinalia*, vel *principalia*, seu *fundamentalia* dogmata, quædam absurda docere, vel defendere velit, is certe pro Christiano haberi neque potest, neque debet.

14. (VI) *Quia Justinus, scriptor vetustissimus, ait Moscorov. d. l. p. 3. Christianos suo tempore fuisse testatur, qui eam, quam nos profitemur, de Domino Iesu, sunt professi sententiam* Sic enim ille: Non vanescit hæc [mi Trypho] propositio, hunc esse Christum DEI; si non valero demonstrare, fuisse illum jam ante filium Crea-

Creatoris rerum omnium; ac deinde natum ex Maria Virgine. Nam si non demonstro, eum jam ante fuisse, priusquam homo factus, carnem nostri similem sumeret ex Patris arbitrio, hætenus tantum errare me potes dicere; sed non est æquum, ut hunc Christum esse neges, si liqueat hominem ex hominibus natum ad hoc, ut per electionem Christus fieret. Etenim sunt quidam, non Amici, ex nostris hominibus, qui fatentur, eum Christum esse, sed hominem ex hominibus ajunt &c: *En vides Iustinum referre, fuisse ipsius tempore, qui divinam Christi essentiam non agnoscerent, qui pro Christianis ab omnibus haberentur; alioquin nunquam Iustinus eos pro suis hominibus agnovisset.* R. (1) jam superius observatum, quod Christianus latissima significatione opponatur *Judeis, Turcis, paganiis* &c: sed de propria significatione nobis hic sermonem esse: *Iustino* cum Tryphone *Judeo* negotium erat, ideo nomen hoc omnibus, Christum quocunque modo consentientibus, tribuebat. *Diff.* igitur inter *Christianum nomine* & *vera confessione, generali & speciali distinctione*: nomine sic generaliter à *Judeis* distinguebantur, non tamen propterea *speciali confessione veri Christiani* dicebantur. (2) *Iustinus* hanc sententiam manifestis verbis inter errores numerat, parum ergo *Luci Moscorovius* ex hoc *Iustini* loco sperare poterit. (3) *Iustinus* de hæreticis, non de *Christianis* orthodoxis loquitur, neque *Christianorum* nomen iis tribuit, uti censet *Moscorovius*, sed eos respectu *Judeorum*, Christum negantium & blasphemantium suos vocat, videl: ratione generalis, non autem ratione verè Christianæ professionis.

### QVÆSTIO SECUNDA.

*An Sociniani rectè vocentur Ebionitæ?*

1. Circa statum Controversiæ rectius percipiendum, unum, vel alterum, primo præmittere placet (1: quod jure cætus hæretici communiter ab orthodoxis discernantur: hoc enim juris est divini, quia preciosum à vili separandum *Ier. XV. 19.* est juris Ecclesiastici, quia tum quoad *historias biblicas*, tum quoad *Ecclesiasticas*, Ecclesia vera semper, quoad fieri potuit, talem separationem instituit: tum *juris communis*, quia volenti non fit injuria: cum enim semetipsos, suis novis ad inventionibus, & hæreticis opinionibus, separant, utiq; talis separatio non tantum utilis est, sed etiam necessaria.

2. (2) Quod jure cætus heterodoxi discretivis nominibus à veris Christianis distinguantur. Nam modus dicendi, vel denominandi, sequitur modum essendi: cum igitur heretici cætus reipsa sint distincti cætus, utiq; distinctis etiam nominibus eos notare fas est: nomina siquidē sunt rerum notiones, & hi per illas exprimuntur, cognoscuntur, & dignoscuntur, quod *Praxis Christi* docet, qui sectarios sui temporis, *Phariseos* & *Sadduceos*, distinctis nominibus appellavit: *praxis* itidem *Apostolorum*, qui *Pseudoapostolos* passim nominatim reprehenderunt, & *Nicolaus* etiam nomine discretivo rejecerunt *Apos. II. 6. 15*, nec aliud perpetua *praxis Ecclesie* requirere videtur.

3. (3) Quod jure cætus hæretici, vel à principalibus dogmatibus, vel etiam à præcipuis Doctoribus, denominentur, quod itidem consuetudo scripturæ, Ecclesie, & cujuslibet sectæ, vel Scholæ, confirmat. Nam *Sadducei* à *Zadoko* quodam denominati perhibentur: *Nicolaitæ* suam à *Nicolao*, cujus mentio fit *Act. VI.* appellationem acceperunt. Ecclesia statim à primis temporibus tales denominationes adhibuit, quemadmodum ex hæreticorum appellationibus apparet. Sic etiam *Socratici*, *Platonici*, *Aristotelici*, *Pythagoræi* &c: suorum præceptorum, & antecessorum nomina non inique tulerunt. *Cyrillus* inquit *B. Athanasius* orat. 5. contra *Arianos*. cum ita sentiant, non sese eorundem nominum successores, hæredesq; profitentur? Par est, ut quorum pravam opinionem receperunt, eorum quoq; vocabula & titulos accipiant. Hac ratione notat *Dn. D. Calov.* in *Socin. proleg. sect. I. m. r.* quod *Socinianorum* nomina præcipua sint etiam vel doctrinalia, petita à dogmatibus, sive quæ ab istis hominibus impugnata, sive quæ ab iisdem propugnata; alia personalia, ab Autoribus sectæ hujus desumpta: prioris generis sunt, quod vocantur (1) *Anti-Trinitarii*, (2) *Christomachi*, (3) *Anti-christi*, (4) *Pucumatomachi*, (5) *Catabaptistæ*: posterioris generis sunt, quod dicuntur (1) *Ebionitæ*, (2) *Cerinthiani*, (3) *Sabeliani*, (4) *Samosateniani*, (5) *Ariani*, (6) *Photiniani*, (7) *Abelardiani*, (8) *Serveriani*, (9) *Sociniani* &c:

4. (4) Quod *Christianorum* nomen nec hæreticis proprie loquendo conveniat, nec latissima significatione eos vel inter sese, vel à veris Christianis distingvat, licet omnes Christiani nuncupari



pari gestiant, quemadmodum *Euseb. lib. 4. Hist. Eccles. c. 11.* refert, quod *Marcionitæ Christiani* appellari voluerint, idem de *Donatistis August. Epist. 179.* contra *Donatist.* observat, inquires : *Christianos* vos esse dicitis, & *Christo* contradicitis. Et hoc etiam de *Socinianis* è præcedenti quæstione certum.

5. (5) Quod inter sese *hæretici*, vel *Sectarii*, nomina communia recipiant, vel admittant, etiam si non in omnibus erroneis dogmatibus consentiant; sufficit enim si vel in plerisque, vel in præcipuis, vel in uno aut altero principali dogmate consensus inter eos reperiatur. Nec enim in omnibus erroneis vel dogmatibus, vel hypotheseis, unius hæreseos Sæctatores conveniunt, ut vulgo notum; & ex collatione manifestum, quod sicut τὸ ἀληθὲς ἐστίν, ita τὸ ψεῦδος πλῆθος: multo minus de hæreticis diversum vel expectare, vel postulare possumus.

6. Ex his apparet, quod omnino jure *Sociniani* vocentur *Ebionitæ*, quod *Dn. D. Calov. in Socinism. proflig. d.l. q. 1.* pluribus confirmatum dedit (1) quia *Ebion* divinitatem Iesu naturam negavit, eumque naturæ ψαλόν αἰθέρος ponit, ut est apud *Ignat. ad Philad. Irenæum l. 4. adv. hæres. c. 59. l. 5. c. 11. Tertull. l. de carne Christi c. 14. Epiphani. l. 1. tom. 2. hæres. c. 51. Euseb. l. 3. Hist. Eccles. c. 27. &c.* (2) quia *Ebionitæ* quoque fundamentalem errorem foverunt de justificatione, contendendo, præceptorum legis obedientiam ad justificationem & salutem necessariam esse, cum *Pseudo-apostolis*, in quibus error is refutatus est *Act. XV. Vid. Euseb. l. 3. Hist. Eccles. c. 27.* (3) quia *Joachim. Stegmannus, Socinianus*, in perfidia suæ patrociniū admittere non veretur, ut alia pridem damnata nomina, *Basiliianos, Carpocratianos, Gnosticos, Valentinos &c.* sic etiam *Cerinthianos & Ebionitas* in proba contr. *Rosacci. c. 10. p. 415.* (4) quia non habent adversarii quicquam, quo se ab hac nomine clatura vindicent. Mura vid. d.l.

7. Sed contrarium *Sociniani* tenent, unde *Faustus Socinus* in lib. *svast* hoc ipso titulo notavit. Et in præfat. p. 2. idem repetit; p. 3. rationes nonnullas colligere conatur, quod nimirum *Sociniani* falso atque immerito vocentur *Ebionitæ* (1) Quia *Ebionitæ* maxima & potissima ex parte Christum ex concubitu & conjunctione Iosephi cum Maria uxore sua natum dixerunt. R. (1) hæc nec potissima, nec *Catholica hæresis* erat *Ebionitarum*: nam secundum *Eusebium*

non omnes Ebionitæ hunc errorem foverunt, sed quidam eorum Christum è Maria Virgine solum natum docuerunt. Sic enim scribit l. 3. H. E. c. 21. de Ebionæorum hæresi: Isti ex primo illius scilicet autore nomen ducentes, Ebionæi proprie appellati sunt: h. e. meritis & intelligentia inopes, quippe qui de Christo, & ejus doctrina, tenuiter & alijectè statuerint, opinarenturq;. Eum namq; SIMPLICEM, VULGAREM & SOLUM HOMINEM censuerunt (hic nota principalem errorem) & ex concubitu, conjunctioneq; Iosephi viri cum Maria uxore sua in hanc lucem editum: verum propter progressionem, quam in virtute fecisset, hominem justum censuerunt, at SOLUM HOMINEM tamen. Porro legis Mosæicæ observatione omnino: ipsi opus esse: perinde ac si fide sola in Christum, & vitæ ratione, quæ cum illa cohæret, neutiquam salvi esse possent. Præter istos ALII etiam erant, eadem appellatione donati, qui quæquam ab inepta & stulta horum, quos commemoravimus, opinione deflecterunt, atq; adeo ex VIRGINE & SPIRITU SANCTO Dominum prægnatum non denegarunt, non dissimili tamen ratione, dum ipsum Christum nec DEUM, qui ante secula exiit, nec Verbum & Sapientiam Patrum, consistere volebant, in eandem cum superioribus impietatem prolapsi sunt: sicigitur apparet, quod cardinalis & universalis hæresis Ebionæorum extiterit, Christum non fuisse DEUM, aut DEI Filium, sed nudum hominem, in quo Sociniani vere sunt Ebionæi. (2) Ebionæi quoq; consequenter inde negarunt unionem personalem inter divinam & humanam naturam, ut testatur Irenæus l. 5. c. 11. quod non receperint Ebionæi unionem DEI & hominis per fidem, quæ pariter est hæresis Socinianorum. (3) Ipse Socin. adv. Volau. p. 257. hoc fateri cogitur, quod non omnes Ebionæi hunc errorem foverint, neq; tamen quicquam solidi contra illud proferre valer.

8. (II) Quia nullus Ebionæorum fuit, qui Christianis hominibus Mosæicam legem servandam non censeret. R. (1) ut th. præced. ex Ensebio notatum, inferunt Ebionæi non tantum legem, quoad observationis necessitatem, sed etiam quoad justificationem & salutem, perinde ac si fide sola in Christum, & vitæ ratione, quæ cum illa cohæret, neutiquam salvi esse possent: sed idem etiam est Socinianorum error, ut ex multis ipsorum testimoniis probari posset. (2) Ebionæi nihil aliud de salute sua sibi promittere, nec à Christo, quem nudum hominem statuebant, justificationem expectare poterant, unde Pharisaicam illam

& hy-

& hypocriticam justificandi rationem retinere necessum habuerunt: idem etiam de Socinianis dicendum, qui cum Christum nudum saltem hominem doceant, nec fiducialiter in eum credere, nec ex fide in Christum, ut nudum hominem, saltem æternam sperare poterunt, unde fidem ipsam opus fingunt, & ex legis operibus salutis spem concipiunt.


9. (III) Quia Paulum Apostolum, ejusq; doctrinam & Epistolas omnes spreverunt ac rejecerunt. R. (1) Verum est, quod Ebionitæ Paulum, ejusq; doctrinam, & scripta, rejecerint, sicut idem Eusebius l.d. restatur: quia nim. Paulus verus Christi, DE I & hominis, veræq; justificationis, per fidem in Christum, constantissimus assertor, fidei Christianæ contra Judæos invictissimus defensor, & Christiani nominis genuinus possessor erat: ipsi vero Ebionitæ, quoad præcipua dogmata judaizabant; quod itidem de Socinianis verum. Vid. Du. D. Calov. in Socinism. prolog. sect. i. m. 2. q. 1. th. 3. 9. (2) Licet Socinianos Ebionitas vocemus, tamen eos non in omnibus cum Ebionæis consentire, simpliciter affirmamus, cum primis si de quibusvis hypothesebus illud intelligatur: sufficit nobis, quod vel quoad ipsam doctrinam, vel quoad doctrinæ fundamentum, vel quoad præcipua, seu cardinalia dogmata, sit inter Ebionæos & Socinianos consensus, non tamen necessum est, ut in omnibus hypothesebus consentiant, cum certum sit, quod nec ipsi Sociniani, qui nunc ultimis hinc temporibus exorti sunt, in omnibus hypothesebus concordent, communem tamen doctrinam, & nomen Socinianorum commune, recipiunt. (3) Licet Sociniani Paulum, ejusq; scripta non rejiciant verbum, tamen sensum illorum rejiciunt, & ita non omnino veterum Ebionæorum praxin fugiunt.

10. (IV) Quia Ebionitæ eo solum Evangelio sunt usi, quod dicebatur secundum Hebræos, reliqua vero omnia parvi fecerint. R. (1) Idem de veteribus illis hæreticis Eusebius d. l. restatur, adeoq; & hoc facile conceditur: sed itidem hypothesis est, non doctrinæ basis, vel thesis (2) Sociniani corruptum rationis judicium majoris æstimant, quam universam scripturam, quæ certe majora damna parit, quam illud secundum Hebræos Evangelium, adeoq; nec in hoc multum prærogativa reperitur, cum hæreticorum similitudo judicetur ex dogmatum, non ex fontium, vel hypotheseum identitate.

11. Præter hæc argumenta Socinus alibi quædam alia fundamenta negata denominationis hujus urget, nimirum *contr. Hæc. p. 14.* (V) producit hoc stabilimentum, quod illud potissimum animadvertendum sit, in hæc & similibus, & Wueckii & aliorum adversariorum objectionibus subsiste eam fallaciam, quæ appellatur à secundum quid ad simpliciter: quia enim aliqua in re nostra de DEO & Christo fides, seu affirmando, seu negando convenit, cum quorundam fide, qui aliquam detestabiles & habentur, & sunt, propterea simpliciter affirmant, nostri fidem cum illorum fide convenire &c: R. (1) ex Socinianorum sententia Ebionæi non errantur, nec detestabiles fuerunt, ut Smalz. de Error. Nov. Arian. p. 3 scribit: Illi, qui Ebion & Cerinthum damnaverunt, certe erraverunt, si scilicet a scriptura, & verbum Dei scriptum, norma sunt: & idem Socin. adv. Volan. p. 255. magis Cerinthi, quam Ebionis sententiam à sua diversa esse fatetur. (2) assumimus hoc, quod secundum quid eos consentire concedat, quod certe de fundamentalibus dogmatibus est dicendum, prout ex præcedentibus constat: ad communem enim denominationem, & aliquam ab orthodoxis distinctionem, talis cum veteribus hæreticis consensus sufficere dicitur.

12. (VI) Si omnino liceret propter convenientiam fidei alicujus cum fide alterius, qui præcesserit in re aliqua, ab hoc illum denominare, nullus fuit tam turpis hæreticus, à quo quilibet ex adversariis nostris denominari jure non posset, quippe quod ejus fides cum illius fide aliqua in re conveniat. R. (1) non convenientia, sed discrepantia discretivas parit appellationes: hanc igitur in errantibus attendere solemus, & debemus. (2) de P. p. istis illud Socino facile largimur, quod cum multis hæreticis communia doceant. (3) dist. inter consensum extra scripturam, & secundum scripturam: non hic, sed ille parit novas, vel cum hæreticis veterioribus communes denominationes. (4) Dist. inter consensum in dogmatibus, & hypothesebus, non tam hic, quam ille respiciendus.

13. (VII) Denique urgent, quod Ebionæi dicti sunt non ab homine, sed a paupertate, seu sterilitate doctrinæ de Christo. Vid. Ostorod. instit. præfat. p. 10. R. (1) jam Eusebius d. l. hanc allusionem annotavit, non tantum respectu sectatorum & discipulorum, sed etiam ratione præceptoris & inventoris, nimirum Ebionæorum & Ebionis. (2) Ebionem certam personam fuisse, clare satis ex historia patet. (3) Unius positio non est alterius negatio. Sic enim non absque omine dictus est Ebion, qui sic abjecte, vel tenuiter de Christo, vel ejus doctrina sensit. Vid. Dn. D. Calov. d. l.



## QVÆSTIONES ANTI - SOCINIANÆ

PRÆLIMINARES.

EX PRÆFATIONE CONFESSIONIS  
AUGUSTANÆ.

DE

## SCRIPTURA SACRA.

QVÆSTIO PRIMA.

*An Scripturæ Sacræ certitudo sit infallibilis ?*

1.

Cum Augustana Confessio, tanquam Symbolum Ecclesiarum Orthodoxarum publicum, Scripturam Sacram in omnibus articulis, seu doctrinæ salutaris principium respiciat, & in ipsa præfatione, tanquam fundamentum, eandem præsupponat; sicut ex §. Cum igitur: liquido satis apparet, ubi disertis verbis Illustrissimi Confessores testantur, quod in veræ religionis causa suam & suorum Concinatorum Confessionem offerant, cujusmodi doctrinam EX SCRIPTURIS SANCTIS & PURO VERBO DEI hæcenus illi in terris, ducatibus, ditionibus & urbibus Protestantium tradiderint, ac in Ecclesiis tractaverint: ideo non sine causa nunc exordium Dogmaticarum Controversiarum Socinianarum à Scriptura Sacra facimus, cum inter orthodoxos & adversarios hosce multa, de quibus controversi soleat, reperiantur.

2. Ut autem propius ad quæstionem h. l. præscriptam accedamus, prius ea, quæ non veniunt in controversiam, hic remove placet. Non igitur quæritur (1) *An Sociniani Scripturam sacram penitus inficiantur?* nam licet magis scepticæ, quàm Theologicæ, de Scriptura Sacra, vel ejus autoritate, verba faciant, quemadmodum præter alia non obscure videre licet ex integro Scripto Fausti Socini, de Scripturæ sacre autoritate, & parum tribuant libris imprimis Testamenti Veteris, quia juxta Sualz. in refut. monstr. p. 79. parum curandum est, quid dicat de cultu DEI Prophetæ Veteris Testamenti; eò tamen audaciæ nondum progressi sunt, ut omnem Scripturæ Sacræ vel existentiam, vel eminentiam, negare voluerint.

C

s. (2)

DISP. II. R.  
M. GEOR-  
GIUS FRI-  
DERICUS  
MAGNUS,  
Posoniõ-  
Hungarus.

3. (2) Nec quæritur de eo, *num Sociiniani patefactionem aliquam divinam asserant?* nam in scriptis suis omnino nonnunquam, sed rarius *divine patefactionis* mentionem faciunt, etiam si prolixè de *autoribus & autoritate Scripturæ sacræ*, vel, ut dicitur, ex professo tractationem instituire suscipiant, prout iterum ex integro libello de *Autoritate Scripturæ sacræ* patet. Sic enim p. 64. scribit: *Cum religio nequāquam res naturalis sit, sed, si vera est, patefactio sit quædam divina, non modo verisimile est, sed potius fieri non potest, ut religio illa, quam Deus velit æternam esse, atq; omnibus gentibus communem, ipsum certissimo ac singulari iussu & opera, passim in orbe terrarum conjungat, generis hominibus prædicata non fuerit.* Sic etiam Socin. adv. Paleol. p. 530. fatetur, quod *scripta Apostolica dictante Spiritu Sancto edita fuerint.* Verum, uti dictum, rarius *divinæ revelationis* mentionem faciunt, incidenter etiam saltem eam introducunt, & aliis hypothesibus parum certitudinis, & autoritatis Scripturis relinquunt, unde *Sociinus lib. de autor. script. c. 1.* ubi prolixè de *autoribus Scripturæ sacræ*, eorumq; fide, disserit p. 6. & seqq. ne semel quidem *Spiritum Sanctum*, ejusq; *patefactionem* introducit.

4. (3) Nec disquiritur de eo, *annon aliquam certitudinem, vel auctoritatem Saciniani libris sacræ scripturæ tribuant?* Nam hoc facile largimur, cum eo respiciat totus iste libellus: sed ista vel certitudo, vel *autoritas*, potius est *humana*, quam *divina*, quod ex libri totius evolutione patescit, cum primis ex causis illis, quas p. 6. recenset, & postea prolixè diducit: *Quatuor sunt, inquit, ut videtur, cause, cur jure dubitari possit de auctoritate libri cuiuspiam.* Prima est, *si scriptor parum sit fide dignus, aut non ejusmodi, de cuius fide & scientia dubitari nequeat.* Altera est, *si revera scriptor ignoretur.* Tertia, *si constet, aut justa suspicio sit, librum depravatum fuisse, aut aliquo modo immutatum.* Quarta verò & postrema, *si non rejicienda testimonia adsint, quod libro isti nequāquam sit adhibenda fides.* Si igitur demonstratum fuerit, nullam ex prædictis quatuor causis locum habere in eo libro, qui *Novum Testamentum* appellatur, jam monstratum utiq; etiam fuerit, injuria de ejus auctoritate dubitari. Sic p. 13. libros *Novi Testamenti* saltem majorem alio quovis libro *autoritatem* tribuit: Dico igitur, quod attinet ad *repugnantias, aut diversitates, quæ in Novi Testamenti scriptis inveniuntur,*

untur, nullam esse, quæ aut non videatur quidem vera, sed tamen non sit, aut, non in re sit parvi, sed potius nullius momenti. Quæ videri tantum possunt, nec tamen sunt revera, ea sunt, quæ ad doctrinam spectant: in quæ non modo nulla vera in scriptis illis repugnantia aut diversitas invenitur, sed tanta est concordia & convenientia, ut vel hoc satis esse deberet ad conciliandum libro illi AUCTORITATEM MAIOREM, quam quivis alius liber habeat, ubi doctrina aliqua traditur. Vix enim, aut ne vix quidem, scriptis unius tantum hominis, licet brevibus & paucis, tanta unquam doctrinæ ubiq; concordia & convenientia reperitur, quantæ in eo libro, qui ex tot diversis multorum scriptis constat.

5. (4) Sed quaeritur de certitudine divina, eaquæ ratione objecti, non equidem (a) de certitudine divini ortus, annon sic ortum divinum libri Canonici habeant, ut verbum merum DEI, nullum autem errorem, aut verum dissensum contineant? Nam Scriptura sacra non verbum hominum, sed verbum DEI simpliciter continet. Falsum igitur est, quod affert Socin. lib. de autor. script. p. 14. fieri potuisse, ut alius alio talium rerum veritatem melius tenuerit, fortasse aliquantum, aut etiam multum diverse alius ab alio scripserit.

6. (b) Nequæ de certitudine Authentici textus, quem alias Soci-niani pariter dubium reddunt, dum corruptelas concedunt, eumquæ non authenticum faciunt, ut quando Socin. d. l. p. 26. scribit: Quod si depravatio sit aliquot locorum singularium, ex quibus nec doctrina, nec historia mutetur, quid nam hoc momenti habet? Autor. disp. contr. Iudeos respons. ad quaest. 21. p. 111. scribit; multa vestigia corruptionis, vel depravationis Scriptorum culpa admissæ, in N. T. extare: & resp. ad quaest. 24. p. 115. dicit: Cum Verus Testamentum tot vulnera, sive per injuriam, sive per inscitiam librariorum acceperit, mirum non fore, si idem etiam scriptoribus Evangelii acciderit. Et Socin. in lect. sacr. p. 55. ad illorum sententiam accedit, qui volunt LXX. Interpretum Editionem Græcam anteponi ipsi Ebraicæ, docentquæ omni tempore aliquid corruptionis a Iudeis male feriatis in suam ipsorum Editionem inducunt fuisse, præsertim post Christi tempora, adeoque si hodie aliquid inveniat in Hebraico Textu V. T. ab eo diversum, quod citatur in N. T. ubi habita est ratio LXX. Interpretum, statuendum esse, veram lectionem potius eam esse, quæ apud Scriptores N. T. legitur, quam quæ hodie in Ebraicis Codicibus extat. Et

p. 97. in eam sententiam inclinat, quod *syriacus Textus* N. T. alicubi sincerior sit, quam *textus Græcus*.

7. (c) Neq; de certitudine sensus verbalis, qua ratione scriptura dicitur certum sensum, alienum ab omni prorsus ambiguitate, quoad intentionem auctoris, & verborum conditionem, gignere: contrarium itidem hic Sociniani fingunt, ut est apud Schmalz. *contr. Franz.* p. 31. Nihil dubitandum est, Christum ita locutum fuisse studio, ut & hoc & illo modo verba ipsius intelligi possint, ut homines improbi, verba non considerantes, haberent, quod speciose caperent: hic enim Christi mos fuit, homines impios suis sermonibus quasi intricare.

8. (d) Neq; de certitudine sensus realis, cum debita relatione ad ipsa mysteria, quæ propterea credere debemus, quia vel semel, vel iterum, manifestis verbis in verbo DEI revelata fuerunt, secus atq; docent Sociniani apud Socin. *de Natura Christi* p. 17. Si aliqua in divinis monumentis loca reperiretur, ubi discrete scriptum extaret, DEUM hominem factum fuisse, aut humanam carnem induisse, vel assumis- se, quod tamen nunquam in eis traditum reperies, non statim ita, ut sonant, verba accipienda essent, cum id maiestati divinæ prorsus repugnet, sed ea ratione exponi deberent, ut per figuras, a loquendi usu non penitus abhorrentes, & aptior sententia nobis constaret, & ipsa natura funditus non everteretur, quod certe tunc semper fiet, cum divina oracula ita interpretabimur, ut inde aliquid consequatur, quod plane impossibile esse, & DEUM & natura docuerit. Schmalz. *hom. II* X. in cap. I. Job: Credimus etiam si non semel atq; iterum, sed satis crebro & apertissime Spiritum extaret, DEUM esse hominem factum, multo satius esse, quia hæc res sit absurda, & sanæ rationi plane contraria, & in DEUM blasphemica, MO DUM aliquem DICENDI COMMINISCI, quo ista de DEO dici possunt, quam ista simpliciter, ut verba sonant, intelligere.

9. (e) Neque de certitudine usus, sive verbalis, sive doctrinalis, sive spiritualis, respectu cuius Sociniani pariter ab orthodoxia recedunt, cum usum vocum incertum fingant, ut est apud Socin. *de baptis.* p. 24. doctrinam pariter incertam reddant, ut ex th. præc. liquet; & spiritum spiritalem etiam absque illuminatione, vel operatione Spiritus sancti statuunt, soli rationi relinquant, & sic prorsus incertum efficiant apud *Ostor. in Instit.* p. 3. Hæc & alia licet inter Nos & So-



*einianos* non parum controversa sint, hic tamen illa directè non attendimus.

10. (f) Sed agitur de certitudine Status, An Scriptura Sacra quoad statum proprium sit infallibiliter certa, vel an ejus certitudo sit infallibilis, sive illa consideretur ratione DEI, quia sic immediatam à DEO certitudinem, eamque prorsus infallibilem possidet: sive ratione sui, sic divina prorsus inspiratione, divini sensus informatione, & divina autoritate gaudet, ac propter infallibilem certitudinem in se dicitur principium primum, *αὐτόπριον, ἀναπόδεικτον* & *ἀναυάρητον*; sive ratione nostri, quia nobis etiam infallibiliter certum DEI verbum, cui certo credere, nosque totos cum omni cognitione, fide & salute, tuto committere queamus. Hic nos Affirmativam probamus, Socinianis autem negativa sententia placet.

11. Pro nostra sententia plurima fundamenta produci possent, nunc lectorem benevolum ad Venerandi Dn. D. Calovii Socinism. Prolog. remittimus, qui sect. 2. membr. 1. pro nostra parte X. rationes adducit, (1) è natura Principii (2) è certitudine conclusionum Theologicarum (3) è certitudine conscientie in omnibus. (4) è natura fidei. (5) è certitudine gratiæ & salutis. (6) è consequenti absurditate metri Pyrrhonismi. (7) à sine scripturæ (8) è causa infidelitatis (9) è scripturæ sacræ Efficientia & virtute (10) è documentis infallibilitatis Scripturæ sacræ. Quæ rationes pluribus expositæ d. l. legantur.

12. Quod attinet fundamenta sententiæ contrariæ, magis *στοχαστικῶς, ἀπολεπτικῶς & σκεπτικῶς* illa, quam *διδασκικῶς* in citato libello de Autor. script. proponuntur, sicut cuilibet ex evolutione patebit, nos illa potissimum adsumemus, quæ directe nostræ sententiæ cap. 5. p. 73. opponere videtur, quia colophonis instar illa lectoribus commendare voluit. Visum est nobis, inquit, autem quam huic nostræ scriptiōi finem imponamus, necesse habere eos, qui, ut insilem adiungant, quæ scripta sunt in veteri novoq. Testamento, ejusmodi argumenta & rationes possulant, quibus nemo sese opponere, aut repugnare queat, quæq; unicuique ejus rei certam & indubitatam fidem faciant. Hic indubitatam & infallibilem scripturæ certitudinem, ejusque probationem immotam, adeoque sic orthodoxam sententiam impugnat, probabilitatem solam infert, sicut c. 4. p. 78. concludit his ver-



bis : Per ea, quæ hæc omnia diffutata sunt, arbitramur, satis demonstrationem fuisse, MAIOREM FIDEM adhibendam esse libris Veteris & Novi Testamenti, siue quod historiam, siue quod ad doctrinam attinet, quam plerique alii libris solcat, cumque, qui illi fidem non adjungat, nulla probabiliter ratione inde deterri. Dist. tamen inter Christianos, & non Christianos, illi scripturam ut certam, hi prius ut incertam, illi tanquam verbum divinum, hi tanquam verbum historicum, illi tanquam principium, hi tanquam principiatum &c. recipiunt : in illis fides gignitur, in his opinio primum, post fides requiritur : illi tanquam διδασκαλία, hi tanquam παιδαγωγία primum scripturam admittunt, tenentur. Dist. inter argumenta primaria & secundaria : danrue equeidem fundamenta certitudinis scripturæ secundaria, quæ probabilia, sed propterea non neganda, vel omittenda primaria, quæ prorsus infallibilia.

13. Probat verò suam sententiam (1) à natura veræ religionis in genere, quia tales indubitata certitudinis, ejusque demonstrationis assertores ostendunt, se religionis naturam parum attente considerare, quæ ea est, ut quemadmodum multi loquuntur, fidei meritum requirat, sitque hominum probitatis, tanquam lapis quidam lydius, præsertim verò ejus religionis, quæ Novo Testamento continetur, de qua una ob causam, quæ sæpius dicta est, satis est nos loqui. Argumentum esset tale : Qvicumque certitudinem indubitatam, vel ejus fidem certam asserunt, illi religionis veræ naturam non considerant : ratio consequ. quia religio vera meritum fidei requirit, & hominum probitatis est, tanquam lapis quidam lydius : Lutherani hoc faciunt, Ergo : R. (1) quid per fidei meritum intelligat Socinus, luculenter nec indicat, nec explicat : quid multi loquuntur, Socinianis alias non placet. Nobis Lutheranis nullum est fidei meritum, si Papistæ fidei meritum intendit, illud ἀρετῶν, αἰτιῶν, & fidei Christianæ non αἰτία, λόγον. (2) Si per fidei meritum fides ipsa notetur, & per studium probitatis, ejus consequens, sicut fides est viva Jacob. II. 20. & ἐνεργυμένη Gal. V. 5. in bonis operibus, verissimum est, quod vera religio fidem & studium probitatis requirat, sed inde medium religionis certum & indubitatum non excluditur, verum includitur, imò præsupponitur : sicut enim vera fides, & vera pietas suam & habet, & habere debet certitudinem, cum vaga fides sit

fit nulla fides, vaga pietas fit vana pietas, ita certitudo pariter in utriusque principio requiritur: nihil enim certitudinis, vel auctoritatis, five dignitatis, vel perfectionis aliud, in effectu reperitur, quod non antea fuerit in causa: hinc argumentum illud potius invertitur. Si fides vera, certa fides, pietas vera, certa pietas, sequitur etiam, quod scriptura sacra sit certa, vel indubitata, & nitatur etiam rationibus indubitatis. At verum prius: E. (3) Dist. tamen inter certitudinem objectivam, respectu ipsius scripturæ, & subjectivam, respectu voluntatis humane: Scripturæ religionis, vel fidei & pietatis est lapis lydius, sed non omnes hoc lapide convenienter utuntur, nec omnes ad fidem & pietatem verè convertuntur: Illud proprietatis est, hoc accidentis, illud effectus, hoc eventus.

14. (11). A natura religionis Novi Testamenti in specie: Si Novi Testamenti scripturæ ejusmodi essent, ut nemo ulla ratione negare posset, ea esse veridica, neminem etiam fore, qui non modo religionem non profiteretur in eis comprehensam, id est, se esse Christianum: verum etiam talis re ipsa non esset, hoc est Iesu Christo non obediret: Jam autem non omnes Testam. Christum profitentur, nec omnes sunt veri Christiani, vel Christo re ipsa obediunt. Ergo. R. (1) à posse ad debere non valet consequentia, non enim sequitur, si propter argumenta certissima scriptura negari non debet, quod inde negari non possit, aut si negari potest, quod inde quoque negari debeat. (2) Nemo nostrum dicit, quod scriptura vel Novi, vel Vet. Testamenti cum suis fundamentis ita sit comparata, ut nemo vel ulla ratione negare eam possit: nihil enim tam certum, & tam apertum est, quod non possit vel in totum, vel in tantum negari. Nam ipse DEUS, qui notissimus omnibus vel ex natura, sicut adversarii saniores inficiari non audent, à multis negatur, & ab aliis negari potest, ejus tamen & existentia & notitia satis certa, satisq; certis nititur documentis. (3) Causa vera semper agit, sed nisi impediatur: sic etiā scriptura cum immota sua certitudine semper in hominibus pareret indubitatum effectum, nisi homo resisteret, & efficaciæ scripturæ contra DEI voluntatem, & scripturæ spiritualem virtutem impedimenta poneret. Hinc à certitudine scripturæ non licet ad certitudinem fidei, vel obedientiæ spiritualis, in nobis hominibus argumentari: à veritate causæ non licet

licet inferre semper effectus veritatis, nim. *ἐκπελάσσει*, licet *ἐκπελάσσει* respectu, cautia suas edat semper operationes.

15. Hoc autem argumentum *Socius* porro confirmare nititur à *Novi Testamenti* præmio, quæ ratione urget (a) *Præmii Christianorum magnitudinem*. Nam præmium, inquit, in libris *N. T.* propositum iis, qui Christo obedierint, adeo magnum est, adeoque desiderabile, ut nemo sit, quæ ejus consequendi gratia, majora etiam iis non faceret, quæ Iesus Christus præcepit (si modo majora fieri possunt) ubi compertum haberet, se præmii istud adepturum, ut certe haberet, si verissimum esse crederet ea omnia, quæ in *Novo Testamento* sunt scripta. Argumentum foret tale: Si Christianæ fidei & obedientiæ maximum & desiderabile præmium propositum est, sequitur, quod omnes & profiteantur, & sint Christiani, si certissima sint argumenta, tale præmium notificantia. Sed verum prius. Ergo. R. (1) Confundit certitudinem scripturæ eum certitudine fidei, vel obedientiæ nostræ: de illa quæstio loquitur, de hac argumentum intelligitur. Dist. igitur inter certitudinem objectivam, & subjectivam. Hinc negatur consequentia, quæ hoc modo corrigenda venit: si Christianæ fidei & obedientiæ maximum præmium propositum est, sequitur, quod ex se comparatum sit ita præmium istud, ut omnes ad fidem & obedientiam excitare possit, & quantum in se est, sua virtute excitat. Hinc (2) dist. inter excitationem causalem & eventalem: excitare per verbum causaliter, sed eventualis excitatio, respectu subjectorum, non sequitur. (3) Dist. inter jus, vel debitum, & factum: de jure, vel ex debito, propter præmii magnitudinem omnes credere debent, sed de facto propterea non omnes statim actu credunt.

16. (b) *Præmii Christianorum certitudinem*, vel ipsum bonorum & malorum discrimen. Ita pergit, nullum inter malos & bonos discrimen existeret, nec ulla causa bene ac male agendi, eoque nec virtutis remunerandæ, & vitii puniendi. Quandoquidem ex eo, quod præmium, cum ab initio proponitur, incertum est, sit ut mali à nobis internoscantur. Qui enim bonus, id est, probus est, & cogitatione ac voluntate ad satisfacienda propensus, quæ justa & honesta sunt, atque ejusmodi, qualia IESUS Christus præcepit, aut saltem ab eis animo non est alienus, facile credit, quæ audit de ingente præmio iis proposita, qui ista fecerunt, quamvis id aper-

aperte non videat, modo de eo spes aliqua appareat, & ita credens, omnibus viribus aggreditur, ut ista faciat. Qui verò malus est atq; improbus, nec quidquam justum honestumq; rebus delectatur, eorumq; similibus, quæ à Iesu Christo præcepta fuerunt, aut certe ista parum curat, cum audit verba fieri de præmio in proposito, quæ ea fecerint, quò minus illud esse audit, eo minus credit. Quod si tamen propter magnas, quæ ejus sunt, conjecturas, aliquam ejus habet opinionem, ea infirma est adeo, ut efficere nequeat, ut in malos suos mores deserat, minusq; cum illis delectationem, aut honorem, aut utilitatem, quam inde vel sperat, vel jam experitur. R. (1) contrarium potius inde colligitur, quia præmium incertum nullum certum post se trahit studium, nec ullum certum exercitium: sed quæ certo promissa sunt præmia, licet cum difficultate conjuncta sint, tamen ad quælibet opera difficilia sectatores cupidos excitare consueverunt. (2) Discrimen inter bonos & malos Christianos potissimum a fide sumitur; quæ cum sit *ἡ ἀληθὴς πίστις, πιστοῦς, πιστῶς* summam certè requirit certitudinem in verbo, cum ex auditu verbi proficiatur Rom. X. 17. Et hæc fides bonos excitat etiam ad obedientiæ studium, sed opinio, vel nuda persuasio, seu conjectura, vel ejus generis alia, nec fidem, nec obedientiam excitare possunt, id quod ipse Socinus fateri cogitur. [3] Præmium, quod Christi fidelibus promittitur, est prorsus supra rationem, adeoque nec cognosci, nec appeti, nec obtineri possit, nisi verbum certum in hominibus fidem operaretur: hæc autem fides certa una cum certa præmii cognitione, vel expectatio, verbi divini certitudinem prærequirit.

17. (III) A natura sapientiæ divini, quia sapientissime DEUS voluit, ut præmium immortalitatis, id est, rei cunctis desideratissimæ, à se omnibus propositum, quicumq; Iesu Christo obedierint, humano generi, paucis quibusdam exceptis, qui nimirum fidem facere alius possent eorum, quæ ipsi viderant, certum indubitatumq; nulla ratione appareret, & ideo nequaquam fecit, ut Novi Testamenti scripta, in quibus ejus præmii apertissima sit mentio, quæq; de eo constantè affirmant, ejusmodi essent, ut nullo modo quisquam sese eis opponere posset. R. (1) Sapientiæ divini potius consentaneum est, ut quæ sunt divina, certa, non incerta sint, cum Deum & res divinas omnis incertitudo fugiat. (2) Deus noster Patet est, & nos in Christo, seu filios, diligit. parentes autem ex

D

amore

amore liberos, non incertis, sed certis præmiis ad obedientiam excitare consueverunt. (3) *Premium immortalitatis* piis promissum, in Christo fundatum, adeoque verè dicitur certum & indubitatum, cum omnes in ipso promissiones sint Amen II. Cor. I. 20. quod multo magis de nobis. *scilicet* præmio dicendum erit. (4) Licet increduli, vel contumaces se scripturis clarissimis atque certissimis opponere possint, & actualiter opponant, tamen hoc fit non ex verbi DEI natura, sed potius ex cordis humani vel ignorantia, vel malitia, vel contumacia.

18. (IV.) *Natura divinæ voluntatis*, quia DEUS satis esse voluit, si & hæc scripta, & alia, quæ sunt, ejus præmiis argumenta, ejusmodi forent, quibus jure & possit, & debeat fides adhiberi, talia denum, ut ei, qui probus est, aut ita comparatus, ut probus facile evadere queat: ei verò, qui improbus est, & præ malitia sua probus fieri nequit, non sint satis: ut hac ratione illorum probitate detecta, horumque malitia, justissimam causam habeat, hos quidem puniendi, illos verò præmio afficiendi: tum quia ita convenire videtur: tum multo magis, ut hoc pacto in illis summam suam misericordiam, in his verò justam severitatem exerceat, ut utrisque autem admirabilem suam potentiam, supremamque universitatis rerum, quod habet, dominatum atque imperium infinita, immortalique sua cum gloria patefaciat. (1) R. Hæc omnia dicuntur, non probantur: Ea proinde facilitate, quæ producuntur, etiam rejiciuntur. (2) Dist. inter voluntatem divinam juxta divinam revelationem, & secundum humanam speculationem consideratam: hæc, quæ cum Calvinianis communia fiunt de voluntati divinæ decretis Sociniani, modo dimittimus, nec hic refellere debemus, cum alius sint loci. (3) Verbum DEI unum & idem bonis & malis proponitur, sicut idem semen in viam, in petram, inter spinas & in terram bonam spargitur Luc. XIX. 3. seqq. falsum igitur, quod verbum DEI sit ita comparatum, ut probis satis esse, malis non satis esse possit.

### QVÆSTIO SECUNDA.

Utrum Scriptores sacri memoria labi potuerint, & actu quod in libro sacro consignandis aliquando lapsi sint?

1. In Quæstionis hujus statu formando notandum est, quod mini-

minime de scriptoribus sacris sermo sit (1) ratione generalis conditionis, quatenus homines fuerunt: quod enim homines labi possint, & actu quoque sapius errent, illud ex humanæ naturæ corruptione liquido satis apparet, cum ex sacris literis notum sit, quod omnis homo mendax Rom. III. 4. (2) neque ratione conditionis specialis, quatenus fuerunt Ecclesiastici Doctores: nam Doctores etiam lapsibus humanis obnoxii sunt, & non ullum inter homines genus invenitur, cui magis insidias Diabolus struat, cum in ministris DEI seducendis lapidem omnem moveat, quemadmodum exempla biblica & Ecclesiastica attestantur. (3) neque simpliciter ratione singularis conditionis, quatenus Doctores θεόπνευστοι fuerunt. Notum enim est, quod Doctores θεόπνευστοι dupliciter considerari possint, 1. materialiter, quatenus, aliquando θεόπνευστοι fuerunt, & iterum tales esse potuerunt, cum Spiritus S. pro libertate sua certa quædā observavit tempora, & θεοπνοῦς admiserit intervalla, quemadmodum ex Haronibus, Nathanis, Elisei, Jeremiæ, & aliorum Prophetarum exemplis est manifestum, qui non semper divinum ad revelationes motum præsentem, sibi quoque perpetuum possederunt, sed certis temporum intervallis eundem expectarunt & acceperunt, quo pertinent phrasæ, verbum Domini factum est ad hunc, vel illum, Spiritus Domini venit vel irruit, super hunc, vel illum. Et ex Nathanis II. Sam. VII. 3. & Petri Gal. II. 2. exemplis apertum est, quod viri θεόπνευστοι, materialiter considerati, suis etiam opinionibus, vel conjecturis indulerint: vel formaliter, quatenus actu θεόπνευστοι fuerunt, & ex impulsu Spiritus Sancti revelationes suas protulerunt.

2. Hinc etiam porro non est quæstio de scripturis, vel epistolis virorum θεόπνευστοι humanis, siquidem varios alios libros edere, vel etiam epistolas in causis illicitis scribere potuerunt, sicut literas Uria David scripsit ad Iobum, & Salomon varios libros consignavit de rebus naturalibus: sed de scripturis vere, mereque divinis, quæ ex singulari providentia divina, propter cœlestis veritatis revelationem, ad Canonem fidei, vitæque referri debuerunt.

3. Nos quæstionis negativæ juxta rei veritatem defendimus, quam Venerandus Dn. J. Calvinus in Socinism. profig. de Script. Sac. contr. 2. prolixè demonstrat (1) ab autore scripturæ principali. (2) à θεόπνευστῶν scripturæ. (3) à directione Spiritus S. (4) a revelationis divinæ

infallibilitate. (5) a scriptura sacra sine. (6) a periculo suspensionis de veritate totius scripturae. (7) ab absurdo, quod tota scriptura non sit DEI verbum. (8) ab incertitudine scripturae sacrae universae. (9) a defectu exempli. (10) a Confessione Volckelij lib. 6. de Vera relig. c. 9. p. 691. quod tum singulorum fidelium, tum totius Ecclesiae iudicium ad certam aliquam regulam ac normam conformari oporteat, si modo errare nolit: quodq; haec norma omnium confessione, DEI verbum sit, & quod DEI verbum absq; erroris suspicionem non aliunde, nisi ex S.L. de quarum veritate universus Christianus orbis consentiat, peti possit: hinc probat Volckelius illud Augustini: Non oportet in tam sublimi auctoritate iudicare, etiamsi quid inibi non lucet, quoniam submitimus ei nostrum intellectum, certumq; habemus etiam, quod clausum est aspectibus nostris, recte verumq; dictum esse.

3. Sed hoc non obstante Socinus cum aliis affirmativam quaestioni tueri conatur lib. de auctorit. script. p. 14. fieri potuisse, ut alius alio salutarum veritatum melius tenuerit, forte se aliquantum, aut etiam multum diverse alius ab alio scripserit p. 71 fieri potuisse, ut ipsi hac in parte nonnunquam leviter errassent. In lect. Sacr. p. 79. de loco Matt. XXVII. 9. non esse falsitatem appellandam, ubi non modo lapsus tantum memoriae esse potest, sed etiam is lapsus nihil remittat, & nihil falsi, quod attinet rem ipsam, de qua quæritur, omnino inducit. In primis autem in toto libello isto de auctor. script. tales rationes adducit, quæ lapsus & errores scriptoribus & scriptis sacris conciliare videntur. Quantum equidem potest, emollire conatur absurdam sententiam suam, nunquam autem eam sufficienter probare poterit. Occasionem autem huius erroris desumit à repugnantiis apparentibus: Sic enim pag. 13. scribit: Dico igitur, quod attinet ad repugnantiam, aut diversitates, quæ in Novi Testamenti scriptis inveniuntur, nullus esse, quæ aut non videatur quidem vera, sed tamen non fit, aut non in vestigio, sed potius nullius momenti. Quod concernit apparentes contradictiones, de iis pergit: Quæ videri tantum possunt, nec tamen sunt vera, ea sunt, quæ ad doctrinam spectant: in quæ non modo nulla vera in scriptis illis repugnantia, aut diversitas invenitur, sed tanta est concordia & convenientia, ut vel hoc satis esse deberet ad conciliandam illam libro auctoritatem majorem, quam quivis alius liber habeat, ubi doctrina aliqua tradatur. Vix enim, ac ne vix quidem scriptis unius tantum hominis, licet brevibus & paucis, tanta unquam doctrinae concordia & convenientia reperi-



reperietur, *quanta in eo libro, qui ex tot diversis multorum scriptis constat.* R. (1) quod omnes contradictiones, vel repugnantiae, quae sacris literis tribuuntur, tantum apparentes, non verae sint, jam dudum est demonstratum. (2) Apparentes contradictiones non respectu verbi, sed respectu nostritales dicuntur: nobis tales apparent, sed in verbotales non sunt. (3) Falsum etiam, quod in re parvi, vel etiam nullius momenti sint contradictiones, cum divina veritas in re nulla contradictiones admittat: veritas in omnibus sibi constet, siue magni, siue parvi sint momenti. (4) Si libri scripturae sacrae naturae saltem eandem habent auctoritatem cum aliis scriptis humanis, licet gradu major sit auctoritas, quam quivis alius liber habeat; tamen humana tantum est auctoritas, & sic nec scripta, nec scriptores sacrarum literarum immunitatem ab erroribus habebunt: jam illud toridem verbis asserit Socinus: & sic immunitatem sacrarum literarum ab erroribus vehementer infringit, vel ad minimum dubiam & suspectam reddit.

4. (II) *Quia repugnantiae, aut diversitates, seu verae, seu quae videntur tantum possunt, quae in rebus sunt parvi momenti, ea sunt, quae pertinent ad historiam.* R. (1) repugnantiae in historiis etiam tantum apparentes sunt, aequae sicut in doctrinalibus, nec ulla vera contrarietas in sacris historiis occurrit. (2) Dist. inter diversitates, & repugnantias vel contrarietates: illae reperiuntur in sacris historiis, haec minimè: jam autem haec, non illae falsitatem arguunt. Hinc (3) dist. inter diversa sine pugna & cum pugna: non haec, sed illa veritas admittit, siue divina sit, siue humana: unde historiam unam, vel alteram diversis circumstantiis notare, non est, vel ipsam historiam, vel ab alio notatas circumstantias negare, sed potius aliis circumstantiis rem eandem illustrare. (4) Non opus est, ut hic singatur respectu divinae veritatis aliqua doctrinae prerogativa praehistoriis sacris, cum historiae sacrae quoque simplicem & infallibilem veritatem requirant; siquidem una tantum DEI veritas, quae non potest sibi non constare: siue proinde circumstantiae parvi, vel magni, sint momenti, DEUS in illis nec fallitur, nec falli potest, nec alios fallere cupit.

5. (III) *Ex auctoritate Chrysostomi: Quia hac in re nihil aliud est*

opus, nisi ea videre, quæ scripsit Iohannes, qui Chrysostomus est ductus, in pro-  
 mio commentariorum suorum in Evangelium Marthei. Ubi si recte me-  
 mini, plene huic quorundam objectioni respondet, contra auctoritatem no-  
 minatim quatuor Evangelistarum, & fidem eorum narrationibus ad iungen-  
 dam. Summa est, eos nihil prorsus inter se dissentire in iis historia partibus,  
 quæ alicuius sint momenti. R. (1) duo cum dicunt idem, non est idem,  
 juxta vulgatum: aliud quando Pater orthodoxus aliquid ex ortho-  
 doxa mente profert, aliud quando Doctor heterodoxus ex hæretica  
 mente quædam profert. (2) Si quis integrum B. Chrysostomi lo-  
 cum inspexerit, potius pro consensu, quam dissensu Evangelistarum  
 (de his enim ipsi sermo) ipsum disputare deprehendere poterit.  
 (3) Chrysostomus loquitur de diversitate, non de contrarietate, itemque  
 de differentia circumstantiarum, non de repugnantia, vel rerum,  
 vel circumstantiarum. Cum quatuor sint, Hom. 1. p. 12. inquit,  
 qui Evangelia conscribant, nec eisdem temporibus, nec in eisdem locis, neque  
 pariter congregati, & inter se conferentes, & tamen quasi uno ore omnia  
 pronuntiant, sit hoc sine dubio veritatis querendæ indicium. Verum est con-  
 trario, inquis, ista res accidit: in multis enim disfidere redarguuntur.  
 Imò hoc ipsum maximum est testimonium veritatis. Si enim ad unguem in  
 omnibus consonarent, etiam usque ad tempora, ac loca, ipsaque adeo verba, ne-  
 mo inimicus credidisset unquam, eos non communi ad decipiendum consilio  
 congregatos, quasi ex humana quadam conspiratione Evangelium condidisse.  
 Non enim simplicitatis fuisse tam sollicitam consonantiam iudicarent.  
 Nunc verò, quæ VIDETUR in rebus exiguis Dissonantia, ab omni illos sus-  
 picione defendit, & satis clare scribentium existimationem ruetur. Si  
 verò aliquid de temporibus, ac locis varie dixerunt, nihil quidem dictorum  
 obest veritati &c. Et p. 13. certe aliud est, diverso modo quid dicere, aliud  
 adverso. Ex quibus apertum, quod B. Chrysostomus de diversis, non  
 adversis, de varietate, non contrarietate, de dissonantia, non de repu-  
 gnantia circumstantiarum loquatur, quemadmodum clarè satis id-  
 ipsum indicat: nihil proinde Socinus patrociniū, pro commento suo;  
 in verbis Chrysostomi reperire poterit. (4) Notum est, quod ad  
 eas leges neque profani historici sint alligati, ut simpliciter eadem  
 verba, circumstantiis, vel alii respectibus simpliciter identificati, historias

referant, cum pro *diversitate scopi, methodi, subjecti* &c: *variare* soleant, multo minus ea de *scriptoribus & historiis* biblicis *libertas* neganda venit.

6. (IV) *Quia quod in rebus minimis inter se differant, hoc non solum illis minuire, sed etiam augere debet auctoritatem & fidem* Hinc enim apparet, eos non scripsisse quippiam, ab ipsis communi consensu confictum, *requi vera diversos scriptores fuisse, qui rei gestæ veritate compulsi idem re ipsa aperte scripserunt.* R. (1) Scriptura suam auctoritatem & fidem hic nec à *convenientia*, nec à *differentia*, sed potius à *inconvensitate* habere dicitur: rectius igitur Socinus fecisset, si in hoc de *auctoritate Scripturæ* tractatu semper ad *inconvensitatem* respexisset. (2) à *diversitate circumstantiarum* non licet ad *differentiam*, multo minus ad *contrarietatem rerum* collectionem instituere: juxta *Chrysostomum*, ut notavimus, in *circumstantiis* datur *diversitas*, sed de *rebus* ipsis Socinus *diversitatem*, vel etiam *contrarietatem* asserit. (3) Sic etiam minime licet à *diversitate circumstantiarum* ad errores, vel etiam *memoriæ lapsus* argumentari, cum aliæ plures, eaq; graves subesse possint causæ, propter quas Historicus in annotandis circumstantiis variet, & alias atq; alias circumstantias prudenter adducat, quas non statim quilibet lector observare potest. Tales autem errores, & *memoriæ lapsus* Scripturæ sacræ Socinus imputare conatur.

7. (V) *Quia tantum in quibusdam paucis rebus, & quæ nullius sunt ponderis, differunt.* R. (1) à *differentia* rursus ad *repugnantiam* argumentari N. V. C. (2) *pauci errores etiam veri errores, & leves errores etiam sunt veri errores:* de D E O verò, D E Iq; verbo nec paucos, nec leves errores concedere possumus, cum certum sit, quod Deus omnis erroris & contradictionis, vel etiam veræ disensionis expers sit, cum ipsissima veritas sit, quæ sibi semper constet.

8. (VI) *Quia fieri potuit, ut alius alio talium rerum veritatem melius tenuerit, fortasse aliquantum, aut etiam multum diverse alius ab alio scripserit.* R. (1) à *posse* ad *esse* non valet *consequentia*: multa fieri possunt, quæ tamen non fiunt. (2) Falsum est, quod hoc fieri potuerit, cum certum sit, quod scriptores non ex se, sed ex

DEO

DEO, non ex proprio conceptu, sed ex divina revelationis ac inspirationis motu scripserint, quia *πᾶσα γὰρ ἡ θεοπνευστος* II. Tim. III. 16. nec ex propria, sed ex divina voluntate scripserunt II. Pet. I. 21. (3) inter notitiam acquisitam & infusam: quoad illam, alius alio veritatem rerum melius tenere potest, sed quoad hanc quilibet ita res tener, quemadmodum divina revelatio dictatur. (4) Diff. inter scriptum ex humana scientia consignatum, & ex divina *θεοπνευστικῶς* traditum: libri biblici non ex humana scientia, qua veritatem unus alio melius, vel plenius tenere potest, sed ex divina *θεοπνευστικῶς* traditi sunt. (5) ab aliorum scriptione ad oppositorum, vel etiam errorum scriptiorem argumentari non licet.

9. (VII) Quia, hoc posito, Christianam religionem esse veram, nullo modo est verisimile, quemquam ex varietate quapian, aut etiam repugnantia, quæ in rebus admodum levibus reperiatur in scriptoribus, qui adeo antiquitus, adeoque communi consensu a Christianis sunt approbati, causam atrepturum, de fide, aut scientia illorum dubitandi in iis rebus, ubi inter se conveniunt, & in eo, quod reipsa quilibet eorum narrat, nisi aliunde ipsi constet, eos in his rebus interdum id scripsisse, quod nunime sit verum, &c. (1) licet ponatur, Christianam religionem esse veram, tamen non statim inde sequitur, quod sacri scriptores infallibiliter DEI verbum, ab omnibus erroribus vacuum, scripserint, cum non omne verum sit infallibile, sed etiam detur verum probabile, nec licet ab obiecto, quale Christiana religio dicitur, simpliciter ad medium, quod DEI verbum est, argumentari. (2) Notum est, quod alii quoque libri de rebus Christianam religionem concernentibus inveniantur, cum antiquissima scripta Patrum extent, neque tamen ab eorum consensu ad infallibilitatem & errorum immunitatem argumentari licet: idem ergo valebit de libris biblicis, qua ratione parem, vel non prorsus inæqualem autoritatem cum scriptura consentientes libri Patrum obtinere poterunt, quod falsissimum. (3) Diff. inter scriptores, quatenus *αὐθιγέπνευστοι*, vel *διαβολέπνευστοι*, & quatenus *θεοπνευστοι*: priori modo verè sunt erroribus obnoxii, posteriori minime: licet igitur in aliis *θεοπνευστοι* scriptores erraverint, & verum, vel bonum minime scripserint, sicut David in literis Uriæ consignandis fecit, tamen hoc nihil præiudicii scripturis *θεοπνευστικῶς* asserre potest, quæ sunt & manent immunes ab omni errore.

## QVÆSTIONES ANTISOCINIANÆ

EX ARTICULO PRIMO

AUGUSTANÆ CONFESSIONIS

DE

## DEO TRINUNO.

QVÆSTIO PRIMA.

*An de DEO disserere difficillimi sit operis?*

DISP. III:  
R. M. JO-  
HANNES  
HEINRI-  
CUS Prie-  
ster / Creils-  
heimensis  
Francus.

I.

**B.** *Franz. disp. 1. in Aug. Confess. q. 1. p. 1. monuit, quod secundum Gregorium Nazianzenum in orat. ad Eunomianum, de DEO disserere, difficillimi sit operis; imò frustranei pariter, & periculosi laboris. Causam ejus rei geminam adduxit (1) quia scriptura de DEO pro captu nostro cogatur uti vocabulū ex humanarum & mortalium rerum cursu & conditione petitiū; alioquin divinisissima non caperemus, sicut apparet in nomine יהוה quod Hebraei, habent ineffabile, non tantum quoad pronunciationem, sed etiam, & multo maxime, quoad vim significationis, quod DEUS & essentia Dei, isto nomine indigitata, sit ἀνεξέκλευτος & ἀνέκφρατος & ἀκατάλητος hominibus, teste Galatino. (2) Quod divinarum rerum vocabulis istis humanis ut cunq; adumbratarum, notionem homines ex humanarum affectionum, actionum & circumstantiarum similitudine, per omnia se invicem necesse habent: At secundum August. c. 6. de cognit. vera vita, DEUS nullis verbis nostris, quæ à rebus humanis mutuo sumuntur, proprie exprimi, imò nulla tali cogitatione potest comprehendī. Essentia enim, persona, generatio, infinitas, immensitasq; presentia, potentia, scientia, bonitas, vita, in DEO, infinitis cælis diversa, & aliena est ab illo, quod in homine vocatur essentia, persona, generatio, potentia, scientia, bonitas, presentia, vita &c: Unde plurimi decipiuntur, qui essentiam, præsentiam ejusdem in locis omnibus, omniscientiam,*

E

ciam,

tiam, tres personas in essentia divina, generationem Filii ex essentia Patris, processionē Spiritus Sancti, ex essentia, presentia, potentia, scientia humanæ modulis, & ex personis hominum æstima-  
 mant. Probe igitur ante omnia inculcandum esse statuimus de consilio *Elia, Cretensis Episcopi*, ut in meditationibus Theologicis de DEO notas rerum inferarum, quæ animis nostris impressæ sunt, prius & penitus aboleamus, & ut demum sensus nostros sobriè sub sacræ scripturæ *τὸ πρῶτον* captivemus, adeoq; eo visu videre assuecamus, quo qui vident, non homines sunt, sed ultra homines, ut *August. ait. l. 1. de Trin. c. 6.* Nisi hoc fecerimus, tum unguentis fragrantibus cænum commiscebimus, omnemq; adeo fragrantiam tollemus, ut loquitur *Nazianz. & Elias*, h. e. necessariò omnem contemplationem DEI, juxta purum modum scripturæ absolvendam, à prius impressis, seseq; subinde commiscentibus rerum humanarum notis perturbabimus.

2. Non placent illa *Smalzio, Socinianis* hypothesebus adverso, propterea *refut. thes. Fr. p. 2.* hanc orthodoxæ antiquitatis & aliorum Theologorum sententiam aggreditur. Prius autem, quam ipsius *Smalzii* futilia, quæ producit argumenta, paucis expendimus, nonnulla circa *statum controversiæ* præmittimus. Non autem quæritur (1) *De re ipsa*, vel *an de Deo disserere simpliciter, vel difficile, vel impossibile sit?* nam supposita plana, plenaq; scientia, nihil certe clarius, nihil pulchrius, nihil beatus, quam de DEO, lumine prorsus infinito, verba facere. Nec ipsa notitia de DEO quatenus in, vel per se, nim. objective, consideratur, quicquam obscuritatis, vel difficultatis, vel periculositatis, vel impossibilitatis complectitur. Ipsa notitia de DEO pulcherrimum lumen est, imò perfectissimum & purissimum lumen.

3. (2) Nec quæritur *respectu DEI, num de DEO disserere difficillimi sit operis ipsi DEO?* Non enim apud DEū ullum verbum est impossibile *Luc. 1. 37.* & hac ratione nihil quicquam DEO vel est, vel esse potest difficile, sed DEO, respectu DEI, competit notitia comprehensiva *Matt. XI. 27. Nemo novit Filium, nisi Pater: neq; Patrem quia novit, nisi Filius, & I. Cor. II. 10 Spiritus Sanctus omnia scrutatur, etiam profunditates DEI & v. 11. quia DEI sunt, ne-*  
 mo co-

*mo cognovit, nisi Spiritus DEI:* sicut autem DEUS omnium perfectissime semetipsum novit, ita pariter omnium sapientissime de rebus divinis dislerit, & nihil ejus ipsi difficile, quæ admodum ex sacris literis apertum.

4. (3) Nec quæritur respectu *Angelorum, num illis difficile sit de DEO duserere?* Nam angeli nunc vivunt in beatifica DEI visione, quia semper vident faciem Patris cœlestis *Matt. XXIX. 10.* & in æternum nihil aliud faciunt, quam DEum laudant, & nomen ejus celebrant, ac opera DEI magnificant, ac proinde non illis erit adeo difficile de DEO disserere.

5. (4) Neq; *simpliciter de homine* hic est sermo: nam quod attineret hominem, ratione *status integritatis* spectatum, illi certe difficile non fuit, de DEO rebusq; divinis disserere, cum perfectam animi sapientiam non tantum in aliis, sed etiam de rebus divinis, sibi concreatam possederit; & si mansisset in hoc statu homo, perfectam ejusmodi conditionem, tum ratione cognitionis internæ, tum ratione dissertationis externæ, quoad DEum, & alias res divinas, imaginis divinæ virtute retinisset: ratione *status glorificationis* homini quoq; nulla tribuenda difficultas, de rebus divinis verba faciendi, cum in omnibus omnia DEUS ipse futurus sit *I. Cor. XV. 28.*

6. (5) Sed potissima quæstio *de statu presenti*, quem nunc post lapsum homo vivit in hoc mundo, quæ ratione tamē iterum non uno modo consideratur, si directe controversiæ status annotatur. Velenim consideratur (a) *ratione mere corruptionis*, sic homini non tam *difficile*, quam *impossibile*, de DEO, rebusq; divinis vere, vel recte disserere, vel etiam plane DEum cognoscere, id quod veteres etiam Philosophi gentiles cognoverunt. *Plato* dixit: *DEum invenire baud facile est, intellexisse autem impossibile.* Et in *Timæo* scribit: *Autorem & parentem hujus universitatis invenire operosum est, & inventum fieri non potest, ut in vulgus commodè verbis efferas.* Et in *Parmenide*: *DEum neq; nominari, neq; dici, neq; cogitatione comprehendendi, neq; cognosci, neq; ab ullo Ente sentiri potest:* unde cum *Simonides*, ab *Hierone* Rege rogatus, quid DEus esset, spacium deliberationis aliquoties multiplicasset, demum

respondit: *Quanto magis cogito, tanto minus intelligo, quid sit illud, quod vocamus DEum.*

7. (b) Vel ratione *mera revelationis divina*, quia ratione simpliciter in revelatione divina homo fidelis acquiescit, & doctrinam, cœlitus de DEO patefactam, simpliciter credit, nec ulterius in revalorum habitudinem inquirat, quia ratione non ipsi difficile, nec impossibile, DEum in verbo cognoscere, & de DEO ex verbo differere, cum homo fidelis Spiritus Sancti ductum in his omnibus sequatur, qui fideles in omnem veritatem ducit *Job XVI. 13*. Utinam verò semper homo fidelis Spiritus Sancti ductum sequeretur, nullam ejusmodi difficultatem, vel periculositatem, vel impossibilitatem, metuere necessum haberet.

8. (c) Vel ratione *mixti status*, quatenus videlicet cognoscit DEI verbum, & ex eodem doctrinam de DEO, sed non raro propter connatas tenebras intellectus, & ad errores proclivitatem, ductum corruptæ rationis sequitur, & posthabito Spiritus Sancti ductu, missoque divinæ revelationis debito scrutinio, speculationibus suis indulget, quia ratione certe periculosum nimis est, sub tantæ naturæ corruptæ tenebris, & variis imaginationibus ac speculationibus rationis, veritatis studium sectari, difficile rectam viam semper observare, & impossibile vere manet, in omnibus solam veritatis viam ambulare, cum primis quoad tremendum mysterium Deitatis, quod certe mysterium mysteriorum est, abyssus profundissimæ & maxime abstrusæ cognitionis. Et de hoc *status hominis* potissimum nunc quæstio movetur, quo respectu dicendum omnino, quod *difficillimi sit operis, DEum vere cognoscere, recteque de DEO differere.*

9. Smalz. d. l. contrariam sententiam tueri conatur (I): *Quia tantum hoc intelligatur de essentia DEI fides: Francius monet, scribit: quod de DEO differere, difficillimi sit operis. Si de DEI id essentia, qualem sibi confinxerunt otiosi homines, intelligas, verum est: & non tantum difficile, verum etiam impossibile est, recte de ea differere* ꝛ. (1) *Mysterium DEI Trinunus*, vel univini falsò dicitur figmentum otiosorum hominum, cum sit divinæ revelationis mysterium *Matt. XXII. 19. Job. V. 7.* (2) *diff. inter diffi-*  
culia



*calentem ex parte objecti, & ex parte subiecti: ex antea dictis, & ex Franzii verbis, satis apertum, quod magis respectus habeatur ad difficultatem ex parte subiecti, quam ex parte objecti, cum obscuri corruptionem, ob terminorum similitudinem, & ob alia facili negotio homo ad vanas, & DEO non convenientes cogitationes dilabatur, vel ad minimum digrediatur, etiam in manifestis revelationibus. (3) dist. inter objectum, vid. DEum, ratione sua conditionis, & ratione divina revelationis; licet impossibile sit DEum cognoscere, vel de DEO disserere, ratione sua conditionis, quæ dicitur eminentissima, tamen ratione divina revelationis, illud non est impossibile, sed ex parte subiecti potissimum difficultas oritur.*

10. (II) *Quia est facillimum, de DEO disserere: Sicenim Smalzium pergit: Sed si de DEO, quatenus is se nobis patefecit, accipias, quomodo id difficillimi operis esse potest? simantur illa (scilicet ficta) & hac trahuntur sedulo ex sacris literis, & erunt omnia facilia. R. (1) adsumimus hoc, quod de DEO differendum sit, quatenus is se patefecit; jam autem se nobis patefecit, quod sit unus, quoad essentialiam, & tamen verè trinus. Matr. XXII. 19. 1. Job. V. 7. (2) præsupponit falsam hypothesein, quasi nobis etiam citra Spiritus Sancti specialem illuminationem omnia mysteria facilia sint intellectu & creditu, quæ tamen hypothesis alibi refutata legitur. Vid. Dn. D. Calov. de Script. S. in Socin. prosl. m. 2. q. 1. (3) dist. inter doctrinam per scripturas revelationem, & inter ejus ex scripturis translationem: illa sibi satis constat, & divinæ dicitur infallibilitatis hac autem si non semper, tamen ex parte nostri plerumq; magna cum difficultate conjuncta.*

11. (III) *Quia de DEO disserere, facillimi est operis, at de Trinitate, difficillimi. Nam nec DEus est Trinitas, qualem hodie vulgus Christianorum somniat, nec talis Trinitas DEus. R. (1) quod de DEO uno disserere, non adeo facilis sit operis, etiam Philosophi gentiles agnoverunt, prout 1b. 6. notavimus: si Patres lubentius audire vellet Smal. Hilarius inquit: Certe hoc est DEus, qui cum dicitur, non potest dici: cum affirmatur, non potest affirmari: cum definitur, ipse sua definitione crescit. (2) multo magis id dicendum est de Trinitate August. lib. 1. de Trin. De hac re summa & excel-*

*lentissima, cum modestia & timore agendum est, & attentissimis ac devotis auribus audiendum, ubi quæritur unitas Trinitatis, Patris, Filii & Spiritus Sancti, quia nec periculosius alicubi erratur, nec laboriosius quæritur, nec fructuosius invenitur.* (3) nullam aliam novimus ex sacris literis, quam personarum Trinitatem, & talis omnino fidelibus in verbo DEI revelatur; nam Patrem, Filium & Spiritum S. unum esse, disertis verbis dicitur *I. Job. V. 7.* dum autem unum sunt, eandem essentiam habent, & verum DEum, eumque saltem unum inferunt: Patrem autem esse personam concessum, idem etiam a Socinianis de Filio conceditur: & Spiritum Sanctum esse veram personam, scriptura passim ostendit, & alibi hoc probatum.

12. (IV) *Ex rationis Franzii rejectione: In lib. 5. rationem unam affert (Franzius) istius sui pronuntiati, nempe quod scriptum de DEO pro captu nostro cogatur uti vocabutis, ex humanarum & mortalium rerum cursu & conditione petitis. Hoc verò non est causam reddere ejus, cur difficile sit de DEO differere.* R. (1) Franzius non tantum unam, sed explicite duas rationes allegat, implicite plures subindicat, adeoque satis pro instituto suam thesin confirmavit (2) falsum est, quod hæc ratio non concludat: nam si nostra mens non est proportionata rebus divinis, nec ad sunt convenientia nomina, sed scriptura vulgaris & usitatis nominibus utitur, ut ad captum nostrum se modo quodam accommodet, sequitur, quod omnino difficile sit, de DEO differere, tum ut scripturæ *ὁ ὅλος τὸ πᾶν* semper attendamus, tum ut per viam eminentiæ semper ad res divinas ascendamus, tum ut conceptus nostros, & significatus verborum, quoad res inferiores, convenienter dimittamus, tum ut verborum usitatorum, ad res inusitatas, applicationem rectius instituamus &c. Atqui verum est *primum*: Ergo quoque; *posterius*. Verum igitur est contra Smalzii pronuntiatum; quod Franzius causam reddiderit ejus, cur difficile sit de DEO differere. (3) Ipse B. Franz. in *Vindic. contr. Smalz. lib. 2.* observat, quod Smalz *b. l. fall. compos. & divis.* commiserit, & rationem totam attendere noluerit: Smalzius, inquit, duas rationes meas, cur de DEO differere, difficile esse scripserim, in hunc modum allegat, (1) quod

quod scriptura de DEO utitur vo. ἀβύσσος, ex humanarum rerum conditione petitis. (2) quod homo divina capere non possit. Verum non hæc fuit sententia, quam ipse valde exagitat, sed præter causam, dum primam rationem meam datam omittit totam. Theſenim quinita, cur de DEO, & præsertim de ejus i. finitate, ubiquitate & similibus internis proprietatibus ejus, difficile sit disserere, hanc rationem assero: quod essentia DEI sit ἀνεξαρτητος, ἀκατάληπτος, & ἀνεξ-φραγς; hominibus, nim. quia in S. L. nec una syllaba nobis est revelata de interna essentia divina quidditate. Imò DEum prorsus ἀνοσιτομασος nobis proponitur in S. L. & denig. sacra litera, quoad internam essentiam DEI, nobis omnia adimunt, dum nunquam dicunt, quid sit, sed potius, quid non sit. Quemadmodum igitur gustus non potest judicare de sono, quia sonum non percipit, nec ad hoc est factus, ita nec homo de DEO disserere potest, quoad internam ejus essentiam, & ad proprietates, ab interna essentia dependentes, qualis est ubiquitas, quia nihil hac de re in S. L. nobis est revelatum &c: plura vid. l. d.

13 (V) Ex rationis inversione: Imò, pergit, hinc contrarium apparet, quia scilicet scriptura de DEO pro captu nostro loquitur, nos capere illud, & disserere de illo posse. R. (1) à posse ad esse non valet consequentia: hinc (2) committit fallaciam ignorantis Elenchi, quia nunquam illud negavit Franzius, quod ex scriptura, pro captu nostro mysteria Deitatis exponente, eadem capere, & sic de iisdem disserere possimus: nam contrarium statim superius circa statum controversiæ monitum est: sed hoc in quaestione versatur, num homini jam corrupto quamlibet scripturam præviam habeat, sit facile, vel difficile de rebus divinis & abstrusis mysteriis disserere. quæ ratione cuilibet apparet, quod satis difficile sit, hoc ipsum recte præstare. (3) dist. inter objectam & subjectum: scriptura quidem pro captu hominis mysteria Deitatis proponit, & exponit, sed homo non statim eadem sic, ut proponuntur, percipit: nam à traditione divina, non licet ad perceptionem humanam colligere: multa siquidem obstant sæpius, quo minus eadem homo percipiat, multo minus accurate cognoscat, & omnium mini-

minime recte de talibus mysteriis differat, cum prudentia carnis sit inimicitia adversus DEum Rom. II. 7.

14. (VI) *Ex dicti I. Cor. II. 14. refutatione: Falsum est autem, inquit, quod porro ait Franzius, hominem divina capere non posse. Nam I. Cor. II. 14. Spiritus DEI scrutatur etiam profunda DEI. Spiritus autem DEI datur hominibus Ab. V. 32. Luc. XI. 13. DEO obedientibus, & eundem orantibus: modo divina ea non nominemus, quae sunt vanissima hominum commenta, qualia sunt omnia de Trinitate monstruosa dogmata. R. (1) monstrum est hominis ipse Smalzium, qui dogma Trinitatis, & alia mysteria Deitatis, monstruosa dogmata vocare non erubescit. (2) Spiritui Sancto in os contradicit, quia I. Cor. II. 14. disertis verbis legimus, quod animalis non homo percipiat, ea quae sunt Spiritus DEI; quod stulticia sint illi, & non possit talia cognoscere: jam autem homo fidelis etiam, quoad statum externum, animalis homo dicitur, & talis manet, quamdiu in hac mortalitate subsistit. (3) à Spiritus scrutinio interno nullatenus ad intellectum hominis argumentari licet, cum Spiritus sit omniscius, homo verò densissimis ignorantiae tenebris quoad intellectum sit involutus. (4) Dist. inter homines, quatenus Spiritum Sanctum, & quatenus Spiritum humanum, vel animale possident, quatenus ductum divinae revelationis, & humanae rationis sequuntur: non de priori, sed de posteriori respectu, potissimum hic est sermo.*

15. (VII) *Quia vocem Jehova esse ineffabilem, quod pro confirmatione assertionis huius Franzius asserti, judaeorum est commentum, ideoque ad rei demonstrationem afferri non debebat: & falso nittitur fundamento, quod scilicet DEI essentia illo vocabulo indigeretur, cum potius voluntatis DEI immutabilitas eo indigeretur, ut etiam Brentius ea de re eleganter loquitur in Côm. super verba Exod. Ero, qui ero. R. (1) B. Franzius non dicit, quod vox Jehova, quoad pronuntiationem, sit ineffabilis, prout Smalzium prætendit, sed quod Hebraei nomen hoc tanquam ineffabile habeant, jam aliud est, juxta Judaeorum sententiam haberi pro ineffabili, quod ipse Smalzium concedit, & aliud est, ex sententia Franzii vel dici, vel esse, ineffabile. (2) Franzium potius significationem, quam pronuntiationem, vocis Jehova respicit, quando dicit, quod etiam & multo*

maxi-

## DE DEO TRINUNO

*maxime, QVOD VIM SIGNIFICATIONIS, sit ineffabile: rationem evidentissimam ejus rei producit, quia DEUS, & essentia DEI, isto nomine indigitata, sit ἀνεξέσνητος & ἀνεκφραστός & ἀνεκ-  
 & ἄλληλῃς hominibus: derebus autem incomprehensibilibus & ineffa-  
 bilibus disserere, certe non est facile, sed maxime difficile. (3)  
 Qvod vocabulum Jehova sit nomen essentia, vel ipsam divinam  
 essentiam potissimum indigitet, commune Philologorum & Theo-  
 logorum nobiliorum placitum est: hinc etiam ipse Socin. adv.  
 Wujek p. 3. 5. concedit, qvod sit nomen DEO proprium: Nomen  
 Jehova, scribit, est nomen proprium, κύριος vero, seu Dominus, no-  
 men appellativum, & idcirco vel ob hoc solum valde inopum ad no-  
 men Jehova exprimendum. (4) Dist. inter vocis significationem &  
 applicationem, qvoad significationem essentiam DEI notat, qvoad  
 applicationem ad ejus immutabilitatem, infinitatem & alia non-  
 nunquam a' aliis refertur.*

## QVÆSTIO SECUNDA

*Num detur cognitio DEI naturalis infra, vel congenita?*

1. Circa statum controversie prius unum, vel alterum, nota-  
 bimus, quam adversariorum argumenta refutare velimus. Non  
 autem loquimur (1) de *cognitionis modo*, qualis in adultis, iisq;  
 semper non omnibus reperitur; sed *cognitione ipsa*, cujuscunq; sit  
 illa conditionis: qvæstio siquidem non *talem*, vel *talem*, sed sim-  
 pliciter *aliquam cognitionem* respicit. (2) neq; de *cognitionis actu*,  
 vel *actuali notitia*, quæ certe simpliciter omnibus tribui nequit,  
 cum in usu rationis consistat; hic autem non ab omnibus atten-  
 ditur, sed à multis negligitur. vel de *potentiali cognitionis statu*,  
 quasi nuda sit *potentia cognitionis* in homine, quæ potentia suo  
 tempore per rationis actum & usum exferere se possit; sed potius  
 de *cognitionis habitu*, qui recensetur inter imaginis divinæ reli-  
 quias, & cum toto suo qvodammodo dicitur ejusdem condi-  
 tionis. (3) Qvod neutiquam simpliciter de *qvætu notitia natu-  
 rali* sit h. l. sermo, cum qvæstio saltem *infra*, vel *congenita* cogni-

F

tionis

tionis mentionem faciar, eamq; sic *acqvisita* contradistingvat. (4) quod non de *perfecta*, vel *adequata*, multo minus de *sufficienti ad salutem cognitione* solliciti sumus, sed de *qualicunq; saltem notitia naturaliquaestione* intelligamus. Plura vid. in *Mataol. Synopt. Socinian. d. 3. tb. 6. seqq.*

2. *Dn. D. Calovius* in Socinism. profligat. sect. 3. membr. 1. contr. 2. probat *connatam notitiam naturalem* (1) è *naturali legis observatione Rom. II. 14.* (2) è *legis inscriptione v. 15.* (3) è *gentium descriptione Rom. II. 14.* (4) è *conscientiae testificatione.* (5) ex *imaginis divinae reliquiis.* (6) è *communibus notitiis de DEO.* (7) è *gentilium omnium consensu.* (8) E *Crellii suffragio.* Nam *lib. de DEO & Att. Div. c. 5. p. 47* hanc notitiam vocat *naturalem instinctum*; item *hominis proprium esse, divinitatis existimationem & religionem*: Item urget *perpetuum gentium vel omnium, vel saltem plerarumq; etiam barbararum, circa DEI notitiam consensum*, de quo p. 48. scribit: *Necesse est, hunc consensum referre ad causam aliquam toti hominum generi communem, cum effectus sit communis. Eiusmodi autem causa est, vel natura instinctus, vel traditio antiquissima, à communibus humani generis parentibus profecta, vel deniq; magna rei ipsius, seu majoris, argumentorum, unde ea ab omnibus intelligatur, evidenter, ad quarum causarum postremam, patefactionem divinam, miracula, ceteraq; divinitatis argumenta, omnibus exposita, referimus.* Hinc non refragatur, si quis *DEI notitiam ad instinctum naturalem* referre velit: Si, scribit, *ad natura instinctum Consensum illum gentium retuleris, natura humano generi errores non iniecit: ad veritatem illa, non ad mendacium nos finxit:* Hic autem *natura instinctus* non est *nude potentialis*, sed *potius habitus alius*: qui naturaliter nobis connascitur.

3. Quod attinet contrariam *Socinianorum sententiam*, eam *Sorinus ipse prelest. Theol. cap. 2. p. 3. seq.* confirmare conatus est, sed ejus fundamenta d. l. th. 13. refutavimus. Nam de *infirma notitia naturali* scribit ille: *Recentior hodie sententia est, homini naturaliter, cujuscq; animo infirmam esse divinitatis alicujus opinionem, eujus vi cuncta regantur, ac gubernentur, quae humanarum rerum*  
impri-

imprimis curam gerat, hominibus consulat atq; prospiciat. Hanc sententiam nos FALSAM esse arbitramur.

4. Nititur autem falsa hypotesi Socinus, quasi sententia hæc unice fulciatur apparenti opinione universali divinitatis. Sic enim I. d. pergit: *Hæc sententia non aliunde potius orta fuisse videtur, quam ex eo, quod videantur omnes homines opinione istâ divinitatis alicujus imbuti esse. Verum animadvertendum erat, ab initio ipso, cum homo creatus fuit, DEUM se illi patefecisse, qui primus homo, cum nongentis triginta annis vixerit, posteros suos facile divinitatis opinione imbuere potuit. Quamquam hac re opus non erat, cum ipse DEUS non primo homini tantum, sed aliis subinde ex eo natis, sese variis rationibus patefecerit, quemadmodum ex sacra historia clare liquet.*

5. R. (1) Falsum est, quod hæc sententia saltem hac opinione nitatur, quia potius fundatur (a) *scriptura*: nam Paulus Rom. 1. 20. disertis verbis dicit, quod τὸ ὃν ὁ θεὸς τῷ βῆν sit manifestum in illis, videl. gentibus, quibus certe revelatio non contingit: & c. II. 15. quod legis opus [& sic etiam noticia DEI, quæ legis est] scriptum sit IN CORDIBUS gentilium, a: testante conscientia. (b) in imagine divina; hujus enim reliquæ, quoad aliquam notitiam, in homine permanserunt: sic igitur homo naturaliter interius aliquam DEI notitiam retinuit, quia hæc notitia virtus imaginis divinæ, sicut alibi probatur. (c) in ipsa natura, quæ satis aperta documenta notitiæ hujus suggerit, quod multis ostendi posset, si modo vacaret. (d) in humana conscientia, quæ testis est interior & infallibilis hujus notitiæ, teste Paulo Rom. II. 15. Confer. ib. 2. (2) Falsum, quod opinio universalis de divinitate sit apparens saltem, quæ talis videatur, non autem revera sit, cum omnes gentiles in eo consentiant, Existentiam Divinitatis apud omnes in aprico positâ esse, & ipsa scriptura universaliter dicat, τὸ ὃν ὁ θεὸς οἱ ἄνθρωποι εἶναι, esse manifestum, clarum, perspicuum in ipsis. (3) Confundit Socinus revelatam cum naturali notitia: patefactiones, de quibus historia sacra agit, ad revelatam, non ad naturalem notitiam, pertinent. (4) Falsum, quod omnis Numinis internus sensus, & notitia fuerit ex fama tantum apud gentiles, cum etiam in infanti-

bus opinio Divinitatis hæreat, & apud illas quoque gentes perpetuo manserit, quæ ludibriis, calumniis & blasphemis traditiones Judæorum exceperunt.

6. Verum ut Socinus aliquos sententia suæ prætextus inveniret, ideo rationes quasdam colligere voluit, negans videlicet *innatam naturalem DEI notitiam* his argumentis. (I) Si divinitatis opinio cunctis esset naturalis, certe ea non esset ex fide: Atqui eam ex fide esse, docet Epist. Hebr. XI. 6. cum ait: Sine fide neminem DEO placere posse: nam accedentem ad DEum, credere oportere, quod DEus sit, & quod remunerator sit eorum, qui ipsum quærant. Illud ex his verbis certum esse videtur, fieri posse, ut quis fide, & sic opinione ista divinitatis careat, cum dicitur, sine fide neminem DEO placere posse. Unde concludendum est, opinionem istam non esse cunctis naturalem. Hocque prima rationis locum contra receptam ista sententiam obtinebit. R. (1) Nulla Majoris consequentia, quia omnes articuli mixti, partim ex natura, partim ex scriptura, cognoscuntur: talis autem sententia de Numinis existentia (2) Male opponuntur in hac causa, quæ certo respectu subordinata sunt in hac materia natura videlicet & scriptura, seu fides: naturalis cognitio Numinis inchoatur, sed fide, mediante scriptura, consummatur. Hinc (3) dist. inter notitiam naturalem & supernaturalem, inchoatam, seu imperfectam, & consummatam vel perfectam, confusam atque distinctam, generalem, & specialem, historicam vel philosophicam & satisficam: prius membrum loquitur de priori notitia, posterius de posteriori; sic scopæ sunt dissolutæ. (4) Si tantum ea fide constaret, DEum esse, de qua Heb. XI agitur, sequeretur, omnes impios & hypocritas, etiam in Ecclesia, notitia Numinis externa carere: malè proinde ex carentia fidei ad carentiam notitiæ ratiocinatur Socinus. (5) Dist. etiam inter medium adequatum & inadequatum: fides non est medium adequatum omnis notitiæ divinæ, sed tantum proportionatum salutari notitiæ, de qua verba facit Apostolus.

7. (II) Si divinitatis opinio cunctis naturalis esset, quomodo Autor ibidem Heb. XI. ex eo, quod Enochius DEO placuisset, nitere-  
tur probare, eum, DEum esse &c: credidisse? profecto arguit ejus-  
modi



*modi opinionem non esse naturalem, id est, fieri posse, ut quis eam suo animo non conceperis. Nam quæ naturalia sunt, necessaria etiam omnino sunt. R. (1) agitur loco dicto non de opinione quavis, sed de fide salvifica, non de notitia naturali, sed spiritali, vel salutari: hæc igitur ἀπεροδιονύτως urgentur. (2) Talis connexio textus, qualem hic Socinus affert, in contextu nusquam apparet, quod satis evidens. (3) Dist. inter notitiam generalem naturæ, & specialem gratiæ, quæ posterior complacentiam DEI conjunctam habet, cujus textus meminuit: hanc autem geminam noticiam rursus ipse Socinus confundit. (4) ἀνακολούθως procedit, quia nentiquam sequitur: Ejusmodi opinio, quæ fuit Enoch, diciturq; specialis gratiæ & complacentiæ, vera fidei &c: non est naturalis; Ergo nulla datur notitia DEI naturalis infusa, vel congenita: nam ab eo, quod secundum quid dicitur, negato, non licet ad simplicem negationem argumentari.*

8. (III) *Quia Sacra litera testantur, aliquos esse, qui Deum esse non credant Ps. l. X. & XIV. l. LIII. 2. quos etsi stultos appellant, non tamen naturales anima facultates, sensumq; communem eos destituisse, significare volunt, sed vera sapientia eos prorsus carere. Vera autem sapientia minime naturalis est, sed ratione aliqua comparatur, cujus rei testimonia per totam scripturam obvia sunt ubiq; R. [1] Scriptura locis allegatis non loquitur de hominibus quoad naturam, sed quoad malitiā eamq; non connatā, sed affectatam [2] hinc neq; de notitia, sed de malitiā verba facit: [3] Verba non tam ignorantiam, quam Negationem inferunt, eamq; contra conscientiam affectatam, quæ Numinis cognitionem non excludit, sed potius includit. [4] Impius id dicit lingua, sed non ignorat conscientia. [5] Dicit non ex corde, sed in corde, non quoad naturalem cordis ductum, sed quoad pravam cordis votum: in corde SUO, quatenus affectatā malitiā plenum est; dicit, id est, operat, non esse Deum, scelorum judicem ac vindicem. [6] Deniq; magis divinam providentiam, quam DEI vel essentiam, vel existentiam, malis operibus atq; votis suis impium negare, & ex verbis; & ex factis, colligitur.*

9. (IV) *Quia non tantum homines singuli, sed etiam integri populi hodie inveniuntur, qui nullum penitus sensum, aut suspicionem divinitatis alicujus habent. Hi sunt in novo occidentali orbe, in Brasilia provincia, ut historici tradunt, mihiq; vir fide dignus sancte affirmavit, qui in ipso loco aliquandiu fuerat. Sed alibi quodq; ejusmodi gentes reperiri, India recens historia testatur.* (1) quod attinet homines singulos, nihil probationis affert Socinus: (2) posito, quod daretur unum, vel alterum subiectum, ex casibus aliis id contingeret, quæ natura instinctum impedirent. Sed ab ætæ secundo negato, non licet ad ætæ primi negationem argumentari. (3) quod concernit populos integros, facilius id dicitur, quam probatur. Nos Socino Crellium opponimus l. d. p. 47. *Primum occurrit perpetuus gentium vel omnium, vel saltem plerarumq; etiam barbararum, in eo, quod hic defendimus* (loquitur autem de notitia DEI naturali acquisita) *consensus. Adeo enim omnibus, quorum memoria extat, seculis in eo consensere terrarum populi, ut crederent, Numi extare aliquod religiose colendum, ut maluerint alii vel astra, vel belluas, vel deniq; ligna, aut lapides, pro Diis colere, quam nullum Numen, nullam religionem agnoscere. Itaq; varietas quidem fuit sententiarum de Numinis Naturæ, de Numero, de ratione ac modo colendi: sed in tanta tamen varietate consensus hic fuit, DEUM esse aliquem, qui sit religiose colendus. Licet autem hodie populi reperti sint, in quorum aliquibus nulla propemodum videatur extitisse de divinitate opinio: tamen longe plures fuerunt reperti, in quibus divinitatis opinio extitit; licet alias barbari essent, & ab humanitatis cultu alieni. Deinde testantur historiae, eas nihilominus gentes, in quibus divinitatis opinio videatur extitisse nulla, demonem habere aliquem, quem metuant, & ne noceat, revereantur, id quod nobis hic plus, quam satis est. Est enim & hoc divinitatis ac religionis, quamquam in contrarium detortum, vestigium. Non mirum autem ceteroquin est, homine barbaros, qui humanam & quodammodo naturam exverunt, & belluinam quandam feritatem induerunt, id perdidisse, QUOD HOMINIS PROPRIUM est, nempe DIVINITATIS EXISTIMATIONEM & RELIGIONEM. Sine intellectu enim nulla de Numine opinio, nullus religionis sensus est. Itaq; in belluas eares non cadit; ac porro illis non admodum convenit, qui in belluas fere abierunt. Qui ergo factum,*  
ut in

ut in populis ad externam etiam rabiem prolapsis, aliquod tamen divinitatis ac religionis remanserit vestigium? Ad quamcunq; causam hunc Gentium consensum retuleris, veritatem ejus, quam tuemur, causæ deprehendes. Ex quibus apparet, quod *Crellius instinctum naturalem* satis clare concedat, eamq; disertis verbis, tanquam *universalis consensus* de DEO *fundamentum*, supponat: hic autem *instinctus naturalis* non erat *actualis*, quia talis actualis instinctus etiam, juxta *Crellium*, non in omnibus invenitur, sed in multis variis ob causas impeditur: nec erat *nude potentialis*, quia potentia cognoscendi talem consensum neutiquam instar fundamenti simpliciter inferre potest, & hæc potentia perficitur demum, in actu, nec instinctus per se dicitur: manet igitur, quod *habitualis notitia* sit omnibus insita, vel congenita.

10. (V) Ultimo rationem aliquam, ex *Ostorod. Instit. cap. 1. p. 10.* subjicimus, qui licet, ut ex verbis, & scopo, vel aliis indiciiis apparet, loquatur ibi de acquisita notitia per creaturarum contemplationem, tamen inter alia generalem rationem allegat scribens: Man vermeinet solches zu beweisen aus dem/ daß Gott den Menschen zu Seinen Bilde Geschaffen hat/ so thut doch nichts zur Sache/ wie solches zu sehen aus der Disputation von freyen Willen c. 33. 34. [1] quod de libero arbitrio non tantum alii *Socinianorum* varios errores foveant, sed etiam eosdem l. d. *Ostorod* proferat, facile largimur, camarinam autem illam modo neutiquam commovere volumus. [2] multum facit ad insitæ notitiæ DE! naturalis confirmationem imaginis divinæ collatio, quia creatio hominis ad imaginem divinam vere naturalis est: jam autem à *naturali statu totius* ad *naturalem statum partis*, optima consequentia, quia partes sunt in toto, vel etiam de natura totius: pars autem imaginis divinæ sapientia dicitur, quæ naturalis homini fuit, licet hoc *Sociniani* contra scripturam concedere nolint, ut est apud *Smalzium* contra *Franzium* p. 44. quando scribit: *Ista sapientiarum divinarum, & sanctimoniam, quam Adam ante lapsum tribuit Franzium, una cum aliis, idea quædam est in cerebro ipsorum, nata, de qua ne igitur quidem in Sacris literis; & naturaliter*  
etiam

etiam ad objecta sua, cum primis autem DEum relata fuit hæc sapientia. Falsum etenim est, quod contendit Socin. lib. de stat. prim. hom. cap. 4. p. 113. 119. & c. 6. p. 197. & passim alibi, nimirum Adamum tanta laborasse ignorantia, ut partim bestiarum, partim conjugis ignorarit naturam, nec nisi sensibus subiecta cognoverit, quæ quilibet, quantumlibet stupidus cognoscere potuisset: partim vim arboris vitæ non perspexerit, imò cum ipse mortalis fuerit, se tamen mortalem esse nesciverit: multo minus igitur juxta Socinianos aliquam DEI notitiam habuit: cum vero certum sit, juxta scripturam, quod & Sociniani non audent negare, quod Adam ad imaginem DEI conditus sit Gen. I. 26. 27. & præterea notum, quod imago DEI non ignorantiam concedat, sed potius sapientiam requirat, ex eo facile colligitur, quod Adamus veram sibi concreatam sapientiam habuerit, cum primis quia fuit intellectu præditus, qui certe ne utiquam rasa tabula fuit, sed habitibus pulcherrimis repletus: nulla verò melior sapientia dicitur, quam DEI notitia, cum DEum nosse sapientia perfectissima sit, ideo nullo modo cognitio DEI vel potest, vel debet Adamo denegari: nam in medio sole cacutire dicitur Smalz. lib. de Verbo & Naturali DEI Filio p. 60. qui statuit, Adamum ante peccatum instar infantis, suarum etiam rerum ignarum fuisse, qui quid esse, nudum esse, scire non potuerit: & certe si primus homo tanta vel divinarum, vel suarum, vel aliarum rerum ignorantia laborasset, multis modis in prima perfectione sibi concreata corruptis hominibus, jam sub mediis peccatorum tenebris constitutis, ineptior & imperfectior exitisset, quod minime concedendum, cum DEus omnia viderit, quæ fecerit, & ecce valde bona fuerunt Gen. I. 31. imò præ aliis hominem rectum & perfectum, non tantum in aliis, sed etiam quoad mentis conditionem produxit Eccles. VII 30. Et licet imago DEI hodie per & propter lapsum deperdita sit, reliquæ tamen ejus adhuc in nobis existunt, reliquæ vero imaginis divinæ sunt itidem de naturatotius, adeoq; sic in homine naturalis insita notitia DEI reperitur, cujuscunq; sit illa conditionis, cum facile largiamur, quod ob intellectum obscuratum, maxime sit corrupta, vel obscurata.



QVÆSTIONES ANTI - SOCINIANÆ

EX ARTICULO I.

AUGUSTANÆ CONFESSIONIS

DE

DEO TRINUNO.

QVÆSTIO PRIMA.

*An doctrina de Trinitate personarum DEitatis  
salutifera sit?*

DISP. IV.  
R. M. AN-  
DREAS  
ADAM  
Engelhardt/  
Gunzenhu-  
sa-Francus

I.

Circa quæstionem ipsam observabimus (1) qvòd dogma de Trinitate fudes in oculis sit Socinianis, unde variis, & tantum non blasphemis scominatus illud rudioribus suspectum reddere conantur. Dudith. Epist. ad Lascium b. 2 vocat DEum tripersonatum c. 1. Augustinum dicit Trinitatis architectū c. 2. Somnia, scribit, loquimini, somnia creditis. Nam non nisi ex somnio nata est hæc vestra adoranda Trinitas, qvæ dormienti Ignatio per quietem observata, ut Socrates refert c. 3. ex somnio patre edita Trias. Socin. in instit. p. 11. qvòd nihil vel absurdius, vel impossibile, vel deusq; divinis ipsis testimoniis repugnantius, excogitari possit. Schmalz. de Err. nov. Arian. p. 47. crassum dogma, ex variis Ethicorum sophisticationibus, non ex Evangelio natum. Vid. contr. Franz. p. 2. 4. 9. 10. 12. 11 2. &c. (2) Qvòd in hac quæstione non de notionib; vel terminis, sed de dogmatibus, vel rebus ipsis sermo fiat: nomina siquidem, qvæ talia sunt, nullius efficacie, multò minus efficacie salutiferæ dicuntur. (3) Qvòd non de qualibet trium personarum tractatione, qualis apud gentiles etiam reperitur, sed de vera S. S. Trinitatis cognitione & confessione, qvæ in sacris literis traditur, h. l. sermo fiat. (4) Qvòd doctrina de Trinitate non ut dogma παρὰ τὴν ἐκκλησίαν, è Patrum traditione profectum, sed ut firmissimis documentis in scripturis revelatum, hoc loco sit considerata. (5) Qvòd Confessio Trinitatis more Photinianorum doctrinæ de Unitate essentie non opponenda, sed conferenda sit, & utraq; simplici fide creden-

G

den-

denda. Et sic verè confitemur, & firma fide credimus, doctrinam de *Personarum Trinitate* verè salutiferam doctrinam esse.

2. Opponit se thesi nostræ *Catechesis Racoviensis* p. 48. quærens: *Ostende mihi, quomodo notitia de unitate personæ ad salutem utilis sit?* Zeige mir / wie die Wissenschafft, daß nur eine Person sey / zur Seeligkeit sehr nützlich sey? R. (1) notandum, quod non loquatur de *unitate essentia*, quam nos confitemur, sed *personæ*, cum *Sociniani Trinitatem personarum* prorsus inficiuntur. (2) *dist.* inter *unam personam absolute*, vel *exclusive* sumtam, quam asserunt *Sociniani*, quod tantum una persona sit, & *relative*, vel *inclusive*, consideratam, quam orthodoxi statuunt, cum sic unitatem personæ credant, ut reliquas ad hanc unam. videl. Patris, personam referant. (3) quando *Catechesis* dicit, notitiam de *una tantum persona*, salutem proficuum esse, simul innuit, doctrinam de *personarum Trinitate* salutis noxiam esse, sicut ex sequentibus apparet, & passim alias *Sociniani* profitentur.

3. Responder *Catechesis* ad hanc quæstionem: *daß kansttu leicht daher vernehmen / so du betrachten wirst / wie schädlich unser Wiederpart* (orthodoxos intelligunt, eorumq; de Trinitate Confessionem) *Wetnung sey.* Denn (1) kan dies lb: den Glauben von Einigen *Gott* schwächen / wenn sie einmal sagt / *Gott ist einig / und das andermaal / das drey Personen sind / welche eine jegliche der Einige Gott ist.* R. (1) à *posse* ad *esse* non valet consequentia, quia non sequitur, confessio Trinitatis *potest* infirmare fidem de *Unitate DEI*: Ergo statim eandem infirmat. (2) *Falsum est*, quod *possit* Fides Trinitatis infirmare fidem Unitatis, cum utraq; sit *dogma fidei Christianæ* primum, in sacris literis traditum: fides autem sibi ipsi non est adversa. Quod autem fides Trinitatis sit *dogma primum fidei Christianæ*, patet ex *Matt. XXIX. 10. I. Ioh. V. 7. Ioh. XVII. 3. &c.* *Dist.* inter *fidem Trinitatu sibi relictam*, & *Sociniani hypobesibus infectam*: illa consonat *unitati*, hæc verò per rationē eidem contrariari videtur (3) *Male opponuntur*, quæ sunt *coordinata*: Credimus *DEUM unum esse*, & *unitas essentia fidei* dicitur *articulus Deut. VI. 4. &c.* Credimus, *DEUM Trinum esse*, & *dogma Trinitatis* eidem constituitur *articulus fidei*. Male proinde fidei articuli sibi mu-

bi mutuo opponuntur, ut ita *diff.* sit inter *contradictionem veram & vanam*: vera contradictio respectus identitatis in terminis attendit, quod h. l. minimè fit à Socinianis. DEUS enim unus est non persona, sed essentia, Trinus est non essentia, sed persona.

4. (II) Zum andern verdunkelt sie die Ehre des einigten Gottes / welcher nur allein ist der Vater unsers Herrn Jesu Christi / diemell sie dieselbe jemand anders / der nicht der Vater ist / zuignet. R. (1) Confessio Trinitatis non imminuit, sed augeat DEI gloriam, sicut ipse Christus ostendit Ioh. V. 19. seqq. Amen, Amen dico vobis: non potest a se facere filium quicquam, nisi quod viderit Patrem facientem: Quaecumq; enim ille fecerit, hæc & Filius similiter facit. Pater enim diligit Filium, & omnia demonstrat ei, quæ ipse facit, & majora his demonstrabit ei opera, ut vos credamini. Sicut enim Pater suscitavit mortuos, & vivificat, sic & Filius, quos vult, vivificat: neq; enim Pater judicat quemquam, sed omne iudicium dedit filio, ut omnes honorificent Filium, sicut honorificant Patrem, qui non honorificat Filium, non honorificat Patrem, qui misit illum. (2) notum, quod gloria DEI sit attributum essentiale, non igitur Patri solum in respectu ad reliquas personas, sed Patri solum in relatione ad creaturas tribuenda, quia reliquæ personæ cum Patre sunt unus essentia DEUS Ioh. X. 30. I. Ioh. V. 7. Filio igitur, vel Spiritui Sancto, quando gloria divina tribuitur, alteri personæ, non alteri essentiæ, vel DEO tribuitur. (3) Filius, gloriæ divinæ participes, quia DEUS est, & omnium entium classes eminenter cum Patre transcendit: Pater igitur, quia DEUS, à consortio gloriæ Filium sibi, quoad Deitatem, & unionem non excludit.

5. (III) Zum dritten / kan sie den Weg zur Seligkeit leichtlich umkehren / sintemal sie nicht zuglebet / daß man wohl verstehen könne / welcher da sey der erste Anfänger / oder Würcker der ewigen Seligkeit / und wie sie Gott durch seinen Sohn und heiligen Geist Würcke. R. (1) Falsum, quod mysterium Trinitatis salutis viam evertat, cum potius eandem nobis aperiat ac ostendat, & Pater, Filius & Spiritus Sanctus, unus verus DEUS, salutis nostræ sit autor, & ipse Spiritus Sanctus per Evangelistam testatur ex ore Christi Ioh. XVII. 3. Hæc est vita æterna, ut cognoscant te solum verum Deum, & quem misisti Iesum Christum. (2) Primus autor salutis

Iuris DEUS est, hoc est, tota Sacrosancta Trinitas, quia salutis negotium est *opus externum*, vel *ad extra*, sicut vocatur, quod omnibus tribus personis commune, licet DEUS Pater per Filium & Spiritum Sanctum nostram salutem operetur, hæc tamen *operatio* non est *sejuncta*, sed *conjuncta*, imò *conjunctissima*, non est *mediata*, sed *immediata*, non *subordinationis*, sed *identificationis*, cum primis ratione divinæ virtutis, non respectu Patris *Principalis*, respectu verò Filii & Spiritus Sancti *instrumentalis*, sed simpliciter respectu omnium trium personarum est, & manet *operatio principalis*. (3) licet plane non intelligamus hoc mysterium, cum non sit *objectum rationis*, sed *revelationis*, tamen firma fide credendum, cum mysteria nec intelligi possint, nec debeant.

6. IV. Endlich ist Sie bey den Ungleubigen eine grosse hindernis den Christlichen Gottesdienst anzunehmen / die weil Sie solche Sachen affirmiret, die da Gottes Wahrheit / und der Vernunft / zuwider sind / von welchen Dingen allen die Meinung / die nur eine Person in der Gottheit bekennet / frey ist. R. [1] *Fides nostra non ex iudiciis hominum incredulorum, sed ex testimoniis divinorum scriptorum* dependet: hæc quia dogma Trinitatis enunciant, salutiferum hoc esse censendum. [2] licet *fides* & *infidelitas* adversa sunt, ita fidei capita iudiciis infidelium opposita sunt: hinc potius invertitur, illud argumentum [3] *dist. inter infideles materialiter & formaliter* consideratos: *materialiter consideratis infidelibus* Trinitatis mysterium non est impedimento, cum semper ad Ecclesiam Catholicam & Trinitatis confessionem plurimi conversi sint. [4] *Dist. inter ἀληθῆς & ψευδὴς contraria*. Falsum hoc, quod dogma Trinitatis sit veritati divinæ contrarium, cum sæpius in Veteri & Novo Testamento sit revelatum. (5) Falsum itidem, quod sanæ rationi sit contrarium, cum non sit *contra*, sed *supra* rationem, adversetur non *recte*, sed *corrupta* rationi: Merito igitur Confessionem Trinitatis amplectimur, & unitatem essentialis divinæ confitemur.



## QVÆSTIO SECUNDA

*An Filius DEI Genitus sit à Patre?*

1. In hac quæstione planius exponenda, & plenius expendenda, primum circa terminos unum vel alterum adducere placeat (1) Terminum *Filii DEI* non supponi communiter, quatenus & *Angelis* & *hominibus* tribuitur, sed *singulariter*, quatenus *unigenito DEI Filio* proprius est: vel ut alias dicunt, *Filium DEI tripliciter* dici (a) καὶ διῳίας, vel καὶ ἐνέγγενος, quia ratione *Filii potentie* per *creationem* dicuntur *Angeli* cum *Protoplastis*, (b) καὶ ὑπόδοξίας, quia ratione *Filii benevolentie*, seu *gratie*, *fideles* vocantur, qui secundum *ὑπόδοξίας*, in Christo fundatam, gratiam adoptionis acceperunt. (3) καὶ ὁμοίας, quia ratione *proprius DEI Filius*, quoad essentiam, *Filius* appellatur (2) *Generationem mysticam* cum *physica*, *divinam* cum *humana*, *eternam* cum *temporali*, *supernaturalem* cum *naturali*, *eminentem* atq; *communem* &c: non esse confundendam, nec illam ex huius conditionibus & imperfectionibus æstimandam. (3) *Generationem ut sic*, quia *substantialis* est *essentia communicatio* nihil imperfectionis inferre, sed omnem imperfectionem à malâ tantum applicatione, vel à diversæ generationis confusione dependere. (4) *Generationem* non *improprie*, vel *metaphoricè*, sed *propriissime* & *eminentissimè* *Filio DEI* competere. (5) Particulam *A* non esse notam hoc loco *causalitatis*, nec *producentis* cuiusdam *prioritatis*, vel *essentialis diversitatis*, sed tantum *personalis originationis*, vel *nativitatis*.

2. Terminis evolutis etiam circa quæstionis statum nonnulla notanda censemus. Non autem est in quæstione [1] *An Sociniani verbis negent, Filium DEI genitum esse à Patre?* nam passim id ipsum nobiscum profitentur, & *Christum Filium DEI, genitum Filium DEI, unigenitum DEI Filium*, etiam integris scriptis continentur: sed de re ipsa potius agitur. [2] *Annon Sociniani varios modos, quibus & Christum DEI Filium vel etiam à Patre genitum asserant, communiter profirant?* Collegit istos modos *Venerandus Dn. D. Calov. in Socinism. proleg. art. 2. contr. 6.* quos inde recensebimus: Sociniani varias recensent causas, ob quas *Christus sit, & dicatur Filius DEI*, quas alii aliter assignant, uti

videre est apud Enjed. explic. loc. p. 67. & 178. Socin. explic. part. 1. cap. Joh. p. 45. lib. I. v. afor. c. 4. p. 36. Anti Wujeck. p. 221. animad. contr. Posnan. p. 57. defens. animadv. c. 8. p. 240. seqq. Christ. Rel. breviss. Instit. p. 24. Ostorod. Instit. p. 48. 137. 378. Smalz. Exam. 100. Error. p. 12. 24. exam. 157. error. p. 6. 8. 9. 11, 12. Refut. monstr. p. 149. refut. l. 2. de Error. Arian. p. 221. lib. de divin. Christi p. 73. Stoinskijs disp. de divin. Christi p. 36 seq. Volkel. de Ver. Rel. l. 5. c. 12. p. 476. seqq. lib. 3. c. 1. p. 38 Schlichting. comment. in Ebræor. c. 1. p. 16. disp. de S. S. Trin. p. 489. seqq. Stegman. in proba. c. 11. p. 129. &c: Ex his enim sequentes tredecim causæ colligi possunt, quod nempe Christus sit Filius DEI (1) ob conceptionem à Spiritu S. (2) ob baptismum & regenerationem ex aqua, & Spiritu. (3) ob segregationem ad munus sanctissimum, & missionem in mundum. (4) ob similitudinem cum DEO, ratione, qualitatibus divinarum, sanctitatis, potentiae, sapientiae. (5) ob amorem DEI paternum erga Christum. (6) ob jus ad hæreditatem Patris sui cœlestis adeundam. (7) ob officium Christi prophetici. (8) ob resurrectionem à mortuis. (9) ob immortalem naturam. (10) ob potestatem divinam super omnia. (11) ob regiam Christi dignitatem. (12) ob summum Christi sacerdotium. (13) ob dominationem filiorum DEI à Christo. *Verum* quod hæ rationes sint [1] *aliena à scripturis*. [2] *adversa sacris literis*. [3] *absurda*. [4] *noviter excogitata*. [5] *incerta, sibi, minime constantes*. [6] *falsa & impia*, d. l. prolixè demonstratum. Vera proinde causa Filiationis negligitur, quod videlicet Christus sit ab æterno à Patre genitus.

3. Hanc *aternam Filii DEI generationem* impugnant *Sociniani*, contententes, unam tantum esse Deitatis personam, nulum DEum habere Filium, nec ullam in DEO dari generationem, nec ab æterno DEI Filium à Patre genitum esse. Nos ea, quæ Valentinus Smalz. *contr. Franz. assert. p. 3.* potissimum examinabimus: *Quod ad generationem attinet, scribit, falsum & absurdum est, eam in DEO proprie dari.*

4. Probat verò suam Antithesin (I) *Quia generatio proprie accepta, & unitas essentia numerica, contradictoria sunt*: jam autem

autem contradictoria de se mutuo prædicari non possunt. R. (1) Dicitur hoc, sed non probatur. contradictoria proinde non sunt, sed tantum *Socinianis* talia videntur, & consequenter talia dicuntur, imò potius finguntur, ex rei veritate, ceu contradictoria non ponuntur. (2) contradictio vera servat omnes *identitatis respectus*; *unitas* verò *numerica* & *generatio* non servant *identitatis respectus*, quia aliud est dari *generationem*, aliud dari *unitatem essentia numericam*: hinc illa contradictoria sunt, *unitas essentia numerica*, & *non unitas essentia numerica*, *generatio*, pariter & *non generatio*, quæ neutiquam nos asserimus, cum nemo nostrum dicat, quod essentia divina non sit numerica, vel quod DEO generatio non competat. (3) *Dist.* inter *essentiam creatam*, & *increatam*: illa non generat in se numero eandem essentiam, alia personalitate gaudentem, sed de *increata DEI essentia* hoc negare non debemus, quia scriptura nobis unum essentia DEum ita revelat, ut personis trinus esse dicatur.

5. (II) *Quia quæ generatio DEO tribuitur, illa in comparata est, ut ab hominibus bene intelligi possit, dum scilicet DEus vel miraculoso modo aliquid producit & gignit, ut in Christi nativitate contigit: vel res sibi dissimiles similes facit per mutationem earum vel animi, quod nunc piis hominibus contingit, vel natura, quod jam Christo perfectio contigit, & omnibus fidelibus olim continget.* R. (1) petitur *principium*, quia falsum, quod generatio divina sit ita comparata, ut ab hominibus bene intelligi possit. cum sit *mysterium*, quæ sunt *supra*, non *secundum rationem*, & rationi nostræ sunt & manent obscura. (2) posito, quod vel *Christi nativitatem*, vel *nostræ regenerationem*, vel *nostræ glorificationem*, bene intelligere queamus, nulla tamen ab his ad *generationem divinam* instituenda collectio, quia has omnes *æterna Filii DEI generatio* longissimè transcendit, dum *hæc* ad intra, *religvæ* ad extra considerantur, *hæc* est essentialis, *religvæ* non sunt essentielles; *hæc* est æterna, *religvæ* sunt in tempore factæ, *hæc* omnem naturæ statum superat, illæ vel ratione subiecti, vel ratione objecti, vel alio quodam respectu non prorsus naturam excludunt. (3) Falsum etiam, quod has, quas DEO tribuit generationes *Sm Iziw*, bene intelligere possimus: nam *generatio Filii DEI ex virgine* verè dicatur

citur & est ὑπὲρ ἑνὸς, ὑπὲρ λόγον, ὑπὲρ πρῶτον κατὰ ληξιν: *regenerationem nostram ad gloriam*: deniq; nullo modo percipit intellectus humanus, quia nec oculus vidit, nec auris audivit, nec in cor hominis descendit, quæ DEUS fidelibus suis præparavit *I. Cor. II. 9.*

6. (III) *Quia p. 4. dicit, quod generatio filii ex essentia Patris sit unum ex ἀδυνατοῖς*: R. (1) *impossibile* dicitur aliquid vel *apparenter*, vel *revera*: non *revera*, sed *apparenter* inter *impossibilia* generatio filii numeratur. (2) *Impossibilis* videtur *corruptæ rationi*, non *salvis fidei*, & in verbo DEI fundatæ *fidei*, quia disertis verbis *Psal. II. 7.* dicitur: *Filius meus es tu, ego hodie genui te.* (3) *Impossibile* aliud vulgo dicitur *natura*, aliud *natura*: quod generatio filii *natura* sit impossibilis facile conceditur, quia nec DEUS Pater, nec DEUS, filius naturæ leges admittunt: falsum tamen, quod *natura* sit impossibilis, cum certum sit, quod filii proprium sit generari, sicut Patris proprium est generare. (4) Manifestum est, quod apud DEum non ullum verbum sit impossibile *Luc. I. 37.* temere proinde DEO non debemus impossibilia quædam vel attribuire, vel potius asserere. (5) licet mens nostra definire non possit, quomodo Pater æternus filium suum generarit, ab ignorantia tamen, vel ineptitudine nostra DEO mysteria denegare neq; possumus, neq; debemus

7. (IV) *Quia p. 7. ad th. 43. Franzii, quando scribit: DEum Filium generare ex essentia, & totam suam essentiam communicare*: respondet *Smalzii*: *De generatione filii ex Patre ea dicit, quæ nec cum ratione convenire, ipsemet affirmat th. 45. nec ulla sacrarum literarum testimonio comprobatur*: Ergo quid de illis statuendum sit judices pii lector. R. (1) Quod mysteria non sint *humanae rationis*, sed *divine revelationis*, vulgo notissimum: sunt igitur *supra rationem* omnem posita, nec cum ratione sic convenire possunt, unde recte scribit *Franz. th. 45.* Una numero est, manetq; *divina essentia*, quæ constituit personam generantis, quatenus generat, sed personam filii, quatenus generata est: modo nostra rationi pro fus inexcogitabili imperscrutabili & ineffabili, à creaturarum generationibus infinitis distinctissimo & alienissimo. (2) *B. Frantius* probati-

bationem generationis omisit, non propter *probationis defectum*, sed propter *theseos statum*, quia non semper in brevissimis thesibus simul probationes adjiciuntur: alias notissimum, quod ex *Psal. II. 7.* aliisq; satis evidenter *generatio Filii à Patre* demonstratur.

8. (V) Quia ad verba *B. Franzii tb. 43. DEum Filium generare ex essentia, & totam suam essentiam Filio communicare*: respondet: *Hoc si ita est, quomodo Filius non erit Pater? cum essentia si Pater id, quod est.* R. (1) Filius idem est, quod Pater, ratione *quidditatis*, & in sensu *generis neutrius*, non est idem, qui pater, ratione *suppositivitalitatis*, & in sensu *generis masculini*, quia *neutra* pronaturis, *masculina* pro *personis* supponuntur. (2) Pater *essentia* est id, quod est Filius, & Filius est id, quod est Pater, *persona* tamen Pater est distinctus à Filio, unde *Patri esse essentiale*, & *Patri subsistere personale* hic accuratè distingvenda veniunt: Pater *essentia* est id, quod est essentialiter, sed non *essentia*, verum *subsistentia* est id, quod est personaliter, vel suppositaliter, vel potius *is*, qui dicitur *personaliter*. (3) Licet Filius sit id, quod est Pater, hoc est, *verus DEus*, non tamen est *is*, qui Pater est, unde minime Filius est Pater, quod hic *Smalzianus* *οὐκ ὁμοιωσ* inferre volebat.

9. (VI) Si Filius Pater non est, & tamen totam habet essentiam Patris, numero unum, quomodo non erunt duo Dii, ut sint *duæ essentie divinæ? En labyrinthum!* R. (1) *labyrinthus* hic in cerebro *Smalziano*, non ex dogmate *Lutherano* suboritur. (2) Filius Pater non est quoad *personam*, est tamen idem cum Patre quoad *essentiam*, quia totam essentiam Patris sibi communicatam possidet, & una numero cum eodem essentia, dum vernus est DEus, & tamen unus tantum est DEus. Hinc (2) non sunt duo Dii, quia multitudo Deorum non ex *personarum pluralitate*, sed ex *divinarum essentiarum diversitate*, non ex *personarum distinctione*, sed ex *essentie divine multiplicatione*, foret æstimanda. (3) falsum, quod duæ sint essentie divinæ, cum Filius non aliam à Patre diversam habeat essentiam, adeoq; nec *alius*, & diversus sit à Patre DEus, interim *aliam* in eadem essentia simplicissima habeat *personam*,

H

quæ

quæ distinctio personarum cum identitate & simplicissima unitate essentia in hoc tremendo mysterio, juxta divinam revelationem, optimè consistit.

## QVÆSTIO TERTIA.

*utrum Spiritus Sanctus sit nudus afflatus?*

1. Circa *Statum questionis* attendimus (1) Vocem *Spiritus*: h. l. non sumi in sensu *Ermologico*, sed *Theologico*, vel *hypostatico*. (2) Aliud esse *signum*, aliud *signatum*: *afflatus* fuit *Symbolum* præsentia Spiritus S. ipse tamen *Spiritus Sanctus* non fuit *afflatus*. (3) Vocabulum *Spiritus Sancti* non accipiendum esse *metonymicè*, pro *donis Spiritus Sancti*, sed *proprie*, pro natura, l. quidditate Spiritus S. (4) Si Spiritus Sanctus dicendus sit *afflatus*, non *exclusivè*, sed *inclusivè* hoc intelligendum, non *quidditativè*, sed *effectivè*, non à priori, sed à posteriori (5) aliud esse *Spiritum*, aliud esse *afflatum*. Tertia persona Deitatis rectissime Spiritus Patris & Filii nuncupatur, non tamen eodem modo Patris & Filii vocatur *afflatus*. Ex quibus omnibus (6) colligimus *Spiritum S.* non esse *nudum afflatum*.

2. Errant igitur *Sociniani*, qui *Spiritum Sanctum* esse *nudum afflatum* errore gravissimo propugnare contendunt, ut est apud *Crell. tra. de Spir. Sanct. p. 312. Spiritus S. nihil est aliud, quam afflatus divinus, homini communicatus*. Verum (1) falsum hoc, quia *Spiritus Sanctus* est *verus Deus*, & *divina persona*, quod alibi probatur, & præterea multa, juxta scripturam, de *Spiritu Sancto* prædicantur, non autem, juxta *DEI* verbum, *afflatus nudus* esse dicitur. (2) *Spiritus S.* dicitur *afflatus divinus* *πνευλῶς*, non *ἀκριβῶς*, quia *Dēus* proprie loquendo nullum *afflatum* homini communicat, sed potius operatione purissima *Spiritum Sanctum* homini communicat: *ἀνθρώπου πνευλῶς* talia dicuntur, sed *θεοπνευλῶς* intelligenda veniunt; non solum ille *divinus afflatus*, sed etiam hujus *afflatus autor*, qui vere substantia divina, homini fidei communicatur.

3. *Rationes* hujus assertionis *Crellius. d. l. p. 1.* producit (1), à propria voci *Spiritus* significatione, quia *vox Spiritus* proprie signi-

gnificat flatum quendam, ab animalis ore emissum. R. (1) DEus, juxta Crellium, etiam proprie loquendo Spiritus est: nam in lib. de D. & A. D. c. 15. p. 106. hanc DEI definitionem proponit: DEum esse Spiritum aeternum: Item Spiritum ex seipso existentem p. 107. Spiritum esse DEI genus, idq; ex Job. IV. 24. probare conatur, ubi dicitur, DEus est Spiritus: num autem propterea, juxta Crellium, DEus erit flatum, ex animalis ore progrediens. Absurdum hoc est, & ab omni ratione prorsus alienum. (2) notandum, quod vox Spiritus sit *aquivoca*, ac propterea ante omnia sit distingvenda: pessimè proinde Crellius vocem *aquivocam*, proprie loquendo, sine distinctione determinat. (3) Contrarium potius inde demonstratur: Nam si Spiritus proprie significat flatum quendam, ab animalis ore emissum, sequitur, quod Spiritus Sanctus non sit flatum, vel afflatus, quia DEus non est animal, neq; Spiritus Sanctus ab animalis ore progreditur.

4. (II) Ab aliarum linguarum collatione: Atq; inde ventum quomodo non minus in *græca*, atq; *Hebræa* lingua, quam in *latina* significat. Ex quo linguarum consensu colligit, Spiritum Sanctum esse afflatum. R. (1) Spiritus Sancti natura non à verbis, nec à linguarum consensu dependet. (2) DEus etiam in reliquis lingvis dicitur Spiritus, non tamen est afflatus. (3) sicut in *latina* lingua, sic etiam in aliis lingvis dantur *aquivoca*, cum plura sint Entia, quam rerum vocabula: sicut igitur vox *latina* Spiritus distinctione quadam opus habet, ita pariter reliquarum linguarum nomina distinctionem requirunt, antequam certiquid significant.

5. (III) à Vocum derivatione: Nam πνεῦμα est à πνέω, quod significat spiro, à quo verbo Spiritus: Hebraum רוּחַ à verbo רָחַח quod significat respiravit. R. (1) Argumenta, quæ sunt ab Erymologia petita, non adeo firma probatione concludunt, sicut notum est ex Axiomate vulgari. (2) Dicitur Spiritus, quia aeterna spiratione Patris & Filii, ut persona divina, procedit à Patre & Filio, non autem, quod Spiritus aliquis sit temporalis, vel externus aliquis afflatus. (3) in significatione vocum non saltem ad vocis sonum, sed etiam, & quidem potissimum ad rei flatum respiciendum est.

6. (IV) à frequenti propria significationis adhibitione: Et exempla quidem propria illius, quam diximus, significationis non sunt in sacris literis infrequentia, praesertim in scriptis Veteris Testamenti, sive Hebraeum textum, sive Graecum, ejusque interpretationes Hebraeas. R. (1) posito, quod haec significatio, qua significat *afflatum*, sit omnium frequentissima, nihil tamen inde colligitur, cum nunc *equivocum equivocatum* alteri nihil afferat praedicti; nam omnia *equivocata*, vel *aeque primo*, vel juxta certam quandam analogiam, ad *equivocum equivocans* referuntur (2) falsum est, quod adeo frequens sit haec significatio, qua significare dicitur *afflatum*, ex animalis ore emissum, si quis enim collationem instituere velit, reliqua significata si non sigillatim, tamen conjunctim longe frequentiora deprehendet. (3) negamus, hanc solam esse propriam significationem, sicut dicit & intendit Crellius, cum *aeque proprie Spiritum* etiam spiritualem essentiam designet.

7. (V) Ab hujus significationis translatione: Hinc igitur, pergit, propter similitudinem est translata haec vox ad eam DEI virtutem, qua Spiritus Sanctus appellatur, aut etiam spiritus DEI, vel Spiritus simpliciter. R. [1] est positio principii, siquidem, quod Crellius affirmat, argumento nullo confirmat, nisi. quod hinc per similitudinem translata sit haec vox ad talem DEI virtutem, quae sit *afflatus*. [2] Deus Pater etiam dicitur Spiritus. num ergo DEUS Pater per similitudinem à spirando, vel habitu animalis denominationem accepit? [3] Ex sacris literis certum, quod hic Spiritus sit aeternus Heb. IX. 14. & ab omni aeternitate fuerit Spiritus, & Spiritus Sanctus etiam in Mose sub nomine Spiritus Elohim introducit Gen. I. 2 antequam ullum animal, vel creatura existisse legitur.

8. (VI) Agentilium consuetudine: Quo pacto, scribit, etiam Latini id, quod Sacra littera Spiritum DEI appellant, divinum *afflatum* nominant, & eos homines, v.g. Poëtas, qui Spiritu quodam divino agitari videntur, DEI nomine, vel DEI Spiritu afflati dicuntur. R. (1) à loquendi modo gentilibus usitato, neutiquam in rebus Theologicis, multo minus in tantis mysteriis argumentari licet, nec à perascologia gentilium ad perascologiam Spiritus Sancti, vel etiam  
ad



*propriam significationem rerum mysticarum, collectionem institueret fas est. (2) gentiles ignorarunt Spiritum Sanctum, nec ullum de ipso verum conceptum habere potuerunt, cum divinæ revelationis prorsus expertes fuerint, quomodo proinde similitudinem hanc attendere, vel ad Spiritum Sanctum referre potuerint, nullatenus apparet. (3) Dist. inter verborum sonum & sensum: sono quidem similia passim apud gentiles reperiuntur, sed sensu prorsus dissimilia protulerunt: item inter *affatum essentialem & causalem, constitutivum & effectivum*, non *illud*, sed hunc intellexerunt, quovot bene de Spiritu Sancto senserunt: inter loquendi modum proprium & improprium, cum Spiritus poeticus nec sit, nec esse possit ipse Spiritus Sanctus, nisi quoad *Metonymiam effecti*, cum sit *donum Spiritus Sancti*, hinc facile compareret, quod nihil ad propriam Spiritus Sancti significationem, vel etiam ad præsentem causam, Spiritus poeticus facere possit.*

9. (VII) *Ex Christi insufflatione*: Sic enim ulterius pergit Crellius: *Est autem similitudinem non exigua inter, & Spiritum propriè sic dictum, & inter eum, de quo nos agere institimus, Christus ipse indicavit, de quo legimus ap. Job XX. 22. quod afflaverit. eis Quoniam suos discipulos, additis his verbis: Accipite Spiritum Sanctum quo afflatum voluit aliqua ratione adumbrare rem ipsam, quæ verbo expressit, nempe ipsum divinum afflatum, quo inspiratus erat, & aliqua ratione etiam tum, ut nobis quidem credibile est, aspiravit discipulos, quibus divinis simi illius doni, quod uberius postea in eos effusus erat, primitias quasdam, & veluti gustum quendam tum videtur dedisse, quæ de re non est fufius nunc discernendi locus. Illud quidem videtur satis apertè indicasse Christus, Spiritum Sanctum, ejusq; à D. O. Christi q; emanationem, sive emissionem, afflatui ac spiraculo esse similem. & [1] nititur falsa hypothesis, quasi Spiritus propriè dictus sit tantum afflatus, quod falsum, sicut superius notavimus: gratis tamen illud adsumit, quod firmis rationibus, nec deducit, nec deducere novit. [2] Falsum est, quod afflatus Christi fuerit ipse Spiritus Sanctus, cum tantum in afflatu Spiritus Sanctus extiterit. & afflatu mediante tunc Apostolis à Christo communicatus sit. Dist. igitur inter *fig-um* & *signatum*, inter *symbolum*,*

& id, quod *symbolo materialiter* exhibetur: *Afflatus* tantum *symbolum* fuit præsentiæ, veletiam *noivniæ* Spiritus Sancti, non autem *formaliter* fuit ipse *Spiritus Sanctus*, cum *afflatus* iste fuerit etiam *res physica*, *Spiritus Sanctus*, sit *res mystica*, *afflatus* fuerit *motus aeris*, sed *Spiritus Sanctus* sit *actus Deitatis*: *afflatus* sit *res externa*, *Spiritus Sanctus* *interna*, *afflatus* sit *temporalis*, *Spiritus Sanctus* *aeternus*, *afflatus* sit *transitorius*, sed *Spiritus Sanctus* *permanens*, *afflatus* *momentaneus*, *Spiritus S. perpetuus*, *afflatus* sit *naturalis effectus*, *Spiritus S. supernaturalis & spiritalis fructus* &c: Item *dist.* inter *adumbrationem* & *rem adumbratam*, *typum* & *antitypum* &c. quæ certe minimè sunt inter se confundenda. (3) Licet aliqua similitudo concedatur inter *afflatum* & *Spiritum Sanctum*, tamen notum est, quod similia non sunt eadem, cum saltem in certo quodam *certio* communiter conveniant: hinc potius invertendum hoc argumentum: Quæ *similia* sunt ea proprie non sunt eadem: At *Spiritus Sanctus* & *afflatus*, juxta *Crellium*, *similia* sunt: Ergo *proprie* non sunt eadem, ergo nec *proprie* Spiritus Sanctus est *afflatus*.

10. (IIX) *Ex Spiritus Sancti apparitione*: Sic enim hoc ulterius ibidem confirmare contendit: *Nec alienum ab eo, quod asserimus, illud etiam est, quod cum ingens Spiritus Sancti copia in Christi discipulos primum effunderetur, instar ventis cujusdam cum sonitu irruerit, ut in Actis Apostolicis cap. 2. legimus. R.* (1) à *vento* non licet ad *afflatum* argumentari: cum aliud etiam physice loquendo sit *ventus*, aliud sit *animalis afflatus*, qui *Crellio* *proprie* dicitur *Spiritus*. (2) *Spiritus Sanctus* fuit in *vento*, non fuit ipse *ventus*: *ventus* fuit *signum*, vel *symbolum*, *Spiritus Sanctus* vero *signatum*, nihil igitur inde colligitur, cum *signum* & *signatum* omnino sint distincta. (3) multo minus hoc inde colligitur, quod *Spiritus Sanctus* sit *nudus afflatus*, vel *proprie* nihil aliud sit, quam *afflatus*.

11 (IX) *Ab afflatus & Spiritus Sancti comparatione*: nam his ultimam rationem subjungit *Crellius*: *Similitudinis autem ratio in eo potius inum consistere videtur, quod quædam admodum habitus, seu afflatus, aut vento, facile quispian affici, & qualitate aliqua, inde manante, imbui potest, eoque simul aliqua ratione commoveretur & agitur, ita etiam virtute divina, homines afficiuntur, & qualitatibus*

bus quibusdam, à DEO proficiscuntibus, imbuntur, atq; alia ratione commoventur, & agitantur. Quo accedat, quod status, ventusq; sit res tenuissima ac subtilissima, eamq; ob causam penetrabili admodum, & sese in intima quæq; insinuandum apta, ac simul etiam occulta, occultaq; non subiecta. Similiter etiam efficacia illa divina, occulta quadam ratione, imis hominum sensibus sese insinuat, & intima quæq; penetrat. Quoniam non desunt, qui eam quovis similitudinis rationem constituent, quæ videtur aut illos esse potissimum, nempe quod Spiritus Sanctus ipsis videatur esse substantia quadam subtilissima, balnei oris humani analogæ, seu ita similis, ut quemadmodum ille à nobis emanat, ita Spiritus ille à DEO; & quemadmodum nos adhalare quippiam alteri possumus, quod corpus ipsius afficiat, ita DEUM Spiritu illo suo, quem ex sese veluti emittat, afflare hominibus eam, quæ animos ac mentes ipsorum afficiant. Quam sententiam in medio nunc relinquimus, aliquid fortasse, quod hoc perferre queat, dicturi infra, quando de re ipsa disseremus.

12. B. (1) Non tantum hos *comparationum* respectus, suo genitino, verèq; orthodoxo sensu concedere, sed plures etiam comparandi rationes addere possumus, cum notum sit, quod fecundum latis sit *comparationis* institutum. Hinc (2) notandum, quod *Crellius* collationem *mutilam* & *maneam*, non *integram* & *perfectam* instituerit; & ratione *substantiæ* *commotionis*, & ratione *tenuitatis* *vel subtilitatis*, & ratione *facillimæ* *penetrationis*, & ratione *occul-tæ* *operationis*, & ratione *invisibilitatis*: sed nobilissimos *comparationum* respectus attendere noluit quales sunt ratione *quidditatis*, ratione *originis*, ratione *divinæ* *operationis* &c: quæ tamen applicationes, vel *comparationes* potissimum hic notare debuisset. (3) ne nihil dixisse videatur, sub incerti tñ fortasse promissio pleniorẽ hujus evolutionem inferius pollicetur: verum mysteria divina non ita sunt explicanda, vel illustranda per *comparationes*, ut non controversia, vel non necessaria, vel etiam *secundaria*, potissimum explicemus, sed controversa maxime necessaria, vel primaria sive suspendamus. sive penitus omittamus, sive *ostendimus* ad alia loca remittamus. (4) non negamus hæc *comparandi* rationes, sed *ignorationem* *Elencbi* notamus in *Crellio*. Non enim *similitudines* *Spiritus*, *Sancti*, cum *afflatu*, sed potius *idem*.

*identitatem* probare volebat, eam igitur demonstrare debebat, cum disertis verbis dixerit, *Spiritum Sanctum* nihil aliud esse, quam *afflatum divinum*.

13. His igitur refutatis, dicimus *Spiritum Sanctum* non esse quoad *essentiam*, vel *existentiam* suam, *afflatum divinum*, de quo prolixius egit *Venerand. Dn. D. Calov. in Socinism. proflig. de Spiritu S. contr. 5.* nostramque sententiam multis argumentis demonstratam dedit (1) quia hæc sententia *Socinianorum inaudita*, (2) nuspiam in *Sacris literis inuenta* (3) quod juxta scripturam *Spiritus S. sit person. 1.* (4) *verus Deus*, (5) quod de nullo afflatu dici possit, quod *personaliter à Patre procedat, audiat à Patre, qualoguitur, accipiat à Christo, mittatur ut Paracletus, veniat ad nos, doceat nos, reficietur, mundum redarguat, futura annunciet, Christum clarificet, in veritatem deducat &c.* quæ tamen omnia dicantur de *Spiritu Sancto*. (6) quia non possumus in *afflatum baptizari*, sicut dicimur in *Spiritus S. ut in Patris & Filii nomine baptizari*: (7) quia *afflatus non potest idem esse cum Patre & Filio I. Job V. 7.* (8) quia *afflatus non potest formam corpoream adsumere, in ea descendere & conspici*. (9) quia *Spiritus S. est unus numero I. Cor. XII. 11.* sed *afflatus*, juxta *Crellium*, innumeri: (10) quia *divinus afflatus fingitur extra DEum; sed Spiritus S. in DEO I. Cor. II. 10. 11.* (11) quia *Spiritus ille Crellii plurima absurda* vel supponit, vel in sese complectitur, vel certe subinfert, quorum 10. dicto loco recensentur. Accedunt (12) etiam ipsorum *Socinianorum hypothesis*. nam secundum *Ostorod. contr. Tradel p. 203.* *Spiritus Sanctus est de DEI essentia*. Sic enim ille scribit: *Ob Ich wol bekenne: daß der H. Geist, den Gott seinen Kind. rn gibe/ von Gottes Natur und Wesen sey: so gehe Ich doch nicht zu/ daß der Geist Gottes/ der in Ihnen Wircket/ eben musse auch Gottes Wesen und Eigenschafft sein &c:* *Socinus* etiam passim proficitur, quod *Spiritus Sanctus naturaliter sit in DEO*. Jam quicquid est enim *DEO naturaliter*, illud certe non potest essentialiter esse *divinus afflatus extra DEum*: At juxta *Socinum* *Spiritus Sanctus est in DEO naturaliter*. Ergo non potest esse *divinus afflatus extra DEum*, quod *Crellius* hætenus probare voluit.

QVÆSTIONES ANTI-SOCINIANÆ

EX ARTICULO II.

AUGUSTANÆ CONFESSIONIS

DE

PECCATO ORIGINIS

QVÆSTIO UNICA.

DISP. V.  
R. FRIDE-  
RICUS  
Wegeha-  
sen/ Vörs-  
Bremen.

*An detur Peccatum Originis?*

1.

Circa statum controversia prius unum, vel alterum præmittimus, quàm ad ipsam quæstionis ventilationem accedimus, cum certum sit, quod *Peccatum Originis* sudes in oculis Socinianorum esse videatur, quia de causa scribit Smalz. adv. Franz. p. 46. *Peccatum originale mens est FABRILLA, quam tanquam fœtum alienum fovet Lutherani* p. 132. *Peccatum originis negamus* &c: Item Equidem, turpissime peccatum Originis affirmari, sentio, utpote, quod nec literis sacris, nec sanæ rationi consentaneum sit. p. 370. illud peccatum scilicet appellat, & passim alia duriora dicta contra peccatum originis, in scriptis Socinianorum, invenire licet.

2. Non autem quæstio ratione subiecti (1) de peccato quovis, cum manifestum sit, peccatum in totum à Socinianis minime negari: nam licet variis hypothesibus doctrinam de peccato vel labefcerent, vel dubiam reddant, non tamen ejus audaciæ, sunt, ut prorsus omne peccatum negare velint. (2) neq; de Peccato originis originante, vel Lapsu Protoplastorum, de quo pariter talia proferunt, quæ neutiquam vel cum scriptura sacra, vel cum analogia fidei consentiunt, cum fingant, lapsum Adami tantum esse personale quoddam peccatum, ad posteros Adami non pertinere: Sicenim Socinus de stat. prim. hom. p. 287. scribit: *Quomodo sine propria culpa perire potuit humanum genus, quod ne perire quidem potuit, cum adhuc non esset? Fateor, posse quodammodo*  
I  
dici,

dici, periisse universum humanum genus, cum Adamus propter peccatum periit: sed certe tamen non periit, cum verè nondum esset, quare nec ulla injuria eifieri potuit: imò negant, quod Adamus naturam suam corruperit, ut legitur in *Catech. Racov. c. 10. p. 250. Lapsus Adæ cum unus actus fuerit, vim eam, qua depravare ipsam naturam Adami posset, habere non potuit: & quod imago Dei deperdita sit per lapsum protoplastorum, vel ista justitia originali universum humanum genus post peccatum caruisse volunt. Socin. in *pral. cap. 3. p. 8. Imago Dei*, scribit, *Smalz. contr. Franz. p. 61. adhuc post peccatum in hominibus inest* &c: (3) Sed de peccato originis, in specie hic dicto, potissimum hic disquiritur, quod alias *Peccatum Originis: originatum*, vel κατ' ἰσχὺν tale dicitur.*

3. *Ratione predicati*, non quæritur. [1] de *existentia mentali*, vel *rationis*, num per fictionem rationis in mente nostra peccatum originis existat; sicut antea *Smalz. iust. b. 1. peccatum originis fictitium* peccatum appellabat. Verum non fingitur, per quod tota natura nostra, vel universum genus humanum corrumpitur. [2] neq; de *existentia verbali*, vel *orali*, num saltem, quoad nudam oris professionem, peccatum originis detur, sicut idem *Smalz. iust. peccatum originis* antea *fabulam* nuncupabat. [3] neq; de *existentia essentiali*, quam olim *Flaciani* duriores asseruerunt, qui hominem essentialiter bonum ante lapsum, vel imaginem DEÏ pulcherrimam, sed post lapsum essentialiter malum, id est, *peffimam Diaboli larvam*, vocitarunt. [4] Sed de *Existentia reali*, vel *doctrinali*, quia doctrina de peccato originis, tanquam pars non postrema Theologiæ passim inculcatur.

4. Antesignanus sectæ Socinianæ, *Faustus Socinus*, ipse in *præf. Theol. c. 4. p. 11.* prolixè contra nostram orthodoxiam insurgit, idq; triplici potissimum ratione. (I) *Hypothesibus*. (II) *Rationibus*. (III) *Responsionibus, vel refutationibus*, quibus nonnullis vel assertionibus scripturæ, vel demonstrationibus nostris satisfacere conatur.

5. I. Quod attinet *Hypotheses*, illæ partim concernunt *vocem*, partim *ipsam rem*. (1) De *vocem peccati* scribit: *Peccati ratio duplex est, sive hujus vocis peccati duplex significatio est in sacris literis,*

veris. Aut enim culpam significat, aut pœnam. Loquimur autem hic de præcipuis significationibus, & quæ ad propositam quæstionem pertinere possunt. R. (1) rectius Socinus fecisset, si vocis hujus significationes ex Scriptura deduxisset. (2) quod plures dentur vocis peccati significationes non semel alibi fuit allegatum. (3) peccatum originis, quæ tale, simul culpam & pœnam involvit, quemadmodum ex sacris literis certum, cum per ipsam conceptionem & nativitatem simus peccatores Psal. LI. 7. & natura filii iræ Eph. II. 3. frustra sic vocis hæc distinctio præsentī loco producitur.

6. (II) Hypotheses quærem concernunt, partim ipsam Status controversiæ thesīm, partim variam ejus hypothesīm respiciunt: Circa thesīm quæstionis scribit. Itaque, cum quæritur, An sit Peccatum Originis? idem est, ac si quæreretur, Utrum homines cum nascuntur, eo quod ab Adamo originem ducunt, propter ipsius Adam lapsum, culpam aliquam, aut pœnam contrahant, vel alicui culpa, aut pœne sint obnoxii? R. [1] in hac quæstione magis de existentia peccati originalis, quam essentia, num, culpa, vel pœna sit, solliciti sumus. [2] Per conclusivam particulam, Itaque, ex præcedenti distinctione vocis hic status quæstionis deducitur, sed ut fundamentum est captiosum, sic etiam quæstionis statum esse fucatum deprehendimus. Hinc [3] notamus, quod non disjunctivè quæstio sit intelligenda: Utrum homines, cum nascuntur, eo quod ab Adamo originem ducunt, propter ipsius Adam lapsum, culpam aliquam, AUT pœnam contrahant, vel alicui culpa, AUT pœnæ sint obnoxii, sed conjunctivè, vel copulativè potius: cum & culpam & pœnam peccatum originis foveat, licet non sit opus, ut hac in quæstione, circa solam originalis peccati Existentiā, id ipsum attendatur.

7. (III) Quod omne peccatum sit voluntarium, tanquam specialem hypothesīm supponit inquires: Ad culpam constituentem propria voluntas ejus, qui in culpa futurus est, omnino requiritur. R. [1] omne peccatum Ethice dicitur voluntarium, non Theologicè: siquidem illo respectu voluntas inter principia moralium actionum recensetur, sed hoc respectu multa dantur peccata, quæ voluntaria non sunt: peccatum natura, quod originale dicitur, ex

voluntate nostra non pender, nec peccata, quæ vocantur *infirmis*, secundum, sed vel citra, vel contra voluntatem fieri deprehenduntur, prout ipse Paulus docet *Rom. VII. 17. Non quod volo, bonum, hoc ago, sed, quod odi, malum, illud facio v. 16. Si autem, quod nolo, facio, consentio legi, quoniam bona est: & v. 19. non quod volo, bonum, hoc facio, sed, quod nolo, malum, hoc ago*: nec ignorantia peccata quis voluntaria rectè dicere poterit. Facile quidem largimur, quod Augustinus, & cum eodem alii peccatum omnino voluntarium dixerint, sicut August. inquit *libr. de vera relig. c. 13. ubi, adeo peccatum voluntarium est malum, ut nullo modo sit peccatum, si non sit voluntarium*: tamen voluntarii terminum tam latè extenderunt, ut non tantum reliqua peccata, sed etià originis malum sub ambitu suo comprehenderet, prout scilicet naturaliter propagatur, & non invita, vel natura, vel voluntate communicatur, unde iuxta nonnullos, voluntarium dicitur vel ratione primi parentis, qui corruptionem naturæ plena voluntate per lapsum suum attraxit, non pro se tantum, sed tanquam totius humani generis caput, pro nobis universis. Confer. *Aug. l. 2. de nupt. & concupisc. c. 28* vel ratione proximorum parentum, quod alii, Scholastici cum primis, allegare solent, unde Bonavent. in 2. sentent. dist. 1. q. 1. peccatum originale voluntarium, ait, non voluntate ejus, in quo est, sed voluntate ejus, à quo est: vel ratione possessorum, quod, vel cum ipsa voluntate, vel in voluntate peccatum originis à parentibus per carnalem propagationem suscipiant, aut successu temporis voluntate plena in hoc peccatum consentiant; vel aliis respectibus &c: (2) Deinde dist. inter culpam æternam, & originalem: illa voluntatis, hæc naturalis hodie necessitatis dicitur, cum per naturam corrupti simus, & non peccare non possumus.

8. (IV) Quod cum a culpam constituendam propria voluntas ejus, qui in culpa futurus sit, omnino requiratur; pœna verò sine antecedente culpa esse non possit, nullo modo videtur dici posse, in homine dum nascitur, ullam sive culpam, sive pœnam, locum habere posse, cum is propria voluntatis tunc nullum usum habeat, nec antea habere potuerit. &c. [1] quod culpa citra voluntatem propriam sit. in infantibus, thesi præcedente notatum, hinc etià pœna facile colligitur:



ligitur: nam *ubi culpa, ibi pœna*. (2) confunditur hic iterum *actuale* cum *originali* peccato; *primus* voluntatis propriæ, *posterius* corruptionis naturæ. (3) *Diff.* inter *pœnam* coram *judicio* divino, & *humano*: homines dum nascuntur, nec culpam, nec pœnam coram *judicio* humano habere dicuntur, ad quæ propria voluntas requiritur, sed coram *judicio* divino nec sine culpa, nec sine reatu, vel pœna, reperiuntur.

9. (V) *Quod* quidam alias vocis peccati significationes, extra *sacras* literas, excogitaverint. Unæst, ut *errorem* sine culpa significet. Altera, ut *malum*, ex alterius etiam culpa proficiscens, declaret. Itaq; *Originis* peccatum, vel *justitiæ* *originalis* carentiam (ut ita dicam) interpretantur, quæ fiat, ut homo naturaliter, nisi *DEI* gratia superveniente juvetur, nihil nisi errare possit, id est, contra *DEI* legem committere; vel ea mala esse dicunt, quæ omnes homines, propter primi parentis culpam, subire coguntur. Verum cum à nobis *justitiæ* istam *originalem* in primo homine non fuisse, supra demonstratum fuerit, nullus locus est priori ex his duabus interpretationibus. Posteriori verò, est id, quod in eo dicitur, verum est, ut postea videbimus, tamen locus propterea esse non potest, quod ista vocis peccati significatio insolens nimis videtur, & fortasse in nullo prorsus est usui.

10. R. (1) omnino dantur plures, præter superius enumeratas, si significationes peccati: nam sumitur. (a) *νομιμα* & *figurative*, prout ipse Christus dicitur factus peccatum *II. Cor. V. v. 21.* (b) *ἐξοχικῶς* & *principaliter*, ut ita loqui liceat, pro gravissimo & maximo, quod peccatum in *Spiritum Sanctum* appellatur *I. Job. I. 16. Heb. X. 29.* (c) *ἰδικῶς* & *specialiter*, pro peccatis mortalibus, contra conscientiam, vel ex consuetudine commissis *I. Job. III. 8. seqq.* (d) *γενικῶς* & *communiter*, pro quavis *ἀντιεία* quando *I. Job. III. 4. ἀναπλά* dicitur *ἀντιεία*. (e) *ἰδιωματικῶς* vel *peculiariter*, quando, modo peccato *originali*, modo peccato *actuali* appropriatur &c: quis verò duas istas, à Socino citatas, significationes potissimum urserit, ipse non adducit, nec curiosius illud inquirere, dicitur operæ precium. (2) Dari errorem sine culpa coram *DEO*, falsissimum est, cum omnis error, *Theologicè* loquendo, cum culpa

sit conjunctus, multo minus verum est, quod *originalis justitia carentia* sit *error sine culpa*. nam dicitur ab ipso Socino h. l. quod ex eorum, quorum verba proponit, opinione sit peccatum originis, peccatum autem originis culpa vacare nequit: & cura per hanc carentiam homo nihil nisi errare possit, multiplex in ea culpa reperitur. (3) Verissimum autem est, quod *peccatum originis*, vel *malum ex alterius culpa proficiscens*, in sacris literis *peccati* nomen designet, quod omnes homines propter primi parentis culpam subire cogantur, unde rem ipsam Socinus negare minime potest, *verum scilicet esse, quod hac ratione dicitur*: jam ubi de rebus consensus, non difficilis est in ipsis *vocibus* dissensus. (4) Falsum, quod ista vocis *Peccati* significatio sit *insolens*: nam nec *insolens* est, hoc est, *inusitatum*, prout patet ex *Psal. LII. 7. Rom. V. 12.* & locis omnibus, ubi vox *peccati* de *malo originali* reperitur; nec *insolens* est, vel *cumida*, & *superba*, seu *fastuosus*, cum potius ad humilitatem sit accommodata, nimirum ut miseriam nostram humiliter agnoscamus & deploremus. (5) Falsum denique est, quod hoc sensu *prorsus in nullo sit usu*, quia scriptura sic utitur voce *peccati*, sicut ex locis adductis constat, unde nec ipse Socinus id negare præsumit, sed per dubitandi particulam *FORTASSE* tandem id dubium efficere contendit.

11. II. Ab *hypothesebus* nunc digreditur ad *rationes*, quarum tres adducit, easque nostræ sententiæ confidenter opponit. Sunt igitur, scribit, qui velint, (*hæcque opinio vulgo recepta est*) *originale peccatum, innatam quandam cupiditatem, seu concupiscentiam malam in homine esse, & ad peccandum pronitatem*. *Opinio hac triplici ratione potissimum vera esse non potest.* (1) *quia concupiscentiam istam, sive ad peccandum proclivitatem, in omnibus prorsus hominibus naturaliter esse non constat.* R. (1) *negatio*, non est *probatio*, adeoque petit Socinus principium: hoc enim probare debuisset, quod non sit in omnibus hominibus naturaliter, gratis igitur hoc sibi sumit. (2) *Diff. inter homines integros, & corruptos*: in omnibus corruptis invenitur, non in hominibus integris. hinc Aug. *Confessio* diff. inter *homines secundum naturam propagatos, & eum, qui supra naturam natus est*, dicitur ibi, quod *post lapsum Adæ omnes homines, se-*

cun-

*mundum naturam propagati, nascantur cum peccato, hoc est, sine metu DEI, sine fiducia erga Deum, & cum concupiscentia, quodq; hic morbus, seu vitium originis, vere sit peccatum, damnans & asserens nunc quoq; aeternam mortem his, qui non renascuntur per baptismum & Spiritum S. In omnibus igitur naturaliter ex semine corrupto natis, non in Christo talis concupiscentia reperitur. (3) quia suos posteros Adam genuit, non ad imaginem DEI, sed ad imaginem suam Gen. V. 2. ita quidem, ut in peccatis concipiantur, & nascantur Psal. LI. 7. careant omnes gloria & imagine DEI Rom. III. 20. & natura sint filii iræ Eph. II. 3. atq; mortis candidati propter hoc peccatum, dum per unum hominem peccatum in mundum intravit, & per peccatum mors, quæ sic in omnes pertransiit, dum omnes, tam infantes, quam adulti, peccaverunt, non eundem peccatis voluntariis & actualibus, sed originalis peccati participatione: Rom. V. 12. hinc nihil aliud colligitur, quam quod naturaliter in omnibus concupiscentia, vel labes sit originalis.*

12. (H) *Qui etiam si de eo constaret, non propterea illud esset, quia Adamus, à quo omnes prognati sumus, divinum illud præceptum transgressus fuerit. R. [1] si constat de eo, quod peccatum originale naturaliter sit in omnibus hominibus, habemus, quod hic volumus, quia hic saltem de existentia peccati originalis disquiritur, non autem de illius origine, vel causa: siquidem. (2) dist. inter quæstionem an sit, & unde sit: non hic de quæstione unde sit, sed de quæstione an sit, disputamus, quas male contra legitimum disputandi processum Socinus confundit. (3) Effectum testatur de sua causa: quia proinde Socinus hic simpliciter nondum negat, quod mala concupiscentia naturaliter sit in omnibus hominibus, malus in iis effectus erit: vel igitur Deum, vel Adamum, autorem habebit: non Deum, quia Deus vidit cuncta, quæ fecerat, & ecce valde bona fuerunt Gen. I. 31. manet igitur, quod Adamus sit causa hujus prævæ concupiscentiæ, qui vel quoad naturam, vel quoad culpam, illius morbi peccaminosi causa dicendus, non prius, quia natura fuit bona DEI creatura: Ergo posterius, & sic culpa, vel lapsus Adam, quo contra DEI voluntatē præceptum illud divinum.*

num transgressus est, quod multis ex *Gen. III.* doceri posset, si modo thesin probare vellemus.

13. (III) Quia cupiditas ista, & ad peccandum pronitas, cum conjunctam secum hominis ipsius, in quo est, culpam non habeat, ejus peccatum proprie dici non potest. R. (1) Illa cupiditas prava non tantum pronitas est ad peccandum, uti vult Socinus, sed ipsum peccatum, & vitiosus natura corrupta habitus, prout patet ex locis de peccato originis loquentibus. (2) Cupiditas hæc originalis, & vere dicitur peccatum, & proprie *Rom. VII. 7.* & certe tum proprietas, tum effectus, & alia, quæ peccati naturam infallibiliter manifestant, huic concupiscentiæ conveniunt, quod prolixè demonstrari posset, nisi res in vado versaretur. (3) Falsum est, quod hoc originale malum concupiscentia, secum culpam non habeat conjunctam, cum sit *avouia I. Job. III. 4.* quæ culpam formaliter infert, & nos reddit filios iræ, *Eph. II. 3.* quæ consequenter culpam respicit. (4) Dist. inter culpam naturalem, & moralem, non ex voluntate moralis culpa, sed ex corruptione naturalis culpa, per vitiosam conceptionem & nativitatem, in infantibus reperitur.

14. Deniq; digreditur Socinus ad responsiones, quibus nostris, ex scriptura petitis objectionibus, satisfacere conatur Sed dicit aliquis, inò constare, in omnibus prorsus hominibus naturaliter concupiscentiam istam malam inveniri, idq; his sacrarum literarum testimoniis adductus. [1] *Gen. VI. & IIX.* scriptum est, cogitationem cordis humani esse duntaxat malam omni tempore: & hominis cogitationem malam esse ab adolescentia illius. Sed loci isti non de naturali concupiscentia loquuntur, sed de voluntaria. Nam si de naturali loquerentur, certe neg; ea de causa immisso diluvio, eam graviter DEUS homines punivisse, priore loco diceretur; neg; tanquam rem aliquam novam & inexpectatam, eam DEO quodammodo accidisse, scriptura testaretur, adeo, ut eam ob causam DEUM indoluisset, eumq; punivisse dicat, quod hominem fecisset. Quamquam *Gen. IIX.* non est legendum: Figmentum enim cordis humani malum est ab adolescentia sua, sed, quia figmentum humane cordis malum sit ab adolescentia sua. In Hebræo enim nullum est verbum. Quare satius est sub-

est subaudire SIT, quam EST. Ita ut non assensit DEus rationem, cur non amplius sit execraturus terram propter hominem, nec amplius percussurus omnem viventem, sed dicat, hominis malitiam non amplius tantam vim habituram, ut ipse propter hominem terram execretur, & omnem viventem percuiat, quam malitiam non affirmet jam esse, aut omnino futuram; sed si fuerit, non eam vim apud se habituram, quam antea habuit. Alioquin si, ut vulgo solent, locum legamus & interpretemur, sequitur, DEum dixisse, illud idem apud se causam jam esse, ne amplius immisurus sit diluvium orbi terrarum, quod ut immitteret, paulo ante causa fuerat: quo nihil absurdius Deoque indignius excogitari potest.

15. R. ad locum Gen. VI. 5. (1) quod omnino verum sit, quod occasio hujus oraculi, subiectum immediatum, objectum directum, & divinam intentum diluvii, cum aliis respiciant actualia hominum antediluvianorum peccata, quia rationem non naturalem, sed voluntariam concupiscentiam ostendant, adeoque nos in eo contradicentes Socinus non habebit: sed potius fallaciam ignorantia Elensbi committit, quia censer, quod hic locus vel à nostris, vel ab aliis originalis peccati defensoribus, exclusivè de peccato originis allegetur. (2) potius notandum est, quod alia ratione locus hic pro peccato originali citetur, nimirum quoad oraculi generalem statum, adequatum subiectum, cum infantes etiam in diluvio perierint, objectum perfectum, & plenum intentum DEI, vel aliis respectibus. Hac de causa saltem unum è Theologis pro nostra sententia producemus, vid. B. Meijner. dec. 1. Antibropol. disp. 5. q. 3. tb. 4. Fatemur, inquit, hunc textum loqui de peccatis actualibus mundi antediluviani, quemadmodum etiam v. 11. 12. ita tamen, ut ad ipsam simul omnium scelerum radicem quodammodo respectus habeatur. Nam [1] est sententia universalis includens triplex καθολικὸν 1. subiecti: Omne figmentum cordis. 2. Actus, Tanquam malum. 3. Temporis: omnibus diebus: neg, dicitur restrictè, Omne figmentum cordis hominum istorum, sed absolūtè, Omne figmentum cordis humani. Cur ergo nos limitemus, ubi scriptura ipsa limitationem non addidit. [2] Adfertur hic causa malitie actualis, sicut etiam Salvator Matt. XV. 16. testatur, Ex corde egredi cogitationes malas: ita hic malitiam ex depravato cordis figmento ortam esse innuitur. Actus ergo secundus actui primo, rivus fonti, effectus causa non est

opponendus. Utrumq; enim vidit Dominus, & multam malitiam, & figmentum cordis omne tempore malum. Istud peccatum actuale, hoc originale: istud malos fructus, hoc malam arborem; istud diluvii causam proximam, hoc causam causam significat. (3) Quoniam causa diluvii redditur, idcirco verba sic exponenda erunt, ut infantes non excludantur, quandoquidem & illi diluvio periere. At v. si per figmentum cordis malum, & actualem tantum iniquitatem intelligas, quid hoc ad infantes? sequitur ergo, vel causam communem, adeoque naturalem labem simul involvi, vel infantes absq; omni culpa punitos esse, quod impium. Proinde sic concludo: Diluvii causa fuit peccatum; Infantes periere diluvio. Ergo propter peccatum. Non autem actuale. Nam tale quid ob negatur rationis usum committere non poterant. Aliud ergo prater ea, nimirum originale, concedendum erit.

16. Ad locum Gen. IX. R. (1) quod facile concedamus, in Hebr. *qvia*, legi, non enim: sed vocibus magis, quam virtute vel illatione, particulae distinctae sunt, quia utraq; causalis est, id quod etiam ex contextu patet, sic enim integer locus habet: *Non obliuisti holocausta super altare: odoratusq; est Dominus odorem suavitatis, & dixit Dominus ad cor suum: Nequaquam ultra maledicam terra propter homines, quia figmentum cordis humani malum est ab adolescentia sua: non igitur ultra percutiam omnem animam viventem, sicut feci; cunctis diebus terrae seminis & messis, frigus & aestus, aestas & hyems, nox & dies, non requiescent.* Ex quibus apparet, quod haec verba sint DEI, per sacrificia placati, & ad novas promissiones excitati, quia ratione generis humani miserie recordatus, eiq; suam gratiam pollicitus est. (2) non opus est, ut vel *Est*, vel *Sit*, apud Latinos subintelligatur, cum plenus sit sensus, si dicatur, *quia figmentum cordis humani malum ab adolescentia.* (3) rectius autem indicativus *Est*, quam conjunctivus *sit*, subintelligitur, quia juxta contextum omnino ratio subjicitur, quare DEUS posthac usq; ad seculi consummationem mundo non velit amplius universaliter maledicere, quod ipse textus innuit, & consensus Interpretum ostendit. (4) Hinc falsum est, quod non affectat DEUS rationem, cur non amplius sit execraturus terram propter hominem, nec amplius percussurus omnem viventem, cum ipse naturalis sensus & positus verborum id refutet. (5) Vanum autem est effugium, quod hoc saltem indicet DEUM, hominum malitiam non amplius

plius tantam vim habituram, ut ipse propter hominem terram ex-  
 cretur, & omnem viventem percutiat, quam malitiam non affirma-  
 jam esse, aut omnino futuram, sed, si fuerit, non eam vim apud se ha-  
 bituram, quam antea habuit. Nam hæc promissio ex DEI gra-  
 tia, vel misericordia, non ex futuri peccati inefficacia desumitur, si-  
 cut clarissima verba docent; vis peccati semper eadem est, qualis  
 fuit ab initio, talis adhuc est, & talis etiam posthæc manebit,  
 nim. excitat DEI gravissimam iram, & eum commovet ad pœ-  
 nam; neq; fuit ante diluvium vis peccati major, neq; post dilu-  
 vium cepit esse minor. (6) Falsum est, quod Jehova non loqua-  
 tur de peccato presente, cum de peccato cujusvis hominis à pueritia  
 sermonem faciat, quale tum temporis etiam Noa, & filii, ac ipso-  
 rum uxoribus præsens erat, unde communiter ab interpretibus  
 observatur, quod hoc loco non de peccato actuali, sed originali  
 sermo sit. Confer. B. Meisner d. l. ubi 6. argumentis id ipsum de-  
 monstrat. (7) Incommodum quod adducitur, nullum est, quia  
 peccatum per se causa fuit diluvii, sed peccatum per se non est cau-  
 sa amissionis pœnæ vel supplicii, sed hæc potius causa sacrificiis,  
 fide per Noam oblati, nim. per & propter Mesiam, itemq; DEI  
 misericordia & promissioni gratuita tribuenda venit, prout ex con-  
 textu liquet.

17. (II) Multa testimonia, ex Jobi historia desumpta, afferri-  
 possunt, ut c. IV. 17. 18. 19. & XIV. 1. 2. 3. 4. c. XV. 14. 15. & XXV. 4. 5. 6.  
 ubi dicitur hominem esse impurum in DEI conspectu, & ratio red-  
 ditur, quia ejus fundamentum sit è pulvere, & res sit frivola ac frugi-  
 lis, & inquam putredo quidam: quæ ratio naturam hominis ob  
 oculos ponit, & ab ipso ortu hominem impurum esse demonstrat, nem-  
 pe ob malam cupiditatem, ei naturaliter inditam, propterea c. XV. 16.  
 dicitur, hominem abominabilem, & inutilem, seu fatidum, imbibere  
 iniquitatem, ut aquas. Animadvertendum autem est in locis illis de  
 impuritate quidam hominis sermonem esse, quæ in ipsis quoq; angelis  
 ex parte invenitur: Comparatur enim homo cum DEO, cujus re-  
 spectu impurus dicitur, quod quidem de omnibus prorsus hominibus  
 intelligendum est. At vero cum affirmatur, hominem bibere iniqui-  
 tatem, ut aquam, id vel hyperbolice dictum censeri debet: vel certe  
 non prorsus univèrse, sed generatim accipiendum est, idq; non ad ho-  
 minis naturam, sed voluntarias actiones referendum. Est enim ar-

gumentum ab eo, quod sit, non autem ab eo, quod fieri sit necesse. Quoniam cum in libro Jobi in utramq; partem de quibusdam rebus disputetur, non possunt temerè rationes in eo allatæ probari, præsertim cum à Jobi amicis afferuntur, qui plerumq; non bonam causam defendunt. Non est autem Jobus, qui loquitur prædicto capite XV. sed Eliphaz, amicus ejus.

18. R. (1) Si loca ipsa verbis plenius adscribere liceret, ex perspicuitate verborum clarissima sententia nostra probata foret: nunc lectorem ad ipsum Jobum remittimus. (2) Quod in angelis DEI reperta sit stultitia, Job. IV. 18. patet ex lapsu Diabolorum: loquitur igitur Jobus de lapsu potius, quam de sanctis angelis, quando dicit: Ecce inter servos ejus non manserunt fideles, & in angelis deprehensa est stultitia: jam à lapsis angelis ad sanctos, argumentari non licet. (3) comparative Jobus loquitur in tantum, non in totum, ut ex singulorum locorum inspectione liquet: cali non dicuntur mundi, magis respectu nostri, quam respectu sui, cum ob peccatum hominis etiam reliquæ creaturæ DEO non amplius placeant, sicut propter hominem ea prius ipsi placuerant, & propter eum conditæ fuerunt. (4) Verissimum est, quod pleraq; Jobi loca, si non omnia sint universaliter de omnibus prorsus hominibus intelligenda, cum omnes homines sint peccatores. (5) Hyperbole fingitur, ex textu non deducitur in c. XV. 16. certum enim est, quod homo bibat iniquitatem, ut aquam, tum respectu peccati originalis, quod in ipsa conceptione, suiq; formatione, suscipit, tum respectu peccati actualis, quia in omnibus actionibus aliquid peccati commiscere solet, idq; non tantum ex mera electione, sed ex natura corruptione, vel ex corruptionis necessitate. (6) licet in aliis disputetur nonnunquam in utramq; partem, tamen hoc de generali hominum corruptione dici nec potest, nec debet, nec hic attendendum, an Jobus, an aliquis amicorum hæc dixerit, cum reliquis scripturis ea maxime consentiant.

19. (III) Locus ille vulgo afferri solet: Ecce in iniquitatibus conceptus sum, & in peccato concepit me mater mea Psal. LI. 7. sed satis constare potest, figuratum esse istum loquendi modum atq; hyperbolicum, ut illustrem etiam Psal. LII. 4. Ab alienati sunt impii à vultu, erraverunt ab uero, loquentes mendacium. Similis locus est Esa. XLII. 8. quibus loquendi modi peccata exaggerantur, & efficacius vituperantur. Quamquam



quam verisimile est, Davidem potius ad excusandum peccatum suum ita locutum fuisse, & in humana fragilitate commemoranda, hyperbole ista fuisse usum, quasi peccatum homini res quædam plane naturalis sit, non autem, quod ita sit revera: tamen si David non de homine, sed de seipso tantum loquitur. Est quidem in hominibus, nullo prorsus excepto, ad peccandum (ut sic loquar) possibilitas, quia nim. DEUM voluntatem liberam & ad bonum, & ad malum dedit. Sed de mala illa cupiditate, & ad peccandum pronitate, licet impletus sit, non tamen affirmare possumus, eam in omnibus prorsus esse.

20. B. (1) Tamdiu τὸ πρῶτον, & proprius verborum sensus retinendus, donec vel necessitas, vel rei absurditas, vel sextus, aut contextus perspicuitas, nos literæ proprietatem dimittere cogat: hic autem Psal. LI. 7. nullam figuram concedimus, ubi maxime proprie locutum fuisse Davidem deprehendimus, & ex toto contextu perspicimus. (2) omnis hyperbole rei veritatem excedit, & speciem mendacii habere videtur: hoc certe Davidi, confessori peccatorum, h. l. tribuere nec possumus, nec debemus, cum eum ingenuum peccatorum confessorem conspiciamus, ita, ut adulterium suum ipso titulo Psalmi præscripserit: nullo modo proinde veritati consentaneum est; eum. hyperbolicis sermonibus uti voluisse, cum primis quia non opus erat ulla hyperbole, ubi fundamentum peccatorum ipsa natura corrupta suppeditabat. Idem etiam de reliquis locis iudicium fieri debet. Hinc (3) notandum non opus exaggeratione peccatorum esse, cum eorum turpitudinem & abominationem detestabilem nec plane, nec plene satis describere queamus, uti scriptura passim inculcat. (4) Falsum etiam, quod David peccatum suum vel excusare, vel palliare, vel quocumque modo colorare voluerit, contrarium totus Psalmi contextus testatur, cum potius summam ejus abominationem agnovit, horrendam & detestabilem ejus turpitudinem defleverit, & ad misericordiam DEI se receperit. (5) Quod peccatum originis sit res naturalis, alibi probatur, non equidem ex natura per Deum creatione, sed ex natura per lapsum corruptione Confer. Rom. V. 12. Eph. II. 3. &c. (6) David de se loquitur hic, sed ut homine, non integro, sed corrupto (7) Quod in omnibus hominibus, nullo prorsus excepto, possibilitas ad peccandum, reperitur, ex eo sequitur, quod omnino non pendeat solū à libera voluntate pec-

catur, quia infantes, & alii, liberam voluntatem non exercent, & tamen peccant. (8) Falsum, quod sola ad peccandum possibilitas in omnibus reperitur, cum ipsum peccatum in omnibus esse dicatur Rom. V. 12. (9) Ipsa cupiditas & pronitas ad peccandum etiam peccatum dicitur Rom. VII. 7. falsum autem, quod in omnibus non inveniatur.

21. (IV) Quarto loco afferri potest Rom. VII. in quo fateor ego, manifeste constare, de summa hominis ad peccandum proclivitate, manifeste agi. Sed considerandum est, Paulum non tam de natura hominis cuiuscunque, loqui, quam de eo, quod in plerisque fieri contingit; nec hominem simpliciter considerare, sed quatenus a lege afficitur. Namque ostendit, si hominem (ut plerique sunt) lex invenerit male cupiditati obnoxium, tantum abesse, ut cum vi sua & propria ab isto malo liberet, ut potius illud in ipso augeat. Caterum cupiditas ista mala, quae cum plerisque hominibus nasci dici potest, non ex peccato illo primi parentis manat, sed ex eo, quod humanum genus, frequentibus peccatorum actibus, habitum peccandi contraxit, & se ipsum corripit, quae corruptio per propagationem in posteris transfunditur. Etenim unum illud peccatum perse, non modo universos posteros, sed ne ipsum quidem Adam corruptipendi vim habere potuit. DEI vero consilio in peccati illius poenam id factum esse, nec usquam legitur, & plane incredibile est, imò impium id cogitare, DEUM videlicet omnis rectitudinis autorem, ulla ratione pravitatis causam esse, quae tamen pravitas, quatenus, ut dictum est, per propagationem in hominem derivatur, peccatum proprie appellari nequit. Nec Paulus praedicto cap. 7. Rom. peccati nomine vere pravitatem istam intelligit: sed figurata quadam loquendi ratione, personam, quodammodo peccato tribuens, illud in homine nondum regenerato, & ab ipsa lege plane pendente, habitare dicit, id est, ejusmodi hominem, quemadmodum a peccato abstineat, invenire non posse. Concludimus igitur, nullum, improprie etiam loquendo, peccatum originale esse, id est, ex peccato illo primi parentis, nullam labem aut pravitatem, universo humano generi, necessario ingentam esse, sive institutam quodammodo fuisse; nec aliud malum ex primo illo delicto ad posteros omnes necessario manasse, quam moriendi omnimodam necessitatem, non quidem ex ipsius delicti vi, sed quia cum jam homo natura mortalis esset, ob delictum illud suae naturali mortalitati a DEO relictus est; quodque naturale erat, id in delinquentis poenam, prorsus necessarium est factum. Quare qui

ex ipso nascuntur, eadem conditione omnes nasci oportet: nihil enim illi ademptum fuit, quod naturaliter haberet, vel habiturus esset.

22. R. (1) adsumimus hoc, quod Socinus fatetur h. l. de *summa hominis ad peccandum proclivitate* agi: hæc igitur *proclivitas* vel pendet ex *natura productione*; vel ex *natura constitutione*; vel ex *natura corruptione*: non illud, quia DEus hominem rectum, & à peccatis immunem, non ad quævis peccata proclivem condidit *Ecl. VII. 30.* nec istud, quia homo constituitur materia & forma, vel corpore & anima, quæ si considerantur essentialiter, naturales habent atq; positivas proprietates & operationes. Sed proclivitas ad peccandum non naturales vel proprietates, vel operationes, sed potius præternaturales tum à proprietatibus, tum ab operationibus, deviationes infert, manet igitur *hor*, quod verissimum. (2) Verum quidem est, quod *Paulus* non simpliciter de *natura hominis ejusmodi*, vel per se, de eadem loquatur, sed potius de *natura corrupta*, vel per *concupiscentiam deformata*, & quatenus legi divinæ dicitur opposita. *Lex* inquit *v. 14. Spiritu alius est, ego, v. corruptus homo, carnalis sum, venundatus sub peccato*: Falsum autem est, quod non de omnibus hominibus corruptis verba faciat. Nam quod *Paulus* de se corrupto fatetur, illud etiam de quovis corrupto proficitur. (3) Non loquitur de *contingentibus accidentibus*, sed de *corruptis proprietatibus*, quas prava concupiscentia contra legem DEI cunctis hominibus tribuit. *v. 5. Cum essemus IN CARNE, passionibus peccatorum, quæ per legem erant, operabantur in membris nostris, ut fructificarent morti* &c; adeoq; non loquitur de iis, quæ vel ex *voluntate*, vel præter *voluntatem*, in plerisq; hominibus contingunt, sed quæ per ipsam *carnem corruptam* omnibus hominibus insunt: nullam enim hic exceptionem facit. Nam *lex non aliquos, non plerosq; sed omnes homines* invenit peccatores, & pravis concupiscentiis obnoxios, quia *omnes, judæi & Græci, sub peccato sunt, Rom. III. 9. seq. v. 19. 20* (4) Hinc nascitur, non cum *plerisq;*, sed cum *omnibus hominibus* hæc prava cupiditas, id quod non tantum *scripura*, sed etiam ipsa *natura*, prout hodie constituta, simulq; dierum omnium *experientia* monstrat, & hæc ex peccato illo primi parentis manat *Rom. V. 12.* non autem ex eo tantum, quod humanum genus frequentibus peccatorum actibus studeat, & habitum peccandi contrahat, atq; seipsum corrumpat: nam lapsus pro-

## DE PECCATO ORIGINIS.

83

roplastorum statim imaginis divinæ amissionem, & imaginis corruptæ conditionem secum habuit, quemadmodum ex effectis, & aliis indicis patet, adeoq; sic *Adamus* ipse corruptam naturam, vel pravam concupiscentiam, in posteros suos propagavit. Nam si, quod *Socinus* fatetur, *corruptio per propagationem in posteros transfunditur apud alios, certe non potest negari*, quod primus homo quoq; corruptionem per naturalem propagationem in posteros transmiserit. (5) *Diff.* inter *actum nude externum*, & inter *actum plenarium* lapsus protoplastorum: non per se, tanquam actus externus, vel *Adamum*, l. posteros corrumpere potuit, sed quoad actum plenarium, quatenus plenariam apostasian, & alia, simul inferebat. (6) *DEI iudicium & natura corrupta vitium*, non opponenda, nec disjungenda, sed conjungenda. (7) *Diff.* inter *DEI iudicium*, & *DEum principium*: *DEI iudicium* versatur circa *pravitatem*, sed *DEus, ut principium*, non operatur pravitatem. (8) Non omnia, quæ vel cum, vel in natura propagantur, ad *DEum* referenda sunt: quia *DEus causa prima*, non *secunda*: *huic*, non *illi*, defectus tribuendi. (9) *Concupiscentia congenita*, quæ juxta *Socium* intelligitur apud *Paulum*, & quidem verè *peccati* nomine, non *improprie*, sed *proprie* peccatum dicitur, sicut ex verbis, scopo, contextu, & aliis liquet. (10) Non tantum *moriendi necessitas*, sed etiam *mors ipsa*, ex primo homine ad posteros promanavit *Rom. V. 12.* & quidem ut *pæna*, non *sine*, sed *cum culpa*, ut ibidem docet Apostolus &c:

23. (V) *Quia sunt postremo, qui dicant omnes homines tanquam in uno illo primo homine inclusos peccasse, cum ille peccavit, ad idq; probandum afferunt Rom. V. 12. In quo omnes peccaverunt, tanquam IN QVO referendum sit ad Adamum, de quo proxime verba facta sunt. Verum sciendum est, in græco esse εἰς ὃν. quod nihil aliud significat, quam ut plerumq; solet eo quod, vel quatenus. Et sensus est, omnes homines mortis penitus fuisse obnoxios, eo quod, l. quatenus omnes peccaverunt, stipendium enim peccati mors Rom. VI. 23.*

24. R. (1) licet hæc particula *causaliter* accipiat, sicut etiam *B. Lutherus* reddidit, *diemeil* *Sie alle gesündiger haben* tamen sententia nostra confirmatur, quia omnes peccaverunt, & de peccato participando, & peccaminosam naturam suscipiendo, & peccatum originis fovendo, &c: (2) *materialis*, vel *subjectivus sensus*, prior non est contrarius, quia & in Adamo peccaverunt omnes, & vere quoq; peccaverunt omnes. Plura nunc non addim.,

QVÆSTIONES ANTI-SOCINIANÆ

EX ARTICULO III.

AUGUSTANÆ CONFESSIONIS

DE

CHRISTO.

QVÆSTIO PRIMA.

*Num Incarnatio Christi verum articulum fidei constituat?*

1.

**H**Orrenda sunt effata Socinianorum de Myſterio Incarnationis, quod tamen maxime fundamentale fidei Chriſtianæ dogma. Ipſe Socin. in explic. part. 1. cap. 1. Joh. p. 41. incarnationis dogma ſigmentum vocat & fabulam, Crell. l. 2. de U. D. P. ſect. 2. p. 563. ſententiam, quæ multa continet abſurda, p. 565. vanum commentum, Volkel. l. 5. de Ver. Relig. c. 11. p. 456. opinionem. quæ nec cum ſanæ mentis ratione conveniat, nec ullo ſanctarum literarum teſtimonio conprobari poſſit, Smaltz. contr. Franz. p. 155. Incarnationem Chriſti ſigmentum adeo abſurdum & blaſphemum eſſe, ut is DEO multum detrahat, & rem, ut ſanæ rationi, ſic etiam ſacris literis contrariam dicat, qui de eo affirmare audeat, quod incarnatus ſit, idem in reſut. theſ. Grauer. de incarnat. p. 3. blaſpheme ſcribit, quod illud dogma ſit abſurdum, & in religione Chriſtiana omnium ſere monſtroſiſſimum, opinatio indigna, quæ in vera Chriſti Eccleſia locum habeat, imò ejusmodi dogma, quod ad fundamentum religionis eve. tendum, aptiſſimum & accommodatiſſimum ſit; item hom. 1. ſuper init. c. 1. Joh. p. 1. Contendunt (nonnulli) perſonam Filii (ut nonnulli barbare loquuntur) incarnatam eſſe, vel humanam naturam aſſuſiſſe, & DEUM illum ſummum hominem eſſe factum affirmant. Quæ in re quam graviter hallucinantur, & quam non tantum ipſi ſanæ rationi, ſed & quod majus eſt, ſacris literis contraria affirmant, & quam multa abſurda ſanctiſſimæ Chriſtianæ religioni affingant, alibi à noſtris prolixè demonſtra-

DISP. VI.  
R. M. FRI-  
DERICUS  
Oet. Onol-  
do Francus?

L

tum,

sum. Oſtorod. Inſtit. c. 17. p. 96. qvod ſit *putum putum ſegmentum re-  
merariorum hominum*, die Menſchwerdung Chriſti wird bey unſern  
Adverſariis für gar ein groſſes und tremendum myſterium, das  
iſt / erſchreckliches Geheimniß / bey uns aber für ein lauter Gedächts  
vorwiltiger Menſchen gehalten / c. Hæc & ſimilia blaſphema pro-  
nunciata Socinus cum aſſectis Incarnationis dogmati fallaciter oppo-  
nit, ur dubitationes in mentibus hominum curioſorum accen-  
dere poſſit.

2. Nos circa qvæſtionem ipſam unum, veî alterum monemus

(1) qvod Incarnationis dogma ſit fidei myſterium, non rationis principium,  
non ſit ſecundum rationem, ſed ſuper omnem rationem, juxta illud Ju-  
ſtini, qvo dicitur *κατὰ λόγον, κατὰ λόγον, κατὰ πῶσαν κατὰ ληψιν*.  
(2) qvod rationis axiomata myſteriis fidei non ſint opponenda, ſed  
illis univerſa rationis placita ſint ſubmittenda, cum Philoſophia ſit  
ministra, non magiſtra Theologiæ. Hinc (3) dicimus, qvod incarna-  
tionis dogma verum articulum fidei conſtituat. Et licet plurima fun-  
damenta noſtræ theſeos adducere poſſemus, tamen inſtar  
omnium impræſentiarum nobis erit emphaticum & accuratum  
oraculum Pauli 1. Tim. III. 16. *ὁ μολογούμενος ὡς αὐτὸς τοῦ θεοῦ υἱοῦ  
μυστήριον, Θεὸς ἐφανερώθη ἐν σαρκί*, Hoc omnium confeſſione, vel con-  
feſſione, magnum eſt pietatis myſterium, DEUS manifeſtatus eſt in carne,  
vel uno verbo, incarnatus eſt.

3. Pro negativa militant Sociniani, qvi nihil minus conſco-  
dere volunt, qvam Incarnationem dari, vel articulum fidei Chriſtiani  
notare. Nos hac vice potiſſimum verba Smalzii hom. 8. in cap. 1. Joh.  
p. 39. examinamus: Credimus, inquit, etiamſi non ſemel atq; iterum,  
ſed ſat is crebro & apertuſine ſcriptum extaret, DEUM eſſe hominem fa-  
ctum, multo ſatius eſſe, qvia hæc res abſurda, & ſanæ rationi plane contra-  
ria, & in DEUM blaſphema. modum aliquem dicendi commiſci, qvo iſta  
de DEO dici poſſint, qvam iſta ſimpliciter ita, ut verba ſonant, intelligere,  
& ita ſanctiſſimam Jeſu Chriſti religionem pro turpiſſima omnibus riden-  
dam exponere.

4. Sic igitur Smalzius negare dicitur Incarnationem Chriſti  
propter ſequentes rationes (1) Ob inſufficientiam ſcripturæ, qvia non  
ſufficit, ut aliquid ſemel atq; iterum, imò ſat is crebro, idq; verbu apertiffimè  
ſcri-

*scriptum sit.* R. (1) Ipsi Sociniani perpetuo communiter urgent in scripturæ, necessum igitur est, ut apertam scripturæ professionem & confessionem admittant, si nimirum aliquid *clare satis*, & quidem *semel atque iterum*, imò *sepius* sit annotatum. Smalz. contr. Franz. p. 24. *Quæ necessaria omnino sunt ad salutem, ista omnia in sacris literis ut expresse scripta extant, necesse est.* p. 65. *omnia sine quibus salus æterna consistere nequit, expresse in sacris literis scripta esse debere, nemo sana mentis negaverit.* Oster. instit. c. 4. p. 28. Solch eine grose Sache/ die sie für den Haupt Artikel ihres Glaubens/ und für das rechte heilsame Erkentniß Gottes halten / ohn welches Erkentniß man nicht könne selig werden/muß nicht auff consequentiis, und Schluß Reden / sondern auff den hellen/ klaren und aufgedruckten Wort Gottes gegründet seyn. Et hoc passim alibi profitentur: nos igitur ex clara litera mysterium incarnationis credendum esse pronunciamus, idq; confitentibus ipsis adversariis. Hinc (2) opponimus Smalzio Socinum h. l. Sic enim Socin. in solut. scrupul. in Epil. pag. 53. *Si quid in V. & N. T. libris NON UNO TANTUM, aut ALTERO IN LOCO, neq; in verbis, quæ obscuritatem aliquam habere possint, sed ubiq; passim, idq; clarissimis verbis contestatum deprehendimus, nihil prorsus est nobis dubitandum, quin id verissimum sit, quicquid hujus seculi sapientia nobis suadeat; alioquin si vel ex hominum autoritate, vel ex sensu nostro, in verum divinarum cognitionem pendere ulla ratione voluerimus, sicq; APERTISSIMIS SCRIPTURÆ TESTIMONIIS opponere, facile fiet, ut sensum in omnem pietatis neglectum prolabamur, divina oracula pro nugis, universam Sacram Historiam pro fabulâ propemodum habeamus; imò Smalzeum ipsum opponimus Smalzio: sic enim eodem lib. contr. Franz. p. 165. scribit: *Ostendat nobis Franzius ex sacris literis suas opiniones, & nos eas pro certis recipimus, etiam si rationem nostram superent.* Faciat idem hic Smalzjus, & res omnis in vado versabitur. (3) Notum est, quod nullum aliud detur fidei Christianæ principium, quam scriptura sacra: meritò igitur in constanti & continua ejus assertione nos acquiescere, neutiquam vero dicendi modos, vel tropos in clarissimis verbis sepius, vel aliquoties iteratis, confingere debe-*

mus. (4) Ipse præco conceptionis, Angelus, hoc mysterium incarnationis ex scripturis prophetis probavit *Matth. I. 23.* adducens dictum *Esa. VII. 14.* adeoque sic *consensus angelicus, propheticus, Evangelicus & Apostolicus*, urgeri non tantum potest, sed etiam debet.

5. (II.) *Quia hæc res est absurda, nimirum juxta Socinianos mysterium incarnationis absurditate laborat.* Nullum autem absurdum credendum, vel pro articulo fidei habendum, cum fides non sit absurdorum, sed summorum mysteriorum. *R. (1) Dist. inter absurdum esse, & videri, vel dici:* non est hoc mysterium absurdum, licet tale videatur occæcatis & corruptis hæreticorum mentibus, aut dicatur falsis hæreticorum assertionibus. (2) Negatur, quod hic absurditas ulla reperiatur, cum potius summa sit hujus mysterii sublimitas *1. Tim. III. 16.* unde nec quicquam absurdi *Smalzius* adducit, imò nec salva veritate quicquam ejus adducere potest. (3) Maxima circa mysterium hoc est *Mosis, Psalmorum & Prophetarum, item Evangelistarum & Apostolorum, & omnium orthodoxorum confessorum* harmonia: jam ubi pulcherrima scripturæ totius & Ecclesiæ totius harmonia, ibi nulla prorsus est absurditatis *circuli Purlæ*, nec quicquam absurdi sic fingendum erit: plurima quoque mysteria suavissime cum incarnationis mysterio conspirant, non igitur aliquid absurdi hic concedi potest.

6. (III.) *Quod incarnatio sanæ rationi plane sit contraria.* *R. (1) fides Christiana* non ex humana ratione, sed ex divina revelatione pendet: nihil igitur incarnationis mysterium cum ratione commercii habet, unde neque consonum eidem, neque contrarium dicendum. (2) Falsum est, quod *mysterium incarnationis sit contra rationem*, cum potius sit *supra rationem*, videl. propter divinam sublimitatem & eminentiam: aliud enim est *contra rationem*, aliud *supra rationem* esse: quod autem sit *supra rationem*, patet ex eo, quia simpliciter & immediatè suum ortum habet à Deo, & supra cursum omnem naturæ positum. (3) *Dist. inter rationem sanam, & male sanam:* non *sane*, sed *male sane* hæreticorum rationi mysterium hoc est contrarium: cum ratio sana mysteria supra se veneretur, non autem ex se, vel secundum se scrutetur.

7. (IV.) *Quod incarnatio sit in DEUM blasphema.* *R. (1) Accusatio,*



*Satis*, non est *probatio* : blasphemum igitur est, quod hoc mysterium blasphemiam postuletur, imò Diabolica prorsus calumnia : (2) *blasphemum* est, quod in DEUM injuriosum est : ac misereri humani generis, itemque creaturam ex infinita gratia honorare, non dicitur injuriosum in DEUM. Ergo nec pro *blasphemo* haberi poterit. (3) notum, quod omnia divinæ voluntati consona sint, quæ sapius apertissimis verbis in scripturis Veteris & Novi Testamenti revelata sunt, adeoque nullo modo *blasphema* dici poterunt : *mysterium* autem *incarnationis* sapius apertissimis verbis in scripturis esse revelatum, ipse *Smalzius* negare non audet.

8. (V.) *Quia multo satius sit, modum aliquem dicendi comminisci, quo ista de DEO dici possint, quam ista simpliciter ita, ut verba sonant, intelligere.* R. (1) *Dist.* inter hominum commenta, & DEI mysteria : talia commenta nos *Sociniani*, & aliis veritatis hostibus, relinquimus, nos in aperto veritatis tramite subsistimus. (2) nos certe DEO sapientiores non sumus, unde nec aperta DEI verba in obscura, propria in impropria convertere debemus. (3) in articulis fidei τὸ πρῶτον omninò dicitur urgendum, adeoque tale commentum troporum minimè concedendum, sed potius apertissimum τὸ πρῶτον retinendum.

9. (VI.) *Quia sanctissima Christi religio pro turpissima omnibus rēdenda exponitur per hoc mysterium incarnationis.* R. (1) Dicitur hoc iterum ab homine *blasphemo*, sed nihil ejus probatur. (2) totus fidelium cætus hactenus mysterium hoc veneratus, empæctas & Diaboli mancipia nos minimè curamus. (3) ubi summa pulchritudo, nulla manat inde turpitudine : pulcherrimum est Incarnationis mysterium, quod etiam Angeli venerantur & celebrant, quemadmodum ex *Luc. II. 10. seqq.* manifestum, ex hoc igitur nulla turpitudine Christianæ religionis emanare potest.

10. (VII.) *Quia usi sint hac prudentia omnes Theologi in rebus, quæ multo minus, etiam si propriè intelligerentur, DEI majestatem offenderent, ut cum de DEO legitur, eum irasci, eum dolere, eum descendere, per αἰσχρονομίαν &c. ea de illo dici docuerunt. Nec enim convenire ipsis videbatur, in DEUM hujusmodi perturbationes, aut motus cadere. Quomodo verò in DEUM propriè potest cadere id, quod ipse non tantum qualitates*

verum etiam essentiam respicit, & necessariò mutat. R. (1) utrobique maxima disparitas, quia affectus non dicuntur essentialiter esse in DEO. Sed humana natura dicitur esse non essentialiter sed supernaturaliter in DEO, non quoad essentiam, sed quoad singularissimam gratiam. (2) DEUS irasci dicitur, dolere &c. non humano more, sed modo sibi convenienti, partim per essentiam, partim per efficientiam, partim per eminentie analogiam, non autem per aliquam perturbationem humanam. (3) Falsum, quod incarnatio mutet DEI essentiam, cum essentia filii DEI, sicut ante incarnationem fuit immutabilis, manserit etiam post incarnationem vere semper immutabilis, licet humanam naturam assumeret, cum assumptio hæc non quoad essentiam, sed quoad unionis gratiam facta sit, & non in Deitate, sed in humanitate, quæ capit esse, & in persona  $\alpha\lambda\omicron\gamma\upsilon$  subsistere, mutatio contingit.

### QVÆSTIO SECUNDA.

*Utrum in Christi persona due sint nature distinctæ?*

1. Circa quæsitum paucis observamus (1) aliud esse, divinam Christi personam considerare ante incarnationem, ubi certe fuit unius, non duarum naturarum: aliud verò personam eandem considerare post incarnationem, ubi, juxta scripturam, non tantum unius, sed duarum creditur naturarum, secundum versiculum: *Sic enim, quod eram, nec eram, quod sum, nunc dicor utrumque.* (2) Distinguendum est inter personam & naturas  $\text{ἰσὺς καὶ φύσις}$ : Personam unam esse credimus, quia tantum unus est Christus, unus Mediator DEI & hominum, Christus Jesus 1. Tim. II. 5. Naturas verò duas confitemur, quia Christus noster est Immanuel Es. VII. 14. Filius DEI & Filius Mariæ Luc. I. 31. vere  $\text{ἰσὺς καὶ φύσις}$ . (3) Non esse plures, vel pauciores duabus in Christi persona naturas: quia non angelos, nec aliam naturam, sed Abraham semē assumpsit Heb. II. 16. adeoque vere DEUS & verè homo rectissime dicitur. Hinc (4) Confitemur in una Christi persona duas esse distinctas naturas, divinam videlicet & humanā. Nam juxta Symbol. Athanasianum, hæc est recta fides, ut credamus & confiteamur, quia Dominus noster Jesus Christus DEI Filius, DEUS & homo est, DEUS ex substantia Patris ante secula genitus, & Homo, ex substantia matris, in seculo natus.

Et

*Perfectus DEUS, perfectus homo, ex anima rationali & humana carne subsistens.*

2. Nos *Affirmativam* questionis partem multis probare possumus: nunc saltem unum vel alterum adducere placet, quia constat Christum esse DEUM & Hominem (1) *è divinis & humanis appellationibus*: Vocatur enim, modo DEUS, Dominus, Jehova &c. modo *æmen mulieris, Filius hominis, Homo &c.* Puer natus & Pater æternus *Esa. IX. 6.* & multis aliis divinis & humanis appellationibus ejus vera divinitas & humanitas infinuatur. (2) *Enominibus propriis*. Dicitur *Jesus*, hoc est, *Salvator*, quæ vox tam divinam, quam humanam Naturam importat, illam, ut *salvare posset*, hanc, ut *salvare deberet*. Vocatur *Christus*, propter ungentem *divinitatem* & unctam *humanitatem*. Vocatur *Inmanuel*, nobiscum DEUS *Esa. VII. 14.* quod *Matt. L. 23.* disertis verbis de duabus naturis interpretatur, *Ἰσὺς Θεὸς ὁ Μεσσίας, Redemptor &c.* (3) *è distincta generatione*: Genitus enim est ab æterno à Patre *Psal. II. 7.* natus ibidem in plenitudine temporis ex Maria virgine *Luc. II.* duplex autem hæc generatio duplicem in Christo naturam esse, constanter evincit. (4) *E proprietatum divinarum & humanarum attributione*: Positis proprietatibus, ponuntur naturæ: Sed utriusque naturæ proprietates, videlicet divinæ & humanæ, Christo conveniunt; vere proinde DEUS & Homo erit. (5) *è solenni Patris cælestis testificatione*: Pater enim cælestis de Christo homine, à *Johanne* visibiliter in *Jordane* baptisato, solenniter voce cælitus missa, testificatus est: *Hic est Filius meus dilectus* *Matt. III. 17.* Confer. *c. XVII. 5.* Plures rationes produxit *Dn. D. Calovius in Socinism. proflig. sect. 2. c. 10. l. 1.* sub. 1. contr. 2. qui probavit hanc thesin (1) *è Nominibus Christi* (2) *è Vaticiniis Veteris Testamenti* (3) *è luculentis Testimoniis Novi Testamenti* (4) *è Vocibus distinctivis*. (5) *E proprietatibus divinis & humanis* (6) *è Mediatorio Officio Christi* (7) *è Communicatione Idiomatum*. (8) *È Sociariorum confessione*, quia *Cælius* largitur, si *Christus* verus & summus DEUS sit, necessario credendam esse incarnationem, quandoquidem certum sit è scripturis, quod *Filius DEI* sit summus DEUS & verus homo, certo tempore è virgine natus. Sic enim *l. 2. de Uno DEO Patre* *sect. 2. c. 3. p. 563.* scribit: *Incarnationem coguntur omnes illi agnoscere, qui Christum supremum DEUM*

DEUM

opponendus. Utrumq; enim vidit Dominus, & multam malitiam, & figmentum cordis omne tempore malum. Istud peccatum actuale, hoc originale: istud malos fructus, hoc malam arborum; istud diluvii causam proximam, hoc causam causae significat. (2) Quoniam causa diluvii redditur, idcirco verba sic exponenda erunt, ut infantes non excludantur, quandoquidem & illi diluvio periere: At v. si per figmentum cordis malum, actuale tantum iniquitatem intelligas, quid hoc ad infantes? sequitur ergo, vel causam communem, adeoque naturalem labem simul involvi, vel infantes absque omni culpa punitos esse, quod impium. Proinde sic concludo: Diluvii causa fuit peccatum; Infantes periere diluvio. Ergo propter peccatum. Non autem actuale. Nam tale quid ob negationem rationis usus committere non poterant. Aliud ergo praeterea, nimirum originale, concedendum erit.

16. Ad locum Gen. IX. R. (1) quod facile concedamus, in Hebr. *qvia*, legi, non enim: sed *vocibus* magis, quam *virtute* illustratione, particulae distinctae sunt, quia utraq; *causalis* est, id quod etiam ex contextu paret, sic enim integer locus habet: *Noe obtulit holocausta super altare: odoratusq; est Dominus odorem suavitatis, & dixit Dominus ad cor suum: Nequaquam ultra maledicam terrae propter homines, quia figmentum cordis humani malum est ab adolescentia sua: non igitur ultra percutiam omnem animam viventem, sicut feci; cunctis diebus terrae sementis & messis, frigus & aestus, aestas & hyems, nox & dies, non requiescent.* Ex quibus apparet, quod haec verba sint DEI, per sacrificia placati, & ad novas promissiones excitati, quia ratione generis humani miseriae recordatus, eiq; suam gratiam pollicitus est. (2) non opus est, ut vel *Est*, vel *Sit*, apud Latinos subintelligatur, cum plenus sit sensus, si dicatur, *quia figmentum cordis humani malum ab adolescentia.* (3) rectius autem indicativus *Est*, quam conjunctivus *sit*, subintelligitur, quia juxta contextum omnino ratio subjicitur, quare DEus posthac usq; ad seculi consummationem mundo non velit amplius universaliter maledicere, quod ipse textus innuit, & consensus Interpretum ostendit. (4) Hinc falsum est, quod non asserat DEus rationem, cur non amplius sit execraturus terram propter hominem, nec amplius percussurus omnem viventem, cum ipse naturalis sensus & positus verborum id refutet. (5) Vanum autem est effugium, quod hoc saltem indicet DEum, hominum malitiam non amplius

plius

plius tantam vim habituram, ut ipse propter hominem terram ex-  
ecretur, & omnem viventem percutiat, quam malitiam non affirma-  
re esse, aut omnino futuram, sed, si fuerit, non eam vim apud se ha-  
bituram, quam antea habuit. Nam hæc promissio ex DEI gra-  
tia, vel misericordie, non ex futuri peccati inefficacia desumitur, si-  
cut clarissima verba docent; *viz* peccati semper eadem est, qualis  
fuit ab initio, talis adhuc est, & talis etiam posthæc manebit,  
nim. excitat DEI gravissimam iram, & eum commover ad pœ-  
nam; neq; fuit ante diluvium vis peccati major, neq; post dilu-  
vium caput esse minor. (6) Falsum est, quod Jehova non loqua-  
tur de peccato *presente*, cum de peccato *cujusvis* hominis à putritia  
sermonem faciat, quale tum temporis etiam Noa, & filii, ac ipso-  
rum uxoris præsens erat, unde communiter ab interpretibus  
observatur, quod hoc loco non de peccato *actuali*, sed *originali*  
sermo sit. Confer. B. Meiner d. l. ubi 6. argumentis id ipsum de-  
monstrat. (7) *Incommodum* quod adducitur, nullum est, quia  
peccatum *per se* causa fuit diluvii, sed peccatum *per se* non est cau-  
sa amissionis pœnæ vel supplicii, sed hæc potius causa *sacrifici-  
i*, *fide* per Noam oblati, nim. per & propter Messiam, itemq; DEI  
misericordie & promissioni gratuita tribuenda venit, prout ex con-  
textu liquet.

17. (II) *Multa testimonia, ex Jobi historia desumpta, afferri po-  
sunt, ut c. IV. 17. 18. 19. & XIV. 1. 2. 3. 4. c. XV. 14. 15. & XXV. 4. 5. 6.*  
ubi dicitur hominem esse impurum in DEI conspectu, & ratio red-  
ditur, quia ejus fundamentum sit à pulvere, & res sit frivola ac fragi-  
lis, & tanquam putredo quadam: quæ ratio naturam hominis ob  
oculos ponit, & ab ipso ortu hominem impurum esse demonstrat, nem-  
pe ob malam cupiditatem, ei naturaliter inditam, propterea c. XV. 16.  
dicitur, hominem abominabilem, & inutilem seu sordidum, imbibere  
iniquitatem, ut aquas. Anima advertendum autem est in locis illis de  
impuritate quadam hominis sermonem esse, quæ in ipsis quoq; angelis  
ex parte invenitur: Comparatur enim homo cum DEO, cujus re-  
spectu impurus dicitur, quod quidem de omnibus prorsus hominibus  
intelligendum est. At vero cum affirmatur, hominem bibere iniqui-  
tatem, ut aquas, id vel hyperbolice dictum censi debet: vel certe  
non prorsus universe, sed genericim accipiendum est, idq; non ad ho-  
minis naturam, sed voluntarias actiones referendum. Est enim ar-

# DE PECCATO ORIGINIS.

*gumentum ab eo, quod sit, non autem ab eo, quod fieri sit necesse. Quoniam cum in libro Jobi in utramq; partem de quibudam rebus disputetur, non possunt temerè rationes in eo allatæ probari, præsertim cum à Jobi amicis afferuntur, qui plerumq; non bonam causam defendunt. Non est autem Jobus, qui loquitur prædicto capite XV. sed Eliphaz, amicus ejus.*

18. R. (1) Si loca ipsa verbis plenè adscribere liceret, ex perspicuitate verborum clarissima sententia nostra probata foret: nunc lectorem ad ipsum *Jobum* remittimus. (2) Quod in *angelis DEI* reperta sit *stultitia*, *Job. IV. 18.* patet ex lapsu Diabolorum: loquitur igitur *Jobus* de lapsu potius, quam de *sanctis angelis*, quando dicit: *Ecce inter servos ejus non manserunt fideles, & in angelis deprehensa est stultitia*: jam à lapsis angelis ad sanctos, argumentari non licet. (3) *comparative Jobus* loquitur *in tantum*, non *in totum*, ut ex singulorum locorum inspectione liquet: *celi* non dicuntur *mundi*, magis respectu *nostri*, quam respectu *sui*, cum ob peccatum hominis etiam reliquæ creaturæ DEO non amplius placeant, sicut propter hominem ea prius ipsi placuerant, & propter eum conditæ fuerunt. (4) Verissimum est, quod pleraq; *Jobi* loca, si non omnia sint universaliter de omnibus prorsus hominibus intelligenda, cum omnes homines sint peccatores. (5) *Hyperbole* fingitur, ex textu non deducitur in *c. XV. 16.* certum enim est, quod homo bibat *iniquitatem*, ut *aquam*, tum respectu peccati *originalis*, quod in ipsa conceptione, suiq; formatione, suscipit, tum respectu peccati *actualis*, quia in omnibus actionibus aliquid peccati commiscere solet, idq; non tantum ex *mem electione*, sed ex *natura corruptione*, vel ex *corruptionis necessitate*. (6) licet in aliis disputetur nonnunquam in utramq; partem, tamen hoc de *generalis* hominum *corruptione* dici nec potest, nec debet, nec hic attendendum, an *Jobus*, an aliquis amicorum hæc dixerit, cum reliquis scripturis ea maxime consentiant.

19. (III) Locus ille vulgo afferri solet: *Ecce in iniquitatibus conceptus sum, & in peccato concepit me mater mea* *Psal. LI. 7.* sed satis constare potest, figuratum esse istum loquendi modum atq; hyperbolicum, ut illud etiam *Psal. LIX. 4.* *Ab alienati sunt impii à verba, erraverunt ab uero, loquentes mendacium.* Similis locus est *Esa. XLII. 8.* quibus loquendi modis peccata exaggerantur, & efficacia viiuperantur. *Quam*

quam verisimile est, Davidem potius ad excusandum peccatum suum ita locutum fuisse, & in humana fragilitate commemoranda, hyperbole ista fuisse usum, quasi peccatum homini res quædam plane naturalis sit, non autem, quod ita sit revera: tamen si David non de homine, sed de seipso tantum loquitur. Est quidem in hominibus, nullo prorsus excepto, ad peccandum (ut sic loquar) possibilitas, quia nim. DEUS voluntatem liberam & ad bonum, & ad malum dedit. Sed de mala illa cupiditate, & ad peccandum pronitate, licet in plerumque sit, non tamen affirmare possumus, eam in omnibus prorsus esse.

20. R. (1) Tamdiu τὸ πρῶτον, & proprius verborum sensus retinendus, donec vel necessitas, vel rei absurditas, vel textus, aut contextus perspicuitas, nos literæ proprietatem dimittere cogat: hic autem Psal. LI. 7. nullam figuram concedimus, ubi maxime proprie locutum fuisse Davidem deprehendimus, & ex toto contextu perspicimus. (2) omnis hyperbole rei veritatem excedit, & speciem mendacii habere videtur: hoc certe Davidi, confessori peccatorum, h. l. tribuere nec possumus, nec debemus, cum eum ingenuum peccatorum confessorem conspiciamus, ita, ut adulterium suum ipso titulo Psalmi præscripserit: nullo modo proinde veritati consentaneum est; cum. hyperbolicis sermonibus uti voluisse, cum primis quia non opus erat ulla hyperbole, ubi fundamentum peccatorum ipsa natura corrupta suppeditabat. Idem etiam de reliquis locis iudicium fieri debet. Hinc (3) notandum non opus exaggeratione peccatorum esse, cum eorum turpitudinem & abominationem detestabilem nec plane, nec plene satis describere queamus, uti scriptura passim inculcat. (4) Falsum etiam, quod David peccatum suum vel excusare, vel palliare, vel quocumque modo colorare voluerit, contrarium totus Psalmi contextus testatur, cum potius summam ejus abominationem agnovit, horrendam & detestabilem ejus turpitudinem desseverit, & ad misericordiam DEI se receperit. (5) Quod peccatum originis sit res naturalis, alibi probatur, non equidem ex natura per DEUM creatione, sed ex natura per lapsum corruptione Confer. Rom. V. 12. Eph. II. 3. &c. (6) David de se loquitur hic, sed ut homine, non integro, sed corrupto (7) Quod in omnibus hominibus, nullo prorsus excepto, possibilitas ad peccandum, reperiatur, ex eo sequitur, quod omnino non pendeat solū à libera voluntate peccatum

catum, quia infantes, & alii, liberam voluntatem non exercent, & tamen peccant. (8) Falsum, quod sola ad peccandum possibilitas in omnibus reperiatur, cum ipsum peccatum in omnibus esse dicatur Rom. V. 12. (9) Ipsa cupiditas & prouitas ad peccandum etiam peccatum dicitur Rom. VII. 7. falsum autem, quod in omnibus non inueniatur.

21. (IV) Quarto loco asserti potest Rom. VII. in quo fateor ego, manifeste constare, de summa hominis ad peccandum procliuitate, manifeste agi. Sed considerandum est, Paulum non tam de natura hominis cuiuscunque, loqui, quam de eo, quod in plerisque fieri contingit; nec hominem simpliciter considerare, sed quatenus a lege afficitur. Namque ostendit, si hominem (ut plerique sunt) lex inuenerit mala cupiditati obnoxium, tantum abesse, ut eum vis sua & propria ab isto malo liberet, ut potius illud in ipso augeat. Ceterum cupiditas ista mala, quae cum plerisque hominibus nasci dici potest, non ex peccato illo primi parentis manat, sed ex eo, quod humanum genus, frequentibus peccatorum actibus, habitum peccandi contraxit, & seipsum corruptit, quae corruptio per propagationem in posteros transfunditur. Etenim unum illud peccatum per se, non modo universos posteros, sed ne ipsum quidem Adamum corrumpendi vim habere potuit. DEI uero consilio in peccati illius poenam id factum esse, nec uquam legitur, & plane incredibile est, imò impium id cogitare, DEUM uidelicet omni ueritatis auctorem, ulla ratione prauitatis causam esse, quae tamen prauitas, quatenus, ut dictum est, per propagationem in hominem derivatur, peccatum proprie appellari nequit. Nec Paulus praedicto cap. 7. Rom. peccati nomine uere prauitatem istam intelligit: sed figuratam quaedam loquendi ratione, personam, quodammodo peccato tribuens, illud in homine nondum regenerato, & ab ipsa lege plane pendente, habitare dicit, id est, ejusmodi hominem, quemadmodum a peccato absterneat, inuenire non posse. Concludimus igitur, nullum, improprie etiam loquendo, peccatum originale esse, id est, ex peccato illo primi parentis, nullam labem aut prauitatem, uersus humano generi, necessario ingentiam esse, siue infectam quodammodo fuisse; nec aliud malum ex primo illo delicto ad posteros omnes necesse uero manasse, quam moriendi omnimodam necessitatem, non quidem ex ipsius delicti vi, sed quia cum jam homo natura mortalis esset, ob delictum illud sua naturali mortalitati a DEO relictus est; quodque naturale erat, id in delinquentis poenam, prorsus necessarium est factum. Quare qui



ex ipso nascuntur, eadem conditione omnes nasci oportet: nihil enim illi ademptum fuit, quod naturæ suæ haberet, vel habiturus esset:

22. *21.* (1) adsumimus hoc, quod Socinus fatetur h. l. de *summa hominis ad peccandum proclivitate* agi: hæc igitur *proclivitas* vel pendet ex *natura productione*, vel ex *natura constitutione*, vel ex *natura corruptione*: non illud, quia DEus hominem rectum, & à peccatis immunem, non ad quævis peccata proclivem condidit *Ecc. VII. 30.* nec illud, quia homo constituitur materia & forma, vel corpore & anima, quæ si considerantur essentialiter, naturales habent atq; positivæ proprietates & operationes. Sed proclivitas ad peccandum non naturales vel proprietates, vel operationes, sed potius præternaturales tum à proprietatibus, tum ab operationibus, deviationes infert, manet igitur hoc, quod verissimum. (2) Verum quidem est, quod *Paulus* non simpliciter de *natura hominis cujuscunque*, vel per se, de eadem loquatur, sed potius de *natura corrupta*, vel per *concupiscentiam deformam*, & quatenus legi divinæ dicitur opposita. *Lex* inquit v. 14. *Spiritus alius est, ego, v. corruptus homo, carnalis sum, venundatus sub peccato*: Falsum autem est, quod non de omnibus hominibus corrupta verba faciat. Nam quod *Paulus* de se corrupto fatetur, illud etiam de quovis corrupto proficitur. (3) Non loquitur de *contingentibus accidentibus*, sed de *corruptis proprietatibus*, quas prava concupiscentia contra legem DEI cunctis hominibus tribuit. v. 5. *Cum essemus IN CARNE, passiones peccatorum, quæ per legem erant, operabantur in membris nostris, ut fructificarent morti* &c; adeoq; non loquitur de iis, quæ vel ex voluntate, vel præter voluntatem, in plerisque hominibus contingunt, sed quæ per ipsam *carne corruptam* omnibus hominibus insunt: nullam enim hic exceptionem facit. Nam lex non aliquos, non plerosq; sed omnes homines invenit peccatores, & pravis concupiscentiis obnoxios, quia omnes, *judei & Græci, sub peccato sunt, Rom. III. 9. seq. v. 19. 20* (4) Hinc nascitur, non cum plerisque, sed cum omnibus hominibus hæc prava cupiditas, id quod non tantum *scri:ptura*, sed etiam ipsa *natura*, prout hodie constituta, simulq; dierum omnium *experientia* monstrat, & hæc ex peccato illo primi parentis manat *Rom. V. 12.* non autem ex eo tantum, quod humanum genus frequentibus peccatorum actibus studeat, & habitum peccandi contrahat, atq; seipsum corrumperet: nam lapsus pro-

toplastorum statim imaginis divinæ amissionem, & imaginis corruptæ conditionem secum habuit, quemadmodum ex effectis, & aliis indiciis patet, adeoq; sic *Adamus* ipse corruptam naturam, vel pravam concupiscentiam, in posteros suos propagavit. Nam si, quod *Socius* fatetur, *corruptio per propagationem in posteros transfunditur apud alios, certe non potest negari*, quod primus homo quoq; corruptionem per naturalem propagationem in posteros transmiserit. (5) *Dist.* inter *actum nude externum*, & inter *actum plenarium* lapsus protoplastorum: non per se, tanquam actus externus, vel *Adamus*, i. posteros corrumpere potuit, sed quoad actum plenarium, quatenus plenariam apostasian, & alia, simul inferebat. (6) *DEI* iudicium & *natura corrupta vitium*, non opponenda, nec disjungenda, sed conjungenda. (7) *Dist.* inter *DEI* iudicium, & *DEum principium*: *DEI* iudicium versatur circa *pravitatem*, sed *DEus, ut principium*, non operatur pravitatem. (8) Non omnia, quæ vel cum, vel in natura propagantur, ad *DEum* referenda sunt: quia *DEus causa prima*, non *secunda*: huic, non illi, defectus tribuendi. (9) *Concupiscentia congenita*, quæ juxta *Socium* intelligitur apud *Paulum*, & quidem verè *peccati* nomine, non *improprie*, sed *proprie* peccatum dicitur, sicut ex verbis, scopo, contextu, & aliis liquet. (10) Non tantum *moriedi necessitas*, sed etiam *mors ipsa*, ex primo homine ad posteros promanavit *Rom. V. 12.* & quidem ut *pæna*, non *sine*, sed *cum culpa*, ut ibidem docet Apostolus &c:

23. (V) *Quia sunt postremo, qui dicant omnes homines tanquam in uno illo primo homine inclusos peccasse, cum ille peccavit, ad idq; probandum afferunt Rom. V. 12. In quo omnes peccaverunt, tanquam IN QVO referendum sit ad Adamum, de quo proxime verba facta fuerunt. Verum sciendum est, in græco esse ὁ φ. ω., quod nihil aliud significat, quam ut plerumq; solet eo quod, vel quatenus. Et sensus est, omnes homines morti penitus fuisse obnoxios, eo quod, i. quatenus omnes peccaverunt, stipendium enim peccati mors Rom. VI. 23.*

24. R. (1) licet hæc particula *causaliter* accipiat, sicut etiam *B. Lutherus* reddidit, *dieweil Sie alle gesündiger haben* tamen sententia nostra confirmatur, quia omnes peccaverunt, & de peccato participando, & peccaminosam naturam suscipiendo, & peccatum originis fovendo, &c: (2) *materialis*, vel *subiectivus sensus*, prior non est contrarius, quia & in Adamo peccaverunt omnes, & vere quoq; peccaverunt omnes. Plura nunc non addim.

QVÆSTIONES ANTI-SOCINIANÆ

EX ARTICULO III.

AUGUSTANÆ CONFESSIONIS

DE

CHRISTO.

QVÆSTIO PRIMA.

*Num Incarnatio Christi verum articulum fidei constituat?*

1.

**H**Orrenda sunt effata Socinianorum de Mysterio Incarnationis, quod tamen maxime fundamentale fidei Christianæ dogma. Ipse Socin. in explic. part. I. cap. I. Joh. p. 41. incarnationis dogma figmentum vocat & fabulam, Crell. l. 2. de U. D. P. sect. 2. p. 563. sententiam, quæ multa continet absurda, p. 565. vanum commentum, Volkel. l. 5. de Ver. Relig. c. 11. p. 456. opinionem. quæ nec cum sana mentis ratione conveniat, nec ullo sanctarum literarum testimonio comprobari possit, Smaltz. contr. Franz. p. 155. Incarnationem Christi figmentum adeo absurdum & blasphemum esse, ut in DEQ. multum detrahat, & rem, ut sana rationi, sic etiam sacris literis contrariam dicat, qui de eo affirmare audeat, quod incarnatus sit, idem in refut. thes. Grauer. de incarnat. p. 3. blasphemie scribit, quod illud dogma sit absurdum, & in religione Christiana omnium ferè monstruosissimum, opinatio indigna, quæ in vera Christi Ecclesia locum habeat, in ejusmodi dogma, quod ad fundamentum religionis eversionendum, apertissimum & accommodatissimum sit; item hom. 1. super init. c. 1. Joh. p. 1. Contendunt (nonnulli) personam Filii (ut nonnulli barbare loquuntur) incarnatam esse, vel humanam naturam assumpsisse, & DELIM illum summum hominem esse factum affirmant. Qua in re quam graviter hallucinentur, & quam non tantum ipsi sana rationi, sed & quod majus est, sacris literis contraria affirmant, & quam multa absurda sanctæ usque Christianæ religioni affingant, alibi a nostro prolixè demonstratum.

L

DISP. VI.  
R. M. FRIDERICUS  
Wetzel/Onologus  
do Francus?

sum. Oſtorod. Inſtit. c. 17. p. 96. qvōd ſic *putum putum ſegmentum remeritariorum hominum*, die Menſchwerdung Chriſti wird bey unſern Adverſariis für gar ein groſſes und tremendum myſterium, das iſt / erſchreckliches Geheimniß / bey uns aber für ein lauter Gedächtniß vorwühiger Menſchen gehalten / c. Hæc & ſimilia blaſphema pronuntiata Socinius cum aſſectis Incarnationis dogmati fallaciter opponit, ut dubitationes in mentibus hominum curioſorum accendere poſſit.

2. Nos circa qvæſtionem ipſam unum, vel alterum monemus (1) qvōd Incarnationis dogma ſit fidei myſterium, non rationis principium, non ſit ſecundum rationem, ſed ſuper omnem rationem, juxta illud Juſtini, qvō dicitur *ὑπὲρ λόγον, ὑπὲρ πάσαν κατανόησιν*. (2) qvōd rationis axiomata myſterii fidei non ſint opponenda, ſed illis univerſa rationis placita ſint ſubmittenda, cum Philoſophia ſit *ministra*, non *magiſtra Theologiæ*. Hinc (3) dicimus, qvōd incarnationis dogma verum articulum fidei conſtituat. Et licet plurima fundamenta noſtræ theſeos adducere poſſemus, tamen inſtar omnium impræſentiarum nobis erit emphaticum & accuratum oraculum Pauli 1. Tim. III. 16. *ὁμολογούμενος ὡς αὐτὸς ὢν τῆς ὑποδείας μυστήριον*, Θεὸς ἐφανερώθη ἐν σαρκί, Hoc omnium confeſſione, vel confeſſione, magnum eſt pietatis myſterium, DEUS manifeſtatus eſt in carne, vel uno verbo, incarnatus eſt.

3. Pro negativa militant Sociniani, qvi nihil minus concedere volunt, qvam Incarnationem dari, vel articulum fidei Chriſtianiſti *notare*. Nos hac vice poſſiſſimum verba Smalzii hom. 8. in cap. 1. Joh. p. 39. examinamus: Credimus, inquit, etiamſi non ſemel atq; iterum, ſed ſati crebro & apertius ſine ſcriptum extaret, DEUM eſſe hominem factum, multo ſatius eſſe, qvia hæc res abſurda, & ſana rationi plane contraria, & in DEUM blaſphema, modum aliquem dicendi communiſci, qvō iſta de DEO dici poſſint, qvam iſta ſimpliciter ita, ut verba ſonant, intelligere, & ita ſanctiſſimam Jeſu Chriſti religionem pro turpiſſima omnibus ridentem exponere.

4. Sic igitur Smalzius negare dicitur Incarnationem Chriſti propter ſequentes rationes (1) Ob inſufficientiam ſcripturæ, qvia non ſufficit, ut aliquid ſemel atq; iterum, imò ſati crebro, idq; verbis apertiſſimis ſcri-

scriptum sit. **R.** (1) Ipsi Sociniani perpetuo communiter urgent in scripturæ, necessum igitur est, ut apertam scripturæ professionem & confessionem admittant, si nimirum aliquid *clare satis*, & quidem *semel atque iterum*, imò *sepius* sit annotatum. Smalz. contr. Franz. p. 24. *Quæ necessaria omnino sunt ad salutem, ista omnia in sacris literis ut expresse scripta extant, necesse est. p. 65. omnia, sine quibus salus æterna consistere nequit, expresse in sacris literis scripta esse debere, nemo sana mentis negaverit. Oster. instit. c. 4. p. 28.* Solch eine grose Sache/ die sie für den Haupt Artikel ihres Glaubens/ und für das rechte heilsame Erkenntniß Gottes halten / ohn welches Erkenntniß man nicht könne selig werden/ muß nicht auff consequentiis, und Schluß Reden / sondern auff den hellen/ klaren und aufgedruckten Wort Gottes gegründet seyn. Et hoc passim alibi profitentur: nos igitur ex clara litera mysterium incarnationis credendum esse pronunciamus, idq; confitentibus ipsis adversariis. Hinc (2) opponimus Smalzio Socinum h. l. Sic enim Socin. in solut. scrupul. in Epil. pag. 53. *Si quid in V. & N. T. libris NON UNO TANTUM, AUT ALTERO IN LOCO, neq; in verbis, quæ obscuritatem aliquam habere possunt, sed ubiq; passim, idq; clarissimis verbis contestatum deprehendimus, nihil prorsus est nobis dubitandum, quin id verissimum sit, quicquid hujus seculi sapientia nobis suadeat; alioquin si vel ex hominum auctoritate, vel ex sensu nostro, in rerum divinarum cognitione pendere ulla ratione voluerimus, sicq; APERTISSIMIS SCRIPTURÆ TESTIMONIIS opponere, facile fiet, ut sensum in omnem pietatis neglectum prolabamur, divina oracula pro nugis, universam Sacram Historiam pro fabulâ propemodum habeamus; imò Smalztium ipsum opponimus Smalzio: sic enim eodem lib. contr. Franz. p. 165. scribit: *Ostendat nobis, Franzius ex sacris literis suas opiniones, & nos eas pro certis recipimus, etiam si rationem nostram superent.* Faciat idem hic Smalztius, & res omnis in vado versabitur. (3) Notum est, quod nullum aliud detur fidei Christianæ principium, quam scriptura sacra: meritò igitur in constanti & continua ejus assertionem nos acquiescere, neutiquam vero dicendi modos, vel trepos in clarissimis verbis sepius, vel aliquoties iteratis, confingere debe-*

mus. (4) Ipse præco conceptionis, Angelus, hoc mysterium incarnationis ex scripturis prophetis probavit *Matth. I. 23.* adducens dictum *Esa. VII. 14.* adeoque sic *consensus angelicus, propheticus, Evangelicus & Apostolicus*, urgeri non tantum potest, sed etiam debet.

5. (II.) *Quia hæc res est absurda*, nimirum *juxta Socinianos mysterium incarnationis* absurditate laborat. Nullum autem absurdum credendum, vel pro articulo fidei habendum, cum fides non sit absurdorum, sed summorum mysteriorum. R. (1) *Dist. inter absurdum esse, & videri, vel dici*: non est hoc mysterium absurdum, licet tale videatur occæcatis & corruptis hæreticorum mentibus, aut dicatur falsis hæreticorum assertionibus. (2) Negatur, quod hic absurditas ulla reperiatur, cum potius summa sit hujus mysterii sublimitas *1. Tim. III. 16.* unde nec quicquam absurdi *Smalzius* adducit, imò nec salva veritate quicquam ejus adducere potest. (3) Maxima circa mysterium hoc est *Mosis, Psalmorum & Prophetarum, item Evangelistarum & Apostolorum*, & omnium orthodoxorum confessionum harmonia: jam ubi pulcherrima scripturæ totius & Ecclesiæ totius harmonia, ibi nulla prorsus est absurditatis *arsu Paulæ*, nec quicquam absurdi sic fingendum erit: plurima quoque mysteria suavissime cum incarnationis mysterio conspiciant, non igitur aliquid absurdi hic concedi potest.

6. (III.) *Quod incarnatio sanæ rationi plane sit contraria*. R. (1) *fides Christiana non ex humana ratione, sed ex divina revelatione pendet*: nihil igitur incarnationis mysterium cum ratione commercii habet, unde neque consonum eidem, neque contrarium dicendum. (2) Falsum est, quod *mysterium incarnationis sit contrarationem*, cum potius sit *suprarationem*, videl. propter divinam sublimitatem & eminentiam: aliud enim est *contra rationem*, aliud *suprarationem* esse: quod autem sit *suprarationem*, patet ex eo, quia simpliciter & immediatè suum ortum habet à Deo, & supra cursum omnem naturæ positum. (3) *Dist. inter rationem sanam, & male sanam*: non *sanæ*, sed *male sanæ* hæreticorum rationi mysterium hoc est contrarium: cum ratio sana mysteria supra se veneretur, non autem ex se, vel secundum se scrutetur.

7. (IV.) *Quod incarnatio sit in DEUM blasphema*. R. (1) *Accusatio*,

*factio*, non est *probatio* : blasphemum igitur est, quod hoc mysterium blasphemiae postulatur, imò Diabolica prorsus calumnia : (2) *blasphemum* est, quod in DEUM injuriosum est : at misereri humani generis, itemque creaturam ex infinita gratia honorare, non dicitur injuriosum in DEUM. Ergo nec pro *blasphemo* haberi poterit. (3) notum, quod omnia divinae voluntati consona sint, quæ sæpius apertissimis verbis in scripturis Veteris & Novi Testamenti revelata sunt, adeoque nullo modo *blasphema* dici poterunt : *mysterium* autem *incarnationis* sæpius apertissimis verbis in scripturis esse revelatum, ipse Smalzius negare non audet.

8. (V.) *Quia multo satius sit, modum aliquem dicendi comminisci, quo ista de DEO dici possint, quam ista simpliciter ita, ut verba sonant, intelligere.* R. (1) Diff. inter hominum commenta, & DEI mysteria : talia commenta nos Sociniani, & alii veritatis hostibus, relinquimus, nos in aperto veritatis tramite subsistimus. (2) nos certè DEO sapientiores non sumus, unde nec aperta DEI verba in obscura, propria in impropria convertere debemus. (3) in articulis fidei *πρὸς* omnino dicitur urgendum, adeoque tale commentum *τροπὸν* minimè concedendum, sed potius *ἀπερὸς* retinendum.

9. (VI.) *Quia sanctissima Christi religio pro turpissima omnibus rēdenda exponitur per hoc mysterium incarnationis.* R. (1) Dicitur hoc iterum ab homine *blasphemo*, sed nihil ejus probatur. (2) totus fidelium cætus hætenus mysterium hoc veneratus, empædas & Diaboli mancipia nos minimè curamus. (3) ubi summa pulchritudo, nulla manat inde turpitudine : pulcherrimum est Incarnationis mysterium, quod etiam Angeli venerantur & celebrant, quemadmodum ex Luc. II. 10. seqq. manifestum, ex hoc igitur nulla turpitudine Christianæ religionis emanare potest.

10. (VII.) *Quia usi sint hac prudentia omnes Theologi in rebus, quæ multo minus, etiamsi proprie intelligerentur, DEI majestatem offenderent, ut cum de DEO legitur, eum irasci, eum dolere, eum descendere, per αἰσχροπρεπείας ea de illo dici docuerunt.* Nec enim convenire ipsis videbatur, in DEUM hujusmodi perturbationes, aut motus cadere. Quomodo verò in DEUM proprie potest cadere id, quod ipsius non tantum qualitates

*Perfectus DEUS, perfectus homo, ex animarationali & humana carne subsistens.*

2. Nos *Affirmativam questionem* partem multis probare possumus: nunc saltem unum vel alterum adducere placet, quia constat Christum esse DEUM & Hominem (1) *è divinis & humanis appellationibus*: Vocatur enim, modo *DEUS*, Dominus, Jehova &c. modo *Semen mulieris, Filius hominis, Homo* &c. Puer natus & Pater æternus *Esa. IX. 6.* & multis aliis divinis & humanis appellationibus ejus vera divinitas & humanitas infinuatur. (2) *Enominibus propriis*. Dicitur *Jesu*, hoc est, *Salvator*, quæ vox tam divinam, quam humanam Naturam importat, illam, ut *salvare posset*, hanc, ut *salvare deberet*. Vocatur *Christus*, propter ungentem *divinitatem* & unctam *humanitatem*. Vocatur *Immanuel, nobiscum DEUS* *Esa. VII. 14.* quod *Matt. 1. 23.* disertis verbis de duabus naturis interpretatur, *Ina Deum & Mediator, Redemptor* &c. (3) *è distincta generatione*: Genitus enim est ab æterno à Patre *Psal. II. 7.* natus ibidem in plenitudine temporis ex Maria virgine *Luc. II.* duplex autem hæc generatio duplicem in Christo naturam esse, constanter evincit. (4) *E proprietatum divinarum & humanarum attributione*: Positis proprietatibus, ponuntur naturæ: Sed utriusque naturæ proprietates, videlicet divinæ & humanæ, Christo conveniunt; vere proinde DEUS & Homo erit. (5) *è solenni Patris cælestis testificatione*: Pater enim cælestis de Christo homine, à Johanne visibiliter in Jordane baptisato, solenniter voce cælitus missa, testificatus est: *Hic est Filius meus dilectus* *Matt. III. 17.* Confer. c. XVII. 5. Plures rationes produxit *Dn. D. Calovius in Socinism. proflig. sect. 2. 150 A.* subf. 1. contr. 2. qui probavit hanc thesin (1) *è Nominibus Christi* (2) *è Vaticiniis Veteris Testamenti* (3) *è luculentis Testimoniis Novi Testamenti* (4) *Evocibus distinctivis*. (5) *E proprietatibus divinis & humanis* (6) *è Mediatorio Officio Christi* (7) *è Communicatione Idiomatum*. (8) *E Socinianorum confessione*, quia *Crellius* largitur, si Christum verum & summum DEUS sit, necessario credendam esse incarnationem, quandoquidem certum sit è scripturis, quod Filius DEI sit summus DEUS & verus homo, certo tempore è virgine natus. Sic enim *l. 2. de Uno DEO Patre* *sect. 2. c. 3. p. 563.* scribit: *Incarnationem coguntur omnes illi agnoscere, qui Christum supremum*

DEUM



**DEUM esse statuunt.** Dum enim cum natura hominem esse, & certo tempore ex virgine natum, ex sacris literis manifestissimum, necesse fuit, ut statuerint, eum, seu ejus naturam divinam ita assumisse humanam, ut unita eo persona manente, **DEUS** simul esset & **Homo**. Nam si **DEUS** & **Homo** diversa essent persone, nec Filius **DEI** homo, nec **Homo** Filius **DEI** fuisset. Et **Smalzius** lib. de Divinit. **Christ.** c. 10. p. 45. Christo potestatem & potentiam divinam non ut accidens, sed ut proprium tribuit. Sic enim scribit: Hoc addendum omnino est, quod **Iesu Christi** divinitatem in hac parte omnium fere maxime arguit: Quod **Iesus Christus** non ut alii ante, vel post eum, hanc tantam potestatem ita possedit, ut illa ab eo abesse potuerit, tanquam accidens vagum: vel quod opus habuerit, ut alii omnes, quicumque, miracula unquam fecerunt, illam potestatem precibus a **DEO** impetrare, & eandem perpetuo studio conservare: sed ut verus verorum **DEI** bonorum possessor, **ITA EAM SECUM COMMUNICATAM HABUIT, UT IPSIUS PROPRIA effecta fuerit, & in eo perpetuo habitaret, adeo ut Iesus Christus nunquam absque ea fuerit, sed semper eam circumculeret &c.** Jam si divina potestas ipsi propria fuit, & in ipso perpetuo habitavit, sequitur, quod non tantum homo, sed etiam verus & quidem summus **DEUS** sit, cum alius, præter summum **DEUM**, divinam potestatem, ut propriam, habere non possit. At verum prius. Ergo.

3. Negativa sententia **Socinianorum** est, qui cum Christum essentia nudum hominem credant, dualitatem naturarum communiter impugnant. Nos hac vice **Catecheses Racov.** p. 54. 55. argumenta potissimum examinabimus: Probat verò negativam hanc duplici genere fundamentorum I. Ex *Ratione*, & quidem argumento duplici (1) Weil solches der rechten Vernunft zu wider ist / Erstlich also / daß zwey Wesen / die in den Eigenschaften eine der andern zu wider ist / keines weges in einer Person können vereinigt werden / als da sind / sterblich und unsterblich seyn / einen Anfang haben und ohne Anfang seyn.

*R.* (1) *περὶ τὸν ψῆδ* &c. aperte satis *Sociniani* manifestant, dum primum omnium hoc mysterium ex ratione probant, & rationis argumenta sic potiora scripturæ fundamentis judicant. (2) *Μυστή*

*ria*

*tia* non ex *ratione*, sed ex *revelatione* censenda: *rationem* transcendent *capita fidei*, non ejus captum sequuntur: non igitur sunt *contra*, sed *supra rationem*. (3) negamus, hoc *rationi* contrarium, *duas contrarium proprietatum naturas* in una *persona* conjungi: nam *anima hominis* immortalis est, *corpus mortale*, *anima immaterialis*, *corpus materiale*, *anima incorporea*, *corpus corporeum*, *anima invisibilis*, *corpus visibile*, *anima illocalis*, *corpus locale*, *anima immutabilis*, *corpus mutabile* &c. has tamen *duas naturas* in una cujusvis hominis *persona* conjungi, non potest negari, nisi quis totam naturam vel invertere, vel evertere, velit. Idem de *ferro* & *igne*, ut & de aliis dicendum. *Diff.* igitur inter *completum* & *incompletum*: *completa natura* in *essendo* nunquam in *eadem essentia* conjunguntur, optime tamen *incompleta natura*: sic etiam *completa natura* in *subsistendo* nunquam in una *subsistentia* conjunguntur. (4) Denique certum est, *unitatem personæ* cum *duarum naturarum diversitate* non pugnare: *contradictio* secundum idem fieri debet: *diversæ naturæ* non sunt *una natura*, recte tamen *una persona* fieri possunt.

4 (II.) Darnach also / daß zwei Naturen / unter welchen eine jegliche eine Person macht / in einer Person nicht können vereinigt werden / denn sonst müßten sie nicht eine Person / sondern zwei / und also zweene Christen seyn. Es ist aber bey jederman bekandt / daß nur ein Christus ist / und daß Er nur eine Person hat. R. (1) *Mysterium* hoc est, non *rationis consultum*: non igitur ex *ratione*, sed ex *revelatione* dijudicandum. (2) falsum, quod hoc *rationi* sit contrarium, *duas perfectas substantias*, vel etiam *absolute considerata supposita*, *materialiter*, vel alio modo quodam in *unum suppositum* coalescere. *Ferrum* est *suppositum*, & *ignis* per se *peculiare suppositum* est, & tamen *unione suppositali* conjunguntur, prout *experientia quotidiana* docet. Si proinde *creaturis* hoc est possibile, *creatori* non erit impossibile, cum apud DEUM non sit ullum verbum impossibile, nec ullum factum *Luc. I. 37.* (3) Falsum, quod *unaquælibet naturarum Christi personam* constituat: de *natura divina* concedimus id facile, cum λόγος ab æterno vera persona realiter extiterit, sed de *natura humana* neutiquam

M

eadem

eadem facilitate tale quid concedere possumus. *Humana natura*, divinae personae contradistincta, *per se* nunquam fuit, nec adhuc est, nec in posterum futura dicitur vera, vel integra *persona*: sed à primo incarnationis momento non fuit *ἀνθρώπου*, sed *ἐκπύου*, non per se persona, sed in persona Filii Dei quoad substantiam assumpta, sic equidem ut per se non *propriam*, sed à λόγῳ *communicatam*, & in λόγῳ terminatam *substantiam* possideat. Hinc (4) *dist.* inter *substantiae essentiam*, & *ultimam* ejus *substantiam*, perfectam quidem *substantiae essentiam*, in humana Christi natura, quoad corpus humanum, & quoad animam rationalem (plures enim *partes essentielles*, præter corpus & animam, neque natura, neque ratio sana concedit) confitemur: sed *ultimam substantiam* eidem tribuere nec possumus, cum nunquam fuerit in se persona, nec debemus, cum in persona τὸ λόγῳ subsistat.

§. II. *Ex scriptura*: qua ratione Catechesis Sociniana potissimum id urget, quod *dualitas naturarum in Christo scripturae sit contraria*, & cumprimis, quod *divina natura Christo sit tribuenda*, scripturae contrarietur (1) *Erstlich also/ daß uns die heilige Schrift nur einen/ der von Natur Gott ist/ zeigt: und das ist allein der Vater unsers Herrn Jesu Christi.* x. (1) Scriptura docet, *DEUM unum esse*, sed *essentia*; docet eadem, *DEUM esse Trinum*, sed non *essentia*, verum *personis*; utrumque *fidei mysterium*, utrumque proinde firma fide credendum. (2) Nullibi scriptura disertis verbis docet, quod *Pater Domini nostri Jesu Christi solus sit unus ille natura DEUS*, vel etiam, quod *solus sit ille summus DEUS*, sed è contra docet, tres illas personas, Patrem, Filium & Spiritum Sanctum unum esse i. Job V. 7 (3) *Patris* nomen sæpius *essentialiter*, in respectu ad creaturas, accipitur, ut sit toti Sacrosanctæ *Trinitati* commune, tunc igitur non *personæ*, *secunda* videlicet & *tertia*, sed *idola* cum *creaturis* à consortio divinitatis excluduntur: quando verò *personaliter* accipitur, tunc non ratione *Deitatis* vel *essentia*; sed ratione *personalitatis*, vel *substantia*, *primam personam* inferre, vel à reliquis duabus distingvere dicitur.

6. (II.) Zum andern weil dieselbige Schrifte bezeuget/ daß Christus von Natur ein Mensch sey/ wie wir kurz zuvor bewies

bewiesen haben / so bedürfte sie ihm eben damit die Göttliche Natur. *Rz. (1) Myſteria & Myſterii non ſunt opponenda, ſed potius inter ſe cōferenda, vel prout revelata ſunt, ſimplici fide ſuſcipienda: Chriſtum ſalvatorem hominem eſſe, ſcriptura probat, ſed eundem DEUM eſſe, propterea non negat, cum potius ex divinis nominibus, proprietatibus, operibus, honoribus &c. idem firmiſſimē ſtabiliat. (2) Scriptura, quando Chriſtum natura hominem eſſe dicit, eo ipſo negat, Chriſtum ſecundum hanc naturam, quæ homo eſt, natura DEUM eſſe, non verò, ſecundum aliam naturam DEUM eſſe negat, cum Chriſtus, ut ex aliis patet argumentis, duabus conſtet naturis. (3) Diſt. inter eſſentialia & perſonalia: Chriſtus homo non eſſentialiter, ſed perſonaliter, adeoque reſpectu prout alio, DEUS eſſe dicitur, quod omnem tollit contradictionem.*

7. (III.) Zum dritten bezeuget dieſelbe Schrifft / daß alles/was Chriſtus Göttliches hat/hat Er aus Geſchenk ſeines Vaters *Matth. XXII. 19. Phil. II. 9. I. Cor. XV. 27. Rz. (1) Diſt. inter ea, quæ Chriſto tribuuntur ab æterno, & quæ accepit in tempore, vel inter prædicata propria & communicata; illa non ex donatione ſed ex æterna Patris generatione ſecundum Deitatem poſſidet, ær generatio non eſt donatio: ſed hæc ratione humanitatis, omnino Chriſtus ex Patris donatione poſſidere dicitur. Hinc (2) diſt. inter divinam & humanam naturam: ſecundum hanc Chriſto perſonaliter omnia ſunt à Patre donata, ſecundum illam verò nihil in tempore propter infinitam perfectionem accipere potuit. (3) diſt. inter dicta ſcriptura, quæ loquuntur de æternæ divinitatis, & quæ loquuntur de donariæ Majestatis: priora nullius donationis mentionem faciunt, cum Filius Patri ſit *ὁμοῦς* *Joh. V. 17. c. X. 31. poſteriora* nihil divinitati præjudicare poſſunt, cum non ad divinam, ſed ad humanam naturam, ejuſq; *βελτίωσιν*, vel exaltationem pertinent, quæ ſunt in medium adducta, de quibus ut in ſpecie quandam apologiam ſuſcipiamus, non videtur modo neceſſarium.*

8. (IV.) Endlich lehret uns dieſelbe heilige Schrifft/ daß dieſe Göttliche Natur vergebens / und ohne Urſach in Chriſto wäre: ſintemahl ſie zeuget / daß der Herr Jeſus

M 2

Chriſt

Christus alle seine Göttliche Werk/ nicht ihm selber/ oder i-  
gend seiner Göttlichen Natur/ sondern seinen Vater zu-  
geschrieben hat. 13. [1] posito, quod omnia prorsus opera divina  
Patri Christus adscripserit, non tamen sequitur, illa propterea Fi-  
lio fuisse denegata, sed potius contrarium inde colligitur, quia Pa-  
tri Christus opera divina tribuit, ergo sibi quoque talia tribuit: ra-  
tionem dat ipse, quia Joh. X. 31. dicit: *Ego & Pater unum sumus*. Dist.  
igitur inter attributionem absolutam & relativam, exclusivam & inclusi-  
vum: sicut enim Pater & Filius unum sunt, ita similiter idem æ-  
qualiter operantur Joh. V. 19. (2) Dist. inter attributionis *divinæ* & *divo-  
pæ* operis: opera ad extra, quoad *divinæ*, toti sacrosanctæ Trinitati commu-  
nia sunt, adeoque sive uni, sive duabus, sive tribus personis adscri-  
bantur, nihil vel in ipsa re, vel in attributione, mutationis conce-  
ditur, sed quod uni tribuitur, omnibus tribuitur: at quoad pecu-  
liarem *divo-pæ* aliter Patri, aliter Filio, aliter Spiritui sancto tribuun-  
tur, prout nimirum unaquælibet persona vel operatur, vel sese  
manifestare dicitur: sicut igitur Patri Filius missio, juxta scripturam,  
tribuitur, sic etiam ejus instructio, ejus exornatio peculiariter ad Pa-  
trem refertur, & Filius etiam, ut *magnus Patris legatus*, ad Patrem, ceu  
mittentem, cuncta referre voluit. (3) Falsum, quod scriptura, vel  
Christus omnia prorsus opera divina Patri tantum tribuerit, con-  
trarium ex locorum scripturæ consideratione manifestum. Opus  
creationis citra dubium opus divinum, & hoc Verbo, seu Filio tribui-  
tur Joh. I. 2. Col. I. 16. &c. divinum etiam conservationis opus est, &  
hoc sibi Christus ipse tribuit, & semetipsum Patri consortem &  
æqualem facit, ut optime Judæi colligebant, quando dicit Joh. I.  
17. *Pater meus usque modo operatur, & ego operor*. Opus redemptionis vere di-  
vinum est, illud Christo passim appropriatur Joh. X. 12. Act. XX. 28.  
Opus vivificationis etiam opus divinum: & hoc etiam Christo cum  
Patre commune dicitur Joh. V. 21. opus resurrectionis, juxta Socinianos  
ipsos, vere divinum; hoc itidem sibi Christus adscribit Joh. II. 21.  
c. X. 18. &c. Ex quibus omnibus apertum, nullum solidum argu-  
mentum contra duas Christi naturas Socinianos afferre potuisse.  
Manet igitur Christus *verus Deus*, vere DEUS & vere Homo.

## QVÆSTIO TERTIA.

*Num Humana in Christo Natura peculiaris persona sit, aut in se, vel per se peculiarem personam faciat?*

1. Circa quæstionem ipsam unum, vel alterum præmittere, non incommodum erit. (1) Non quæri de *Humana natura veritate*, cum certum sit, quod, juxta fidem Catholicam, Christum verum hominem esse credamus, sicut *Augustiana Confessio* dicit: *Ecclésiæ apud nos docent, quod Verbum, hoc est, Filius DEI assumpsit humanam naturam in utero B. Mariæ Virginis, ut sint due naturæ, Divina & Humana, in unitate personæ inseparabiliter conjunctæ, unus Christus, VERE DEUS & VERE HOMO.* Et hæc est recta fides, juxta Symbol. Athanas., ut credamus & confiteamur, quia Dominus noster Iesus Christus, DEI Filius, DEUS & HOMO: DEUS ex substantia Patris ante secula genitus, & HOMO ex substantia matris, in seculo natus; Perfectus DEUS, PERFECTUS HOMO, ex anima rationali & humana carne subsistens. Et Sociniani veritatem humanæ naturæ consentunt adeo, ut Christum solum Hominem esse contendunt.

2. (2) Neque controversia movetur de *quacunq; personæ competentia*, videl. Annon Humana Christi natura certa quadam personalitate gaudeat? Nam cum vera sit substantia, quod nec potest, nec debet negari, cujusvis autem substantiæ veræ terminus, atque proprietas sit vera substantia, proinde manifestum, quod nec de veritate substantiæ sit ullo modo dubitandum, cum certum sit, quod hypostasis & λόγος communicatam habeat. Nam omnis humana substantia certum substantiæ fulcrum, sive terminum requirit, cum substantia sine substantia existere non possit. *Disting.* autem inter substantiam ipsam, & substantiæ modum? illis necessaria, hic autem suo modo variationem admittit.

3. [3] Neque de *nuda vel existentia, vel essentia Humanae naturæ simpliciter*, vel *in se*, disputamus, nimirum an *rotæ vel essentia, vel etiam actualis existentia simpliciter*, & *in se* Christi humana naturæ conveniat? nam essentia conspicitur in partibus essentialibus, videlicet anima & corpore, de quibus ex sacris literis quam certissimi sumus: *existentia vero actualis* quoque satis certa, cum Salvator Christus actu natus, & in lucem editus, atque cum hominibus per omnes vitæ communis annos conversatus sit.

4. [4.] Sed potissimum quæritur de *Humana natura* etate spectata, quoad substantiam, num videlicet *Humana natura* in Christo per se peculiarem personam faciat, vel propriam personalitatem habeat? Quæ ratione dicimus, Humanam naturam per se neque peculiarem personam facere, neque propriam personalitatem habere, sed in persona ἡ λογική subsistere, & personalitatem communicatam possidere. Sic igitur negativam quæstionis partem tuemur.

5. Sed *Affirmativa* Socinianorum est, quemadmodum ex ipsorum scriptis passim videre licet. Hac vice potissimum Smalzum in resut. Disput. B. Grauer. de persona Christi p. 10. contra nos disputantem audiemus, & ejus fundamenta paucis expendemus, cum directe se nostræ thesi opponat. Hoc est, Grauer, scribit, quod cause vestrae prodit vitiositatem, nimirum, Naturam Humanam in Christo peculiarem, aut per se personam non facere, aut esse. Verum aliud est peculiarem personam habere, aliud est per se personam facere, vel esse. Humana Natura peculiarem personam habet non à se, nec in se, nec ex se, sed in λόγῳ, vel in ejus substantia, quia sibi peculiarem personam requirit, sed propterea personam per se non facit, nec per se persona dicitur esse. Deinde peculiaris persona duplici respectu Christo tribuitur, vel respectu aliorum hominum, vel respectu ἡ λογική. seu personæ ἡ λογική. quod Christo tribuenda sit peculiaris persona respectu hominum aliorum, illud certissimum est, cum unusquisque hominum peculiarem habeat personam, & sic Christus cum aliis hominibus communem personam non habet, nec habere potest: sed si referatur ad λόγον, vel ejus personam, humana natura, certe nec potest, nec debet habere peculiarem personam, cum ea persona sit frustranea, siquidem humana natura jam suam habet substantiam in λόγῳ: sit minus consentanea, cum humana natura sola minime sufficiat ad sustentationē mediatorii λόγῳ, vel oneris, nec humana persona tantum onus sustinere valeat: necessum igitur fuit, ut humana natura fulcrum aliquod infinitum consequeretur, ut in eo prorsus immote subsistere, pondus omne peccatum & pœnarum totius humani generis sustinere, simulque hostes universos vincere, vel triumphum ex victoria reducere potuerit.

6. Probat suam antithesin (1) Quia si Christus verus homo est, quoniam

*quomodo nō erit persona humana? quia ratione tale producit argumentum: Quicumq; verus est homo, is etiam humana est persona, cum omnis homo sit humana persona. Sed Christus est verus homo: Ergo quoque humana persona. R. (1) Nulla datur consequentia, quia subiectum loquitur de essentia, predicatum loquitur de persona, vel subsistentia: jam nec ab essentia ad subsistentiam, nec a subsistentia ad essentiam simpliciter, cum primis in mysteriis, argumentari licet. Hinc (2) subiectum loquitur de re, predicatum de rei statu; non autem a re statim licet ad rei statum certum argumentari. Unde (3) sic corrigendum argumentum: Quicumq; verus homo, ille est vera persona: cum a veritate substantiæ, ad veritatem subsistentiæ legitima sit consecutio: sed Christus est verus homo, Ergo quoque vera persona: sic conceditur totum argumentum: Sed a vera persona non licet ad humanam personam argumentari, quia sic committitur fallacia dicto simpliciter ad secundum quid, cum plures personæ dentur, quam humanæ. (4) Porro procedit hoc in naturæ theatro, non autem in hoc pietatis mysterio, in hominibus vulgaribus, non in hoc homine singularissimo. (5) Si Christus verus homo, vel erit humana persona a principio intrinseco subsistentiam habens, aut ab extrinseco principio, vel supernaturali, subsistentiam communicatam possidens; hoc, non illud sacris literis consentaneum, quia verbum caro factum est Joh. I. 14. & DEUS manifestatus ita in carne 1. Tim. III. 16. ut tota Deitatis plenitudo habitet in Christo *συναληκώς* Col. II. 9. vel in assumpta carne, tanquam proprio templo. Hinc (6) Diff. inter subsistendi rationem naturalem & supernaturalem.*

7. (II.) *Quia qui illud de Christo prædicat [eum nimir. verum hominem esse] quomodo non necessario etiam hoc de illo prædicare teneatur? cum nulla scriptura, nulla figura, nullus loquendi modus patiatur, ut is non sit persona humana, qui homo est. R. (1) Tota scriptura Veteris & Novi Testamenti, a capite ad calcem, testatur, quod Messias sit verus DEUS, & verus Homo, quodq; secundum Deitatem ab æterno divina persona fuerit, & quod in plenitudine temporis in hujus personæ societate humana natura recepta sit illud pariter sufficienter exinde probari potest. (2) figuris hic non est opus, neq; confictis loquendi modis, nos loquendi, vel sermonis p̄prietatem in hoc mysterio simpliciter urgemus. (3) Certum, quod persona formaliter sit*

*modus*



*modus subsistendi*, qui non necessario semper ex principio naturali vel ordinario promanat, cum etiam a principio superiori, supernaturali, vel extraordinario, suum ortum habere possit, & in hoc mysterio revera sic eam accipiat, atque possideat.

8. (III.) *Quia personā homo est.* R. (1) Si vox *Personā* sumitur in *ablativo*, falsum hoc est assertum, quia *homo* non est *personā*, sed *essentiā*: *essentiā* verò, & *persona*, vel *subsistentia*, sunt in creaturis diversa. Nam *homo* est per *essentiā*, hoc est, per *essentiales partes*, *essentialiter unitas*, non autem est, sed potius subsistit per ipsam *personam*: si verò sumatur in *nominativo*, *Persona* est *homo*, luditur & *qui vocatione*, quia vox *personæ* sumitur vel materialiter, sic *persona* *homo* dici potest; vel formaliter, sic *persona* non est ipse *homo*, sed *hominis modus*, vel *status*.

9. (IV.) *Quia, qui Christum veram humanam personam esse negat, is verum etiam hominem eum esse, ut neget, necesse est, & sic tantum non negat, Jesum esse Christum.* Quod istud est *Satanæ* in excogitando *Filio DE Ialio*, præter & ante eum, qui ex *virgine Maria* natus fuit, *astutiæ & audaciæ plenum stratagemata*. R. (1) *Diabolica hæc blasphemia* licet nulla responsione digna sit, tamen ex sacris literis certum, quod & ante *nativitatem* ex *Maria* verè *DEI Filius* extiterit, prout ea de re plurima testimonia produci possent. Hac vice saltem urgeamus illud, quod *Christus* manifestis verbis dicat: - *Antequam Abraham esset. Ego sum*: quæ verba certa tam clara sunt, ut instar solis oculos adversariorum confundere videantur, unde se torquent in varias formas, ut quodammodo lucem veritatis, in his verbis exhibitam, obscurare possint, sed frustra: quia detorsiones illæ textui per violentas explicationes obruduntur, non autem è textu deducuntur: & quia *DEUS Pater* in plenitudine temporis misit *Filius* suum, natum ex muliere *Galat. IV. 4.* certe talis præexistentia negari nec potest, nec debet, cum primis quia tota scriptura cum *Veteris*, tum *Novi Testamenti* nobis illustrissima documenta de perpetua *Messiae* existentia suppeditet. (2) *Jesum esse, Christum esse*, potius sunt *utriusque natura*, quam *unius* saltem *nominis*. (3) rursus ab *humana subsistentiæ* negatione ad *humanæ essentiæ* negationem procedit, & sic ex *negato formali materiale* tollere conatur, quod minime concessum.

97  
 QVÆSTIONES ANTI-SOCINIANÆ

EX ARTIC. III.

AUGUSTANÆ CONFESSIONIS

DE

CHRISTO

QVÆSTIO PRIMA.

*Num vera sit Idiomatum communicatio, num vero  
 sit commentitia?*

DISP. VII.  
 R. JOH.  
 PHILIPPO  
 SEVBO-  
 THIO,  
 Roteburgo-  
 Francus.

I.  
**C**irca *controverſia ſtatum* unum, vel alterum, præmittere pla-  
 cet. (1) quod non ſit in qvæſtione, num terminus *communi-*  
*cationis Idiomatum* in Sacris literis inveniat, & ſic verbotenus  
 ex ſcripturis deducatur: facile ſiquidem largimur, quod hic *ter-*  
*minus* non ſit *biblicus*, ſed *Eccleſiaſticus*; licet enim *κοινωνία* *ἡμῶν*  
 paſſim in verbo DEI reperiantur, tamen ipſa verba *Communica-*  
*tionis Idiomatum*, qvoad *terminum complexum*, ibidem non inve-  
 niuntur.

2. (2) Nec qværitur directè, *de modo loqvendi*, num hic  
*loqvendi modus* ita ſit neceſſarius, ut aliter hoc myſterium expli-  
 cari nequeat? licet enim hic *terminus*, & *loqvendi modus*, Eccle-  
 ſiæ civitate donatus, & propterea per multa ſeculorum intervalla,  
 non ſine fructu Doctõribus uſurpatus, & ad planiorem ipſius rei  
 declarationem, & pleniorẽ confutationem hæreticorum, in  
 hac materia multa ſomnia mentis humanæ proferentium, valde  
 neceſſarius ſit, non tamen ſimpliciter is neceſſarius eſt, cum i-  
 pſum dogma fidei, verbis iſtis comprehenſum, etiã in ſacris lite-  
 ris ſit expoſitum, etiã ſi modus hic loqvendi non fuerit adhibi-  
 tus: niſi falſi Doctõres opinionum varietate & ſpecioſa subtili-  
 tate doctrinam ipſam involverent, fideles Eccleſiæ Doctõres in  
 ſimplicitate fidei, verbi divini, ejuſq; loqvendi modi, lubentur  
 acquieſcerent.

N

3. (3)

3. (3) Nec quæritur modò de *Communicationis Idiomatum qualitate*, qualis illa sit, quæ communiter in doctrina de Christo statuitur, *Idiomatum Communicatio*? num sit *essentialis*, *accidentalis*, aut *alius conditionis*: nam disputare de *qualitate*, *quidditatem*, & *existentiam* rei præsupponit, cum *quæritas quidditatem* sequatur: hic autem de *nuda* potissimum *existentia* solliciti sumus, num videlicet detur *Idiomatum communicatio*?

4. (4) Nec disquiritur de *communicationis Idiomatum quantitate*, quousque videlicet hæc *Idiomatum communicatio* concedatur? Notum enim est, quod omnibus temporibus hæc doctrina veritatis hostes invenerit, quemadmodum de *Patriarchis Socinianorum*, *Ebione* & *Cerintho*, notum. *Ignat.* Epist. ad *Philad.* scribit: ἐὰν τις λέγῃ μὲν ἕνα θεόν, οὐολογῇ δὲ καὶ χρεῖσθ' ἰσοῦν, ψαλὲν δὲ αἰθερώπων εἶναι νομίζει τὸν κύριον, οὐχὶ θεὸν μονογενῆ, καὶ σφίσι καὶ λεγόν τῷ θεῷ, ἀλλ' ἐκ ψυχῆς καὶ σώματος αὐτοῦ μόνον εἶναι νομίζει ὁ τοιοῦτος ὁφίς ἐστὶν ἀπατῆς καὶ πλάνης κηρύττων ἐπὶ ἀπωλείᾳ αἰθερώπων καὶ ἐστὶν ὁ τοιοῦτος πῆνης τὴν διάνοιαν, ὡς ἐπικαλεῖται Εβιῶν. *Et Iren.* l. 3. c. 11. docet, voluisse *Jobannem* per *Evangelii* *annunciatiōnem* auferre eum, qui à *Cerintho* *inseminatus* erat *hominibus*, *errorem*, & *idcirco* asseruisse λόγῳ *communione* *rerum omnium*, *visibilem* & *invisibilem*, ac *salutem hominum*. *Epiphan.* l. 1. tom. 2. hæres. c. 51. Ubi *Christum nudum* *predicavit Ebion* & *Cerintus*, illic *Sanctum Johannem* post *etatem senectam* *justum esse* & *Spiritu S.* *predicare* & *refletere errantes in viam*, ac *proinde docuisse sanctum DEI Verbum*, *Filium DEI*, *Dominum nostrum Jesum* non *esse* à *temporibus Mariae solum*, neq; à *temporibus Josephi solum*. imò *neq; ab eo tempore*, *ex quo cælum* & *terra facta sunt*, neq; à *quo mundus fuit*, *sed in principio erat Verbum*, & *Verbum erat apud Deum*, & *DEUS erat Verbum*. Idem *passim alii Patrum* attestantur.

5. (5) Sed quæritur de *Communicationis veritate*, num *factum* *significatum* sit, vel *commentum humana rationis*, an verò *detur*

*Actur in rei veritate, vel pendeat ex divina revelatione, vel scriptura sacra?* Nos posterius affirmamus, sed argumentis ex scriptura petitis modo non confirmamus, ut eo citius ad partis adversæ sententiam accedamus, & negativam Socinianorum expendamus.

6. Nam Socin. adv. Volan. p. 38. *Communicationem Idiomatum rem ludicram & futilem esse statuit, inqviens: Vestram illam Communicationem Idiomatum, ad quam, tanquam ad sacram anchoram, tandem semper confugitis, pro RELUDICRA & FUTILI habemus.* Idem in Explic. locor. sacræ script. p. 86. ad locum Joh. 3. 13. scribit: *Commentitia plane est ista idiomatum communicatio.* Conf: Socin. adv. Erasm. Johann. p. 97. *de natura Christi* p. 16. 17. contra Volan. p. 28. 256. & passim alibi, quod etiam alii Sociniani in suis scriptis propugnant.

7. Nos hac vice Socini locum ad Joh. III. 13. *Et nemo ascendit in cælum, nisi qui descendit de cælo, Filius hominis, qui est in cælo,* potissimum examinabimus. Probare verò conatur commentitiam Idiomatum esse communicationem in respectu ad hunc locum. (1) Quia talis Idiomatum communicatio nec per tropum, nec sine tropo commode declaratur, ut Lutheranorum doctrina de duabus naturis asseratur: *Aut in verbis istis, scribit, tropus agnoscendus est, aut non agnoscendus.* Si agnoscendus est, nihil impedit, quo minus ille adscensus in cælum, & iste descensus de cælo, & deniq; istud, *Esse in cælo, figura* è accipiat, non minus, quam adversarii velint, nomen illud Filii hominis figurate accipi debere, & inde duas in Christo naturas colligi; & cum hinc, simul fieri nequeat, nihil potest hoc testimonium adversarios juvare. Sin autem nullus tropus hic est agnoscendus, nullo modo possunt adversarii hoc loco ad duplicem in Christo naturam probandam uti, cum id non nisi tropo agnito fieri possit, non nisi, inquam, agnito, per Idiomatum Communicationem, quam vocant, dictum fuisse de Filio hominis, quod de cælo descenderit, & in cælo fuerit. Nam certe, vel neutrum revera de filio hominis, id est, de isto homine dictum fuit, vel saltem alterutrum non fuit dictum, si duplex Christi natura hic colligenda est.

8. R. (1) Posito, quod nihil directe faciat ad duarum naturarum assercionem Idiomatum communicatio, non tamen propterea

pretea vel ipsa, vel omnis ejus usus negari debet, cum aliis usibus inservire posset. *Dist.* igitur inter *usum adequatum* & *inadequatum*: *usu adequato negato*, negatur utilitas alicujus rei, non *inadequato*. (2) Errat Socinus, quia *scripturam*, & *phrasologiam* ejus ignorat: nam *ascendere in cælum*, & *descendere de cælo*, non tantum *localiter*, sed etiam *illocaliter* accipiuntur. DEUS *ascendere* dicitur & *descendere* non κατ' ὅριον *localiter*, quia spiritus infinitus in loco non est, nec *localiter* movetur, sed κατ' ἐκστροφήν, quando suam præsentiam ἐκστροφικῶς manifestareprehenditur. De *Cælo Majestatis*, quod DEUS, seu πᾶς *repletivum*, inhabitat, *descendere*, vel ad istud *ascendere*, non potest, cum profus sit infinitum & invariabile, sicut hoc ex ipsa ratione manifestum. Hinc etiam *ascendere in cælum*, & *descendere de cælo*, nec h. l. ratione *localitatis*, sed ratione *Majestatis* intelliguntur, ut ex contextu liquet, & sic Filius hominis dicitur *Esse in cælo*, ratione *communicata Majestatis*, quia est ἐκ κοινῆς θεῶς, ita ut ipsi sint ὁ ἴαθ. 3. & Phil. 11. 6. *descendit de cælo*, ratione *evacuata majestatis*, quia cum in *formā DEI* esset, *rapinam arbitratus non est*, esse aequalem DEO, sed semetipsum *exinanivit*, *formam servi* accipiens, in *similitudinem hominum factus*, & *habitu inventus ut homo*, humiliavit seipsum, factus obediens usque ad mortem, mortem autem crucis v. 6. 7. 8. *ascendere in cælum*, ratione *usurpata Majestatis*, quia DEUS exaltavit illum, & donavit illi nomen, quod est super omne nomen, ut in nomine Jesu stelletur omne genu cælestium, terrestrium & inferorum, & omni lingua confiteatur, quia Dominus Jesus Christus in gloria DEI Patris v. 9. 10. 11. (3) Falsum est, quod *Idiomatum communicatio vera*, seu *realis*. nihil faciat ad *duarum naturarum* confirmationem; cum enim utriusque *natura proprietates* de tota persona dicantur, in hac persona duas esse *naturas*, videl. *immediatæ subjectæ proprietatum* illarum, necessum est, cum certū sit, quod *proprietates* suis *immediatæ subjectū* non egrediatur. Quod autem de Christo dicuntur & *humana*, & *divina proprietates*, ex apertissimis scripturis manifestissimum est, nec à Socinianis id salva veritate negari poterit. (4) Quod attinet locum Job. III. 13. non opus est *tropum* aliquem admittere, si verba juxta *significatiōem*

*etationem & usurpationem biblicam* accipiantur, licet alio respectu tropus unus, vel alter hic urgeri posset, qui tamen *respectus extrinsecus* hic non est admittendus. (5) Ex sententia nostra *Filius hominis* hic figuratè nō sumitur, sed *proprie* supponitur, cum persona Christi per Filium hominis, secundum humanam naturam, designetur, qui dicitur *esse in celo, descendere de celo, ascendere ad celum*, quæ verè prædicari de eo non possent, si nudus Filius hominis, & non insuper DEI Filius esset. Et sic omnino duæ naturæ confirmantur: corruiit igitur prius, quod tropus sit in his verbis agnoscendus: & negatur *posterius*, quod si nullus tropus hic agnosceretur, inde naturarum dualitas non stabiliretur: contrarium enim liquido satis apparet. (6) Supponit, quod *idiomatum communicatio* sit tropus, aut *modus loquendi figuratus*, quod itidem negamus, quia certum, quod omnia prædicata verè, proprièq; de Filio hominis dici queant, prout in præcedentibus demonstratum.

9. (II) Quia quod commentitia plane sit ista *Idiomatum communicatio*, patet inde, si ea ita accipiat, ut quod unius tantum naturæ est, alteri separatim tribuatur. R. (1) falsum est, quod *Idiomatum communicatio* se habeat ita, ut, quod unius tantum naturæ proprium est, alteri separatim tribuatur; nam hic nullam separationem, nec ullam separativam attributionem concedimus, ubi personalem unionem, in omnibus respicimus, prout ipsa Formulæ Concord. p. 770. docet inqvions: Cum in Christo duæ sint distinctæ naturæ, quæ essentia & proprietatibus suis neq; mutantur, neq; confunduntur, utriusq; verò naturæ una tantam sit persona: ea, quæ unius tantum naturæ propria sunt, alteri naturæ NON SEORSIM, QVASI SEPARATÆ, sed toti personæ quæ simul DEUS & Homo est) attribuantur, sive DEUS, sive Homo nominetur. (2) Diff. inter idiomatum communicationem Lutheranam, & Calvinianam: talem seorsivam, vel separativam communicationem Calviniani, non Lutherani docent. Hinc facile largimur, quod ea sit commentitia communicatio *Idiomatum*, quæ se habet ita, ut quod unius naturæ tantum est, alteri separatim tribuatur, sed in nostrorum Theologorum scriptis talem non inveniet Socinus. (3) Diff. inter verborum sonum & sensum: nonnunquam unius naturæ tantum

sic

scripturam, ubi proprietate sermonis mysteria proposuit, tropis involvere, seu pervertere, nefas erit. (2) In proprietatum communicatione, quæ respectu duarum naturarum de Christo traditur in Sacris literis, tropus non est opus, cum Spiritus Sanctus verbis propriis hoc mysterium proposuerit. (3) Falsum est, quod tropus sit (a) in verbo, Filius hominis: nam propriissime Filius hominis notat Filium Mariæ, verum hominem, licet personaliter notet Filium hominis, non essentialiter, adeoque divinam naturam non excludat, sed includat: (b) ascendere in cælum non intelligitur de ascensione physica, sed mystica, pro subtrahat a materia, quia cælum hic cælestem majestatem designat, sicut dicitur: Pater noster, qui es in cælis: quod verò sit, cælestium rerum veritatem indagare, Socinianum illud commentum est, quo fingitur, Christum in cælos ascendisse, ibique mysteria regni cælorum didicisse, sicut mox prodit illud mysterium iniquitatis Socinus, quemadmodum ex questione sequenti patebit: sed potius dicitur in cælestem gloriam atque majestatem venire, quia ratione certè Christus statim in cælum ascendit, quando per unionem personalem in cælesti gloria & λόγῳ participationem pervenit. (3) Sic etiam Descendere de cælo non significat de iisdem rebus cælestibus eductum fuisse, sed potius de gloria cælestis throno se demittere, & statum humiliationis adsumere, sicut id Paulus exponit Phil. II. 6 seqq. Nam descendere de cælo significat cælum relinquere, gloriam cælestem non retinere: sed illi, qui de rebus cælestibus, cum primis in cælo fuerunt edocti, certè non fiunt humiliores quoad illam notitiam, sed potius eam magis, magisque perficiunt. (4) Esse in cælo non significat eandem res cælestes probe tenere, sive eas, tanquam præsentem, inspicere atque intueri: sed qui descendit de cælo, rem vel statum cælestem deposuit, is certe res cælestes præsentem intueri nequit: hinc potius esse in cælo significat in cælo, vel cælesti gloria, quoad actum primum, permanere, sed eam non usurpare. Quia ratione Christo homini hæc omnia con-  
 ...r, sed non citra, vel extra, sed potius propter divinam naturam. Nam si, verus DEUS, aut proprius DEI Filius non esset, nec in cælo foret, nec de cælo descendere, nec in cælum ascendere posset. Sed quia DEI Filius est, ideo juxta suam humanitatem est in cælo, h. e. gloriam cælestem, vereque divinam, possidet;

det; de cælo verò propter statum exinanitionis descendit, h.e. gloriam cælestem non usurpavit: & in cælum ascendit, h.e. gloriam cælestem reassumit, & cælesti, vereq; divino modo talem post ascensionem usurpare cœpit.

## QVÆSTIO SECUNDA.

*Utrum Christus sub auspiciis prophetici sui muneris in cælum ascenderit, ibiq; à DEO informatus fuerit?*

1. Nihil in aliis, nihil in religione quovq; tam absurdum, tam ineptum tamq; suspectum videtur, esse quod suos non allicubi reperiatur Patronos atq; defensores, prout vulgo notum; idem etiam de præfenti figmento Socinianorum dicendum. Hoc enim novum & inauditum prorsus, ante Socini tempora, commentum est: placuit tamen illud Socino, placuit ejus adhærentibus atq; defensoribus, licet tam absurdum sit, ut totum Christi prophetici munus vel invertat, vel etiam evertat.

2. Sed hunc fictitium Christi Salvatoris adscensum, Dn. D. Calvinus in Socinism. proflig. subsect. 2. de Christo, contr. 1. multis argumentis refutavit (1) quod de ea altum sit in scripturis silentium, cum neq; de tali ascensione Christi ante adventum ejus quicquam in V. T. prædictum fuerit, nec ullum de ea in N. T. reperire sit testimonium. (2) quod in scripturis saltem unica adscensio Christi in cælum descripta extet, quæ facta est post mortem & resurrectionem ejus Marc. XVI. Luc. XXIV. Act. I. (3) quod Christus non debuerit gloriam suam ingredi, nisi per passionem & post eandem Luc. XXIV. 26. Unde colligere est, eum ante passionem suam minime in cælum adscendisse, alioquin gloriam suam ingressus fuisset ante passionem suam. (4) Si Christus, cu Pontifex futurorum bonorum per proprium sanguinem in sanctum, hoc est, in cælum ingredi debuit Heb. IX. 12. oportuit eum prius sanguinem suum effudisse, antequam cælum ingrederetur. (5) Si Christus semel tantum in sanctum ingressus est, quod h. l. docetur, falsum sit necesse est, quod docent Sociniani, eum aliquoties in cælum esse ingressum. (6) Accedit, quod Christus prius descenderit in partes inferiores terræ, quam adscendit Eph. IV. 9. Qui ergo Sociniani invertunt hoc, contendendo eum prius in cælum adscendisse. (7) Testatur insuper Petrus Act. I. 32. Christum demum post resurrectionem adscendisse in cælum



lum, & confedisse ad dextram DEI; nulla itaq; alia est adfensio, quam ea, quam antecessit resurrectio, & secuta est sessio ad dextram DEI. (8) Confirmat id series articulorum fidei, perpetuo in sacris scripturis observata, juxta quam consequuntur sese Passio, Mors, Sepultura, Resurrectio, Adfensio in cælum, Sessio ad dextram DEI Ps. LXXIX. Marc. XVI. Luc. XXIV. Act. II. Eph. I. c. IV. quæ etiam in Symbolo Apostolico parili ratione observatur, nulla facta mentione antecedat eæ cuiusdam adfensionis in cælum. (9) quid quod Christus non opus habuerit idcirco in cælum adfendere, ut illis informaretur, quandoquidem in ipso reconditi fuerint omnes cognitionis thesauri Col. II. 3. ipseq; rogerit omnis, cum sapientia DEI Prov. IX. 29. Luc. XI. 49. Job. XVI. 10. c. XXI. 17. ut Filius unigenitus, qui nunquam non est in sinu Patris Job. I. 18. imò unum est cum Patre Job. X. 30. extra quem nemo Patrem novit Matt. XI. 27. (10) Ne dicam Christum eo, quo fungunt, tempore in cælum non fuisse celesti gaudio delibatum, quandoquidem illo ipso tempore per tot dies in deserto fuerit, ibiq; jejunavit, cum feru existerit, & a Diabolo tentatus sit Matt. IV. 2. Luc. IV. 2. (11) ut deniq; taceam, scripturam sacram nullam aliam glorificationem corporis Christi ante passionem ejus agnoscere, quam qua in monte facta est Matt. XVII. Unde concidit Socinianum commentum de glorificatione ejus in raptu illo in cælum, de qua Smalzium de divin. Christi. c. IV. p. 12.

3. De hoc ficticio Christi adfensu prolixè Smalz. d. I. p. II. 12. 13. & 14. differit, & alibi passim ejus mentionem Sociniani faciunt, nos hac vice potissimum Socinimum ipsum in Explic. locor. sacræ script. p. 87. seq. audiemus, ubi de loco Job. III. 13. verba facit, & suam de hac sententiam tum ex h. l. tum ex aliis, confirmationem reddere conatur (1) Quia sic sine ullo tropo verba Job. III. 13. intelliguntur, dum nihil aliud in eis dicitur, nisi ut filium hominis, sive hominem illum, & vere & proprie jam tum & de cælo descendisse, & in cælo fuisse dicamus, quod nos non modo libenter concedimus, sed etiam plane concedimus. R. (1) quomodo locus iste sit intelligendus, præcedenti quæstione satis luculenter expositum: hic ætiam agere nolumus. (2) tropus hic non est opus, quia verba materialiter accipiuntur, sed juxta scripturam, non extra scripturam, qua ratione quid sit adfendere in cælum, quid descendere de cælo, quid esse in cælo, jam superius est declaratum. (3) dist. inter sensum localem & phy-

*ficum, & inter sensum doctrinalem atq; mysticum: phrascs non physice sunt accipiendæ, quia de objecto physico non adhibentur, sed potius mysticè declarantur, quia de objecto mystico notantur.*

4. (II) *Quia nullo modo dubitandum, quia si Paulus, antequam moreretur, ad tertium usq; cælum raptus fuit, Iesus ipse Nazarenus, ejus Magister & Dominus, in cælo fuerit, ibiq; aliquandiu ante mortem suam, præsertim verò, antequam munus suum in terris obiret, commemoratus fuerit. R. (1) Qvod concernit hunc adscensum Christi, communis est Socinianorum sententia, qvod statim post baptismum, tempore commemorationis in deserto, videl. ante prophetici muneris exordium, contigerit. Sic enim Smalz. l. d. p. 13. scribit: Qvod ad tempus attinet, plane verisimile est (qvod nonnulli inter alios Theologos etiam observarunt) illud tunc temporis factum esse, cum Dominus Jesus jam baptizatus, & Spiritu Sancto donatus quidem esset, munus verò suum nondum obire cepisset, cum scil. quadraginta dies & totidem noctes, jejunium in deserto consumpsit. Quemadmodum enim Moses tot dies & noctes, absq; cibo etiam à DEO conservatus fuerat, antequam legem per eum daret: sic credibile est, Dominum Iesum, illo cibo cælesti, qui est commercium & conspectus DEI, ita fuisse recreatum, ut nullo naturali alimento, per totum illud tempus, opus habuerit. Tunc enim credibile est, cum Patrem suum vidisse, & ab eo doctum fuisse, qvod de se utrumq; Dominus prædicat. Quæ si cui minus probantur, in hoc saltem consideret, nihil à nobis affirmari in hac re, qvod cum analogia fidei Christianæ pugnet: nobis autem id plane se ita habere, persuasissimum est, & hoc mysterium nobis à DEO per sacras literas revelatum esse, plurimum gaudemus. Jam autem notum est, qvod tres Evangelistæ Matthæus c. IV. r. seqq. Marc. l. 12. seqq. Luc. IV. i. seqq. Historiam deductionis in desertum, & commemorationis ejus descripserint, sed altum ubiq; de nugis istis Socinianis silentium: cum primis Marcus emphatice totam historiam describit: ET STATIM, inquit (nim. post solennem inaugurationem de cælo, Patrisq; cælestis memorabilem proclamationem: Tu es filius meus dilectus, in te mihi complacui, adeoq; sine omni interjecta mora, sine omni raptu in cælum) Spiritus expulit eum in desertum: & ERAT (videl. illo tempore post expulsionem illam Spiritus) IN DESERTO (non in cælo) quadraginta diebus, & (nim. toto illo*

illò tempore) *tentatur à Satana*: ERATQVE (nimirum totò illò tempore) *cum bestiis*. Sic etiam Lucas v. 1. dicit: *IESUS autem plenus Spiritu Sancto regressus est à Iohanne, & agebatur in Spiritu in deserto diebus quadraginta, & tentabatur à Diabolo, & nihil manducavit in diebus illis, & consummatis illis, postea esurivit*. Sic igitur quadraginta diebus fuit in deserto, non in cælo, sub *tentatione* Diaboli, non sub *informatione* DEI, absq; cibo *terrestri*, sed non cum cibo *cælesti* &c: quæ si rectius expendantur, per se commentum Socinianum corruit. (2) ab exemplo Pauli non licet ad exemplum Christi colligere: nam Paulus fuit minister, Christus Magister, Paulus nudus homo, Christus DEUS & Homo, Paulus humana scientia præditus, Christus omniscientia divina clarus, Paulus hac informatione opus habuit, Christus eadem non indiguit, de Paulo disertis verbis id dicitur II. Cor. XII. 2. *Veniam ad visiones & revelationes Domini*. Scio hominem in Christo ante annos quatuordecim (sive in corpore, nescio, sive extra corpus, nescio, DEUS scit,) raptum huiusmodi usq; ad tertium cælum. Et scio huiusmodi hominem, (sive in corpore, sive extra corpus nescio, DEUS scit) quoniam raptus est in paradysum, & audivit arcana verba, quæ non licet homini loqui; De Christo verò, vel ejus adscensu, nihil prorsus tres Evangelistæ, historiam illam omnibus circumstantiis describentes, tradiderunt. Jam autem magis necessarium fuisset, ut hæc adscensio Christi consignaretur, quam Pauli. (3) Paulus non antequam moreretur, sed potius sub initio suæ prædicationis in cælum raptus est, (4) IESUS plenissime donatus est Spiritu Sancto, & eo plenus Luc. IV. 1. deductus est in desertum, quia non ad mensuram Spiritum accepit Iob. II. 34. adeoq; frustanea talis informatio fuisset. (5) Christus tum temporis *ἐσθίων ἐν ἡμῖν*, tabernaculum suum posuit inter nos, & in terris degit Iob. I. 14. non autem in cælum ad DEUM adscendit, ut ibi certam aliquam informationem acciperet.

5. (III) *Quia inde fit, ut quicquid de descensu Christi de cælo, de exitu ipsius à Patre, de antecedente ejusdem visibilem adscensum in cælum, ipsius ibidem commemoratione in sacris legitur, quod tantopere contra nos adversarii urgere solent, id nihil plane sit.* R. (1) Quod Christus de Sadducæis dicit: Erratis, nescientes scripturas Matt. XXII. 29. illud etiam hic de Socinianis dicendum est: nam phrasæ illæ

non juxta naturam, sed juxta scripturam explicandæ veniunt: nos hic prolixè de singulis agere nolumus. (2) Scriptura tantum unum novit Christi realem adscensum, geminum autem nuspiam tradit, ideoque nos etiam unum tantum admittere possumus. (3) Commemoratio Christi corporalis in cælo, vel tempore tentationis in deserto, vel tempore conversationis in mundo, prorsus *ἀλλυραφ* est, adeoque nulla ratione probari vel potest, vel debet.

6. (IV) Quia hinc efficitur, ut adversarii nostri (nim. Socinianorum) qui nos, tanquam interpretationibus nostris à litera ipsa longè recedentes, accusare solebant, a nobis merito hoc eodem nomine accusentur: quippe qui quod scriptura vel illi filio hominis, vel simpliciter, supposito illi, ut vocant, quod Iesus Christus est, aperte tribuit, divinæ cuidam a se somniatæ naturæ, sive essentiae, tribuere non vereantur. R. (1) à proprietate literæ omnino recedendum non est, nisi vel rei absurditas, vel textus perspicuitas, vel analogia fidei conformitas, vel alia, id ipsum urgeant: quia ratione certe Sociniani graviter suis interpretationibus incommotis, peccare dicuntur. (2) Dist. inter literam grammaticam, & Theologicam, vel Biblicam: non grammaticam, vel etiam vulgatam significationem nude respicere debemus, sed potius accurate considerandum est, quid phraseologia biblica, analogia Theologica, vel ipsa substrata materia, requirat: nam si de vulgatis rebus non est sermo, nec applicatione, vel significatione vulgari voces explicandæ veniunt, sed potius pro conditione mysteriorum termini sunt applicandi. (3) Falsum est, quod nos Lutherani talia, quæ h. l. Filio hominis tribuuntur, divinæ naturæ vendicemus, cum ut præcedenti quæstione declaratum, hæc omnia prædicata, nimirum a scendere in cælum, descendere de cælo, esse in cælo, propriè vel immediate de Filio hominis, vel Christo secundum humanam naturam, intelligantur. Quid Calviniani faciunt, nos minime moramur, cum hæc sententia Calvinianorum passim à nostratibus refutetur. (5) Falsum est, quod divina essentia Christi sit *σύνκρισμα*, cum sit verum pietatis mysterium I. Tim. III. 16. Joh. I. 14. &c. (5) Nec etiam in h. l. explicatione literali sibi constat Socinus, quia mox addit paucis lineolis interjectis: Postremo non est omitendum propter primam horum verborum partem illam, quam adversarii ipsi figuratè accipere coguntur.

Et

Et nemo adscendit in cœlum, omninò concludendum videri, totum locū figurate accipiendum esse. Vix enim invenies unquam quo modo sine tropo aliquo dici potuerit, solū Filium hominis in cœlum adscendere. Cum jã Elias eo adscendisset, ut aperte scriptura testatur, & idẽ de Enoch affirmari posse videatur. Hic igitur antea notata de propria interpretatione corrui gloriatio. Sed & hic nescit scripturæ phrasin Socinus, quæ hoc loco non de πῶ Beatorum, in quod Elias & Enoch pervenisse dicuntur, sed de πῦ, vel cœlo majestatis divinæ, in quod nec Elias, nec Enoch, nec ullus alius hominum unquam adscendit, vel adscendere potuit. Unde frustra quoq; cautelam hanc addit Socinus: *Animadvertendum est, si in loco nostro sine tropo, cavatione, quæ dictum est, Christi verba accipere velimus, non Qui est in cœlo, sed Qui erat in cœlo, legendum sit.* Nam participium illud græcum, ὁ ὢν, ut etiam Erasmus & alii annotarunt, non minus, Qui erat, quam Qui est, verti potest. Nam hæc omnia proficiuntur ex peregrina hujus loci interpretatione. Si genuinam retineamus interpretationem, curiosis illis observationibus & animadversionibus non est opus.

### QVÆSTIO TERTIA.

*Num Christo conveniat Sacerdotium proprie sic dictum?*

1. Circa *Statum controversiæ* non inconueniens erit, si vel unum, vel alterum, hic minime controversum, præmittamus: (1) quod hic loci non quærat: annon Sociniani vel officium Christi Sacerdotale, vel etiam munus triplex adscribant? nam passim in scriptis ipsorum invenitur, quod & officium Sacerdotale, simulq; triplex munus ipsi tribuant, sicut legimus apud Socin. in thes. de Offic. Christ. p. 3. thes. 3. Id munus, quod Christus sanctus fuit in mundo, est Propheticum, quod fungitur in cœlo, Regium & Sacerdotale. Smalz. de divin. Christ. cap. 4. p. 10. munus Christi triplex est, ut sacra litera testantur, & omnes hæc in re consentiunt Theologi Christiani, Propheticum, Regium & Sacerdotale. Quorum primum Christus, dum in terris fuit, perfecit: ad reliqua verò duo aditus a DEO paratus fuit. Volkel. l. 3. de Vera Relig. c. 2. p. 41. Triplex Christi munus est, Propheticum, Regium, & Pontificium. Quæ omnia unico Christi, sive Uncti, nomine continentur, propterea quod olim tum sacerdotes, vatesq; tum reges per unctionis religionem atq; ceremoniarum muneribus suis innuabantur.

2. (2) Nec quæritur: *Annon alicubi in scripturis sacris de Sacerdotio Christi figuratè sermos fiat?* cum enim Sacerdotium Christi sit officina non tantum, sed etiam medicina nostræ salutis, propterea non uno modo DEUS hanc saluberrimam doctrinam nobis in verbo suo proponere voluit modo *perspicuè & propriè*, modo verbis *involutis & figuratis*, ut omnem inde sumere possimus occasionem, omnibus modis in hoc mysterium inquirendi. Sed ex *figuratis propriis* loca non sunt vel neganda, vel obscuranda, sed potius figurata sunt ad loca cardinalia, maximeq; perspicua, revocanda, & ex iis exponenda.

3. (3) Non quæritur de *Sacerdotio Levitico*: siquidem quod illud varias habuerit umbras & involucria sacrificiorum à nemine nostrum negatur. (4) neq; de *Sacerdotio nominali*: num aliquo modo dici possit, aut debeat sacerdos? quia nomina sine re nihil esse dicuntur. (5) neque de *Sacerdotio cum munere Regio conjuncto*, quæ pariter communis est *Socinianorum* hypothesis: *Primum omnium*, inquit Smalz. de Divin. Christ. c. 23. p. 134. per Iesum Christi sacerdotium aliud nihil significari, quam quod Christus nostri curam gerere velit, & gerat. Et hoc tantum à regno ejus differt, quod Christus, quatenus Rex est, potest nostri curam gerere: quatenus vero Pontifex, gerere etiam (ut diximus) vult & gerit. Socin. in thes. de Offic. Christ. p. 13. th. 47. Quod ad munus Christi Sacerdotale attinet, id quidem non re ipsa, sed tamen per viam intellectus à regio ipsius munere distinguitur.

4. (6) Sed quæritur de *Sacerdotio distincto*, eoque propriè sic dicto. Num Christo distinctum, idq; propriè sic dictum Sacerdotium conveniat? Nos affirmativam tum ex proprietate nominis, tum ex proprietate Synonymorum, tum ex proprietate muneris, tum ex relatione typorum, tum ex proprietate actuum, tum ex proprietate effectuum, tum ex proprietate attributorum, tum ex proprietate beneficiorum, aliisque multis juxta scripturam demonstrare possemus, sed modo illa dimittimus.

5. *Sociniani negativam* defendunt sententiam. Sic enim Socin. in thes. de Offic. Christ. p. 13. th. 48. Dum Pontificem esse, seu Sacerdotem intelligimus (QVOD tamen FIGURATE ACCIPITUR) sollicitam curam, quam nostri gerat, ob oculos nobis ponimus, & hac ratione incredibilem animi consolationem percipimus. Ostor. in Instit. c. 40. p.

382. So ist nun daß Høhe Priestertthumb Christi anders nicht / den die administration / oder Verwaltung seines geistlichen Reichs / so ferne die unsere Wohlfahrt und Seeligkeit angehet: welches also figurlicher Weise geheissen wird / damit anzudeuten / daß Christus nicht allein uns helfen kan / wie ein grosser mächtiger Herr und König / sondern das er auch thun wolle.

6. Nos causam hanc potissimum ex Smalz. lib. de Divin. Christ. c. 23. p. 134. 135. expendemus. Sic autem ille: *Considerandum etiam est, TOTAM HANC REM, quæ per SACERDOTII vocabulum IN CHRISTO describitur, esse FIGURATAM*: loquitur igitur in his verbis (1) de ipso Sacerdotio, (2) de Sacerdotio quoad rem, (3) de totare Sacerdotii, (4) de re tota, quatenus per sacerdotii vocabulum describitur, vel exprimitur. (5) de totare Sacerdotii, quatenus in Christo reperitur, vel Christo Sacerdoti tribuitur, adeoque nobis directe contradicit, quod nimirum res ipsa sacerdotii non sit propria, sed potius figurata.

7. Probare videtur suam sententiam (1) *Quia per hoc sacerdotium explicantur ea, quæ sub veteri fœdere olim exstabant. Quemadmodum enim sub veteri fœdere DEUS Pontifices esse voluit, qui causam populi apud DEUM agerent: sic etiam, quia Iesus Christus causam populi divini in cælo agit, ideo ipse sacerdos, et hoc opus illius Sacerdotium appellatur.* R. (1) Verum est, quod per Sacerdotium Christi explicentur ea, quæ sub prisco fœdere quondam implicabantur, adeoque fuerunt olim involuta, quæ nunc per Christum sacerdotem evoluta sunt: verum hac ratione potius contrarium inferitur, quod talia non sint figurata, sed proprie intelligenda, quia nunc non amplius typum rei, vel figuram, sed rem ipsam, corpus ipsum, naturam ipsam habemus. (2) præsupponit falsam hypothesin, quod Christus, tanquam Sacerdos, causam nostram coram DEO demum in cælis egerit, quod gratis sumitur, vel supponitur, cum Christus sit Sacerdos æternus secundum ordinem Melchisedech Psal. CX. 4. & non per sanguinem hircorum aut vitulorum, ut prisca fœderis Sacerdotes, sed per proprium sanguinem ingressus sit in sanctum sanctorum æterna redemptione inventa Heb. IX. 12. (3) Christus; & ratione satisfactionis, vel sacrificii.

*sacrificii, & ratione interpellationis, est noster Sacerdos, cum his duabus partibus sacerdotale munus Christi constituatur, prout alibi probatum. (4) Si Veteris Testamenti fuerunt veri sacerdotes, multo magis Christus verus, proprieq; sic dictus Sacerdos appellandus erit.*

8. (II) *Quia hoc totum ex eo potest apparere, si consideretur, in sola quodammodo Epist. ad Hebr. Christi, quatenus sacerdos est, & sacerdotii ejus, mentionem fieri; & tamen impossibile est alios Apostolos in suis scriptis, rei tam insignis, sine qua Christi dignitas consistere nequit, ullam mentionem facere. Quod igitur ipse Christus, cum adhuc mortalis esset, promissit, se futurum cum suis singulis diebus usq; ad consummationem seculi, Matt. 28. 20. se eos non relinquitur orphanos, Ioh. 14. 18. se eis daturum os & sapientiam Matt. 10. 20. cui nemo potest resistere. Et quod idem ex mortuis resuscitatus dixit Iohanni: Ne metuas &c: Ecce ego vivo in secula seculorum Apoc. 1. 17. & D. Paulo Act. 18. 9. 10. Ne metuas, sed loquere, & non tace, quia ego tecum sum. Quod deniq; apud Apostolos est, Iesum Christum caput esse Ecclesie, & Ecclesiam esse ejus corpus Eph. 1. 22. 23. Ecclesiam ab eo fore I. Eph. 5. 29. Christum nos liberare a futura ira 1. Thess. 1. 10. hoc est auctori Epist. ad Hebr. Iesum Christum Pontificem nostrum esse &c: R.*

(1) Scriptura cum scriptura conferenda: quod in uno loco non dicitur, illud in aliis reperitur. (2) Falsum, quod Christus alibi Sacerdos non dicatur, nec ejus Sacerdotium describatur; contrarium ex Psal. CX. 4. Esa. LIII. 4. seqq. Ioh. I. 29. &c. manifestum. (3) ex illis actibus potius sacerdotii res, quam figura probatur. (4) ab his actibus sacrificium præsupponitur, quod proprie ad sacerdotium pertinere dicitur. Sed hic à Smalzio negligitur: id quod etiam ex sequentibus Smalzii verbis colligitur, quæ nunc adducere non licet.

9. (III) *Quia figurate pro nobis dicitur apud Deum interbellare, quod nisi plane figurate de Christo diceretur, illud omnino impium esset, quia sic non haberet potestatem omnia faciendi, quæcumq; ad regnum ipsum quovivo modo pertinent &c: R. (1) Christus proprie dicitur noster Advocatus I. Ioh. II. 1. noster interpellator Rom. IX. (2) Diff. inter rem & rei modum: non interpellat humiliter, sed sublimitè, non gratulatum obtinendo, sed meritum ostendendo. (3) & pro nobis intercedit, & cuncta ex potestate regia facit, quæ certe opposita non sunt,*



QVÆSTIONES ANTISOCINIANÆ  
EX ARTICULO IV. AUGUSTANÆ CONFESSIONIS

DE  
JUSTIFICATIONE

QVÆSTIO PRIMA.

*Num è scriptis etiam Veteris Testamenti justificatio  
fidelium in Novo Testamenti cognosci, vel  
confirmari possit?*

DISP. VIII.  
R. GEORG  
LEONHARDUS  
RUCKER,  
Rotenbur-  
go Francus.

1.

Socinignilicet in universum *Vetus Testamentum* non rejiciant, parum tamen *auctoritatis, necessitatis, utilitatis, valoris & certitudinis*, illi relinquunt in articulis fidei, vel religionis Christianæ cognoscendis & probandis. Ipsa *Catech. Racov. p. 1. in genere aserit, Christianam religionem in solis Novi Testamenti libris extare. Smalz. contra Franz p. 5. Nos solos Apostolos pro fidei Doctoribus agnoscimus.* Inspecie parum *auctoritatis* ipsi tribuitur, quando *Socin. lib. de autor. script. p. 16. scribit: Quod pertinet ad auctoritatem Veteris Testamenti, ea non est hic magni facienda. Smalz. Refut. monstr. p. 79. Parum curandum est, quid dicat de cultu DEI propheta Veteris Testamenti. Necessitatem ejus infringunt, quando Socin. d. l. p. 36. inquit: Utilis quidem ob plures causas est lectio Veteris Testamenti iis, qui Novum recipiunt, id est, hominibus Christianæ religionis, sed non tamen necessaria. Sic utilitatem Veteris Testamenti labefactat Smalz. lib. de div. Christ. c. 10. p. 49. Parum vetus fœdus prodesse potest, ad Judæos ad Christum convertendos, cum necesse sit omnia fere, quæ ibi de Christo scripta esse credimus, alio sensu, quam verba præ se ferunt, nempe mystico, accipere, quem scilicet Apostoli nobis aperuerunt. Sic etiam *valorem & certitudinem* everrunt, quando *Theop. Nicolaides adv. Mizeboz. p. 63. dicit: Recipitur quidem hoc testimonium prophetae, sed plus valuisset, si Apostolus dixisset.**

nifer. Smalz. adv. Franz. in præfat: *Quicquid ex Veteri Testamento ad Christianam religionem asseritur, id non tam ad confirmandam eam, quam ad illustrandam & commendandam eam facit.*

2. Quid igitur in genere de religione Christiana dicunt, eam ex V. T. libris solide vel tractari, vel probari non posse, illud de præcipuo Christianæ religionis articulo, vid de justificatione pariter fingunt, ut legimus apud Socin. de justific. pag. 15. *Ea potissimum sunt asserenda, quæ ad nos spectant, id est, quæ in Novo Testamento habentur. Velsi sunt in vetere, aut prædicationes sunt ejus, quod futurum erat sub novo fadere, aut ejusmodi sunt Testimonia, quæ perpetuam vim habere constet, & ad utrumq; fadus per æque spectare. Nam de justificatione nostra, id est, nostrum, qui sub novo fadere sumus, non autem illorum, qui sub vetere fuerunt, hoc loco agendum est. pag. 16. Vel ea tantum in medium producenda sunt, quæ ad justificationem nostram sub Novo Testamento pertinent, velsicæ quoq; proferuntur, quæ ad Testamentum Vetus sunt referenda, diligenter prius inter utrumq; fadus in hoc justificationis negotio distinguendum est, aut certe discretè monendus lector, ea ideo asserri, ut appareat, etiam si non omnino eodem modo utrobique, homines justificentur coram DEO; tamen hoc perpetuum esse, ut nemo coram DEO justificetur, nisi cui DEUS gratuito peccata remittat, id autem nemini contingere, nisi ei, qui respiciat, Deoq; in futurum se obedientem præstet.*

3. Ex his notamus circa statum controversiæ, quod non sit in questione (1) Num è solis libris Veteris Testamenti, sepositis scriptis Novi Testamenti justificatio vera peti debeat? quæ modernorum Judæorum est sententia, qui Novi Testamenti libros rejiciunt, solos Veteris recipiunt, & hac ratione sibi veram justificationem & salutem promittunt. (2) Num è libris V. T. primò justificatio fidelium in N. T. sit asserenda, vel demonstranda? Nam facile largimur, quod justificatio fidelium in Novo Testamento primò sit è libris N. T. addiscenda, cum Novum Testamentum, vel ejus scripta, potissimum ad tempora novissima, sint accommodata (3) Num æque plane, æque plene, æque bene, justificatio fidelium in N. T. demonstretur è libris V. T. sicut ex libris N. T. r. aditur & cognoscitur? nam comparativam perspicuitatem, plenitudinem,

&

*Et commoditatem*, Novi Testamenti scriptis præ libris V. Testamenti tribuimus, cum certum sit, quod longè major claritas in Novo, quam in Veteri Testamento reperiatur, plenitudo quoque circumstantiarum, & applicationum perfectior in eodem deprehendatur, & sic etiam commodius ex Novo, quam ex Veteri, doctrina justificationis tradatur, ac facilius & felicius inde cognoscatur. (4) Sed potius quæritur de re ipsa: Num ipsa justificatione nostra non possit etiam ex libris Veteris Test. cognosci? Hoc est quod affirmamus, negativam Sociniani, prout audivimus, tuentur.

4. *Affirmativam* nostram multis confirmare possemus, sed hac vice lectorem ad Venerandi Dn. D. Calovii Socinism. proflig. art. 3. de justif. remittimus, ubi contr. 1. XII. rationes pro nostra sententia recitat, & quod justificatione nostra non solum è N. sed etiam è V. T. peti possit, probat (1) è rationis defectu, cum nullam causam asserre possint, cur prophetica scripta hic excludenda sint (2) à scriptura Veteris Testamenti elogio. II. Tim III. 15. 16. 17. (3) è spe vite æternæ. Rom. XV. 4. (4) è Christi justificatione Job. V. 39. (5) è demonstratione Apostolica Rom. IV. 6. (6) è justitiæ fidei confirmatione Rom. X. 6. Deut. XXX. 12. (7) E demonstratione justificationis per fidem in Christum Rom. X. 11. seq. ex Esa. XXII. 16. Joel II. 32. (8) E loco classico V. T. Habac. II. 4. (9) ab exemplis sanctorum V. T. Ebr. XI. (10) à justificatione Abrahamæ Rom. IV. 11. (11) Ex identitate modi justificationis in V. & N. T. Act. XV. 10. (12) à probatione ipsius Socini, qui lib. de servatore Christi. p. 4. c. 4. p. 330. ab exemplo Abrahamæ demonstrare conatur, nobis Christi justitiæ non imputari in justificatione nostra.

5. *Argumenta Socinianorum* ipsa verba Sociniorum 2. producta suppeditare videntur (1) Quia ea potissimum affrendenda sunt, quæ ad nos spectant, id est, quæ in N. T. habentur &c. (2) Unum est DEI verbum, ac proinde Vetus cum Novo, Novum, cum vetere, Testamentum est simpliciter unum DEI verbum: & quod DEUS conjunxit, homo Socinianus separare nec debet, nec potest. (2) Vetus & Novum Testamentum non contrariè, sed relative opponuntur, quia ad se mutuo referuntur cum Vetus sit novum fundamentum, Novum Veteris complementum: vel si materiæ respiciamus, non sunt opposita sed, Coordinata,

quia DEUS & *Vetus* & *Novum Testamentum* revelare voluit: (3) *Ad nos spectant ea, quæ in N. T. habentur, non exclusive sed inclusive*, quia Veteris Testamenti libri quoque spectant ad hominem N. T. & usibus ipsorum inserviunt *Joh. V. 39. Luc. XVI. 29. Rom. XV. 4. II. Tim. III. 16 II. Pet. I. 19* &c: cum primis quia tota Christianorum Ecclesia superædificata non tantum super scripta Apostolorum, sed etiam Prophetarum *Eph. II. 20.*

6. (II) *Quia si quædam, quæ spectant ad nos, sunt in Vetere, aut prædictiones sunt ejus, quod futurum erat sub Novo Fædere, aut ejusmodi sunt testimonia, quæ perpetuam vim habere consuet, & ad ævumque sædus peragere spectant.* (1) Quod multa, quæ reperiuntur in V. T. pertineant ad Christianos in N. T. patet ex consideratione mysteriorum fidei, quæ luculenter satis in V. T. proposita sunt, sicut egregiis documentis Patres, & alii Doctores id demonstrarunt. Hinc (2) *dist. inter fidei, vel doctrinæ substantiâ, & circumstantiâ; illa communis utriusque, hæc propria cuilibet Testamento* (3) *adsumimus, id, quod fatetur Socinus, quod in Veteri Testamento prædictiones fuerint ejus, quod futurum erat: jam uti bonum promissum, etiam est verum bonum, ita quoque bonum salutis & justificationis promissum vere bonum est.* hinc Theologi distinguunt inter *ἐπαγγελίας* & *ἐνταλματα*, inter *Messiam promissam* & *exhibitam*, inter *meritum promissum* & *prestitum*: quæ sunt in prædictionibus, illa verè sunt, cum non Entis nulla sit dictio, nulla prædictio, nulla promissio, cum primis si de divinis prædictionibus & promissionibus sermo fiat, quæ vere sunt & Amen *II Cor. I. 20. (4)* Si dantur ejusmodi *Testimonia, quæ perpetuam vim habere consuevit, & ad ævumque sædus peragere spectant*, sequitur quod illud maxime de *justificatione hominis peccatoris* sit asserendum, cum in ea sædus, Dei in genere peccatoribus communicetur; nam peccatores & in *Veteri*, & in *Novo Testamento* socii fæderis fieri debuerunt, ut ex conspiratione cum Satana transfirent ad confederationem Jehovah, quod non potest aliter fieri, nisi per remissionem peccatorum, veramque justificationem; unde recte colligunt Apostoli *Act. XV. 9.* quod eadem Domini nostri Jesu Christi gratia justificemur nos, quemadmodum illi fideles in V. T. salvati sunt.

7. (III)

7. (III) *Quia de justificatione nostra, id est, nostrum, qui sub novo sadere sumus, non autem illorum, qui sub vetere fuerunt, hoc loco agendum est.* R. [1] *una tantum est justificatio, nim. per remissionem peccatorum, quæ communis est Veteri & Novo Testamento, quæmadmodum Paulus Rom. IV. 1. seqq. multis id ipsum demonstrat.* [2] *Licet Sociniani diversam fidem justificantem in Veteri & Novo Testamento fingant, sicut Smalz. contra Francz. p. 103. scribit: Longe diversa fuit fides illa, quæ olim justificabantur; ab ea, quæ nos hodie sub Evangelio justificamur. Hodie enim salus nulla est absq; fide in Christum, cui fidei tunc locus nullus erat, & quæ tunc a nemine requirebatur: tamen Heb. XI. contrarium catalogo prolixo fidelium V. T. demonstratur: fingunt præterea, fideles in V. T. remissionem peccatorum esse consecutos, etiam si in Christum non crediderint, apud Socin. de justif. p. 107. sed contrarium restantur Apostoli Act. XV. 10. quod eadem gratia Domini nostri Jesu Christi remissionem peccatorum & salutem consequantur fideles V. & N. T.* [3] *disting. inter obiectum & subjectum; subjecta quidem suo modo diversa sunt, cum in V. T. Israelitis potissimum gratia justificationis contingerit, in N. T. gentibus universis dispensetur: beneficium tamen justificationis unum est & manet obiectum. Et hoc ostendit etiam Paulus Gal. III. 6. seq. qui communem Abraham cum posteris, & gentibus tempore N. T. fidem tribuit: Scriptum est; Abraham credidit DEO, & reputatum est illi ad iustitiam. Cognoscite ergo, quia qui ex fide sunt, hi sunt filii Abrahæ. Providens autem scriptum: quia ex fide iustificat gentes DEUS, præ-nunciavit Abrahæ, quia benedicentur in te omnes gentes. Igitur qui ex fide sunt, benedicentur cum fidei Abraham.*

8. (IV) *Quia tantum ea sunt in medium producenda, quæ ad iustificationem nostram sub Novo Testamento pertinent: Ergo non ex V. T. ubi iustificatio demonstranda venit.* R. [1] *præsupponitur iterum falsa hypothesis, quasi iustificandi ratio sit alia in N. T. alia in V. T. cum tamen una tantum sit iustificatio.* [2] *petitur principum, quod tantum ea producenda sint, quæ ad iustificationem nostram in N. T. pertineant, cum ea rectissime producantur, quæ faciunt ad fidelium Veteris Testamenti justificationem, sicut ex-*

emplo suo probat *Paulus Rom. IV. 1. seq. Heb. XI. 1. seqq.* Praxis enim Apostolorum est praxis fidelium Doctorum. [3] Phrasis, pertinere ad iustificationem nostram sub Novo Testamento, vel intelligitur cum oppositione, quod sic ea producantur, ut justificationi fidelium in V. T. opponantur, quæ sententia Socinianorum; vel cum collatione, ut nostra justificatio, per illustria fidelium ex V. T. exempla declaretur, & cum iis conferatur, quæ doctrina orthodoxorum in S. L. fundatissima.

9. [V] Quia si ea quog; proferuntur, quæ ad Testamentum Vetus referenda sunt, diligenter prius inter utrumq; sadus in hoc iustificationis negotio distingvendum est, aut certe discrete monendus lector, ea ideo offerri, ut appareat, etiam si non omnino eodem modo utrobq; homines iustificentur coram DEO, tamen hoc perpetuum esse, ut nemo coram DEO iustificetur, nisi cui DEUS gratuito peccata remittit, id autem nemini contingere, nisi ei, qui respiciat, Deoq; in futurum se obedientem præbet. R. [1] ad Vetus Testamentum referuntur alia, quæ sunt circumstantialia, & faciunt ad fidelium, vel iustificandorum *περατωρίας*, alia quæ sunt substantialia, & faciunt ad fidei, vel iustificationis *ύπόστασιν*; illa sunt diversa, sed hæc in utroq; Testamento sunt eadem, quæ admodum ipse Socinus verbis ultimis fateri cogitur. Sic igitur doctrina de substantia, vel essentia iustificationis etiam in V. T. reperitur, adeoq; convenienter ex libris V. T. deducitur. [2] Dist. inter modum formalem & accidentalem, vel essentialem & ceremonialem, inter modum essendi & conferendi: iustificatio quidem non omnino eodem modo utrobq; hominibus confertur, quoad modum accidentalem, vel ceremonialem, utrobq; tamen idem modus formalis, vel essentialis invenitur. [3] Dist. inter iustificationem coram DEO, & coram Ecclesia: illa semper in utroq; Testamento eadem est, & in gratuita peccatorum remissione consistit, prout ipse Socinus concedit, hæc verò certam aliquam variationem admittit. Cum igitur ipse Socinus largiatur, in remissione peccatorum gratuita substantialem modum justificationis consistere, eamq; Veteri Testamento communem esse, patet inde, quod justificatio formaliter in V. T. reperitur, & inde rectissime deducatur, cognoscatur, stabili-

stabilietur atq; defendatur, ideo nunc in fine suffragium ipsius Socin. lib. de Christo Servat part. 4. c. 4 p. 330. adscribimus: *Imputationis*, inquit, in ea salute, quam nobis DEUS per Christum dedit, expresse meminit Paulus cap. 4. Epist. ad Rom. ubi ea, quæ de imputatione, quam Abrahamo obtigisse, ex Moise affirmat, ab ipso scripta fuisse, omnia ad nos accommodanda sunt, & tanquam de imputatione, quæ nobis per Christum obtingat, dicta censi debent, ut ex ipsius Apostoli verbis manifesto liquet: qui rationem justificationis Abrahami per imputationem cum justificationis nostræ ratione comparat: quam similiter in imputatione consistere asseverat, & alteram alteri parem facit &c.:

## QVÆSTIO SECUNDA.

*Utrum absoluta gratia, quæ nullo merito, vel precio  
satisfactionis moveatur, sit causa primaria  
nostra justificationis?*

1. Circa questionis statum observandum, quod h. l. sermo non sit de eo [1]. Num aliquo modo sic loqui possimus, quod absoluta DEI gratia sit primaria causa nostra justificationis? hoc enim termino nonnulli contra Calvinianos hypotheticos utuntur, licet ruitus sit ab eodem abstinere, quam eum adhibere: hæc autem ipsum mensest, quod DEUS non sub hypothese voluerit omnes salvos, si credant, sed absolute, hoc est, sine tali hypothese. Sed posse ad se non valer consequentia.

2. [2] Non est quæstio, de absoluta gratia, ratione ordinis, quæ DEUS ordine prius voluisse dicitur hominum salutem ex mera misericordia, quam meritum hominibus redimendis destinaret, unde juxta quosdam etiam missio Filii, vel constitutio Mediatoris, hujus gratiæ, præcise spectata, dicitur effectus: hæc tamen gratia rectius *πρόστυλον*, quam absoluta, nuncupatur.

3. [3] Nec agitur de absoluta gratia, ratione obiecti, an non hæc gratia cuncta peccata absolute respiciat, & sic ad omnium peccatorum remissionem sufficiat? Nullum enim peccatum est, quod gratiam DEI prorsus infinitam superare queat, cum gratia DEI exuberet super omne peccatum Rom. V. 20.

4. [4] Nec agitur de *absoluta gratia* ratione *subiectorum*, num ad certos homines restricta sit gratia justificationis ita, ut ad omnes homines, etiam gravissimos peccatores, absolute se non extendat? Non enim possumus probare illud *Smalz. contra Frantz. p. 55. Non nitendum fiducia misericordiae DEI ulla, nisi ei, qui ex animo, & quantum ei fieri potest, perfelle DEO obediens fuerit. Misericordia enim Domini magna, se. i. super timentibus eum.* Verum *dist.* inter *misericordiam generalem*, quæ respicit à priori peccatores omnes, & inter *specialem*, quæ respicit à posteriori DEUM timentes.

5. (5) Nec agitur de *absoluta gratia* ratione *modi*, an non DEUS plane, vel *omnimode*, & sic quodammodo *absolutè* & *complete* peccata nobis condonet, & sic per hanc omnimodam remissionem peccatorum homines justificet? sic enim *Socinus in c. 5. Matth. p. 10. scribit: Misericordia DEI sine dubio est plena peccatorum remissio.* Tunc enim DEUS, à quo *misericordia ista ut proficiatur necesse est, vere mortaliū miseretur, quando illis omnia adversus legem & voluntatem suam admissa delicta PLANE CONDONAT.* Sed hæc gratia potius *perfecta*, quam *absoluta*, nuncupatur.

6. (6) Nec quæritur de *absoluta gratia*, ratione *mediorum*, an *gratia DEI sic absolutæ sit, ut prorsus omnia media justificationis & remissionis peccatorum, videl. verbum & sacramenta ex parte DEI, & fidem ex parte nostri, prorsus excludat: Licet enim Sociniani Sacramentis nihil, verbo DEI parū in negotio justificationis tribuant, & fidem justificationis si non prors. evertant, multis modis tamen pervertant, tamen nō omnia media justificationis simpliciter inficiātur.*

7. (7) Nec quæritur de *absoluta gratia*, ratione *temporum*, an gratia justificationis una sit & eadem ratione *temporum omnium*, an vero restricta sit ad certum tempus? Nam etiam si *Sociniani* diversam suo modo fingant *justificationem in V. & N. T. & sic ratione temporum gratiam justificantem restringant, nec eam à temporum intervallis absolutam sincere statuunt, tamen ea de re modo neutiquam in hac controversia disputamus.*

8. (8) Sed de eo potissimum quæritur, an *gratia justificans ratione meriti, vel satisfactionis, ita sit absoluta, ut prorsus omnis satisfactoria excludatur? Hoc enim est, quod Sociniani contra divinā revela-*



revelationem affirmant. Sic enim Socinus p. 3. de serv. Christi. p. 330. Nihil fere magis implum excogitari potest, quam sentire, à Deo peccata non remitti, nisi pro illis pleno satisfiat. lib. de justif. p. 117. Quod ad DEum attinet, nihil DEum movere ad nos pro justis habendos; nihilve, ut tantum bonum consequamur, in DEO esse necesse est, præter gratuitam voluntatem, spontaneumq; decretum, in quo nihil nisi ipsum, suamq; bonitatem DEus respicit: Et quia justis ab eo haberi non possumus, quin à reatu peccatorum nostrorum coram ipso absolvamur, nulla alia ratione, quod ad ipsum decretum DEI attinet, absolutionem istam consequimur, nisi quod DEus sponte, & plane gratuito nobis peccata remittit. p. 3. DEus pro summa & SOLA sua bonitate olim decrevit omnibus respicientibus, & in posterum mundanis cupiditatibus valere justis sobrie ac pie in præsentis seculo viventibus, omnia peccata condonare &c: Schmalz. lib. de satisfact. p. 255. Redemptio, passio & mors, sine satisfactione esse non tantum potuit, sed etiam debuit, ob id ipsum, quia summa DEI misericordia in ista redemptione, passione & morte commendatur.

§. Nos hac vice potissimum ea, juxta scripturas canonicas, examinabimus, quæ Socini instit. brev. Christi Rel. p. 80. profert. Unde constat, quærit p. 79. DEum à Christo minimè placatum fuisse, sed ipsum prorsus sponte se nobis in illo placatum exhibuisse? Responder: (1) Id satis ex eo constat, quod nunquam in sacris literis istius placationis, à Christo factæ, fiat mentio. (2) licet non otantes loquendi modi verbis explicitis in verbo DEI legantur, tamen satis evidentes, & ad mysteria divina cognoscenda sufficientes in eò repèriuntur, unde vulgo distingvi consuevit, inter ea, quæ κατὰ τὸ πρῶτον, & quæ κατὰ τὸ δεύτερον in verbo DEI traduntur. (2) Ipse Socinus p. 81. fatetur, quod apud Paulum Apostolum sapinè legatur de reconciliatione per Christum facta: licet autem hanc phrasin apostolicam omni studio pervertere contendat, tamen ex natura vocum proprie nihil aliud, quam ejusmodi placationem importat: nam si nostra reconciliatio per Christum facta, sequitur, quod DEus nobis in Christo sit placatus, sicut canit Ecclesiæ DEus homo factus est, DEus jam placatus est nobis peccatoribus: unde juxta scripturam omne beneplacitum DEI in Christo fundatur.

cur Matt. III. 17. Coloss. I. 19. 20. (3) *Scriptura* tota nihil aliud est, quam *continua placationis illius historia*: nam in paradiso capit *placationis illius revelatio*, quod semen mulieris caput serpentis coneriturum, adeoque tum omnem culpam, tum penam à nobis coram DEO sublatorum sit *Gen. III. 15. V. 24.* in V. T. variis Sacrificiorum typis hæc *placatio* per Christum facta *prefigurata*: tempore vero N. T. demum *consummata* dicitur, sicut ipse Christus in ara crucis illud *Consummatum* est pronuntiavit *Job. XIX. 30.*

9. (II) *Quia ibidem I. Job. IP. 10. legimus, DEum propterea, quia dilexit nos, Christum in mundum misisse*, ex quo colligitur, DEum jam dilexisse homines, aut equam Christum miserit. & (1) argumentum foret tale: Si DEus propterea, quia dilexit nos, Christum in mundum misit, sequitur, à Christo minime placatū fuisse, sua prorsus sponte se nobis in illo placatum exhibuisse. At verum prius. Ego. Hic male vel *sejunguntur*, vel *opponuntur*, quæ *coniunctissima* sunt, & se mutuo. respiciunt. Nam *dilectio* & *placatio* non sunt opposita, sed *relata* & *coordinata*: Sic DEus dilexit mundum, ut *filium suum unigenitum daret*, ut *omnis qui credit in eum, non pereat, sed vitam eternam habeat* *Job. III. 16.* non enim sumus in alio, nisi in dilecto, vel in Christo dilecti *Eph. I. 6. Dist.* igitur inter *dilectionem absolutam* & *relativam*, *dilectio DEI* non est *absoluta* sine Christo, sed potius *relativa in Christo*, quod passim scriptura tradit. (2) Hinc manifesta textus allegati corruptio, quia locus integer sic habet v. 9. *In hoc apparuit charitas DEI in nobis, quoniam Filium suum unigenitum misit DEus in mundum, ut vivamus per eum*: ne quis autem inde *dilectionem absolutam* fingeret, ideo v. 10. manifestam *exegesis* addit. *In hoc est charitas, non quod nos dilexerimus DEum, sed quoniam ipse prior dilexit nos, & misit Filium suum PROPITIATIONEM PRO PECCATIS NOSTRIS.* Et hoc inculcat *Jobannes* in omnibus capitibus; c. 7. *Sanguis Jesu Christi Filii DEI emundat nos ab omni peccato.* c. II. 1. *Si quis peccaverit, advocatum habemus apud Patrem, Jesum Christum justum, & ipse est propitiatio pro peccatis nostris, non pro nostris autem tantum, sed etiam pro totius mundi.* c. III. 16. *In hoc*

cognita-

cognovimus charitatem DEI, quoniam Christus vitam suam pro nobis posuit &c:

10. (III) Quia Luc. I. 78. dicitur, Christum visitasse nos in visceribus misericordiae DEI, aliisque complura, ex quibus aperte colligitur, DEUM jam placatum & benevolum erga genus humanum fuisse, antequam Christus munus suum obire caperet. R. (1) non judicandum desensu legis, nisi perspecta tota lege, dicitur vulgo: Socinus ergo totum Zacharia canticum in timore Domini perlegere debuisset, sic citra dubium aliud de his verbis iudicium tulisset: nam in ipso statim exordio cantici sui declarat, qualem visitationem intelligat. Sic enim Spiritu Sancto plenus v. 67. canticum exorditur: *Benedictus Dominus DEUS Israel, quia VISITAVIT ET FECIT REDEMPTIONEM plebi suae, & erexit CORNUS SALUTIS nobis in domo David pueri sui &c:* ex quibus apparet, quod *Messiae* visitatio non sit nuda revelationis, vel predicationis, sed vera redemptionis, ut non auro, vel argento, sed precioso sanguine agni immaculati & incontaminati redimeremur I. Pet. I. 19. quia Christus est Agnus DEI, qui tollit peccata mundi Joh. I. 29. (2) Dist. inter viscera misericordiae absoluta, & relativa, ad meritum atque redemptionem, vel satisfactionem Christi relatæ; non de iis Zacharias, sed de his loquitur. (3) Dist. inter missionis decretum & actum: dilexit equidem DEUS homines ante missionis actum Joh. III. 16. sed non ante decretum, nisi cum respectu ad decretum satisfactionis. (4) Hinc etiam dicuntur viscera misericordiae DEI NOSTRI; DEUS noster autem in sacris literis vel Immanuel est, & ipse Messias, vel respectu Messiae talis dicitur, cum extra Christum non sit DEUS & Pater noster, sed inimicus & iudex noster.

11. (IV) Quia ipse Christi praecursor jam baptismum poenitentiae in remissionem peccatorum annuntiaverat, unde apparet, nihil opus fuisse, ut Christus DEUM placaret, ut inde scilicet postmodum existeret DEI decretum de peccatis populo remittendis, ejusve decreti promulgatio. R. (1) Male Christus ipse, & praecursor ejus inter se contra scripturam opponuntur, qui semper ad se mutuo referuntur, ut ex vaticiniis prophetarum, concionibus Johannis Baptista praecursoris, & aliis testimoniis, est apertum: nihil Johannes sui, sed omnia

Christi

*Christi nomine fecit, nihil ad seipsum, sed ad Dominum contra re-*  
*tulit. Vox clamantis in deserto fuit: Parate viam Domini, rectas*  
*facite semitas ejus ut Matt. III. 3. Job. I. 29. ex Esa. XL. 3. de semeti-*  
*pso testimonium dicit. Paravit autem Domino viam per ipsum.*  
*penitentia praconium, baptismi parentialia usum, & remissionis*  
*peccatorum beneficium, ut exponit Angelus Luc. I. 4. seqq. Erit puer*  
*hic magnus coram Domino, & multos filiorum Israel converteret ad*  
*Dominum DEum ipsorum, & ipse praeceperat ante illum. (Messiam)*  
*in spiritu & virtute Elia, ut converteret corda patrum in filios, & in-*  
*credulos ad prudentiam justorum PARARE DOMINO plebem per-*  
*fectam: & Pater Zacharias v. 76. Tu puer Propbeta Altissimi vo-*  
*caberis, praebisenim ante faciem Domini, PARARE VIAS EJUS,*  
*ad dandum scientiam salutis plebi ejus in remissione peccatorum. (2)*  
*Sicut in V. T. DEUS intuitu Messia peccata remisit Esa. XLIII. 25.*  
*& per sacrificiorum typos Israelitis sub umbra obtulit, ita quoq;*  
*Johannes baptista cunctos ad Messiam remisit, & ejus nomine:*  
*peccatorum remissionem annuntiavit, sicut ipse DEUS Pater coe-*  
*litus in baptismo Messiae testatus est, quod in hoc sit omne bene-*  
*placitum ejus Matt. III. 17. (3) Rursus confundit Socinus decretum*  
*aeternum, & decreti temporalem eventum, vel executionis modum:*  
*non DEI decretum demum post Johannem & actualem placati-*  
*onis consummationem factum est, sed extitit ab aeterno, verum*  
*aeconomia temporalis executionis, juxta DEI sapientiam arcanam,*  
*hunc ordinem exigebat:*

12. (V) *Quia Christus ipse, cum ad se pertinere confirmat*  
*Luc. IV. 21. vaticinationem illam Esa. LXI. 1. in ipso initio manifeste*  
*nos docet, sui muneris non fuisse, DEum ulla ratione placare, ut sic*  
*videlicet remissionem peccatorum consequinos possemus, sed contra,*  
*in ipso sui muneris obeundi initio, captivis remissionem & annum*  
*acceptum Domini, id est Jehovah DEI predicare. R. [1] unius postrio,*  
*non est alterius remissio. Christus & officium propheticum & pon-*  
*tificium gessit: ratione pontificii muneris noster sacerdos fuit non*  
*solum, sed etiam nostrum sacrificium, quia semetipsum pro no-*  
*stris peccatis obtulit, ut esset propitiatio pro peccatis nostris I.*  
*Job. II. 1. sed ratione prophetici muneris praeo tanti beneficii fuit,*

&c.

& ipse pœnitentiam atq; remissionem peccatorum prædicavit *Matt. IV. 17. Luc. XXIV. 47.* [2] In ipsis verbis vaticinii non tantum ut nuncius, sed etiam ut *medicus* introducitur, quia testatur, se missum esse, *sanare contritos corde*: sanat autem & mundat suo sanguine *I. Job. I. 7.* [3] Et certe hic annus *Domini* prædicari, vel annunciari non potuisset, nisi *Dominus placatus* fuisset: non potuisset verò placari, nisi iustitiæ satis factum fuisset. Hinc [4] omnia verba vaticinii illius *secundum substratam materiam* intelligenda veniunt, hoc sensu, nimirum ut salutis nunciuni ad salutis meritum referretur, & inde remissionis peccatorum præconium deduceretur, atq; sic ex officio sacerdotali propheticum munus penderet. *Non enim* alias nulla debet fieri *predicatio* vel *promulgatio*.

13 (VI) *Quia* nihil aliud erat *Marc. I. 14. Evangelium regni, DEI prædicare, quod statim cum docere incepit, Christus.* Hinc in *prædicatione regni cælorum, non in placatione DEI Christi manus consistit.* R. (1) hæc intelligenda sunt de officio prophetico, respectu cuius *præco regni cælorum* fuit, non respectu muneris sacerdotalis, respectu cuius *placationem* nostram præstitit. Male proinde nunc iterum opponitur, quæ vel *subordinata, vel coordinata* esse dicuntur. (2) *Marcus* hæc de Christo refert, cum, *v. 11.* solennem *Parris* de Christo testificationem è cælis datam, recitasset: *Tues filius meus dilectus, in te complacui, & v. 12. & v. 13. in quo complacui,* ut ipse sit *fundamentum omni complacencia,* & quidem talis, quæ fiat per *reconciliationem in sanguine,* sicut *Spiritus S. hanc Patris in Christo complacentiam Col. I. 19. 20. exponit: in ipso (Christo) complacuit omnem plenitudinem inhabitare, & per eum reconciliari omnia in ipso, pacificans per sanguinem crucis ejus per ipsum, sive quæ in terris, sive quæ in cælis sunt.* (3) *dist.* inter *præconii pœnitentialis complementum,* & inter *ejus fundamentum:* de illo *Marcus* verba facit, sed hoc ex officio Christi mediatorio & meritorio præsupponit.

13, (VII) *Quia* Christus ad *prædicationem remissionis peccatorum* ibi, qui pœnitentiam egissent, se missum esse, testatus est, *Luc. IV. 43, R.*

(1) *unius affirmatio non est alterius negatio*: quando Christus testatur est, se misisse ad prædicationem remissionis peccatorum, non negavit, se constitutum esse Mediatorem ad placandum iratum DEUM. (2) Ex hoc præconio pœnitentialem remissionis peccatorum hostia potius sententia confirmatur, quia propter infinitam iustitiam Deus peccata remittere nolisset, nisi satisfactum eisdem fuisset: Christus autem, tanquam Mediator, omnium optime remissionem peccatorum annunciare potuit. (3) Christus I. d. testatur, *oportet me evangelizare regnum DEI, quia ideo missus sum*, sed non dicit, oportet me tantum evangelizare, vel ideo tantum missus sum, ut evangelizarem regnum DEI, vel ideo non missus sum, ut DEUM placarem, & genus humanum à peccato liberarem. (4) ut verò Christus h. l. missus dicitur ad evangelizandum, sic alibi dicitur missus ad salvandum Ioh. VII. 17. Non misit DEUS Filium in mundum, ut iudicet mundum, sed ut mundus salvetur per ipsum: ad redimendum Gal. IV. 4. quia DEUS in plenitudine tempore misit Filium suum, natum ex muliere, factum sub lege, ut eos, qui sub lege erant, redimeret, & nos adoptionem filiorum DEI consequeremur.

14. (IIIX) *Quia pœnitentiam à Christo prædicatam statim ab initio fuisse, diserte Evangelistæ testantur* Matt. IV. 17. Marc. I. 17. R. (1) ut Evangelistæ testantur ab initio Christum pœnitentiam prædicasse, sic in fine Christum passum esse, non pro peccatis propriis, quæ nulla fuerunt in ipso Ioh. IIX. 46. sed pro populo c. XI. 50. Nec igitur initium fini, nec finis initio dicitur opponendus, sed potius initium cum fine, & finem cum initio conferre oportet. (2) Evangelistæ pariter ab initio testantur de salute per Christum reparata Matt. I. 21. quod ejus nomen IESUS vocari debeat, quia populum suum salvat à peccatis suis c. III. 15. Sic oportet nos omnem iustitiam implere v. 17. Hic est filius meus dilectus, in quo mihi complacui &c. Marc. I. 11. Tu es filius meus dilectus, inquit cœlestis Pater, in quo complacui Luc. I. 46. inquit Maria: Magnificat anima mea Dominum, & exultavit Spiritus meus in DEO salutari meo. Zachariæ v. 26. Benedictus Dominus DEUS Israel, quia visitavit & FECIT REDEMPTIONEM plebi suæ, erexit cornu SALUTIS nobis in Domo David, pueri sui: c. II. 10. Angelus præconati-


nativitatis: *Annuncio vobis gaudium magnum, quod erit omni populo, quia natus est vobis hodie SALVATOR, qui est Christus Dominus in civitate David.* Chorus militiae coelestis de hoc puero canit. *Gloria in excelsis DEO, & in terra pax, hominibus beneplacitum v. 14.* Simeon v. 29. *Nunc dimittis servum tuum Domine, secundum verbum tuum in pace, quia viderunt oculi mei SALUTARE TUUM, quod paraisti ante faciem omnium populorum, lumen ad revelationem gentium, & gloriam plebis tuae Israel.* Hanna v. 38. *consecratur Domino, & loquebatur de illo omnibus, qui expectabant REDEMTIONEM Ierusalem.* Joh. I. 4. *dicitur vita & lux hominum v. 8. lux vera, quae illuminat omnem hominem venientem in mundum v. 14. plenus gratia & veritas v. 17. quod gratia & veritas per Christum facta sit v. 29. quod sit agnus DEI, qui tollis peccata mundi &c.* Et sic in exordiis Evangelistarum pro nostra sententia multa satis argumenta cumulari possent.

25. (IX) *Quia quando Paulus Apostolus sapiens agit de reconciliatione per Christum facta, illud nihil aliud est, quam quod DEUS per Christum nos reconciliaverit 2. Cor. 5. 21. quemadmodum ipse Paulus loquitur, nec usquam legitur, Christum nobis DEUM reconciliasse. Unde apparet, hanc per Christum factam reconciliationem nihil aliud fuisse, quam nos, qui DEI inimici, ut idem Paulus ait Rom. V. 10. ad eum eramus, eo adducere, ut DEI amici esse vellemus, id est, ab eo offendendo desistere, & sic oblatum nobis ab ipso DEO peccatorum remissionem adipisci, & in ejusdem gratiam recipi.*

[1] Sive dicatur, quod DEUS per Christum nos reconciliaverit, sive quod Christus DEUM nobis reconciliarit, in hoc certe mysterio nihil diversitatis infert, cum ex parte DEI propter peccatum *offensi*, & ex parte hominis *offendentis* reconciliatio talis necessaria fuerit, si de *recipienda* sermo fiat, licet ratione *modi* processus aliter institutus veniat, nimirum ut inter partem offensam & offendentem reconciliatio fiat, illud omnino necessarium, si prorsus inimicitia tollenda sit: non igitur Spiritui Sancto, vel sapientiae divinae praescribere, quomodo mysteria regni caelorum exponenda sint, nostri muneris est, sed grata mente potius in modo revelationis acqui-

acquiescere debemus. [1.] Scriptura gravi consilio loquitur ita, quod nos *DEO reconciliati simus*, non autem nobis *DEUS reconciliatus sit*, quia non est *offensa partis* ad reconciliationem se variis mediis accommodare, sed potius *offendens partis*: nam reconciliationis *votum, initium, & alia*, merito sunt ratione *partis offendens*: sicut Christus in humanis etiam casibus & offensis fratrem lædenter fratri laeso reconciliari præcipit *Mat. V. 23.* unde rectissime *denominatio reconciliationis* sit ab *offendente* parte, cum nulla sit causa, quare *pars offensa* præter jus & æquum reconciliationem postulare, impetrare, tentare, & onus *denominationis* portare debeat, præsertim si *pars offensa* prorsus omnis culpæ sit expers, quod omnino de *DEO* propter peccata nostra graviter offenso dicendum est: non enim *DEUS* offendit hominem, sed homo potius, offendit *DEUM*, & quidem nulla prorsus culpa *DEO* potest imputari, unde nec scriptura *denominationem reconciliationis ex parte DEI* potissimum instituere voluit, licet nec *ex parte DEI* talem negaverit. [2.] Cum igitur *pars offendens* reconciliationem tentare debeat, ex parte verò *nostri* nec voluntas, nec facultas, multo minus activitas reconciliandi possibilibis fuerit, ideo *Mediator* has partes suscepit, & nos, videl. peccatores, *DEO* reconciliavit, imò *DEUS* per infinitam misericordiam non tantum hanc reconciliationem permisit, sed etiam voluit, & per Christum promovit, ita quidem ut cum adhuc inimici *DEI* essemus, nos *DEO* reconciliati simus, sicut inquit Paulus *II. Cor. V. 17. seqq.* *Ecce facta sunt omnia nova: omnia autem ex DEO, qui NOS reconciliavit, sibi per JESUM Christum, & dedit nobis ministerium reconciliationis: quoniam quidem DEUS erat in Christo, mundum reconcilians sibi, non reputans illis delicta ipsorum, & posuit in nobis verbum reconciliationis.* [3.] Falsum autem, quod in nobis reconciliandi voluntas existerit, aut ita simpliciter esse potuerit, si nullum reconciliationis fundamentum adsit, in quo *pars offensa* acquiescere, & reconciliationem admittere possit.





## QVÆSTIONES ANTI-SOCINIANÆ

EX ARTICULO IV.

AUGUSTANÆ CONFESSIONIS.

DE

## JUSTIFICATIONE.

QVÆSTIO TERTIA.

*Num iustitia divina λόγος satisfaktionis requisiverit  
pro totius humani generis peccatis?*

I.

Circa quæstionem ipsam primum omnium certas quasdam Hypotheses præmittimus (1) quod primi homines revera peccaverint, & legem divinam, sub mortis comminatione propositam, transgressi sint, id quod ipse lapsus protoplastorum abunde satis attestatur, præter alia, quæ sæpius in sacris literis inculcantur fundamenta.

2. (2) Quod lapsus protoplastorum non tantum personale peccatum fuerit, & primos tantum parentes, instar vitii moralis, extrinsecus affecerit, sed quod potius totam protoplastorum naturam corruperit, & à parentibus primis in posteros, mediante corrupta natura, transierit, secus atq; docent de utroq; Sociniani: nam quoad prius in Catech. Racov. c. 10. p. 250. scribunt: Lapsus Adæ cum unus actus fuerit, vim eam, quæ depravare ipsam naturam Adami posset, habere non potuit: quoad posterius Socin. in lib. s. v. a. l. o. r. cap. 5. p. 57. inquit Pro-nitas ad peccandum, quæ in homine conspicitur, sicut ab ipsa prima creatione ortum non habet (nam ut dictum est, Salomone teste, DEUS fecit hominem rectum) sic neq; à primo illo peccato, sive ab uno illo primi hominis peccandi actu statim exortæ est, sed, continuatur post peccatum: illud aliis peccandi actibus, peccandi habitum paulatim homines contraxerunt, seq; ipsi corruperunt. et sic corruptionis istius semina per propagationem ad posteros transmissit.

3. (3) Quod ex hoc lapsu protoplastorum omnes homines facti sint naturæ filii iræ Eph. II. 3. ubi notandum, quod homines non active, sed passive, dicantur Filii iræ, non quod ipsi DEO irascantur,

R

sed

DISP. IX.  
RESP. MI-  
CHAEL  
PAWLO-  
WITZ,  
Turocens-  
Hungarus.

sed quod potius DEUS ipsis, ut peccatoribus irascatur. Glossam equidem hanc affert Socinus, nos perhiberi Filios iræ, non quod DEUS nobis iratus sit, sed quod nos irascamur DEO: sed respectu nostri verè valet illud vulgatum: *vana est sine viribus ira*: & hæc glossa nec rextui, nec fidei dicitur analoga, multisq; pariter absurdus obvia, quæ nunc adducere non placet: hoc saltem urgemus ex scripturæ phrasologia: sicut Filius mortui, aut vir mortui dicitur, non qui alterum morti adjudicat, sed qui supplicio mortis adjudicatur, prout inquit Nathan Davidi II. Sam. XII. 5. *Vivit Dominus, quoniam Filius mortui est vir*, quisequit hoc: sic etiam Filius iræ dicitur non, qui alteri irascitur, sed qui dignum alterius iræ se præstat: quæ ratione filii iræ dicuntur, quibus DEUS graviter ab peccatum irascitur.

4. (4) Quod homines in peccato propter iram DEI mortui fuerint obnoxii, & perire necessum habuerint, idq; propter lapsum protoplastorum, & quia de peccato per corruptam generationem participarunt, secus atq; statuunt Sociniani. Nam Socin. de servat. Christi. l. 3. c. 8. p. 40. scribit: *Tametsi omnes ab Adamo prognati, morti perpetuæ sunt obnoxii, id non ideo fit, quod ipsis Adami delictum imputetur; sed quia ab eo progeniti sunt, qui morti perpetuæ divino decreto sunt addicti, & ita non propter peccati imputationem, sed propter generis propagationem, id illis contigit*: hanc tamen propagationem minime corruptam, & peccato commaculatam, fingunt, sicut scribit Smalz. contr. Franz. p. 45. *Non negamus, propter ipsam propagationem, quam omnes habent ex Adamo, eos etiam morti æternæ obnoxios, etiamsi non peccarint*: quod directe verbis Apostoli contrariatur Rom. V. 12. *Per unum hominem peccatum in mundum intravit, & per peccatum mors, & sic mors in omnes homines pertransiit, in quo omnes peccaverunt*. De posteriori Socinus inquit de stat. prim. hom. contr. Pucc. p. 287. *Quomodo sine propria culpa perire potuit humanum genus, quod ne perire quidem potuit, cum adhuc non esset*. Et paulò post: *Eateor, posse quodammodo dici, periisse universum humanum genus, cum Adamus propter peccatum periit*. Sed certè tamen non periit, cum verè nondum esset, quare nec ulla injuria ei fieri potuit.

5. (5) Quod justitia divina peccatum maximè sit contrarium: nam quod justum est, illud *δυσνομον*, & legi divinæ confen-

ta-

taneum, sed quod *iniustum*, illud ἀνομον, & legi divinæ contrarium, cum lex divinæ iustitiæ regulæ regula sit: jam autem ἡ ἀμαρτία ἡ ἀνομία, peccatum est, quod legi divinæ, vel iustitiæ contrarium est: adeoq; DEus iustus, ut iuste peccatis irascitur, sic etiam iustè peccata punire dicitur, nec potest impunita peccata dimittere: notamus igitur iterum Socinianorum errorem apud Socin. de servat. Christ. part. 3. c. 1. p. 227. *Falsum est, necesse esse, si DEus iustus futurus sit, ut delinquentium peccata exalce puniat: quia scilicet iustitia omnino requirat, ut suum cuiq; tribuatur, delinquentibus autem puniatio debeatur.* It. p. 224. *Nulla in DEO est iustitia, quæ omnino peccatum punire debere dicitur.*

6. (6) Hinc deniq; sequitur, quod omnino satisfactio pro totius humani generis peccatis necessaria fuerit ob infinitam DEI iustitiam, & quod hæc iustitia λυτρωσatisfactionis jure requisiverit, nec salva iustitia jure suo renunciare potuerit, quod universa testatur scriptura, fidei Christi analogia, & communis Ecclesiæ, vel orthodoxorum Doctorum, harmonia, secus atq; docent Sociniani. *Nihil est*, inquit Socin. p. 3. de servat. Christ. c. 1. p. 224. *propter quod DEus libere, cui velit, nulla satisfactione accepta, peccata jure condonare non possit.* Et iterum l. d. *Nulla in DEO est iustitia, quæ omnino peccatum punire debere dicitur, & cui ipse renunciare non possit.*

7. Ut autem eo propius ad præsentem causam accedam, circa controversia statum quædam observamus (1) Quod hic non quæretur, An DEus aliter, quam citra satisfactionem, vel etiam citra Christi satisfactionem, homines peccatores liberare, vel dimittere potuerit? De hoc respondet August. lib. de Agon. Christi c. 11. *Stulti sunt, qui dicunt, non poterat aliter sapientia DEI homines liberare, nisi susciperet hominem, & nasceretur ex femina, & a peccatoribus omnia illa pateretur? Quidus dicimus, poterat omnino, sed si aliter fieret, similiter vestra stultitiæ displiceret.* Et iterum l. 13. de Trinit. c. 10. *Eos, qui dicunt, itane defuit modus alius, quo liberaret homines a miseria mortalitatis hujus, ut unigenitum Filium DEI, sibi coæternum, hominem fieri vellet, induendo humanam animam, & carnem, mortalemq; factum mortem perpeti, parum est, si resellere, ut istum modum, quo mox per Mediatorem DEI & Dominum Iesum Christum DEus liberare dignatus, asseramus bonum, &*

divina congruum dignitati: verum etiam ut ostendamus, non aliam modum possibilem DEO defuisse, cujus potestati cuncta aequaliter subjacent, sed nostrae miseriae sanandae convenientiorem alium non fuisse, nec esse oportuisse? Non hic de potentia, sed de justitia DEI solliciti sumus; & monendum hic esse ducimus, quod potentia DEI non absolute, vel ratione juris absoluti, vel ratione facti absoluti, sit consideranda, sed potius, qualis illa sit, ad reliqua DEI attributa relata, cum certum sit, DEUM non tantum esse infinite potentem, sed pariter infinite justum esse dicendum. Jam posse non justum, non est potentia, sed impotentia dicitur. Unde minime probare possumus Fausti Socini sententiam l. 3. de Serv. Christi, p. 1. c. 1. p. II. POTUISSET DEUS, & quidem UIRE homines, licet PECCANTES, morti aeternae non mancipare: postquam autem eos morti mancipavit, ex illius imperio eximere, & quidem UIRE, sua SOLA VOLUNTATE potest.

8. (2) Non etiam quaeritur, an DEUS ex infinita misericordia peccatoribus absolute cum culpam, tum poenam remittere voluerit? Haec equidem Socinianorum itidem est sententia, sed hoc loco, formaliter illam non attendimus, quam tamen materialiter non excludimus. Sic enim Socin. d. l. p. 3. c. 2. p. 236. Si modo poenitentia adsit, DEUM pro ingenti bonitate sua nullam satisfactionem acceptam, nobis peccata remittere VOLUISSE in novo fœdere, quod nobiscum per Christum percutere dignatus est, constanter affirmo, & nunc potius inquit contendo. Quomodo enim propitius fuisset DEUS iniquitatibus nostris, si cum eas nobis, nulla satisfactione interveniente, remittere posset, pro ipsis sibi plenissime satisfecisset? aut quomodo peccatorum nostrorum non recordatus fuisset, si ab humana natura in Christo, ipsorum omnium tam rigide & exacte poenae repeteret? Vel potius, quid mirum est, cum iniquitates nostras nobis imputare, & peccatorum nostrorum non amplius recordari, si jam ei uberrimè satisfactum pro sceleribus nostris fuit, & jam eorum ita recordatus est, ut ne minimum quidem impunitum relinqueret? Quenam haec est ipsius, quam tantopere praedicat, munificentia ac liberalitas, si de jure suo ne tantillum quidem remittere voluit? Verum absolutam ejusmodi misericordiam in salutis nostrae negotio prorsus ignorat scriptura, quia sic dixit DEUS mundum, ut filium suum unigenitum daret Job. III. 16. & dilectissimus non nisi in dilecto Eph. 1.6. DEUS ut infinite misericors est, licet etiam

*infinite iustus*, nec quicquam misericordiae DEI tribuendum, quod infinitam ejus justitiam vel invertere, vel prorsus evertere possit.

9. (3) Nec quaeritur de *justitia dispensatrice*, Num DEUS in *certis* quibusdam casibus specialibus nonnunquam vel ex misericordia affectu, vel ex aequitatis studio dispensaverit, & à peccatoribus non adeò scrupulose vel rigorosè singula requisiverit? Hoc enim suo modo non inficiamur, cum talia dispensationum exempla non raro facris in literis inveniantur; quemadmodum dispensavit in *polygamia veterum*, circa primam conjugii legem, in *lege circumcissionis*, quamdiu fuerunt *Israelitae* in deserto &c: Nam hae leges speciales fuerunt, adeoque specialem dispensationem admittere potuerunt: & hic, quando DEUS non ut *benevolum Patrem*, sed ut *iratum judicem* consideramus, nihil dispensationis ab eodem expectare possumus. Lapsus enim protoplastorum non adeò leve peccatillum est, ut facilem admittat dispensationem, nec in *legem* aliquam *humanam*, sed *divinam*, non *partialem*, sed *totalem*, non *specialem*, sed *generalem*, non aliquo modo, sed omni modo deliquit, dum *apostata* turpissima peccator à DEO defecit, totamque naturam suam corripuit, imaginem DEI pulcherrimam amisit, & abominabilem Diaboli larvam admisit, & ipsam Deitatem rapere constituit, adeoque propter horrendam & detestabilem sui conditionem & abominationem, nullius dispensationis immediatè capax esse potuit; cum ea dispensatio sit prorsus admirabilis, & nunquam digne satis vel aestimari, vel praedicari possit, quod DEUS nobis miseris peccatoribus alium, nim. Filium suum unigenitum surrogaverit, quam *surrogationem* ipse *Crellius* de satisfact. resp. ad c. 9. part. 1. p. 451. sic explicat, quod *subrogatio* haec, de qua agimus, nihil sit aliud, quam substitutio unius in locum alterius. Et cum ad personas restringitur, commutatio est personae, re aut statui, sive loco, in quem persona altera reponitur manente eodem. Hoc si ad perpersonas transferatur, is dicitur pro altero subrogatus, qui id, quod alteri ferendum erat, ipse sustinet, altero interea ab illa perpersonae liberato. Addit insuper, hoc ipsum significare solere, cum quis vice, aut loco alterius, quippiam perpersonam dicitur, & sic hoc significatum dicatur, Christum pro nobis subrogatum, aut vice & loco nostri passum, Socino vere contradici: neque minor

est in eo *dispensatio*, quod DEUS nostram in Christum culpam & pœnam transtulit, ut vere dicatur agnus, qui tollit peccata mundi Ioh. I. 29. in quem DEUS omnium nostrum iniquitates coniecit Esa. LIII. 5. imò peccatum ipsum fecerit II. Cor. V. 26. ita ut vere dicatur mortuus peccato Rom. VI. 20. pro peccatis Rom. II X. 3. I. Cor. XV. 3. Hebr. X. 25. & propter peccata nostra Esa. LIII. 5. adeoq; multum *dispensationis* etiam in eo reperitur, quod Christus pœnas pro nobis exsolvit, dum pœnas, omnibus omnium hominum peccatis promeritas, sustinuit, & nos ab illis liberavit: & deniq; multum *dispensationis* in *acceptilatione satisfactionis Christi* pro nobis invenitur, si nim. *acceptilatio* non sensu iudiciali, sed vulgari, vel non iuridico, sed generali & grammatico, sumatur: nam alias hanc *acceptilationem* exagitat Socinus part. 4. de Serv. Christ. c. 2. inqviens: *Quomodo potest unquam acceptum ferri id, quod revera solvitur.* Quid aliud apud ICTOS, unde hæc loquendi formula sumpta videtur, *Acceptum ferre* significat, quam pro soluto habere, licet vere solutum non sit? Quid aliud est *acceptilatio*, quam per sola verba obligationis liberatio? Et porro; Satis est in *acceptilatione* per sola verba debitorem liberare. Quod si vel ipse, vel alius pro eo revera solvat, *acceptilationi* nullus est locus. Verum *acceptilatio* quidem in iure, aptatur ad jus crediti, non ad pœnas: sed h. l. generaliter, vel secundum alios improprie sumitur, & nihil aliud significatur, quam imputari nobis satisfactionem Christi, & perinde nostris adscribi rationibus, ac si nos ipsi eandem præstitissemus: quomodo certe non pugnat illa *acceptilatio*, si nim. hoc sensu supponatur, cum solutione, vel satisfactione. Quod si enim alius pro alio solvat, eaq; solutio per creditorem admittatur, & rationibus ejus, qui solvere tenebatur, transcribatur, non adeo convenienter id, quod solutum est alteri, acceptum ferri ei, pro quo solutum est. Unde Socinus l. d. id etiam fateri cogitur, dum inquit: *Potest alicui acceptum ferri, si non propria, saltem impropria significatione, quod alius solvit.*

10. (4) Nec quæritur de immediata requisitione satisfactionis, Num DEUS simpliciter ab homine peccatore satisfactionem propriam & immediatam ita requisiverit, ut ipse DEO satisfacere debuerit, non autem satisfactionem ab alio præstitam admittere, vel respicere potuerit? Injustum

*sum & immane est, scribit Socin. part. 3. de Serv. Christi. cap. 3. p. 251. quod ne homines quidem, quantumvis barbari & truculenti faciunt, de innocentibus nocentium loco, ipsis nocentibus sponte dimissis, pœnas sumere. Atqui DEUS injustus & immanis non est. Ergo à Christo innocente nostro loco pœnas non sensit, sed potius tales à peccatoribus ipsis requisivit: cum primis quia urget hoc, nulla lege, aut consuetudine receptum unquam fuisse, ut unus pro altero, alterius quavis vice & loco moreretur, nec etiam mortem unius alterius mortem efficere posse.*

11. (5) Sed agitur hic de justitia DEI infinita, eaq; vindicatrice, quæ certe nec in peccatis acquiescere, nec peccatores impunitos dimittere, nec citra satisfactionem aliquam, cujuscunq; tandem illa fuerit, veniam peccatorum concedere vel potuit, vel debuit, sive voluit. Non voluit, quia sic injustitiæ, non justitiæ studisset: non debuit, quia rationi propriæ defuisset, & juri suo derogasset; non potuit, quia non potentia, sed impotentia potius illud fuisset. Unde merito, juxta scripturam cannonicam, fidem catholicam, & communem Doctorum consensum, asserimus, quod justitia divina *ἀντὶ τοῦ* satisfactionis, vel ipsam satisfactionem, pro totius humani generis peccatis requisiverit.

12. Ipse Socinus hic adversum tenet passim in scriptis suis, hac vice differentem eum audiemus ex *Instit. breviss. Christi. Relig. p. 76.* ubi quærit: *Namquid justitia divina non requirit, ut omnino peccata nostra puniantur, vel sit, qui pro ipsis satisfaciatur?* Imò, respondet, *nulli homini cordato & pio istud in mentem venire unquam deberet.* Verum omnis scriptura nobis exempla virorum piorum & cordatorum, i.e. Patriarcharum, Prophetarum, Evangelistarum & Apostolorum, ac aliorum religiosorum virorum, suppeditat, quibus illud in mentem venit, quia salutaris hæc doctrina per sancti Spiritus illuminationem ipsis revelata, mentibus ipsorum inspirata, & impulsu Spiritus literarum monumentis consignata fuit. Tota *historia Ecclesiastica* talia nobis exempla suggerit: *Ecclesia Catholica* non alios in sui consortium admittit. Et ipse Socinus infinitam eorum multitudinem optime novit, quibus hoc ex divina revelatione, vel scripturis sacris, in mentem venit, & hoc non obstan-

te cetera

te tam audacter pronunciare audeat, quod hoc nulli prorsus condatorum & piorum in mentem venire possit, aut potius debeat.

13. Ne quid autem gratis asseruisse videretur, verbis paucis rationes multas, & non ab hominibus, sed ab ipso DEO petitas, primo loco statim urgere voluit, ut hanc causam suspectam eo plausibiliiori prætextu rudioribus, vel incautioribus obtruderet; hinc sententiam suam probare conatur (1) *ex DEI potentia*, quia hoc potentia DEI aperte & plurimum derogaret: unde p. 3. de SERV. Christ. c. 1. p. 224. scribit: *Nihil est, propter quod DEUS libere, cui velit, nulla satisfactione accepta, peccata IURE CONDONARE NON POSSIT.* Et alibi non raro DEUM impotentia postulat, si tale quid præstare non valeat. R. (1) *Potentia vere infinita* DEO tribuenda venit. & *ratione objecti*, quia nullum Ens, quod Entitatis, bonitatis & perfectionis rationem habere potest, hic excipitur, sed in universum Ens omne potentia divina subicitur; & *ratione modi*, quia DEUS infinite prorsus agere potest, super omnem nostrum conceptum & intellectum; & *ratione scopi*, quia DEUS admirando modo potest universa non tantum, sed & singula tam gloriose dirigere, ut ex omnibus omnia possit elicere, imò non tantum bona, sed etiam mala sic ordinare novit, ut bonum ex iis finem eliciat: interim non dicitur *infinita*, ratione *contradictionis immediatæ*, quasi semetipsum Non-DEUM facere queat: vel ratione *contradictionis materialis*, quasi Non-Entia quoque pura, vel simpliciter talia, sibi pro certis objectis vendicat: Non-Entia siquidem sunt & manent *non-objecta*, adeoque nec potentia divina vel obijciuntur, vel subijciuntur: neque ratione *contradictionis formalis*, quasi DEUS etiam circa mala, quæ talia, sua potentia versari possit, cum mala, quæ talia, sint potius defectus, quam effectus, potius privationes, quam effectiones, vel positiones, potius impotentiam, quam potentiam, respiciant: ratione *contradictionis collateralis*, quasi DEI potentia sic infinita dici queat, ac si possit omnia, quæ reliquis attributis sint contradictoria, & contraveniant DEI sanctitati, iustitiæ, perfectioni, veritati &c: nam quæ contradictoria sunt horum attributorum, ipsius DEI contradictoria, sunt, cum materialiter hæc attributa sint ipsa DEUS essentia. (2) *Diff. inter absolutam potentiam ad extra*, quæ DEUS omnia



omnia Entia dicitur extra se posse, & inter *absolutam potentiam ad intra*, quæ certe non concedenda, cum ipsa DEI attributa sint inter se conferenda, non autem sibi mutuo per quandam everfionem opponenda. (3) *Dist.* inter *judicium rationis & fidei*: ratio quidem, cum ignoret peccati nostri magnitudinem atq; turpitudinem, & *pœnarum multitudinem ac eternitatem*, impetu cæco judicat, DEUM talia posse: sed *fides*, quæ juxta scripturam in timore Domini hæc omnia considerat, ac œconomiam divinorum consiliorum accuratè ponderat, talem potentiam DEO non affigit, sed in DEI revelatione lubens acquiescit. (4) Accedit huc, quod hoc argumentum ex *analogia Magistratum Politicorum* urgeatur, quod illi contra leges dispensare possint; adeoque multo magis DEO dispensandi, vel absolute remittendi peccatum potentia sit concedenda, cum tamen dispensatio, vel relaxatio pœnarum, Magistratui politico non *intorum*, sed *intantum*, ratione *legum mutabilium*, non *immutabilium* tribuatur, aut plerumqve non *de jure* concedatur, sed, *de facto* potius assumatur.

14. (II) Quia pariter auctoritati DEI aperte & plurimum derogatur: nimirum quia juxta Socinianos *jus absolutissimum DEO contra scripturam, & DEI naturam affingitur*, sicut scribit Socin. p. 1. de Serv. Christ. c. 1. p. 11. Porrius DEUM, & quidem IURE, homines licet peccantes, morti æternæ non mancipare: postquam autem eos morti mancipavit, ex illius imperio eximere, & quidem IURE, sua SOLA VOLUNTATE potest: & Volckel. l. 2. de Ver. Relig. c. 12. p. 23. vehementer eos errare, qui putant, sacrificia illa DEO pro peccatis satisfecisse. Nam nec remissio peccatorum cum vera satisfactione consistere, nec Deo quippiam revera dari ac solvi pro peccatis potest: cum omnia sint ipsius IURE DOMINII ABSOLUTI. Vid. Psal. L. 3. seqq. R. (1) auctoritas DEO competit (a) essentiali, quæ DEO, tanquam Enti summo per se, vel etiam ratione sui, competit, quæ DEUM est, (b) casuali, quæ DEO, tanquam cause summe, vel autoriprimo, ratione creationis, vel omnium creaturarum competit, quæ creator est, (c) legali, quæ DEO, tanquam summo legislatori, vel Domino competit ratione gubernationis, quatenus ut supremus Dominus omnes creaturas gubernat, & ad justitiam leges cumprimis homines revocat, eosq; præceptis suis obligat.

(d) *obedientialis*, vel *reverentialis*, quæ DEO competit, ut *supremo Nâmini*, quod religiose variis honoribus divinis colendum est. (e) *judicialis*, quæ DEO competit, ut supremo judici, quatenus judicare dicitur universam terram: sed hæc *auctoritatis* divinæ vel *elogia*, vel *genera*, neutiquam sacris literis, vel etiam mysteriis divinis aut ejus attributis, justitiæ cumprimis, opponenda. (2) DEO competit *jus absolutum*, vel *dominium*, quod universa jura, *leges*, vel etiam *dominia*, hominum transcendat, sed quod vel *DEI veritati*, vel ejus *sanctitati*, vel ejus *justitiæ* contrarietur, neutiquam ei tribui debet: posse autem JURE homines peccantes æternæ morti non mancipare, & quidem citra satisfactionem, contrariatur *DEI veritati*, quia dictum erat Gen. II. 17. *quocumq; die comederis ex arbore scientiæ boni & mali, morte morieris*: *Sanctitati*, cui peccatum omne prorsus contrarium; *justitiæ*, quæ non potest peccata non punire. (3) *Psal. I. 3.* agitur de *jure absoluto*, respectu *creaturarum*, non agitur de *jure absoluto*, respectu *divinorum attributorum*, sicut ex circumstantiis textus apertum.

15. (III) *Quia bonitati & misericordie DEI aperte ac plurimum derogaret*. Sic enim Socinus inquit p. 3. de Serv. Christ. c. 2. p. 230. nihil fere magis impium excogitari potest, quam sentire, a DEO peccata non remitti, nisi pro illis plene satisfiat, & p. 235. Nisi velimus, Deum eo tempore, quod in divinis literis gratia & benignitas appellatur, restrictionem fuisse, quam eo, quod præ illo severitas atq; ira appellari potest: concludendum prorsus videtur, in salute nobis, divina providentia per Christum parta, nullam veram pro delictis nostris satisfactionem a quoquam accipere Deum voluisse, sed liberalissime ea universa nobis penitentibus ac respicientibus condonasse: imò remissionem peccatorum & satisfactionem *Smalzius* pro contrariis vendit Exam. 157. Error. err. 30. p. 24. Quid, inquit, nisi mentis inops, non agnoscat illa esse, REMISSIO PECCATORUM & SATISFACTIO pro peccatis? Nam ubi remissio peccatorum est, ibi necesse est, ut nec is, qui peccaverat, quicquam det, nec is, in quem peccatum erat, quicquam accipiat, sive ab eo, qui peccaverat, sive ab alio. Nam si aliquid accipiat, a quocumq; tandem id fiat, remissio non erit: At ubi est satisfactio sive ab eo, qui debebat, sive ab alio profecta, jam remissioni locus nullus relinquitur. R. (1) Bonitas & misericordia, cum pri-

primis quoad mysterium nostræ justificationis & salutis non sine, sed ex scripturis, considerata veniunt: nihil igitur hic valent vel rationes, vel comparationes, quovotq; prudentia carnis suppeditat, quia prudentia carnis inimicitia est adversus DEUM Rom. II. 7. (2) Summa bonitatis est, quod Pater celestis omnia nobiscum communicavit, & nihil sibi soli reliquit, cum omne bonum sit communicativum: communicavit enim nobis cor paternum Hof. XI. 8. Quomodo dabo te, Ephraim, protegam te Israel? quomodo dabo te, sicut Adama, ponam te ut Seboim? conversum est in me COR MEUM, sumus exarserunt in me miserationes meae, non faciam furorem irae meae, non veritam me, ut disperdam Ephraim, quoniam DEUS ego, & non homo, in medio tui sanctus: communicavit nobis ex bonitate & misericordia Filium unigenitum, ut redemptorem & Salvatorem: Sic enim DEUS dilexit mundum, ut filium suum unigenitum daret, ut omnis, qui credit in eum, non pereat, sed vitam æternam habeat: communicavit nobis ex bonitate & misericordia Spiritum suum, ut sanctificatorem, quia non accepimus Spiritum servitutis iterum in timore, sed accepimus Spiritum adoptionis, in quo clamamus Abba Pater Rom. VIII. 15: (3) Hinc differt inter misericordiam & bonitatem DEI absolutam & relativam, vel ordinatam: hanc, non illam, in negotio salutis locum habere, scriptura sapienter revelavit. (4) liberalissime fingit nostra peccata remitti, sed notum est, quod ea demum liberalitas vocetur, quæ de dominio, vel credito nostro cedimus: cum verò impunitas conceditur, non liberalitas, sed clementia dicitur, quam lenitatem dicunt superiores adversus inferiorem in constituendis poenis: hinc liberalitatis terminus, quem Sociniani tam libenter in hoc negotio solent usurpare, minime conveniens est; nam liberalitas est proprie ita dare aliquid, ut danti pereat, vel ad accipientem transeat: sed scriptura nusquam clementiam hanc DEI vocat ἐλεος, οἰκτιρῆς, vel liberalitatem, sed nec hoc termino, vel in aliis rebus, quæ dari, aut accipi solent, de DEO utitur. Et licet Crellius contr. Grot. c. 2. p. 200. sequi demonstrare contendat, quod apud Latinos scriptores interdum sic vocabulum liberalitatis extendatur, ut clementia complectatur, tamen hæc significatio potius impropria, quam propria, vel etiam analogica dicenda, quatenus videlicet clementia de jure suo cedit, &

lic benigne facit alteri, *proprie* tamen liberalitas non est in remittendis peccatis, & sic à jure dominii, aut crediti vere distinguitur.

16. (IV) *Quia non factum est habemus, ut quis alicujus satisfactionis vi liber sit apud DEUM à pœnis peccatorum suorum.* R. (1) per satisfactionem coram omni judicio reus liber esse potest, ergo quoque liber esse potest coram judicio divino: nam ex judicii divini conditione, vel etiam constitutione promanat, ut in omni judicio vero satisfactio quædam requiratur. (2) Contrarium probat ipsum *Protevangelium*, quod cum homo DEO satisfacere, pœnasque sustinere, vel à se remove non potuerit, semen mulieris id præstiturum. & caput serpentis contritum *Gen. III. 15.* vel opera Diaboli dissolutum sit *1. Joh. III. 8.* Confer. *Esa. LIII. 4. seqq.* (3) Eide salvantur omnes iusti *Habac. II. 4.* quemadmodum id etiam catalogus sanctorum docet *Hieb. XL.* Fides autem nititur satisfactio-  
ne Christi, quam omnes peccatores apprehendere tenentur, si vere coram judicio divino consistere velint. *Rom. III. 21.*

17. (V) *Quia nec fieri potest, ut quis alicujus satisfactionis vi liber sit apud DEUM à pœnis peccatorum suorum, quia hæc duo sibi invicem adversantur, liberari apud DEUM à pœnis peccatorum suorum, & pro ipsis peccatis divinæ justitiæ satisfieri.* Quia nulla alia ratione divinæ justitiæ satisfieri pro peccatis potest, quam si is, qui peccavit, pœnas dei peccatorum suorum; liberari autem à suorum peccatorum pœnis, & eorumdem peccatorum pœnas dare, nemo non videt, sibi invicem penitus adversari. R. (1) diff. inter contrarietatem veram, & apparentem: hic vera contrarietas non invenitur: multò minus in illis vera contradictio reperitur. (2) Quod liberari apud DEUM à pœnis peccatorum suorum, & pro ipsis peccatis divinæ justitiæ satisfieri, nihil contradictionis inferat, illud patet (a) quia liberari à pœnis, respicit DEI misericordiam, sed justitiæ divinæ satisfieri, respicit DEI justitiam, (b) liberari à pœnis respicit peccatorem ipsum, satisfacere justitiæ divinæ respicit Christum. (c) liberari à pœnis respicit effectum, sed satisfacere justitiæ respicit meritum. (d) liberatio peccatorum à pœnis est peccatorum hominum, vel personarum, vel ipsorum subiectorum, satisfacere divinæ justitiæ potius est objectorum, vel peccatorum medium. &c. (3) Quod quis per alium facit, per se fecisse putandum est, dicitur in axiomate

re communi: jam satisfactio sive fiat à peccatore, sive à Mediatore, vera tamen satisfactio cenferi debet.

18. (VI) *Quia nequaquam alius pro alio penas istas dare potest, quemadmodum alius pro alio solvit pecuniam, quam quis debet. Non enim sicut unius pecunia alterius fieri potest, sic unius pœne alterius fieri possunt. Est siquidem pecunia, ut ICI loquuntur, reale quiddam, & idcirco ab alio in alium transferri potest: pœna verò, de quibus hic loquimur, & quæ peccatis hominum ex lege DEI debentur, sunt quiddam personale, & propterea ejusmodi, quæ illi ipsi, qui eas dat, perpetuo adhercant, nec in alium quæant transferri.* R. (1) Quod alius pro alio, vel etiam cum alio pœnas dare possit, sacra scriptura passim testatur, etiam in ipso Decalogo Exod. XX. 5. Ego sum, inquit Dominus & iustissimus Legislator, Dominus DEus tuus sortis Zelotes, visitans iniquitatem Patrum in filios, in tertiam & quartam generationem eorum, qui oderunt me. (2) Dist. inter satisfactionem ipsam, & satisfactionis modum: licet non omnes modi hic possint accommodari, tamen propterea non ipsa satisfactio neganda venit. (3) Quæ ex Schola ICtorum huic mysterio solent applicari, non in totum, sed in tantum accommodari debent, & quidem non juxta communem, sed eminentem analogiam: jam analogia eminentia prius omnia, quæ materialia, vel concretiva, vel communia sunt, præcindit, quam veram, mysteriisq; debitam analogiam concedit. (4) Pœne sunt personales respectu subjecti, non respectu sui, certo modo, non omni modo: cum primis quia notum est, quod multi nobiliorum Politicorum & ICtorum pœnarum irrogationem ad justitiam commutativam referre soleant.

19. (VII) *Quia DEus ipse discrete vetuit, ne alius pro alio occideretur Deut. XXIV. 16. II. Reg. XIV. 6. sit quantumvis conjuncta persona.* R. (1) Deut. XXIV. 16. dicitur: Non occidentur Patres pro filiis, nec filii pro patribus: sed unusquisq; pro peccato suo morietur: quibus verbis loquitur DEus de legibus forensicis quoad viciam, non autem loquitur de justitia divina quoad correctionem. (2) in satisfactione Christi non commune, sed singulare, quoddam exemplum reperitur, non vulgare Senatus consultum, sed potius peculiare mysterium deprehenditur: lex proinde generalis hic non convenienter applicatur.

(3) II. Reg. XIV. 6. dicitur, quod *Amazias*, Rex *Jude*, percussit servos suos, qui Patrem ejus, Regem *Joas*, occiderunt, filios autem eorum, qui occiderant, non occidit, juxta legem hanc *Mosis* Deut. XXIV. 16. similis igitur hic militat responsio.

20. (IIIX) *Quia* DEUS apertissime testatur est *Ezech. XIII. 20. scilicet* presumminime id facturum, ut alius pro alio occidatur. R. (1) DEUS apud *Ezechielem* loquitur de penis ordinariis & communibus, non autem de penis extraordinariis & singularibus, quales in judicio divino Christo convenire dicuntur: adeoque locus hic a penis ordinariis urgeatur. (2) notum est, quod hujus loci variae dentur limitationes & explicationes, non igitur simpliciter hic applicari vel potest vel debet. (3) Anima, quae peccaverit, ipsa morietur, absolute, non comparate, quoad jus rigorosum, non quoad jus misericordiae temperatum, quoad peccatorum & penarum diversitas, non quoad penarum diversitatem. (4) DEUS illud non facit a priori, nim. ut alius pro alio vel occidatur, vel puniatur, interim si alius pro alio se paratum ad satisfaciendum offerat, hoc certe simpliciter non vult impedire, sed suo modo concedere: cum igitur ipse DEI Filius se paratum ad satisfactionem obtulerit, ideo propter infinitam suam misericordiam DEUS Pater ejus promittentem impedire noluit, cum primis quia per infinitam sapientiam totam satisfactionis economiam sapientissime DEUS Filius disposuerit.

21. (IX) *Quia*, etiam si alioqui id fieri posset, ipsi tamen justitia divina repugnare, ut quis penas peccatorum quibus mors potissimum continetur, pro altero det, tantum abest, ut hac ratione divina justitia satisfieri pro peccatis possit. R. (1) justitia divina dupliciter consideratur, vel absolute, quae ratione peccator ipse, non alius punitur, & ab eodem poenae judicialiter urgentur; vel comparative, quae ratione justitia cum misericordia conjungitur, & per hanc lenitur, ut rem ipsam quidem, videl. penam & satisfactionem urgere queat, modum tamen adeo rigore non exigit, sed in re ipsa benigniter acquiescat, non attenta ratione, si peccator ipse, si quidam alius pro eo satisfaciatur. Hinc (2) diff. inter justitiam meram & temperatam, nudam & misericordiam vestitam, non illa, sed haec, in mysterio praesenti venit attendenda. (3) Diff. inter me-

dia-

*diatorem succumbentem & pravalentem* : si mors à quodam Mediatore succumbente pro peccatis alterius susciperetur, illud suo modo tam facile iustitia divina non admitteret; sed quia talis se pro nobis obtulit redemptor, qui *λύτρω* satisfactionis præstare, mortem in se derivare, & de morte, Satana, vel aliis hostibus, triumphare potuit, ideo iustitia divina misericorditer in tali Mediatore lubens acquiescere voluit.

12. (X) *Quia secundum & tertium argumentum* ulterius urgeri potest, quod nim. *DEI vel majestati, vel benignitati derogaretur, si necesse esset apud ipsum aut peccata nostra puniri, aut pro ipsis satisfieri, quia manifeste hinc sequeretur, DEum vel non posse, vel nolle nobis peccata remittere, & liberaliter condonare. Neque enim remittitur, liberaliterve condonatur peccatum, quod vel puniatur, vel non sine satisfactione impunitum dimittitur. Id quod DEus id facere non possit, id est, jure nequeat nobis peccata liberaliter condonare, nimis evidenter ejus majestatem laedit; sic enim minus auctoritatis haberet DEus, quam quilibet homo: nemo enim est, qui jure nequeat, offensas sibi factas, liberaliter condonare. Quid verò aliud sunt peccata nostra, quam offensa, ipsi DEO facta? Quod autem DEus id facere nolit, hoc non minus evidenter ipsius benignitatem immittit, & tantum non funditus tollit.* R. (1) jam superius satis est responsum, & hic denuò male inter se divina attributa committuntur, & majestas atq; benignitas DEI iustitia divina *καθάρσις* opponuntur, quod minimè religiosum, aut mysteriis hisce consonum. (2) quod necesse sit, apud DEum peccata nostra puniri, patet ex *Ezech. XII. 20.* quem locum ipse Socinus antea producebat, & urgebat: *Anima, quæ peccaverit, ipsa morietur, necessitatem enim ipsa verba formalia monstrant, & passim alibi scriptura demonstrat.* Et certe divina iustitia neutiquam aliter acquiescere potest (3) Quod in defectu satisfactionis propria fuerit aliena necessaria, patet inde, quia iustitia potius rem ipsam satisfactionis, quam modum propriis satisfactionis simpliciter urget, præsertim quia misericordiæ benignitas intervenit. (4) *Dijunctio Sociniana* minus est accurata, quia dicitur imperfecta, cum detur tertium, vid. *τὸ non debere*, nam per & propter iustitiam infinitam

tam

tam non debet peccata prorsus impunita dimittere. (5) DEus dicitur *remittere peccatum*, vel *liberaliter condonare*, *ratione nostri*, quia nihil à nobis amplius exigit pro satisfactione, sed non *ratione Christi*, cui magni confutit hæc satisfactio, vel redemptio generis humani, quia non auro, vel argento: sed precioſo ſanguine promtus illam præſtitit *I. Pet. I. 18. 19* nec per *sanguinem virulorum*, aut *hircorum*, sed per *proprium sanguinem in ſanctum ſanctorum ingreſſus eſt*, æterna redemptione inventa *Heb. IX. 12*. (6) *Diſt.* inter *pœnam inſam*, & inter *ejus æconſuetudinem*: in pœna non datur liberalitas, ut loquitur adverſarius, vel *clementia*, sed in *modo* multum clementiæ reperitur, imò nec quisquam hanc *inſinitam clementiam* ſatis admirari poterit. (7) De *jure & poteſtate* DEI ſatis antea fuit reſponſum, adeoq; hic nihil addim: nec imminuit illud vel *ejus auctoritatem*, vel *majeſtatem*, quod tenaciter *juſtitia* ſuæ *vindictricis* rationem habet, sed potius eam auget: nullatenus autem, DEus minus *auctoritatis* habet, quam *quilibet homo*, qui de ſuo jure quicquam remittere, & offenſas condemnare poteſt: nam multa ſæpius apud homines *de facto* ſuſcipiuntur, quæ *de jure* ſic fieri non deberent: non enim *omnis lenitas* hominum commendatione digna. *Diſt.* igitur inter *lenitatem*, vel *emiſſionem licitam & illicitam*, ſi jam probamus, hanc minime: præterea dicitur *tum* ratione creatoris, *tum* ratione creatonis, *tum* ratione naturalis conſtitutionis, *tum* ratione cõmunis obligationis, *tum* ratione debitæ dilectionis, *tum* ratione communis converſationis & multis alijs reſpectibus inter ſe copulantur, & ad offenſarum condonationem obligantur, non autem hæc omnia de *DI. O* dici poſſunt. Inſuper alia *privata* ſunt, alia *publicæ offenſæ*: non in *his*, sed in *illis* commendatur facilitas ad condonandum. Deniq; peccant offenſæ vel in *legem naturalem*, vel in *legem civilem*, vel in *benoſtatem*, vel in *utilitatem* &c: in *his* offenſarum condonatio commendatur in *illis* vituperatur: & alia multa hic moneri poſſent. (8) Quod DEus id facere nolit, hoc nec *benignitatem* ejus imminuit, nec eam *funditus tollit*, quia DEO *benigni* as non *absoluta*, sed *relata*, cum aliis attributis conjuncta, tribuenda, cum primis quia *benignitas* omnis in *Chriſto* fundata, dum ſic dilexit *mundum*, ut *filium ſuum unigenitum* eidem *deret*, ut *omnis*, qui credit in eum, non pereat, ſed *vitam æternam* habeat *Job. III. 16*.



## QVÆSTIONES ANTI-SOCINIANÆ

EX ARTICULO VI.

AUGUSTANÆ CONFESSIONIS

DE

## BONIS OPERIBUS.

## QVÆSTIO PRIMA.

*Num Opera bona recte Fructus Spiritus à Spiritu Sancto, tanquam efficiente causa, denominentur.*

1.

**I**Nter alias Bonorum Operum appellationes non postrema dicitur aliàs, quæ Fructus Spiritus Paulo dicuntur Gal. V. 22. *Fructus Spiritus est Charitas, Gaudium, Pax, Longanimitas, Benignitas, Bonitas, Fides, Mansuetudo, Castitas.* Et Eph. V. 9 *Fructus Spiritus est in omni bonitate, & iustitia, & veritate.* Et passim alibi hanc denominationem. Scriptura vel insinuat, vel explicat. Ex eo Doctores orthodoxi statuerunt, quod juxta *textum, sensum & scopum Pauli*, cum primis *Opera bona* sic ab efficiente causa, Spiritu Sancto, dicantur. Hinc ipsa *Form. Concord. p. 722.* scribit: *Cum homo per Spiritum S. renatus, atq; à lege, b. e. à coactione legis, liberatus sit, jamq; Spiritus DEI agitur, tum secundum immutabilem DEI voluntatem, in lege revelatam, vivit: & omnia, quatenus renatus est, libero & prompto spiritu agit. Et talia Opera proprie non sunt appellanda Opera Legis, sed OPERA ET FRUCTUS SPIRITUS.* Imò hanc rationem ipse Paulus ostendit d. Gal. V. 22. dum verbis immediatis subiungit. *Adversus huiusmodi* (scil. Opera Spiritus) *non est lex. Qui autem s. n. Christi, carnem suam crucifixerunt cum afflictibus & concupiscentiis: si vivimus SPIRITU, SPIRITU & ambuletis.*

2. Et quod hi *fructus* ad Spiritum Sanctum, vel divinum, ut causam efficientem, referantur, ipse *Credellius Socinianus* Comment.

T

DISP. X.  
 R. JOHANNES  
 GEHARD, Mœ-  
 mo - Franco-  
 furtanus.

ad

ad Gal. V. 22. p. 439. ad hæc verba; *Fructus autem Spiritus est.* annotavit: *Enumeravit, inquit, multa carnis opera, & sic declaravit, quid sit carnis cupiditates perficere: nunc etiam enumerat quosdam Fructus Spiritus: eaq; ratione ostendit, quid sit ambulare Spiritu. quandoquidem non tantum id superius monuit, ne carni indulgeamus, sed contra etiam, ut Spiritu ambulemus, eoque nos ducipiamur.* Et p. 441. ad verba. *Si vivimus Spiritu, Spiritu & ambulemus:* Postquam docuisset Apostolum, cum posse, cum debere homines Christianos carnis opera vitare; nunc contra docet, eos etiam posse & debere **FRUCTUS SPIRITUS** præstare, quasi dicat: *Cum ergo & causa peccatorum Efficiens fuerint sublata, & CAUSA EFFICIENS PIETATIS, seu vis ad eam in hominibus excitandam satis valida sit in vobis, quid aliud restat, quam ut pie vivatis: Vita hac opponitur morti, seu crucifixioni carnis, qualis autem sit hac vita, seu cuius rei, indicat vox adiecta SPIRITU, id est, quam EFFICIT in nobis SPIRITUS SPIRITUS nimirum EVANGELICUS, qui nostrum Spiritum vegetat, animat, alacrem ad omnes actiones bonas facit, illig, vires ad domandam carnem suppeditat. Quocirca si hanc vitam in nobis habemus, quam SPIRITUS, ut sic dicam, inspirat, si nos SPIRITUS DIVINUS animat, Spiritu etiam incedamus, id est, SPIRITUS etiam DIVINUS nos regat, ejus ductum sequamur in actionibus.*

3. Idem etiam B. Franzius Disp. VI. in Aug. Confess. th. 8. proposuerat his verbis: *Causa Efficiens Bonorum Operum prior est Spiritus Sanctus, per Filium DEI effusus super corda credentium. Ideo enim bona opera, Charitas, Gaudium, Pax, Patientia, Benignitas, Bonitas, Longanimitas, Mansuetudo, Fides, Modestia, Continentia, Castitas appellantur Fructus Spiritus Gal. V. 22. Et hisce operibus studiosè vacantes nominantur Spirituales Gal VI. 7. Sic etiam Ezech. XXXVI. 27. dicitur: Spiritum meum dabo in medio vestri, efficiamq; ut in præceptis meis ambuletis, & judicia mea custodiat, & faciat illa. Huc illud, quando David. Psal. 51. 13. petit à DEO, ne amplius ab ipso auferat Spiritum Sanctum.*

4. Hæc B. Franzii, vel communis orthodoxorum Theologorum; & ipsius Pauli sententia, palato Sociniano minus grata fuit, inde:

## DE BONIS OPERIBUS

inde Smalz. contra Franz. p. 167 scripsit: *Causam Efficientem bonorum Operum esse Spiritum Sanctum* (ut ait Fr. 1b. 8.) non negamus. An vero ideo bona Opera Fructus Spiritus (Gal. 5.) appellantur, dubium esse videtur.

5. Ex quibus apparet non esse quæstionem.. (1) *An Opera bona fructus spiritus appellari possint?* Ejus enim impudentiæ neutiquam esse voluit Adversarius, cum Paulo contradicere voluerit, unde manifestam hanc appellationem concedere necessarium habet (2) *Nec deo disquiritur: Num Spiritus Sanctus sit Efficiens causa bonorum Operum?* nam illud etiam negare non vult, licet vel hic, vel alibi parum Spiritui Sancto tribuat Smalzium, & præterea tales *hypotheses* de Spiritu Sancto, deq; nostra *justificatione*, vel *restitutione*, vel etiam de *bonis operibus* foveat, ut vix cum illis hæc assertio consistere queat. Sed (3) quæritur, *Annon Opera bona Fructus Spiritus à Spiritu Sancto, tanquam Efficiente causa, Paulo vocentur?* Nos *affirmativam*, Smalzio contradicente, sententiam tuemur.

6. Ne vero gratis Franzio contradixisse, vel *dicam dubitationis* scripsisse videretur Smalzium, propterea nonnullas etiam rationes adjicere voluit. (1) *Primum argumentum* desumit *ab oppositione operum carnis & Spiritus: Quia opponitur ibi fructus Spiritus operibus carnis. Quemadmodum igitur Opera carnis sunt ea, quæ ab affectibus hominum proficiuntur: sic fructus Spiritus ea bona opera videntur esse, quæ à ratione hominis promanant.* R. (1) illa videntur Smalzio, sed revera non sunt, sicut alias dicitur: *multa videntur, & non sunt.* (2) *Oppositio talis potius contrarium ostendit.* Nam caro & Spiritus Sanctus primò dicuntur opponi, sicut patet ex Job. III. 6. *Quicquid ex carne natum est, caro est, & quicquid ex Spiritu natum est, Spiritus est.* Unde Schlicbing. in Côm. Evangel. Joh. p. 27. Ex aqua & Spiritu, scribit, *Non dicit ex aqua & ex Spiritu, tanquam ex duabus rebus diversis, sed ex aqua & Spiritu, voce Spiritus, cui nec articulum adjecit, per exegesis addita, id est, ex aqua, quæ Spiritus est, Spiritus ille ADOPTIONIS, quem Christus effudit in suos discipulos. Ideo mox v. 6. 8. solius Spiritus neminit. Solet enim Spiritus aqua comparari, qui ideo & effundi dicitur. Conf.*

messe poterat: sed de EO DEI SPIRITU, qualem CHRISTUS LAP-  
GITUR, & qui Evangelicæ doctrinæ proprius est ac peculiaris, qui id præ-  
stare potest, ut aliquis sit in Spiritu, id est, Spiritualis ex carnali evadat ho-  
mine. Ostendit autem se meritò præsupposuisse in illis habitare DEI SPI-  
RITUM, siquidem illos pro veris Christianis reputet. Alioquin enim,  
Christi Spiritu præditi non sint, illos non esse Christi, id est, ad Christum  
reveram non pertinere, nec inter ejus veros ac genuinos discipulos numerando.  
esse. (4) Opera carnalia quidem à carne, sed opera Spiritus non ab  
hominis ratione, sed à Sancti Spiritus renovatione, vel sanctificatione pro-  
ficiuntur.

7. (II). Quia fructus Spiritus ea bona opera videntur esse,  
quæ à ratione hominis, divina revelatione, quæ in Evangelio conti-  
netur, illustrata promanant. R. (1) Unius positio, non est alterius re-  
motio: nam Spiritus Sanctus, & ratio, per Evangelium illustrata, vel  
elevata, non invicem contrariantur, sed subordinantur, cum Spi-  
ritus Sanctus non immediate, sed mediate, nim. per renovationem  
hominis, ejusque virium, sit Autor Bonorum operum. (2) Idem  
B. Frantz. ib. 9. seqq. non obscurius indicaverat, scribens: Causa  
efficiens bonorum operum posterior est, Cor & voluntas hominis Renati,  
scilicet ad DEUM conversi. Non enim sunt bona opera fructus liberi  
arbitrii, nisi quatenus jam per gratiam liberatum est I. Job. V. 8.  
scimus, quis omnis, qui est ex DEO, non peccat, sed gene-  
ratio DEI conservat eum, & malignus non tangit eum Matt. 7. 7. o-  
mnis arbor bona fructus bonos facit: Sed nec illa sine suggestione  
Satanæ dimittere potuit: sic enim eadem, licet frustra, perstrin-  
git: Bona opera non esse fructus liberi arbitrii, nisi quatenus jam per  
DEI gratiam liberatum est, obscurè dictum est, & errore non caret.  
Certum enim est, hominem etiam non renatum, posse natura, & ra-  
tione duce, bona opera præstare, licet non ita perfecte, quemadmodum  
is, qui renatus est, nec est, nec ita perfecta, nec DEO etiam ita accepta,  
quemadmodum ea sunt, quæ quivis Christi amore facit. Scita fingit,  
quoad homo non renat, etiam vere bona opera præstare valeat li-  
cet non adeo perfecta, quæ renatis tribuit. (3) Ratio tum & à Spiritu  
Sancto verè dicitur illuminata, sed sine Spiritu Sancto verè tene-  
bricosa, quicquid igitur illuminatæ rationi quæ talis est, tribuitur,  
illud meritò Spiritui Sancto, seu causæ principali, defertur.

8. (III) *Quia statim additur v. 25. Si Spiritu vivimus, spiritum etiam ambulemus.* R. (1) Spiritu vivere est à Spiritu Sancto vivere, Spiritu ambulare, est à Spiritu Sancto ambulare, quia nec prius, nec posterius humanæ virtutis, sed divins benignitatis. Sic igitur nostra per hæc verba confirmatur sententia. (2) Paulus triplex quasi genus hominum tribus versiculis ultimis insinuat. (a) *hominum Carnalium*, qui simpliciter indulgent affectibus & concupiscentiis, qui non sunt Christi; nam qui Christi sunt, crucifigunt carnem cum affectibus & concupiscentiis (b) *hominum fidelium*, qui tunc *privative* describuntur, quod carnem cum affectibus & concupiscentiis crucifigere debeant; & *positive*, quod Spiritu vivere & Spiritu ambulare, semper illis conveniat. (c) *hypocritarum*, qui sunt inanis gloriæ cupidi, invicem se provocantes, invicem invidentes. (3) Nostram etiam sententiam *Crelliana* loci hujus interpretatio, quæ superius adduxim; confirmat; hic *Baldwinus* exegelin Comment. super h. l. saltem producit: *Spiritu vivere*, scribit, est à Spiritu Sancto duci, quod filiorum proprium est: is enim est, qui vivificat Job. 6. & ex mortuis viventes, ex peccatoribus iustos facit: qui ergo Spiritu vivunt, Spiritu quoque ambulare debent, hoc est, in bonis se exercere, ex quibus spiritualis illa vita in ipsis agnoscitur. Et apbor. 11. d. l. Non sufficit iactare Spiritum Sanctum, quod & hypocrita facere possunt, sed si vivimus spiritu, & Spiritu ambulemus, inquit Paulus v. 25. Nam quemadmodum ex respiratione vitam agnoscimus in corpore, ita ex motibus pietatis Spiritum Sanctum, qui vita nostra est, in anima habitantem animadvertimus, quo similis iur Jacobus c. 2. 26. Et Christus inquit ad Nicodemum? Spiritus ubi vult, spirat, & vocem ejus audis, sed nescis, unde veniat, & quo vadat, & sic est omnis, qui natus est ex Spiritu Job. 3. 8.

### QUESTIO SECUNDA.

*Num Opera Bona sint specifica differentia fidei justificantis.*

1. Circa questionis Scatum rectius constituendum & cognoscendum, non inutile futurum, si prius unum, vel alterum præsup-

supponamus, & ea, quæ controversa non sunt, ex oculis removeamus. Notandum igitur. (1) quod per *Opera bona* non intelligamus hic *opera bona* vel *naturalia*, quæ naturam ipsam, seu causam, respiciunt, eamque mediantibus proprietatibus perficiunt; aut alio modo naturam concernere deprehenduntur: nam: certum est, quod dentur opera bona naturæ, quæ sunt à natura, in natura, secundum naturam, propter naturam, circa naturam, ad naturam &c: vel *moralia*, quæ per rectam rationem ex virtutis studio proficiuntur, & ad virtutis habitum vel constituendum, vel excolendum, vel exercitandum ordinantur; vel *civilia*, quæ res civiles respiciunt, & ad illarum vel gubernationem, vel conservationem referuntur; vel *œconomica*, quorum usus multiplex in œconomia necessarius: vel *artificialia*, quibus artes necessariae, vel utiles exercentur &c: Sed *spiritualia*, quæ secundum articulum præsentem in *Augustiana Confessione* considerantur.

2. (2) Quod *opera bona* non tam ratione *sui*, quam ratione *DEI*, non *ab extra*, sed *ab intra*, non *in se*, sed *in fide*, vel ejus respectu considerentur, cum in ipsa quæstione disertis verbis ad *fidem justificantem* referantur, quando quæritur: Num *opera bona sint specifica differentia fidei justificantis?* adeoque non tam *hominem operantem*, quam *fidem justificantem* respiciunt.

3. (3) *Fidem justificantem* ita vocari, non ratione *sua quidditatis*, quocumque etiam modo quidditas simpliciter & absolute sine debita relatione declaratur: nulla siquidem fidei quidditas, quatenus in se spectatur & absolute, justificare potest, nec *ratione quantitatis*, quatenus vel magna, vel parva, cum quantitatis perfe non sit ulla efficacia; nec *ratione qualitatis*, siue consideretur ut *dispositio*, vel *habitus*, siue ut *potentia* quædam mentis & voluntatis humanæ, quamlibet etiam spiritualis potentia significetur: nam ratione sui posse vel naturalis, vel moralis, vel absolute loquendo spiritualis, fides opus hoc ingens nostræ coram DEO justificationis præstare valet, siue, ratione *firmitatis*, vel *infirmitatis* spectetur, aut sub aliarum qualitatum respectibus: qualitas nostra, vel etiam interna fidei per se coram DEO valere non potest; nec *ratione activitatis*, quatenus formaliter ut apprehensio, vel actio:

actio notatur &c: Sed tantum *relative*, respectu *vite*, quam in Christo Jesu possidere dicitur, quatenus nimirum Christi meritum, & in eo iustitiam coram DEO valentem apprehendit.

4. (4) *Perspectivam differentiam*, non *differentiam aliquam communem*, quæ multis convenire queat; non *differentiam accidentalem*, quæ per accidens contingere, vel subiecto suo tum a desesse, tum abesse posse deprehendatur; non *externam*, quæ tantum ad extra quodammodo fidem iustificantem respicit, non nude *consecutivam*, quæ modo quocumque fidei iustificantis naturam consequi videatur, eamque quodammodo distingvere dicatur: sed potius de differentia *propria, essentiali, interna & constitutiva* nobis sermo, quemadmodum ex ipsis Socinianorum verbis apparebit.

5. His præsuppositis & ad terminorum evolutionem notatis, circa controverſiæ statum explicandum observabimus, quod non sit in questione (1) *Num opera bona vere bona sint?* Nam omnino sic dicuntur, & quidem non falso, sed verè, cum dici requiratur inesse, ideo suo modo talibus operibus & *bonitatem legalem & evangelicam* tribuimus (2) *Num opera bona facienda sint?* Nam opera bona juxta Dei legem præcipimus & urgemus, & ab omnibus credentibus requirimus. Unde *Confess. Aug. Art. 20.* monet: *Falso accusantur nostri, quod opera bona prohibeant.* (3) *Num opera bona ad fidem referri possint, & jure ad fidem referenda sint?* nos enim multis modis opera bona referenda ducimus ad fidem, cum opera bona sine fide nec fieri, nec esse, nec operari queant, & omnem suum valorem à fide possideant & obtineant, cum absque fide sit impossibile placere DEO *Heb. XI. 6.* (4) *Num per opera bona fides vera & viva cognosci queat?* Nam opera bona dicimus esse fidei iustificantis symbola, signa, testimonia, indicia &c: secundum illud Christi *Matt. V. 16. Luceat lux vestra* nim. fidei iustificantis, *coram hominibus, ut videant opera vestra bona, & glorificetur Pater vester, qui in calis est:* & Jacobi c. II. 18. *Ostendi mihi fidem tuam ex operibus tuis, & ego ostendam tibi ex operibus fidem meam.* (5) *Num per opera bona fides vera & viva agnoscitur?* nam hoc etiam nos credimus & confitemur, quod *vera fides*, ut *viva*, per bonorum operum

perum studium dignoscatur à *ficta & vana fide*, quæ bonis operibus destituitur, prout *Jacobus* inquit c. II. 17. *Fides, si non habeat opera, mortua est in semetipsa*; & v. 20.  *homo inanis, fides sine operibus, mortua est*. (6) Num opera bona suo modo differentia fidei vere justificantis appellari queant? nam & hoc sano sensu concedere possumus, cum ratione nostri, ad extra, à posteriori &c: fides justificans per opera bona dignoscatur, quæ propterea notæ, *καρτερία, ταμύρια, indicia* &c: fidei justificantis appellantur, & pro differentia quadam, ab effectibus petita, communiter venditantur.

6. Sed potius (7) in quæstione versatur, Num Opera Bona, proprie loquendo, sint specifica differentia fidei justificantis? Sici enim *Crellius* Comment. in Epist. ad Galat. V. v. 6. p. 224. Præterea satis apparet, Paulum hic voluisse fidem eam, quæ justificandi vim habeat, ab ea distinguere, quæ vim talem non habeat, ut quicquid ea ratione admonitus, hujusmodi fidem sibi compareret, qualis hic describitur, non verò vanam aliquam fidei larvā sibi imponat. At qui non est consentaneum, cum discrimen istud petiisse à re, quæ ad justificationem comparandam nihil prodest, ac proinde plane sit extra fidei, cui soli justificatio ex parte nostra adscribitur, naturam. Cur enim non potius differentiam essentialē ac specificam, ut vocant, exprimeret. Ubi præterea notandum, quod in margine scripserit vel *Crellius*, vel *Schubtingius*, qui Commentarium istum edidit. *Charitas specifica fidei differentia*. *Schmalz*. contra *Franz*. p. 362. Opera statuiamus esse formam fidei, & ita ipsam quodammodo fidem, ita, ut quoad verba, idem dicamus cum *Lutherano*, fidem, addo & solam fidem, post *DEI gratiam*, ad salutem requiri. Ex his satis apparet, quam bene *Socinianis* sibi consent, & quomodo singula, quæ faciunt huc, inter se confundant. Eos in verbis quibusdam nobiscum loqui, concedimus, sed in re nobiscum consentire pernegamus.

7. Probare verò conatur suam sententiam (I) à *Pauli* scopo, quia *Paulus* hic voluit fidem eam, quæ justificandi vim habeat, ab ea distinguere, quæ vim talem non habeat, ut quicquid ea ratione admonitus, hujusmodi fidem sibi compareret, qualis hic describitur, non verò vanam aliquam fidei larvā sibi imponat. At qui non est consentaneum, cum discrimen istud petiisse à re, quæ ad justificationem comparandam



nihil prodest, ac proinde plane sit extra fidei, cui soli ex parte nostri iustificatio adscribitur, naturam. R. (1) Apostolus Gal. II. 16. mentem suam de iustificatione satis exposuit, & operibus prorsus eam denegavit: *Scientes, inquit, quod non iustificetur homo ex operibus legis, nisi per fidem Jesu Christi, & nos in Christo Jesu credimus, ut iustificemur ex fide Christi, non ex operibus legis: propter quod ex operibus legis non iustificabitur omnis caro.* Et v. 20. *Viposa non ego, vivit vero in me Christus.* Quod autem nunc vivo in carne, in fide vivo filii DEI, qui dilexit me, & tradidit semetipsum pro me: non ab iusticio gratiam DEI: si enim per legem iustitia, ergo gratis Christus mortuus est. (2) Paulus Gal. V. directe agit de usu Christiana libertatis, caritate, carne & Spiritu, non autem directe agit de iustificatione, licet incidenter, & materialiter, ejus mentionem faciat. (3) et si Paulus voluerit fidem iustificantem à non iustificante distingvere, non tamen propterea sequitur, quod statim specificam differentiam introduxerit, cum multe, præter specificam, differentie communiter adhiberi soleant. (4) Vides non industria nostra comparatur, sed potius ex divina gratia donatur, cum sit opus DEI Job. V. 1. 29. *Disce igitur inter fidem iustificantem, & habitualiter operantem: illa DEI donum, hæc operum nostrorum effectum est.* (5) Discrimen fidei, quod ab operibus desumitur, est à posteriori, non à priori, quia de causa nihil ad iustificationem facere, nec ad fidei naturam pertinere possunt.

8. (II) À differentia specifica statu: Sic enim pergit: *Cure enim non potius differentiam essentialem ac specificam, ut vocant, exprimeret, præsertim cum nequaquam credibile sit, illam obscuram esse, aut talem, quam etiam rudissimus quivis, non posset cognoscere: siquidem unusquodque, hanc fidem præstare, si salutem adipisci velit, debeat.* R. (1) non omnium rerum differentie specifica dari, vel cognosci possunt, sicut ex Philosophia notum: Si proinde difficulter in Philosophia, vel rebus natura notis & omnibus obviis, differentia specifica cognoscuntur, multò magis id de salutis mysteriis concedendum erit. (2) Imò potius hoc notandum est, quod in prædicamentis tantum differentia specifica reperiuntur, jam autem fides iustificans cum aliis mysteriis prædicamenta transcendit, neq. dif-

feren-

*ferentiam specificam* admittit. (3) Cognitio fidei non pendet ex intellectu, sed potius ex *Sancti Spiritus operatione*, & potius in justificatione, quoad *πράξις*, quam quoad *γνώσις*, reperitur, quia per fidem justificantem Christum, ejusque meritum apprehenditur, licet illud Sociniani concedere nolint, tamen alibi satis illud confirmatur. (4) Falsum est, quod fides justificet, quatenus *eam homo praestet*, sed potius salutis causa dicitur, quatenus *DEUS eam donat* *Eph. II. 8.*

9. (III) *Ex necessario nexu*: quia ex eo ipso, quod hac differentia fidem, justificandi vim habentem, ab ea, quæ vi hac careat, distingvat, consequitur, eam saltem cum fide vera, seu justificante, tanquam effectum, cum causa propria, necessario coherere. Atqui necessario non cohereret, nisi ipsa quog, ad salutem consequendam esset necessaria, seu conditio, sine qua salutem DEUS dare nobis non vult, ac proinde etiam fidei illius, cui soli ex parte nostra tribuitur justificatio, pars existeret. R. (1) Si juxta Philosophos. proprie differentiam specificam intelligimus, potius contrarium inde sequitur, cum notum sit, quod differentia specifica non connexionem, vel consecutionem, sed constitutionem inferat, siquidem constitutiva speciei, sicut distinctiva generis dicitur, & propterea specifica vocatur, quia speciem efficere deprehenditur. (2) Si differentia hæc, quæ bonis operibus tribuitur respectu fidei, coheret cum fide, tanquam effectum cum causa, sequitur, quod neutiquam sit differentia specifica, quia differentia specifica non est, nec esse proprie potest effectum. (3) Bona opera neque sunt conditio sine qua non justificationis, aut salutis, prout non semel alibi fuit à nobis demonstratum; & licet talem conditionem inferrent, non tamen propterea differentiam specificam exprimerent, cum inter conditionem sine qua non, & differentiam specificam, maxima sit differentia. (4) Falsum est, quod opera bona necessaria sint ad salutem consequendam, cum tantum à posteriori necessaria sint ad salutem ostendendam. (5) Falsum etiam, quod opera bona sint fidei justificantis pars, cum, juxta scripturam, potius sint fructus & effectus, unde h. l. fides per charitatem conparatur vocatur.

10. (IV) *à fidei justificantis conceptu*: quia ne fingi quidem po-

est ulla fides, quæ necessario charitatem, & bona Opera producat, & bona opera nihil ad justificationem conferre statuantur: Ergo Bona opera sunt specifica fidei differentia, quia conceptum fidei justificantis ingrediuntur. R. (1) *Propter* ut fidei status atque conceptus ad intra, non ad extra, ad Deum, non ad hominem, ad Christum, seu suum meritum, non ad opus, vel effectum respicit, quia fides in vita Christi, vel in Christi iustitia, quam apprehendit, consistit Gal. II. 20. Hinc (2) dicitur aliàs, quod vita fidei sit vel essentialis, vel causalis, vel respectu Dei, vel respectu nostri, vel formalis, vel materialis, vel interna, vel externa &c. prioribus respectibus in Christo vivit, verèq; justificat, posterioribus in effectus vivit, suamq; vitam internam manifestat (3). Si fides opera bona vel necessario, vel non necessario producat, sequitur, quod opera bona non pertinent ad fidei statum proprium & essentialem, cum fides sit causa, sed opera bona sint effectus, quod etiam Crellius th. 9. assererat: jam autem nullus effectus est de causa naturalis, vel essentialis, de proprio ejus statu, vel conceptu, adeoque fides & concipi, & cognosci potest sine bonis operibus, nec ullis hic figmentis opus esse dicitur. (4) Si fides justificans opera bona producat, sequitur, quod opera bona neutiquam aliquid ad justificationem conferant, quia nihil ad causæ naturam effectus conferre potest: nam ut causa plena sit & perfecta, priusquam effectum producat, omnino necessarium est, quia secus operaretur, antequam esset, vel antequam causa foret, quod minimè concedendum (5) Positis tamen his omnibus, sed minimè concessis, nondum immediate sequitur, quod opera bona sint specifica differentia, cum plura sæpius rei conceptum, vel statum ingrediantur, quam differentia specifica.

11. (V) *de* fidei justificantis actu, quia inde fit, ut fides veni, quæ justificationis causa est, quoad nos prima, bona opera necessario pariat, quia ejusmodi est animi inductio, ac certis fundamentis mixta persuasio, te non aliter, nisi pie vixeris, sempiternam vitam consecuturum, atque adeo pietatem vitæ, seu bona opera salutis adipiscenda conditionem, causamq; esse. R. (1) posito, quod sint opera bona vel conditio, vel causa salutis, non tamen simpliciter statim sunt differentia specifica fidei justificantis, cum magis immediata determinatio

sic ad *specifica differentia* demonstrationem necessaria. (2) Falsum, quod vel *conditio*, vel *causa* salutis sint opera bona, cum *salus* sit *donum DEI* Ep 11.8. adeoque nec à nostris operibus causaliter, nec conditionaliter pendet. (3) *Fides vera*, quæ primò respectu nostri justificat, est causa justificationis, nec quatenus est animi inductio, vel certis fundamentis nixa pervalio, nec quatenus est operum bonorum productio, sed quatenus est iustitia coram DEO valentis Rom. 111.24. apprehensio: nam justificatio non est *opus humanum*, sed *divinum*, quia DEUS est, qui justificat Rom. 11X. 31. iustificare verò non potest sine iustitia sive propria, sive sit aliena: cum igitur propriam iustitiam nos peccatores non possideamus, quam DEO, propter peccatum irato, humiliter offerre queamus, omnino necessarium, ut alienam iustitiam afferamus. & nobis ex gratia divina per fidem conferamus, ut coram iudicio DEI consistere valeamus.

12. (VI) *A persuasionis, vel opinionis huius defectu*: quia si tollis huiusmodi ex fide sententiam & opinionem, nimirum, se non aliter, nisi pie vixeris, sempiternam vitam consecuturum. & tollis eadem necessitatem, bona opera pariendo, vel ipsam fidem tolles. Jam verò, quo sublato, tollitur res ipsa, illud est *specifica differentia*. R. (1) Canon iste simpliciter non procedit, cum de partibus essentialibus omnibus valeat, adeoque non statim *specificam differentiam* inferat: sed ita limitanda venit: quo sublato, tanquam *formali*, illud est *specifica differentia*, si non *formaliter*, tamen *materialiter*, cum non omni respectu *forma* sit *differentia specifica*, nec *specifica differentia* sit omni modo *forma*. (2) aliud est bona opera *distingvere*, vel *distincte considerare*, & aliud est eadem à fide *divellere*, vel *prorsus separare*: nos opera bona neutiquam à fide divellimus, sed tamen ut effectum à causa, juxta Crellium ipsum, distinguimus, & respectu diverso, propter gravissimas causas, à negotio justificationis excludimus, cum justificatio sit opus DEI, non hominis. (3) Fides coram iudicio divino considerata respectu justificationis non estimatur ex nostra sententia, nec ex sua energia, sed potius ex gratia justificationis, & meriti, justificationem acquirenti, presentia, cum alias iustitia propter suam severitatem acquiescere non posset.

Set. (4) *Diff. inter præsentiam materiale, & formalem*: licet ejusmodi vel opinio boni propositi dicatur adesse, tamen non *formaliter* adest, quatenus homo peccator justificatur, sed *materialiter* ei tantum adest, qui justificatur. (5) *diff. inter infantes & adultos*: licet in adultis talis persuasio præsens esse possit, tamen de infantibus idem dici nequit; jam autem *specificæ differentiæ* semper quoad rem, non autem *accidentaliter*, vel *materialiter*, quoad subiecta, necessario requiritur.

13. (VII) *de bonorum operum vel defectu, vel neglectu*: quia si bona opera nihil ad salutem facere per se credi, quares, quæ pædes te adiges, ut ea necesariò tibi putes præstanda, atq; adeo re ipsa præstet? R. [1] Multa sunt necessaria, multa pariter utilia sunt, quæ tamen propterea non statim ad salutem vel necessaria, vel utilia sunt; à simpliciter ad secundum quid est oportet argumentari. (2) Licet salutis consequendi ratio non inferat bonorum operum necessitatem, tamen salutis acquisita ratio nos ad bonorum operum studium excitat. [3] Multa sunt alia, quæ nos urgent, ut opera bona faciamus, licet per opera bona salutem non adipiscamur, qualia sunt DEI voluntas, DEI mandata, DEI beneficia, nostrum officium, nostrum debitum & obsequium, & alia quamplurima, quæ nos adigunt, ut opera bona præstanda putemus, & ipsa re quoque præstemus.

14. (IIX) *de salutis finali statu*: quia qui salutis causa pie non vivet, ille nullius rei causa pie necesariò vivet. R. (1) *Diff. inter salutem legalem & Evangelicam*: si homo permansisset in statu integritatis, utiq; legi divinæ satisfacere potuisset, & per obedientiam legis æternam salutem consecutus fuisset: hodie verò, quia non ex justitia, sed ex gratia, non ex lege, sed Evangelio, non ex opere, sed ex fide, salutem expectare necessum habet, salus non est legis, sed Evangelii finis, cum ex lege non justificetur ulla caro Rom. III. 20. (2) Posito, quod salutis causa pie vivere debeamus, tamen illud non statim ad salutis consecutionem, sed potius ad ejus manifestationem, referendum est: multo magis inde sequitur, quod opera bona sint fidei justificantis differentiæ specificæ. (3) *Salutis causa pie vivere*, vel sumitur formaliter, vel materialiter, & consequenter, licet materialiter, pie vivere debeamus, ut candidati salutis æternæ, tamen pro-

pro-

propterea nec *causaliter*, nec *formaliter*, ad salutis consecutionem illud referre fas est.

15. (IX) à *consequente absurdo*: quia *contradictione* se involvunt, quicunque bonis operibus omnem justificationis nobis comparanda vim adimunt, & tamen ea fidei necessarium consequens esse statuunt. R. (1) *contradictionis* arguere, non est *contradictionem* ostendere, cum accusare non sufficiat. (2) non hæc nostra, sed Sancti Spiritus assertio, qui ratione justificationis inter *fidem* & *opera* perpetuam oppositionem introducit, & fidei justificationem tribuit, sed operibus illam adimit, prout multis, usq; clarissimis scripturarum testimoniis, id demonstrari posset, nisi res omnis in apriço posita foret (3) omnem *justificationis comparandæ vim* operibus adimere, & tamen *opera fidei consequens necessarium* statuere, minimè pugnant, cum *consequencia* nihil quicquam faciant ad *comparationem*, sed potius, tanquam *fructus*, omnem *comparationem* fidei L justificationis sequantur.

16. (X) à *distinctione inter opera, & meritum operum*, vano conceptu; quia *vanissima* est illa hac quidem in parte *distinctio*, cum dicunt, se opera non tollere, sed operum meritum. Nam sitam late meritum extendunt, ut eo nomine complectantur quamvis vim bonorum operum, quam, etiam, divina gratia accedente, ad justificationem parientiam, habeant, adeoq; nullum illis inter salutis causas relinquunt locum; quod tale meritum tollit, Bonorum operum necessitatem, & sic ipsa bona opera tollit. Quod si meritum proprie sumant, ita, ut id gratiam divinam in nobis justificandis excludat, jure quidem id faciunt, sed propterea non debent bonis operibus omnem vim ad nos, ex gratia DEI justificandos adimere, seu ex mediis justificationis causis ea penitus eliminare. Neg; enim omnis justificationis causa protinus meritoria est: siquidem nec fides proprie justificationem meretur, aut gratiam DEI excludit, & tamen media salutis causa est. Eodem ergo pacto & bona opera inter medias salutis causas locum habere possunt, esse eorum meritum tollas.

17. R. (1) Quod inter ipsa opera, & operum meritum, maxima discrepantia, vel ex ipsis terminis apertum, ut alia hunc taceamus, quæ prolixè producere possemus. (2) Etiam si vox meriti

refe-

referatur ad vim bonorum operum, quam gratia divina accedente, ad justificationem pariendam habeant, tamen neutiquam hac ratione aliquid contra nos obtinetur: nam primo negamus, quod opera vim habeant ad justificationem pariendam, adeoque nullum est hoc effugium, cum DEUS eam vim istam operibus conferre non velit, & frustra quoque nostris operibus talem conferret, cum justificatione sit opus DEI, non opus nostrum: deinde gratia DEI, quæ nostris operibus contingit, & sanctificationis, vel renovationis, non justificationis, quia bonorum operum studium est novitatis & sanctificationis; denique videtur adversarius etiam bonis operibus præter gratia vim accedentem, propriam ad justificationem vim tribuere, quod prorsus est falsum, cum nihil in nobis sit, quod ad justificationem respicere causaliter possit. (3) Falsum est, quod qui tale meritum tollit, etiam necessitatem bonorum operum tollat, & sic etiam ipsa opera tollat. Nam aliud est, loqui de bonis operibus, eorumque necessitate, aliud de bonorum operum prædictis meritis agere. (4) Male simpliciter adversarius gratiam & meritum opponit simpliciter, quasi gratia sit absolutum, quæ prorsus omne meritum in nobis justificandis excludat, cum suo modo simul stare queant, & respectu nostri, vere gratis justificamur, non tamen, velut absque merito proprio, sic etiam absque merito Christi justificamur. (5) verisimum est, quod non omnis causa justificationis sit meritoria, sed falsum est id, & quod opera bona sint causa justificationis, & quod sint meritoria causa justificationis, quocumque tandem respectu verè meritum justificationis intelligatur, unde nec possunt habere locum media cujusdam causa, cum certum sit, quod inter fidem & opera maxima sit differentia, imò quoad justificationem vera pugna, cum inter se fides & opera opponantur. Hinc (6) facile colligitur, quid de verbis Crollii præcedentibus judicandum sit: Alibi scribit, charitati & bonis operibus, ex fide prodentibus, justificatione, seu aeterna salus adscribitur: Job. 3. 14. 19. 21. 22. Matt. 25. 34. seqq. 1. Pet. 4. 8. imò Jacobus aperte testatur. Jac. 2. 14. 17. & deinceps usque, ad fin. cap. ea in comparanda nobis justificatione ita cum fide concurrere, ut fides, proprie nempe ac stricte sumpta, locum corporis teneat; bona opera locum spiritus; adeo ut, quemadmodum corpus sine spiritu est mortuum, sic fides bonis operibus vacans, sit mortua, & sic nullas habeat vires in nobis justificandis.

QVÆSTIONES ANTI-SOCINIANÆ

EX ARTICULO VII.  
AUGUST. CONFESSIONIS.

DE

ECCLESIA

QVÆSTIO PRIMA.

*An Ecclesiam perpetuo durare necessesse sit?*

DISP. XI.  
R. JOHANN  
MELCHIOR  
DOETSCH-  
MANN, Halâ  
Svevus.

1.

**I**N *Augustana Confessione* Art. 7. dicitur statim ab initio: *Docent. nimirum Ecclesiâ apud nos, quod una, sancta Ecclesia perpetuo mansura sit*: unde non immerito doctrina de *duratione Ecclesiæ*, juxta scripturam, contra varios hæreticos asseritur, & contra Socinianos etiam quæritur: *An Ecclesiam perpetuo durare necessum sit?*

2. Circa *statum controversiæ* non hic nulla præmittenda videntur, cum varia sint, quæ non inutilem observationem merentur. Non enim hic quæritur. (1) *de Ecclesiâ paradisiacâ ante lapsum*, num illa perpetuo duraverit? nam licet Sociniani parum vel doctrinæ, vel Ecclesiæ, protoplastis in paradiso tribuant, cum juxta Smalz. lib. de Vero & Naturali DEI Filio p. 60. *Adamus ante lapsum instar infantis, vel pueri fuerit, qui, quid esset, nudum esse, scire non potuerit*, multo minus aliorum notitiam, cum primis *rerum divinarum*, eidem tribuendam esse censent: *Ista sapientia*, scribit idem Smalz. contr. Fr. p. 44. *rerum divinarum &c: quam Adamo ante lapsum tribuit Franzius, una cum aliis, idea quædam est, in cerebro ipsorum nata, de qua ne ipse quidem in sacris literis*: quæ ratione facile videre est, quod omnem in paradiso vel negent, vel labefactent Ecclesiam, cum sine notitia rerum divinarum Ecclesia consistere nequeat: tamen hic de *Paradisiacâ Ecclesiâ* solliciti non sumus.

3. (2) Neq; de *Ecclesiâ triumphante*, ejusq; *moderâ*, vel *futura duratione*, de qua pariter ipsi Sociniani scripturæ sententiam

X

tiam



ad Gal. V. 22. p. 439. ad hæc verba; *Fructus autem Spiritus est.* annotavit: *Enumeravit, inquit, multa carnis opera, & sic declaravit, quid sit carnis cupiditates perficere: nunc etiam enumerat quosdam Fructus Spiritus: eaq; ratione ostendit, quid sit ambulare Spiritu. quandoquidem non tantum id superius monuit, ne carni indulgeamus, sed contra etiam, ut Spiritu ambulemus, eaq; nos duci patiamur.* Et p. 441. ad verba. *Si vivimus Spiritu, Spiritu & ambulemus: Postquam docuisset Apostolus, sum posse, sum debere homines Christianos carnis opera vitare; nunc contra docet, eos etiam posse & debere FRUCTUS SPIRITUS præstare, quasi dicat: Cum ergo & causa peccatorum Efficiens fuerint sublata, & CAUSA EFFICIENS PIETATIS, seu vis ad eam in hominibus excitandam satis valida sit in vobis, quid aliud restat, quam ut pie vivatis: Vim hac opponitur morti, seu crucifixioni carnis, qualis autem sit hac vita, seu cuius rei, indicat vox adiecta SPIRITU, id est, quam EFFICIT in nobis SPIRITUS SPIRITUS nimirum EVANGELICUS, qui nostrum Spiritum vegetat, animat, alacrem ad omnes actiones bonas facit, illig, vires ad domandam carnem suppeditat. Quocirca si hanc vitam in nobis habemus, quam SPIRITUS, ut sic dicam, inspirat, si nos SPIRITUS DIVINUS animat, Spiritu etiam incedamus, id est, SPIRITUS etiam DIVINUS nos regat, ejus ductum sequamur in actionibus.*

3. Idem etiam B. Franzius Disp. VI. in Aug. Confess. th. 8. proposuerat his verbis: *Causa Efficiens Bonorum Operum prior est Spiritus Sanctus, per Filium DEI effusus super corda credentium. Ideo enim bona opera, Charitas, Gaudium, Pax, Patientia, Benignitas, Bonitas, Longanimitas, Mansuetudo, Fides, Modestia, Continentia, Castitas appellantur Fructus Spiritus Gal. V. 22. Et hisce operibus studiosè vacantes nominantur Spirituales Gal VI. 1. Sic etiam Ezech. XXXVI. 27. dicitur: Spiritum meum dabo in medio vestri, efficiamq; ut in præceptis meis ambuletis, & judicia mea custodiat, & faciat illa. Huc illud, quando David. Psal. 51. 13. petit à DEO, ne amplius ab ipso auferat Spiritum Sanctum.*

4. Hæc B. Franzii, vel communis orthodoxorum Theologorum; & ipsius Pauli sententia; palato Sociniano minus grata fuit. inde:

## DE BONIS OPERIBUS

inde Smalz. contra Franz. p. 167 scripsit; *Causam Efficientem bonorum Operum esse Spiritum Sanctum (ut ait Fr. 1b. 8.) non negamus. An vero ideo bona Opera Fructus Spiritus (Gal. 5.) appellentur, dubium esse videtur.*

5. Ex quibus apparet non esse quæstionem. (1) *An Opera bona fructus spiritus appellari possint?* Ejus enim impudentiæ neutiquam esse voluit Adversarius, cum Paulo contradicere voluerit, unde manifestam hanc appellationem concedere necessum habet (2) Nec deo disquiritur: *Num Spiritus Sanctus sit Efficiens causa bonorum Operum?* nam illud etiam negare non vult, licet vel hic, vel alibi parum Spiritui Sancto tribuat Smalzium, & præterea tales hypotheses de Spiritu Sancto, deq; nostra justificatione, vel reificatione, vel etiam de bonis operibus foveat, ut vix cum illis hæc assertio consistere queat. Sed (3) quæritur, *Annon Opera bona Fructus Spiritus à Spiritu Sancto, tanquam Efficienti causa, Paulo vocentur?* Nos affirmativam, Smalzio contradicente, sententiam tuemur.

6. Ne vero gratis Franzio contradixisse, vel dicam dubitationis scripsisse videretur Smalzium, propterea nonnullas etiam rationes adicere voluit. (1) Primum argumentum desumit ab oppositione operum carnis & Spiritus: *Quia opponitur ibi fructus Spiritus operibus carnis. Quomodo igitur Opera carnis sunt ea, quæ ab affectibus hominum proficiuntur: sic fructus Spiritus ea bona opera videntur esse, quæ à ratione hominis promanant.* R. (1) illa videntur Smalzio, sed revera non sunt, sicut alias dicitur: *multa videntur, & non sunt.* (2) Oppositio talis potius contrarium ostendit. Nam caro & Spiritus Sanctus primò dicuntur opponi, sicut patet ex Job. III. 6. *Quicquid ex carne natum est, caro est, & quicquid ex Spiritu natum est, Spiritus est.* Unde Schliebring. in Côm. Evangel. Job. p. 27. *Ex aqua & Spiritu, scribit; Non dicit ex aqua & ex Spiritu, tanquam ex duabus rebus diversis, sed ex aqua & Spiritu, voce Spiritus, cui nec articulum adjecit, per exegesis addit, id est, ex aqua, quæ Spiritus est, Spiritus ille ADOPTIONIS, quem Christus effundit in suos discipulos. Ideo mox v. 6. 8. solius Spiritus neminit. Soles enim Spiritus aqua comparari, qui ideo & effundi dicitur. Conf.*

messe poterat: sed de EO DEI SPIRITU, qualem CHRISTUS LARGITUR, & qui Evangelicæ doctrinæ proprius est ac peculiaris, qui id præstare potest, ut aliquis sit in Spiritu, id est, Spiritualis ex carnali evadat homine. Ostendit autem se meritis præsupponi in illis habitare DEI SPIRITUM, siquidem illos pro veris Christianis reputer. Alioquin enim, Christi Spiritu præditi non sint, illos non esse Christi, id est, ad Christi reverentiam pertinere, nec inter ejus veros ac genuinos discipulos numerando esse. (4) Opera carnalia quidem à carne, sed opera Spiritus non ab hominis ratione, sed à Sancti Spiritus renovatione, vel sanctificatione proficiuntur.

7. (II). Quis fructus Spiritus ea bona opera videntur esse, quæ à ratione hominis, divina revelatione, quæ in Evangelio continetur, illustrata promanant. R: (1) Unius positio, non est alterius remotio: nam Spiritus Sanctus, & ratio, per Evangelium illustrata, vel elevata, non invicem contrariantur, sed subordinantur, cum Spiritus Sanctus non immediate, sed mediate, nim. per renovationem hominis, ejusque virium, sit Autor Bonorum operum. (2) Idem B. Frantz. ib. g. se. 7. q. non obscurius indicaverat, scribens: Causa efficiens bonorum operum posterior est, Cor & voluntas hominis renata, seu à DEO conversi. Non enim sunt bona opera fructus liberi arbitrii, nisi quatenus jam per gratiam liberatum est I. Job. V. 8. scimus, quis omnis, qui est ex DEO, non peccat, sed generatio DEI conservat eum, & malignus non tangit eum Matt. 7. 7. omnis arbor bona fructus bonos facit: Sed nec illa sine suggillatione S. Matthei dimittere potuit: sic enim eadem, licet frustra, perstringit: Bona opera non esse fructus liberi arbitrii, nisi quatenus jam per DEI gratiam liberatum est, obscure dictum est, & errore non caret. Certum enim est, hominem etiam non renatum, posse natura, & ratione duce, bona opera præstare, licet non ita perfecte, quemadmodum is, qui renatus est, nec est, nec ita perfecta, nec DEO etiam ita accepta, quemadmodum ea sunt, quæ quivis Christi amore facit & cito fingit, quoad hominem non renat, etiam vere bona opera præstare valeat licet non adeo perfecta, quæ renatis tribuit. (3) Ratio cum & à Spiritu Sancto verè dicitur illuminata, sed sine Spiritu Sancto verè tenebrosa, quicquid igitur illuminata ratione quæ talis est, tribuitur, illud merito Spiritui Sancto, seu causæ principali, deferatur.

T 3

8. (III)

8. (III) *Quia statim additur v. 25. Si Spiritu vivimus, spiritu etiam ambulemus. R. (1) Spiritu vivere est à Spiritu Sancto vivere, spiritu ambulare, est à Spiritu Sancto ambulare, quia nec prius, nec posterius humanæ virtutis, sed divina benignitatis. Sic igitur nostra per hæc verba confirmatur sententia. (2) Paulus triplex quasi genus hominum tribus versiculis ultimis insinuat. (a) *hominum Carnalium*, qui simpliciter indulgent affectibus & concupiscentiis, qui non sunt Christi; nam qui Christi sunt, crucifigunt carnem cum affectibus & concupiscentiis (b) *hominum fidelium*, qui tunc *privative* describuntur, quod carnem cum affectibus & concupiscentiis crucifigere debeant; & *positive*, quod Spiritu vivere & spiritu ambulare, semper illis conveniat. (c) *hypocritarum*, qui sunt inanis gloriæ cupidi, invicem se provocantes, invicem invidentes. (3) Nostram etiam sententiam *Crelliana* loci hujus interpretatio, quæ superius adduxim; confirmat; hic *B. Balduini* exegesis Comment. super h. l. saltem producit: *Spiritu vivere, scribit, est à Spiritu Sancto duci, quod filiorum proprium est: is enim est, qui vivificat Joh. 6. & ex mortuis viventes, ex peccatoribus justos facit: qui ergo Spiritu vivunt, Spiritu quoque ambulare debent, hoc est, in bonis se exercere, ex quibus spiritualis illa vita in ipsis agnoscitur. Et apbor. 11. d. l. Non sufficit jactare Spiritum Sanctum, quod & hypocrite facere possunt, sed si vivimus spiritu, & spiritu ambulemus, inquit Paulus v. 25. Nam quemadmodum ex respiratione vitam agnoscimus in corpore, ita ex motibus pietatis Spiritum Sanctum, qui vitæ nostræ est, in anima habitantem animadvertimus, quo similis iuratur Jacobus c. 2. 26. Et Christus inquit ad Nicodemum? Spiritus ubi vult, spirat, & vocem ejus audis, sed nescis, unde veniat, & quo vadat, & sic est omnis, qui natus est ex Spiritu Joh. 3. 8.**

### QVÆSTIO SECUNDA.

*Num Opera Bona sint specifica differentia fidei justificantis.*

1. Circa *questionis* Statum rectius constituendum & cognoscendum, non inutile futurum, si prius unum, vel alterum præsup-

supponamus, & ea, quæ controversa non sunt, ex oculis removeamus. Notandum igitur. (1) quod per *Opera bona* non intelligamus hic *opera bona* vel *naturalia*, quæ naturam ipsam, seu causam, respiciunt, eamque; mediantibus proprietatibus perficiunt; aut alio modo naturam concernere deprehenduntur: nam certum est, quod dentur opera bona naturæ, quæ sunt à natura, in natura, secundum naturam, propter naturam, circa naturam, ad naturam &c: vel *moralia*, quæ per rectam rationem ex virtutis studio proficiuntur, & ad virtutis habitum vel constituendum, vel excolendum, vel exercendum ordinantur; vel *civilia*, quæ res civiles respiciunt, & ad illarum vel gubernationem, vel conservationem referuntur; vel *œconomica*, quorum usus multiplex in œconomia necessarius: vel *aristotelia*, quibus artes necessariae, vel utiles exercentur &c: Sed *spiritualia*, quæ secundum articulum præsentem in *Augustiana Confessione* considerantur.

2. (2) Quod *opera bona* non tam ratione *sui*, quam ratione *DEI*, non *ab extra*, sed *ab intra*, non *in se*, sed *in fide*, vel ejus respectu considerentur, cum in ipsa quæstione disertis verbis ad *fidem justificantem* referantur, quando quæritur: Num *opera bona sint specifica differentia fidei justificantis*? adeoque non tam *hominem operantem*, quam *fidem justificantem* respiciunt.

3. (3) *Fidem justificantem* ita vocari, non ratione *sæpe quidditatis*, quocumque; etiam modo quidditas simpliciter & absolute sine debita relatione declaretur: nulla siquidem fidei quidditas, quatenus in se spectatur & absolute, justificare potest, nec *ratione quantitatis* quatenus vel magna, vel parva, cum quantitatis perfe non sit ulla efficacia; nec *ratione qualitatis*, sive consideretur ut *dispositio*, vel *habitus*, sive ut *potentia* quædam mentis & voluntatis humanæ, quamlibet etiam spiritualis potentia significetur: nam ratione sui posse vel naturalis, vel moralis, vel absolute loquendo spiritualis, fides opus hoc ingens nostræ coram DEO justificationis præstare valet, sive, ratione *firmitatis*, vel *infirmitatis* spectetur, aut sub aliarum qualitarum respectibus: qualitas nostra, vel etiam interna fidei per se coram DEO valere non potest: nec *ratione activitatis*, quatenus formaliter ut apprehensio, vel actio.

actio notatur &c: Sed tantum *relative*, respectu *vita*, quam in Christo Jesu possidere dicitur, quatenus nimirum Christi meritum, & in eo iustitiam coram DEO valentem apprehendit.

4. (4) *Per specificam differentiam*, non *differentiam* aliquam *communem*, quæ multis convenire queat; non *differentiam accidentalem*, quæ per accidens contingere, vel subiecto tuo tum adesse, tum abesse posse deprehendatur; non *externam*, quæ tantum ad extra quodammodo fidem iustificantem respicit, non *nude consecutivam*, quæ modo quocumque fidei iustificantis naturam consequi videatur, eamque quodammodo distingvere dicatur: sed potius de differentia *propria, essentiali, interna & constitutiva* nobis sermo, quemadmodum ex ipsis Socinianorum verbis apparebit.

5. His præsuppositis & ad terminorum evolutionem notatis, circa controversia statum explicandum observabimus, quod non sit in questione (1) *Num opera bona vere bona sint?* Nam omnino sic dicuntur, & quidem non falso, sed verè, cum dici requirat inesse, ideo suo modo talibus operibus & *bonitatem legalem & Evangelicam* tribuimus (2) *Num opera bona facienda sint?* Nam opera bona juxta Dei legem præcipimus & urgemus, & ab omnibus credentibus requirimus. Unde *Confess. Aug. Art. 20.* monet: *Falso accusantur nostri, quod opera bona prohibeant.* (3) *Num opera bona ad fidem referri possint, & jure ad fidem referenda sint?* nos enim multis modis opera bona referenda ducimus ad fidem, cum opera bona sine fide nec fieri, nec esse, nec operari queant, & omnem suum valorem à fide possideant & obtineant, cum absque fide sit impossibile placere DEO *Heb. XI. 6.* (4) *Num per opera bona fides vera & viva cognosci queat?* Nam opera bona dicimus esse fidei iustificantis symbola, signa, testimonia, indicia &c: secundum illud Christi *Matt. V. 16.* *Luceat lux vestra* nim. fidei iustificantis, *coram hominibus, ut videant opera vestra bona, & glorificetur Pater vester, qui in cælis est:* & *Jacobi c. II. 18.* *Ostendi mihi fidem tuam ex operibus tuis, & ego ostendam tibi ex operibus fidem tuam* (5) *Num per opera bona fides vera & viva cognosci queat?* nam hoc etiam nos credimus & confitemur, quod *vera fides, ut viva, per bonorum operum*

perum

perum studium dignoscatur à *ficta & vana fide*, quæ bonis operibus destituitur, prout *Jacobus* inquit c. II. 17. *Fides, si non habeat opera, mortua est in semetipsa*; & v. 20. *homo inanis, fides sine operibus, mortua est.* (6) Num opera bona suo modo differentia fidei vere justificanti appellari queant? nam & hoc sano sensu concedere possumus, cum ratione nostri, ad extra, à posteriori &c: fides justificans per opera bona dignoscatur, quæ propterea notæ, *xpniæ, triuiphæ, indicia* &c: fidei justificantis appellantur, & pro differentia quadam, ab effectibus petita, communiter venditantur.

6. Sed potius (7) in quæstione versatur, Num Opera Bona, proprie loquendo, sint specifica differentia fidei justificanti? Sicut enim *Crellius* Comment. in Epist. ad Galat. V. v. 6. p. 224. Præterea satis apparet, Paulum hic voluisse fidem eam, quæ justificandi vim habeat, ab ea distingvere, quæ vim talem non habeat, ut quicquid ea ratione admonitur, hujusmodi fidem sibi compareret, qualis hic describitur, non verò vanam aliquam fidei larvā sibi imponat. Atqui non est consentaneum, cum discrimen istud petiisse à re, quæ ad justificationem comparandam nihil profit, ac proinde plane sit extra fidei, cui soli justificatio ex parte nostra adscribitur, naturam. Cur enim non potius differentiam essentialem ac specificam, ut vocant, exprimeret. Ubi præterea notandum, quod in margine scripserit vel *Crellius*, vel *Schubringius*, qui Commentarium istum edidit. *Charitas specifica fidei differentia.* *Schmalz.* contra *Franz.* p. 362. Opera statuimus esse formam fidei, & ita ipsam quodammodo fidem, ita, ut quoad verba, idem dicamus cum *Lutherano*, fidem, addo & solam fidem, post DEI gratiam, ad salutem requiri. Ex his satis apparet, quam bene *Sociniani* sibi consent, & quomodo singula, quæ faciunt huc, inter se confundant. Eos in verbis quibusdam nobiscum loqui, concedimus, sed in re nobiscum consentire pernegamus.

7. Probare verò conatur suam sententiam (I) à *Pauli* scopo, quia *Paulus* hic voluit fidem eam, quæ justificandi vim habeat, ab ea distingvere, quæ vim talem non habeat, ut quicquid ea ratione admonitur, hujusmodi fidem sibi compareret, qualis hic describitur, non verò vanam aliquā fidei larvā sibi imponat. Atqui non est consentaneum, cum discrimen istud petiisse à re, quæ ad justificationem comparandam

nihil prodest, ac proinde plane sic extra fidei, cui soli ex parte nostrae justificationis adscribitur, naturam. R. (1) Apostolus Gal. II. 16. mentem suam de justificatione satis exposuit, & operibus prorsus eam denegavit: *Scientes, inquit, quod non justificetur homo ex operibus legis, nisi per fidem Jesu Christi, & nos in Christo Jesu credimus, ut justificemur ex fide Christi, non ex operibus legis: propter quod ex operibus legis non justificabitur omnis caro.* Et v. 20. *Vipio jam non ego, vivit verò in me Christus.* Quod autem nunc vivo in carne, in fide vivo filii DEI, qui dilexit me, & tradidit semetipsum pro me: non abjicio gratiam DEI: si enim per legem justitia, ergo gratis Christus mortuus est. (2) Paulus Gal. V. directe agit de usu Christiana libertatis, charitate, carne & Spiritu, non autem directe agit de justificatione, licet incidenter, & materialiter, ejus mentionem faciat. (3) et si Paulus voluerit fidem justificantem à non justificante distinguere, non tamen propterea sequitur, quod statim specificam differentiam introduxerit, cum multæ, præter specificam, differentiae communiter adhiberi soleant. (4) Fides non industria nostra comparatur, sed potius ex divina gratia donatur, cum sit opus DEI Job. VI. 29. *Disce, igitur inter fidem justificantem, & habitualiter operantem, illa DEI donum, hæc operum nostrorum effectum est.* (5) *Discrimen fidei, quod ab operibus desumitur, est à posteriori, non à priori, quia de causa nihil ad justificationem facere, nec ad fidei naturam pertinere possunt.*

8. (II) À differentia specifica statu: Sic enim pergit: *Cum enim non potius differentiam essentialem ac specificam, ut vocant, exemplariter præferim cum nequaquam credibile sit, illam obscuram esse, aut talem, quam etiam rudissimus quivis, non posset cognoscere: siquidem unusquisque, hanc fidem præstare, si salutem adipisci velit, debeat.* R. (1) non omnium rerum differentia specifica dari, vel cognosci possunt, sicut ex Philosophia notum. Si proinde difficulter in Philosophia, vel rebus natura notis & omnibus obviis, differentia specifica cognoscuntur, multò magis id de salutis mysteriis concedendum erit. (2) Imò potius hoc notandum est, quod in prædicamentis tantum differentia specifica reperiantur, jam autem fides justificans cum aliis mysteriis prædicamenta transcendit, nec differetiam



*ferentiam specificam* admittit. (3) Cognitio fidei non pendet ex intellectu, sed potius ex *Sancti Spiritus operatione*, & potius in *justificatione*, quoad *πᾶσι*, quam quoad *ὑμῶν*, reperitur, quia per fidem *justificantem Christus*, ejusque meritum apprehenditur, licet illud *Sociniani* concedere nolint, tamen alibi satis illud confirmatur. (4) Falsum est, quod fides justificet, quatenus *eam homo prae-*stas, sed potius salutis causa dicitur, quatenus *DEus eam donat* *Eph. II. 8.*

9. (III) *Ex necessario nexu*: quia ex eo ipso, quod haec differentia fidem, justificandi vim habentem, ab ea, quae vi hac careat, distingvat, consequitur, eam saltem cum fide vera, seu justificante, tanquam effectum, cum causa propria, necessario cohaerere. Atqui necessarium non cohereret, nisi ipsa quog, ad salutem consequendam esset necessaria, seu conditio, sine qua salutem DEus dare nobis non vult, ac proinde etiam fidei illius, cui soli ex parte nostra tribuitur justificatio, pars existeret. R. (1) Si juxta *Philosophos* proprie differentiam specificam intelligimus, potius contrarium inde sequitur, cum notum sit, quod differentia specifica non connexionem, vel consecutionem, sed constitutionem inferat, siquidem constitutiva speciei, sicut distinctiva generis dicitur, & propterea specifica vocatur, quia speciem efficere deprehenditur. (2) Si differentia haec, quae bonis operibus tribuitur respectu fidei, cohaeret cum fide, tanquam effectum cum causa, sequitur, quod neutiquam sit differentia specifica, quia differentia specifica non est, nec esse proprie potest effectum. (3) Bona opera neque sunt conditio sine qua non justificationis, aut salutis, prout non semel alibi fuit à nobis demonstratum; & licet talem conditionem inferrent, non tamen propterea differentiam specificam exprimerent, cum inter conditionem sine qua non, & differentiam specificam, maxima sit differentia. (4) Falsum est, quod opera bona necessaria sint ad salutem consequendam, cum tantum à posteriori necessaria sint ad salutem ostendendam. (5) Falsum etiam, quod opera bona sint fidei justificantis pars, cum, juxta scripturam, potius sint fructus & effectus, unde h. l. fides per charitatem conjugium vocatur.

10. (IV) *à fidei justificantis conceptu*: quia ne fingi quidem po-

est ulla fides, qua necessario charitatem, & bona Opera producat, & bona opera nihil ad justificationem conferre statuantur: Ergo Bona opera sunt specifica fidei differentia, quia conceptum fidei justificantis ingrediuntur. R. (1) *Proprium fidei status*, atque conceptus ad intra, non ad extra, ad Deum, non ad hominem, ad Christum; ejusque meritum, non ad opus, vel effectum respicit, quia fides in vita Christi, vel in Christi justitia, quam apprehendit, consistit Gal. II. 20. Hinc. (2) dicitur aliis, quod *viam fidei* sit vel *essentialis*, vel *causalis*, vel *respectu DEI*, vel *respectu nostri*, vel *formalis*, vel *materialis*, vel *interna*, vel *externa* &c. prioribus respectibus in Christo vivit, verique justificat, posterioribus in effectis vivit, suamque vitam internam manifestat (3). Si fides opera bona vel necessario, vel non necessario producit, sequitur, quod opera bona non pertineant ad fidei *status proprium* & *essentialem*, cum fides sit *causa*, sed opera bona sint *effectum*, quod etiam Crellius th. 9. asserbat: jam autem nullus effectus est de *causa natura*, vel *essentia*, de *proprio ejus statu*, vel *conceptu*, adeoque fides & concipi, & cognosci potest sine bonis operibus, nec ullis hic figmentis opus esse dicitur. (4) Si fides justificans opera bona producit, sequitur, quod opera bona neutriquam aliquid ad justificationem conferant, quia nihil ad causam naturam effectus conferre potest: nam ut causa plena sit & perfecta, priusquam effectum producat, omnino necessarium est, quia secus operaretur, antequam esset, vel antequam causa foret, quod minime concedendum (5) Positis tamen his omnibus, sed minime concessis, nondum immediate sequitur, quod opera bona sint *specificae differentiae*, cum plura saepius rei conceptum, vel *status* ingrediuntur, quam *differentiae specificae*.

II. (V) *Ad fidei justificantis actum*, quia inde fit, ut fides vera, quae justificationis causa est, quoad nos prima, bona opera necessario pariat, quia ejusmodi est animi indultio, ac certum fundamentum nixa persuasio, se non aliter, nisi pie vixerit, sempiternam vitam consecuturum, atque adeo pietatem vitae, seu bona opera salutis adipiscenda conditionem, causamque esse. R. (1) posito, quod sint opera bona vel *conditio*, vel *causa salutis*, non tamen simpliciter statim sunt *differentiae specificae* fidei justificantis, cum magis immediata determinatio sit

fit ad *specificam differentiam* demonstrationem necessaria. (2) Falsum, quod vel *conditio*, vel *causa* salutis sint opera bona, cum *salus* sit *donum DEI* *Eph. II. 8.* adeoque nec à nostris operibus causaliter, nec conditionaliter pendet. (3) *Fides vera*, quæ primò respectu nostræ iustificat, est causa justificationis, nec quatenus est animi inductio, vel certis fundamentis nixa persuasio, nec quatenus est operum bonorum productio, sed quatenus est iustitiæ coram DEO valentis *Rom. III. 24.* apprehensio: nam iustificatio non est *opus humanum*, sed *divinum*, quia DEUS est, qui iustificat *Rom. II. 13.* iustificare verò non potest sine iustitia live propria, live sit aliena: cum igitur propriam iustitiam nos peccatores non possideamus, quam DEO, propter peccatum irato, humiliter offerre queamus, omnino necessarium, ut alienam iustitiam afferamus, & nobis ex gratia divina per fidem conferamus, ut coram iudicio DEI consistere valeamus.

11. (VI) *A persuasionis, vel opinionis huius defectu*: quia si tolli huiusmodi ex fide sententiam & opinionem, nimirum, se non aliter, nisi pie vixerit, sempiternam vitam consecuturum, & tolli ab eadem necessitatem, bona opera pariendi, vel ipsam fidem tollere. Jam verò, quo sublato, tollitur res ipsa, illud est *specificam differentiam*. 1. (1) Canon iste simpliciter non procedit, cum de partibus essentialibus omnibus valeat, adeoque non statim *specificam differentiam* inferat: sed ita limitanda venit: quo sublato, nunquam *formali*, illud est *specificam differentiam*, si non *formaliter*, tamen *materialiter*, cum non omni respectu *forma* sit *differentia specifica*, nec *specificam differentiam* sit omni modo *forma*. (2) aliud est bona opera distinguere, vel *distincte considerare*, & aliud est eadem à fide divellere, vel *prorsus separare* nos opera bona neusquam à fide divellimus, sed tamen ut effectum à causa, juxta *Crollium* ipsum, distinguimus, & respectu diverso, propter gravissimas causas, à negotio justificationis excludimus, cum iustificatio sit opus DEI, non hominis. (3) Fides coram iudicio divino considerata respectu justificationis non estimatur ex *nostra sententia*, nec ex *sua energia*, sed potius ex *gratia justificationis*, & *meriti*, justificationem acquirenti, *presentia*, cum aliàs iustitia propter suam severitatem acquiescere non posset.

loc. (4) *Diff. inter præsentiam materiale, & formalem*: licet ejusmodi vel opinio propositi dicatur adesse, tamen non *formaliter* adest, *quatenus* homo peccator justificatur, sed *materialiter* ei tantum adest, *qui* justificatur. (5) *diff. inter infantes & adultos*: licet in adultis talis persuasio præsens esse possit, tamen de infantibus idem dici nequit; jam autem *specificæ differentia* semper *quoad rem*, non autem *accidentaliter*, vel *materialiter*, quoad *subiecta*, necessario requiritur.

13. (VII) *de bonorum operum vel defectu, vel neglectu*: quia si bona opera nihil ad salutem facere per se credis, quæ res, quæ pæces te adiget, ut ea necessario tibi putes præstanda, sig. adeo re ipsa præstes? R. [1] Multa sunt necessaria, multa pariter utilia sunt, quæ tamen propterea non statim ad salutem vel necessaria, vel utilia sunt: 2 simpliciter ad secundum quid est *omnis* argumentari. (2) Licet salutis consequendi ratio non inferat bonorum operum necessitatem, tamen salutis acquisita ratio nos ad bonorum operum studium excitat. [3] Multa sunt alia, quæ nos urgent, ut opera bona faciamus, licet per opera bona salutem non adipiscamur, qualia sunt *DEI voluntas, DEI mandata, DEI beneficia, nostrum officium, nostrum debitum & obsequium*, & alia quamplurima, quæ nos adigunt, ut opera bona præstanda putemus, & ipsa re quoque præstemus.

14. (IIX) *de salutis finalitate*: quia qui salutis causa pie non vivit, ille nullius rei causa pie necessario vivet. R. (1) *Diff. inter salutem legalem & Evangelicam*: si homo permanisset in statu integritatis, utique legi divinæ satisfacere potuisset, & per obedientiam legis æternam salutem consecutus fuisset: hodie verò, quia non ex iustitia, sed ex gratia, non ex lege, sed Evangelio, non ex opere, sed ex fide, salutem expectare necessum habet, salus non est legis, sed Evangelii finis, cum ex lege non justificetur ulla caro Rom. III, 20. (2) Posito, quod salutis causa pie vivere debeamus, tamen illud non statim ad salutis consecutionem, sed potius ad ejus manifestationem, referendum est: multo magis inde sequitur, quod opera bona sint fidei justificantis differentia specifica. (3) *Salutis causa pie vivere*, vel sumitur formaliter, vel materialiter, & consequenter, licet materialiter, pie vivere debeamus, ut candidati salutis æternæ, tamen pro-

propterea nec *causaliter*, nec *formaliter*, ad salutis consecutionem illud referre fas est.

15. (IX) à *consequente absurdo*: quia *contradictione* se involunt, quicunque bonis operibus omnem justificationis nobis comparanda vim adimunt, & tamen ea fidei necessarium consequens esse statuunt. R. (1) *contradictionis* arguere, non est *contradictionem* ostendere, cum accusare non sufficiat. (2) non hæc nostra, sed Sancti Spiritus assertio, qui ratione justificationis inter *fidem* & *opera* perpetuam oppositionem introducit, & fidei justificationem tribuit, sed operibus illam adimit, prout multis, usque clarissimis scripturarum testimoniis, id demonstrari posset, nisi res omnis in aprico posita foret (3) omnem justificationis comparandæ vim operibus adimere, & tamen opera fidei consequens necessarium statuere, minimè pugnant, cum *consequentia* nihil quicquam faciant ad *comparationem*, sed potius, tanquam *fructus*, omnem *comparationem* fidei I. justificationis sequantur.

16. (X) à *distinctione* inter opera, & meritum operum, vane conceptus; quia vanissima est illa hac quidem in parte distinctio; cum dicunt, se opera non tollere, sed operum meritum. Nam fixam latè meritum extendunt, ut eo nomine complectantur quamvis vim bonorum operum, quam etiam, divina gratia accedente, ad justificationem parandam, habeant, adeoque, nullum illi inter salutis causas relinquant locum; quicquid meritum tollit, Bonorum operum necessitatem, & sic ipsa æqua opera tollit. Quod si meritum proprie sumant, ita, ut id gratiam divinam in nobis justificandis excludat, jure quidem id faciunt, sed propterea non debent bonis operibus omnem vim ad nos, ex gratia DEI justificandos adimere, seu ex mediis justificationis causis ea penitus eliminare. Neque enim omnis justificationis causa protinus meritoria est: siquidem nec fides proprie justificationem meretur, aut gratiam DEI excludit, & tamen media salutis causa est. Eodem ergo pacto & bona opera inter medias salutis causas locum habere possunt, esse eorum meritum tollas.

17. R. (1) Quod inter ipsa opera, & operum meritum, maxima discrepantia, vel ex ipsis terminis apertum, ut alia hunc taceamus, quæ prolixè producere possemus. (2) Etiam si vox meriti

refe-

QUESTIONES ANTI-SOCINIANÆ

EX ARTICULO VII.

AUGUST. CONFESSIONIS.

DE

ECCLESIA

QVÆSTIO PRIMA.

*An Ecclesiam perpetuo durare necessesse sit?*

DISP. XI.

Æ JOHANN

MELCHIOR

DOETSCH-

MANN, Halæ

Svevus.

**I**N *Augustana Confessione* Art. 7. dicitur statim ab initio: *Docent. nimirum Ecclesiæ apud nos, quod una, sancta Ecclesia perpetuo mansura sit*; unde non immerito doctrina de *duratione Ecclesiæ*, juxta scripturam, contra varios hæreticos asseritur, & contra *Socinianos* etiam quæritur: *An Ecclesiam perpetuo durare necessum sit?*

2. Circa *statum controversiæ* non hic nulla præmittenda videntur, cum varia sint, quæ non inutilem observationem merentur. Non enim hic quæritur. (1) *de Ecclesia paradisiaca ante lapsum*, num illa perpetuo duraverit? nam licet *Sociniani* parum vel doctrinæ, vel Ecclesiæ, protoplastis in paradiso tribuant, cum juxta *Smalz. lib. de Vero & Naturali DEI Filio* p. 60. *Adamus ante lapsum instat infantia, vel pueri fuerit, qui, quid esset, nudum esse, scire non potuerit*, multo minus aliorum notitiam, cum primis *rerum divinarum*, eidemtribuendam esse censent: *Ista sapientia*, scribit idem *Smalz. contr. Fr. p. 44. rerum divinarum &c: quam Adamo ante lapsum tribuit Franzius, una cum aliis, idea quædam est, in cerebro ipso nata, de qua ne γῦν qvidem in sacris literis*: quæ ratione facile videre est, quod omnem in paradiso vel negent, vel labefactent Ecclesiæ; cum sine notitia rerum divinarum Ecclesiæ consistere nequeat: tamen hic de *Paradisiaca Ecclesia* solliciti non sumus.

3. (2) Neq; de *Ecclesia triumphante*, ejusq; *modernæ*, vel *futuræ durationis*, de qua pariter ipsi *Sociniani* scripturæ sententiam

tiam non admittunt, cum negent, esse nunc *Ecclesiam triumphantem* in cœlis, & sic eam hodie durare. Sic enim Smalz. contr. Fr. p. 273. scribit: *Nulla revera nunc est triumphans (Ecclesia) sed olim futura est, cum Christus Jesus venerit reddidit unicuique secundum operum ipsius.* Nam *Augustana Confessio* in toto articulo septimo non de triumphante, sed de militante Ecclesia, doctrinam orthodoxam proponit.

4. (3) Neq; de certa militanti Ecclesia specie quæstio præsens intelligenda venit, quæ ratione Sociniani fingunt, Aliam Ecclesiam *Adamiticam*, aliam *Abrahamiticam*, aliam *Mosaicam*, aliam *Christianam* pro diversa religione, quam itidem sic specie diversam fabulantur, adeoq; sic etiam specie diversas Ecclesias comminiscuntur, sicut, *Volkel. l. 2. de Ver. Relig. c. 8. agit de Religione primi mundi, c. 9. de Religione, Abrahamo tradita c. 10. seqq. de Religione Mosaica c. 10. seqq. de Religione Christiana, l. 3. c. 1. seqq.* & unicuique harum religionum, ratione cultus, diversa præcepta & promissa tribuit. Nos enim juxta *Paulum Eph. IV. 4.* non plures, sed unam tantum novimus Ecclesiam, in paradiso plantatam, temporibus *Adami, Abrahami, Moysi*, continuatam & illustratam, & tempore *Christi* confirmatam, adeoq; sic in militia hujus mundi perpetuo durantem, non obstante eo, quod variis scommatibus Sociniani doctrinam hanc orthodoxam traducant. Sic enim Smalz. d.l. p. 275. *secunda fabula est, quod Ecclesiam ex lapsu perditam, Deus in filio suo restaurare probat (Francius) ex loco Gen. 3. 15. Ubi nec Ecclesia, nec Filius, nec restorationis ulla mentio fit, aut similitudo est.*

5. (4) Neq; quæritur de florencia, vel certo Ecclesia statu, num Ecclesia militans his in terris itaduret, ut semper floreat, & debitam integritatem, ac conspicuam eminentiam retineat? Nam hoc etiam nos minime simpliciter asserimus; sed potius contrarium contra *Papistas* defendimus, ut vel ex omnium, vel plerorumq; Doctorum & Interpretum hujus artic. VII. *August. Conf.* videre licet, cum certum sit, quod non semper visibiliter Ecclesia floreat, sed sæpius tempore persecutionis invisibiliter lateat. Videntur equidem Sociniani nobiscum hac in re sentire, sicut Smalz. d.l. p. 284. *An Ecclesia visibilis aliquando penitus interierit.*

ex *Ostorodo*, scilicet *Franzius* sect. 9. disputat: *Hic omnia, quæ Franzius scribit, persequi esset hominem imitari, qui vel falsus est, vel fallere alios vult. Itaq; summam rei exponam, ut quid hac de re lector benevolus statuere debeat, in promtu habeat. Nunquam dicat Ostorodus, se sentire, Ecclesiam non semper mansisse: quia contrarium dicere videtur, dum dicit, ex locis Apocal. quos allegant illi, qui omnem Ecclesiam interivisse affirmant, constare, semper aliquam fuisse Ecclesiam, quantumvis obscuram. Affirmat autem Ostorodus, & nos cum eo, Non necesse esse, statuere semper aliquam, præsertim visibilem, fuisse Ecclesiam. Interim eam esse potuisse, nec ipse, nec nos negamus. Verum ipse Smalzius d. l. in margine notat: NON EST NECESSE, semper aliquam fuisse Ecclesiam: quibus thesin doctrinæ suæ satis luculenter indicat, & contradiCTORIAM nostræ thesios antiebsin verbis apertissimis format. Deinde verbis dubiis mentem suam explicat: Non necesse esse semper, ALIQUAM PRÆSERTIM VISIBILEM fuisse Ecclesiam. Si tantum de visibili statu loqueretur, *Franzius* non contradiceret, neq; contra *Lutheranos* disputaret, nec omnem insuper Ecclesiæ durationem diserte negaret: Non est necesse, semper ALIQUAM fuisse Ecclesiam. Deniq; *Franzius* ipse *Diff. IIX. sb. 44.* hæc monuerat inqviens: *Esti autem Ostorodus recte facit, quod rejicit hanc temerariam opinionem, unde nec nos in ea conficienda, & refutanda, vel ullum unum verbum amplius adjiciemus, tamen è regione incidit in temeritatem non minus exiguam, quando contendit, se quoq; non posse affirmare, vel statuere hoc ipsum pro certo, quod Ecclesia semper manserit, vel esse, aut manere debuerit, & debeat. Et quod B. Franzius nullam Ostorodo fecerit injuriam, patet ex hujus disertis verbis Infr. c. 42. p. 412. Wir sagen dis niche darumb; als wenn Wirs gang gewiß dasür hielten/ das allewege die Kirche gewesen sey. Ergo hoc nec affirmare, nec certo statuere vult Ostorodus, quod Ecclesia semper fuerit, aut perpetuo durer, vel durare debeat, quod nunc est controversum.**

6. (5) Non quæritur de necessitate absoluta, num simpliciter sit necessarium, Ecclesiam perpetuo durare, cum certum sit, quod nec ab intra, ratione sui perpetuæ durationis causas per se solveat. &c



*ab extra*, propter innumeros & potentissimos hostes, cum primis spirituales, varias suæ mutationis, imò corruptionis causas admit-  
tat, nec omnes impetus, atq; vaserimos dolos adversariorum  
evitare, vel avertere valeat. Sed hanc durationem, respectu DEI,  
potius intelligendam esse censemus, quod etiam prolixè B. Franz.  
l. d. demonstravit inter alia sic colligens: *Si ubicumq; & quan-  
documq; Verbum DEI predicatur, ibi semper aliquid fructificat, utiq;  
necesse est, ut in omni loco & tempore reperti fuerint, reperiantur,  
& reperiri possint aliqui, seu homines pauci, seu cæti, siue magni, si-  
ve exigui, vere credentes, & viventes secundum Verbum DEI: sed  
prius. Ergo & posterius. Connexionis antecedentem partem, adeoq;  
totius argumentationis hujus nervum suppeditat, partim illud ipsius  
DEI pronuntiatum Esa. 55. 10. & Salvatoris parabola Matt. 13. in semi-  
nando, hoc est, in verbo DEI sparso, alia cadunt juxta viam, alia in  
petrosa, alia in spinas, alia in terram bonam. Et hæc, quæ cadunt in  
terram bonam, dant fructum aut trecentum, aut sexagenum, aut  
centenum. Unde respectu divinæ promissionis hæc necessitas  
erit intelligenda.*

7. (6) Sed quæritur de Ecclesia militante, quoad rem ipsam  
citra restrictionem ad statum visibilem, num illam perpetuo durare  
necesse sit? Nos scribit Venerandus Dn. D. Calov. us Socinism. pro-  
flig. sect. 8. art. 1. contr. 1. Ecclesiam & perpetuo duraturam, & divi-  
nitus ita decretum, eiq; hoc promissum, adeoq; vi hujus decreti at  
promissi divini necessarium esse, statuimus, ut perpetuo duret atq;  
conserveatur Ecclesia usq; ad finem mundi, non quidem conspicua sem-  
per atq; visibilis, sed simpliciter vera Christi Ecclesia, siue visibilis  
atq; conspicua ea sit, siue invisibilis atq; occulta, quam conservari  
queat, acut publico religionis exercitio, ut in statu pressio sit, non  
gaudeat, & in occulto lateat, quod utiq; concedunt Sociniani, dum  
distinctionem Ecclesia visibilis atq; invisibilis adversus Pontificios pro-  
pugnant, ut ex Osterod. liquet l. d. p. 4. 7. Catech. Racov. &c.

8. Hic nostram sententiam ajentem sequentibus argumen-  
tis confirmatam reddit. (1) è luculenta Christi promissione Matt.  
XVI. 18. (2) è præsentia Christi pollicitatione Matt. XXII. 20. (3) è  
speciali Ecclesia denominatione I. Tim. III. 15. quia dicitur quod

ἡ διαίτα τοῦ αἵματος [4] à ministerii verbi & Sacramentorum  
*conservatione* Esa. XXX. 20. 21. LIX. 21. LXII. 6. 7. Jerem. XXXI. 36.  
 37. 40. Joel II. 32. Obad. 17. Psal. LXXII. 15. &c. [5] à singulari, eaq;  
 efficaci Christi intercessione Job. XLII. 11. 20. &c. [6] à jugi Elektorum  
 & Fidelium sustentatione Job. X. 28. Psal. XCIV. 14. Jerem. XXXI. 41.  
 II. Tim. II. 19. &c. [7] E regni Christi spiritualis bis in terris perenni  
*duratione* Psal. XLV. 7. XLII. 9. LXXXIX. 36. Esa. LX. 7. Dan. II. 44.  
 Luc. I. 35. [8] è perpetua corporis & capitis relatione, quia Christus  
 caput, Ecclesia corpus [9] è parabolica locutione Matt. XIII. 24. 28.  
 [10] è Symbolica Apostolica confessione: Credo Ecclesiam Catholicam,  
 quæ catholica & omni tempore verè sit, necesse est [21] Ex hypo-  
 thecos falsitate, cum error gravissimus sit, quem hic supponere co-  
 nantur, DEUM decernere non potuisse, nec promittere, perpetuam  
 Ecclesia durationem &c: quæ singula fundamenta prolixius dedu-  
 ctæ, lector c. l. invenire poterit.

9. Sed, his non obstantibus, Sociniani negativam assument  
 sententiam, ut passim ex scriptis ipsorum videre licet. Nos hac vi-  
 ce misis aliis Volk. l. I. 5. de Vera Relig. c. 7. p. 391. audiemus, ubi  
 negat, Ecclesiam veram semper usq; ad mundi finem extare. Rati-  
 ones sequentes adducit. (1) Quia id à DEO decretum non est. R. (1)  
 dicit hoc adversarius, non probat. (2) Contrarium ex sacris literis  
 non tantum passim deducitur, sed clarissimis etiam verbis asseri-  
 tur Esa. LIX. 21. Hoc factus sum cum eis, dicit Dominus. Spiritus  
 meus, quiescit in te, & verba mea, quæ posuit in ore tuo, NON RE-  
 CEDENT de ore tuo, & de ore seminis tui, dicit Dominus, à MODO &  
 USQVE IN SEMPTERNUM. Confer. Psal. XLV. 7. Jerem. XXXI.  
 35. seqq. Matt. XVI. 16 seqq. (3) De decretis divinis ex factis externis  
 infallibilis certitudo colligitur; jam autem notum est, quod DEUS  
 actu conservet Ecclesiam, ergo quod; vult conservare: quod  
 autem DEUS in hoc negotio vult, illud etiam rectissime decer-  
 nere dicitur.

10. (II) Quia illud decerni non potuit à DEO, Ecclesiam  
 veram semper usq; ad finem mundi extare, nisi vel humano arbitrio  
 vim inferre, vel religionis naturam mutare voluisse censendus est:  
 cum ea res non ex sola ipsius voluntate pendeat, sed in ipsorum etiã bo-

minum arbitrio magnam partem sita sit. Nam ut Ecclesia vera extet, à quâ omnes salutaris veritatis notitiam indubitato petere queant, requiritur, ut homines complures veritatem eam amplectantur ac profiteantur, & cœtum aliquem, qui & in omnium oculos incurrat, constituent. At in ipsorum hominum arbitrio positum, utrum id facere velint, nec ne? nec quisquam ad eam rem à Deo cogitur.

R. (1) si quis nostrum hoc DEO tribueret, statim Sociniani clamarent, nos DEI potentiam inficiari: cum certum sit, omnino DEum liberum hominum arbitriū pro bona sua voluntate flectere posse. (2) Falsum, quod tale decretum, de perpetua Ecclesiæ duratione, humano arbitrio vim inferat, vel etiam naturam religionis immutet: non *primum*, quia non repugnante, sed facile consentiente nostro arbitrio durat Ecclesia: nam si duratio Ecclesiæ libero arbitrio vim inferret, nunquam Ecclesia consistere posset, cum DEUS arbitrio nostro vim inferre, vel hominem ad sui cultum cogere nolit; non *posterius*, quia natura religionis per Ecclesiæ durationem non immutatur, sed potius continuatur, & conservatur, quemadmodum notum est, quod religio, vel ejus natura non sit contra, sed *juxta*, vel *intus* veram Ecclesiam, & quod in hac illa custodiat. (3) Confundit adversarius *visibilem statum Ecclesiæ*, cum *ipsa Ecclesia*: cœtus aliquis, qui in omnium oculos incurrat, est de *visibili statu Ecclesiæ*, non simpliciter de *natura Ecclesiæ*: nam ad Ecclesiæ simplicem existentiam, præcise necessarium non est, ut Ecclesia vera taliter extet, ut ab eadem omnes salutaris veritatis notitiam indubitato petere queant, nec ad hoc necessarium, ut homines complures sic veritatem eam amplectantur ac profiteantur, ut cœtum aliquem, qui in omnium oculos incurrat, constituent. (4) Nec simpliciter in hominum est arbitrio positum, utrum veritatem amplecti & profiteri velint, nec ne? cum *velle* potius sit negotium *divini beneficii*, quam *humani arbitrii*: nam & *velle* & *perficere* DEUS dare dicitur *Phil. II. 12. Diff.* autem inter *velle* & *nolle*, quæ respectu hominis corrupti non sunt ejusdem conditionis: nam homo non potest *velle*, nec potest *facere*, quod est veræ vel conversionis, vel confessionis, cum hæc sint *divini beneficii*; potestamen nolle, cum hoc sit *corrupti arbitrii*, dum prudentia car-

earnalis inimicitia adversus DEum *Rom. IX. 7.* (5) licet ad religionem à DEO nemo cogatur, tamen propterea neutiquam *dependentia religionis* ab arbitrio humano confirmatur, sed potius per DEI gratiam humanum arbitrium elevatur.

- II. (III) *Quia Paulus certe Rom. XI. 20. seque apertissime indicat, universam Ecclesiam, ex gentibus collectam, atq; adeo etiam Romanam, cum quavili istis nominatim res est, non minus, quam judaicum populum, fide excidere, & à DEO rejici posse, ing; ipsorum hominum arbitrio situm esse, num permanere in fide velint, nec ne.* (1) illud verisimum est, quod Ecclesia judaica tempore Christi, sicut & Pauli defecerit; certissimum etiam est, quod gentilis, vel etiam Romana deficere potuerit, & quod actu Romana jam dudum defecerit, sed inde non sequitur, quod simul & semel Ecclesia tota deficere debeat. Hinc (2) committitur fallacia. *Ignor: Elench.* non de *τὸν posse*, sed de *τὸν debere*, vel etiam de *τὸν actu deficere*, potissimum hic disputatur. (3) *Dist.* inter Ecclesiam totam, & ejus partes: hæc subinde deficiunt, & sic etiam successivè deficere possunt: sed tota, cum omnibus partibus, simul & semel non deficit. (4) *τὸν posse deficere* vel consideratur respectu nostri, vel respectu DEI, vel respectu nostra virtutis, vel respectu divina promissionis: homines in Ecclesia ratione sui, vel humana virtutis, & deficere possunt, & actu quoq; deficiunt, sed Ecclesia tota ratione divina promissionis, nunquam actu deficere debet. (5) licet *τὸν velle permanere in fide* sit arbitrii humani, tamen falsum est, quod in arbitrio nostro positum sit, *τὸν velle permanere in fide*, cum primis si nostrum arbitrium non ratione gratia divina, sed ratione natura humane spectetur: & falsissimè est, quod id. Paulus l. d. asserat, cum non de *τὸν posse*, nec de *τὸν velle* nostro, sed potius de *permanensione statu*, ex gratia DEI considerato, sermonem, faciat: *Dicit ergo, scribit; Fracti sunt rami, ut ego inferar: Bene, propter incredulitatem fracti sunt: Tu autem fidesas: noli superbe de te sentire, sed time: Si enim DEum naturalibus ramis non pepercis, ne forte nec tibi parcat. Vide ergo bonitatem & severitatem DEI: in eos quidem, qui ceciderunt, severitatem: in te autem bonitatem DEI, si permanseris in bonitate, alioguin & tu excideris. Sed & illi, si non per-*  
man-

manferint in incredulitate, inferentur. Potens est enim DEUS ita-  
rum inferere illos &c.

12. (IV) *Quia non est, quod quis certam aliquam Ecclesiam, hoc privilegio à DEO donatam esse contendat, ut fide excidere ne-  
queat. R. [1] aliud est loqui de certa Ecclesia, quæ non est univer-  
salis, sed particularis, nimirum in certo quodam catu, vel in certo loco:  
hæc igitur ratio non ferit controversiæ statum, quæ totam Eccle-  
siam respicit; quod enim certa quædam Ecclesia deficere possit,  
illud tum ex dictis Biblicis, tum ex innumeris exemplis, tum ex  
evidentissimis argumentis, tum ex consentientibus nostrorum Theolo-  
gorum suffragiis, est liquidissimum, & nunquam à nostris nega-  
tum. [2] Dist. inter immunitatem absolutam, & ordinatam, à me-  
tu apostasias; non illam, ad quam Volkelius respicere videtur, quæ  
juxta Reformatorum sententiam fingitur, sed hanc, quæ cum ver-  
bo DEI conjungitur, & ex eodem proficiscitur, juxta Lutherano-  
rum sententiam, nos approbamus.*

13. (V) *Quia non potest Ecclesia vera certo cognosci, nisi prius  
cognoscatur, quæ sit salutaris Christi doctrina. De nullo enim homi-  
num catu certo tibi constare potest, eam esse veram Ecclesiam, nisi co-  
gnoscas, eam amplecti ac profiteri salutarem Christi doctrinam. Unde  
autem id certo deprehendes, nisi scias, quam sit salutaris  
Christi doctrina. Quare aliud quippiam, præter Ecclesiam, ex-  
tare necesse est, unde cognoscas salutarem Christi doctrinam.  
Alioqui prius cognoscenda esset salutaris Christi doctrina,  
quam agnosceretur id, unde illa cognosci debet. Præterea illud  
ipsum saltem debuisse alicubi in sacris literis clare & perspicue scripi-  
tum exi-  
tare, debere à Ecclesia peti omnia, quæ ad salutem sciunt sunt  
necessaria, & quam ea sit Ecclesia, ac unde debeat cognosci, clara  
describi, ne quis in ea cognoscenda facile errare possit. Nam si quip-  
piam scrip-  
tum fuisset necessarium hoc sane fuisset, sine quo reliqua om-  
nia, quæ scripta sunt, nihil, aut parum admodum prodesse-  
nt. At id  
nunquam factum legitur. R. [1] Ecclesia per Dei verbum apostolice  
cognoscitur ut vera, quia verbo DEI, tanquam fundamento, su-  
perædificatur, cum superædificati sumus super fundamenta pro-  
phetarum & Apostolorum, ipso angulari lapide existente Jesu  
Chri-*

Christo *Eph. II. 20.* sed *verbum Dei per Ecclesiam ministerialem χουρωγιας*, vel *παιδαγωγιας*, cognoscitur, adeoque hæc ad se mutuo referenda, ne utique autem à se mutuo divellenda, vel sibi in se ipsis invicem opponenda sunt. Sic igitur Ecclesia per scripturam, & suo modo, scriptura per Ecclesiam cognoscitur. (2) *Nulla consequentia* datur: Si non potest Ecclesia vera certo cognosci, nisi prius cognoscatur, quæ sit salutaris Christi doctrina, atque sic aliud quippiam præter Ecclesiam extare necesse est. Ergo Ecclesia non potest, vel debet semper durare: nam Ecclesia propter DEI paternam curam, sive *providentiam*, & propter divina promissionis benevolentiam & beneficentiam, non autem propter suam evidentiam, vel *notitiam*, semper extare dicitur. (3) Potius invertitur hoc argumentum: Si scriptura, vel DEI verbum, semper existit, quod est fundamentum Ecclesiæ, sequitur etiam quod Ecclesia semper existat, & ex scriptura salutarem Christi doctrinam hauriat, quia nunquam est ociosum, sed semper fructuosum, ut constat ex *Esa. XLV. 11.* At verum prius, quia verbum DEI manet in æternum *Esa. XL. 8.* E. & posterius. (4) *Dist.* inter Ecclesiam perpetuam existentiam, & inter perpetuam eius evidentiam, vel etiam *notitiam*: non hic de *notitia*, vel *evidentia*, sed potius de *existentia* solliciti sumus: nemo siquidem nostrum affirmat, quod Ecclesia perpetuo sic comparata sit, ut ab omnibus vel videri, vel cognosci queat, sed potius propter persecutiones sub obscuro, vel in occulto lateat, ut cognosci nequeat. Confunditur igitur hic iterum *absolutum existentia* ratione sui, cum *existentia comparata* respectu *visibilis notitia*, ratione nostri, quæ maxime distincta sunt.

14. (V) Denique, si eam Ecclesiam, quam isti, cum quibus disputamus, perpetuo existisse volunt, & à qua sola certam & indubitatam verum omnium ad salutem necessarium, earum præferim, quæ in sacris literis non extant, *notitiam petendam esse contendant*, multis in rebus, atque adeo in iis quod, quæ ad salutem sunt necessaria, gravissime errare constet; tota illa de Ecclesia exceptio concidit. 32.

(1) quid Pontificii doceant, aut disputent, ad quos h. l. respicere videtur, nihil ad nos, qui ne utique ipsorum errores nostros facimus. (2) *Dist.* inter *visibilem* & *invisibilem* Ecclesiam; licet vi-

Y

sibilis

ligentibus se præparavit *I. Cor. II. 8.* unde nec illi, qui cum Christo resurrexerunt, & multis apparuerunt, ab omnibus videri poterunt *Matt. XXVII. 53.*

3. (2) Quod hic non de distinctione generis in species, neque totius essentialis in partes essentielles, neque totius integralis in partes integrales, nec subiecti in accidentia varia &c: sed totius analogici, vel etiam aggregativi in partes aggregativas, sermo sit, cum certum sit, quod Ecclesia, respectu militantis & triumphantis, neque genus sit, neque totum essentialis, vel integrale, sed potius, analogicum totum, vel etiam aggregativum, ratione cætus adhuc in terris militantis, & jam in cælis triumphantis.

4. (4) Quod Sociniani nitantur falsa hypothesis, quod anime bestie hodie non vivant, nec ad cælum beatorum post mortem hominum fidelium perveniant. Sic enim Smalz. disp. de person. Christ. contr. Franz. p. 75. ad th. 75. Imperitè id dicitur, quod bestie perveniant in cælum, quasi singuli post mortem statim perveniant ad beatitudinem. Cum tamen nimis decantatum sit, ultimo die Christum resuscitaturum suos, & redditurum unicuique, secundum opera sua. Pontificia hac est fabula, quam Purgatorium peperit, & hoc rursum studium pecunia colligende, quam immerito fovent alii, qui Pontificem Romanum pro Antichristo habent. Id quod Luc. XVI. legitur, parabola est, ideoque nihil ex ea certi de articulo (ut loquuntur) fidei statui potest, nisi id aliunde manifestè pateat. Hac hypothesis, si locum invenire debeat, omninò nulla triumphans Ecclesia dari posset. Sed hypothesis illa passim alibi refutatur.

5. Probat vero suam sententiam Smalzium (1) Quia nulla revera nunc est triumphans Ecclesia, sed olim futura est. Jam quicquid futurum adhuc est, illud nondum est præsens, & hæc ratio videtur ab alijs etiam inde desumi, quod æterna vita nuncupatur futura vita. 2. (1) Quod hodie detur Ecclesia triumphans, illud ex sacris literis Dn. D. Calovius in Socinism. profl. d.l. contr. 5. prolixè demonstravit (1) è testimonio Christi Luc. XX. 37. (2) è promissione converso latroni facta Luc. XXIII. 43. (3) ab exemplo Lazari Luc. XVI. 22. 25. (4) Ex oraculo Apostolico Hebr. XII. 22. (5) è visione Johannea Apoc. IV. 8. (6) ex beatitudine omnium post hanc vitam

*Apoc. XIV. 13. (7) ab Enoch & Elia translatione (8) Ex apparitione Elia & Moysi Matt. XVII. 3 (2) Vix dicitur futura respecta nostri, qui vivimus adhuc in terris, non respectu defunctorum fidelium, qui terras reliquerunt: adeoq; dum vitam hanc finimus, futuram vitam incipimus, sicut Paulus inquit Phil. I. 23. Cupio dissolvi, & esse cum Christo: nam, qui solvuntur terris, vivunt in cœlis. (3) Hinc limitandum illud argumentum: Quicquid futurum adhuc est, illud nondum est præsens, quatenus nim. est futurum, & respectu quorum est futurum, ratione cuius vita futurum est &c: Hinc (3) dist. inter triumphantes & militantes: ratione militantium beata vita futura dicitur, non autem ratione triumphantium, utpote qui jam beatitudine vera fruuntur.*

6. (II) *Quia tunc erit Ecclesia triumphans, cum Christus Jesus venerit redditum unicuique, secundum opera ipsius R. (1) Unius positio non est alterius emotio: nunc est Ecclesia triumphans, & tunc quoq; triumphans erit: sicut sponsus & sponsa lætantur sub ingressu nuptiarum, ita quoq; lætantur in earum progressu (2) Dist. inter triumphum inchoatum & consummatum: nunc in cœlis inchoatur, tunc autem consummabitur. (3) Dist. inter triumphum peculiarem & universalem: nunc peculiaris est triumphus eorum, qui vera fide discedunt; tunc autem est triumphus, universalis, quando chorus universus fidelium, post resurrectionem mortuorum regnum cœlorum ingreditur. (4) Dist. inter triumphum latentem & patentem: nunc latet ille triumphus beatarum animarum, tunc autem coram omnibus manifestabitur.*

7. (III) *Quia nihil quicquam huc facit locus Luc. XX. 37. quod dicitur, Abrahamum, Isaacum & Jacobum, vel (sua velis) omnes fideles Deo vivere. Potest enim is Deo vivere, qui nunc nullus est, modo constet eum olim iterum visurum in æternum. Et certe non id proposuit erat Domino Iesu, ut demonstraret, Abrahamum, Isaacum & Jacobum, nunc esse reipsa, sed eos ex mortuis resurrecturos. De hoc enim, & non de illo, questio erat instituta. Et si Abrahamus, Isaacus & Iacobus ex mortuis sunt resuscitandi, quomodo nunc vivunt reipsa Deo? cum resuscitatio aliud nihil sit, quam hominibus, qui existere desierat, iteram existentia. R. (1) multum huc facit locus*



locus illi citatus, quia dicitur in *presenti*, quod Moyses DICAT Deum, DEUM Abraham, Isaac & Jacob, & simul innuit Christus, quod adhuc talis SIT: rationem addit: DEUS autem NON EST mortuorum, sed vivorum: OMNES enim VIVUNT ei. (2) Smaltz illa verba de fidelibus omnibus interpretatur, & censet, omnes, juxta textum, fideles DEO vivere: jam si fideles omnes DEO vivunt, nim. in *presenti*, nihil aliud inde sequitur, quam quod & cum DEO sint, & in DEO, simulq; vivant, & de miseria triumphum agant. (3) à posse ad esse non valet consequentia, non quid dici possit, sed quid juxta scripturam dici debeat, videndum est. (4) Pie defuncti non posse vivere dicuntur in sacris litoris, sed actu vivere; de DEO non dicitur, quod possit esse vivorum, jam autem sic mortuorum, sed quod MODO NON SIT MORTUORUM, sed ACTU SIT VIVORUM (4) Nuda assertio est, quando Smaltz. dicit. Potest in DEO vivere. qui nunc nullus est, modo confect, cum olim iterum victurum in aeternum. Non Entis nulla attributa, nullius hominis, nulla vita. (5) Dist. inter quæstionem principalem, quæ Christo cum Sadducæis erat de resurrectione mortuorum, & inter quæstionis rationem materiale, quæ principalem quæstionem confirmabat: hæc verba non sunt quæstionis, sed rationis: sunt igitur subordinata, non opposita: hinc Christus utrumq; docet, & quæstionem principalem de resurrectione Abraham, Isaac & Jacob, ratione corporis, & vitam ipsorum coram DEO, quia revera vivant ratione animæ, adeoq; ratione corporis sint resuscitandi, ratione animæ resurrectione non indigeant, cum jam tum DEO vivant. (7) Hinc Abraham, Isaac & Jacob vivere dicuntur ratione animæ, resuscitandi verò sunt ratione corporis, vel ratione totius.

### QVÆSTIO TERTIA.

*Utrum aliqua note dentur Ecclesiæ?*

1. In Augustana Confessione docetur inter alia, quod ad unitatem Ecclesiæ satis sit, consentire de doctrina Evangelii & admini-

Y 3

pra-

*Aratone Sacramentorum*, quibus indicatur, quod aliqua dentur *Ecclesia nota*, cum omnino certa quædam *nota* sint *Ecclesia* tribuenda, quod multis argumentis confirmari posset. Hac vice saltem urgemus. (1) *Ecclesia vera conditionem*, quia *Ecclesia* juxta Confessionem est congregatio sanctorum, in qua Evangelium recte docetur, & recte administrantur sacramenta: quæ ratione sine certis his notis vel indicibus *Ecclesiæ*, nunquam datur, cum primis in statu florente. (2) *Ecclesia vera cognitionem*: quod enim ab omnibus fidelibus cognoscendum est, & actu quoque cognoscitur, illud certas non tantum admittit, sed etiam requirit notas, quibus mediantibus cognoscatur. (3) *Ecclesia vera distinctionem*, ut cum primis ab *Ecclesia falsa* dignoscatur, cum aliis communiter omnis distinctio per certas notas fieri soleat; talem autem discretionem omnino necessariam, nemini dubium esse potest. Plura nunc argumenta cumulare possumus.

2. *Sociniani negativam* tuentur sententiam. Ubi tamen observandum. [1] quod non sit quæstio, de *absoluta Ecclesia existentia*, cujuscunque sit conditionis: quod enim *Ecclesia triumphans* tales notas non habeat, certissimum est: nec *Ecclesia status integritatis* tales habuisset: sed potius agitur de *presenti Ecclesia statu*, quatenus nunc in mundo per verbum & sacramenta colligitur. [2] Nec quæritur de *absoluta notarum competencia*, num *absolute sit necessarium*, tales *Ecclesiæ notas dari*? nam *Ecclesiæ*, nec per se existentia quædam absoluta convenit, ergo nec absolute necessarias notas possidet: sed *Ecclesia tota* cum omnibus suis notis ex divina dispositione, promissione, vel aliis gratiæ beneficiis pendet. [3] Nec quæritur de *quibusvis Ecclesiæ notis*, cum certum sit, eas non esse tantum unius generis, sed alias esse *proprias* & *essentiales*, quæ sunt principia & causæ rei proximæ, vel adæquare rem constituentes, quæ ratione *perpetua, propria, essentialis, immediata, infallibiles* &c: vocantur; alias *communes* & *accidentales*, quæ tantum sunt signa vel accidentia quædam externa, vel saltem sunt *circumstantiales, fallibiles, mediata*: &c: de prioribus potissimum hic est sermo.

3. Sic autem scribit *Theoph. Nicolaides* de *Ecclesiâ* advers. Mied-


Miedziboz. p. 53. *Facit hoc argumentum concedentem tacite Anonymum, quasi nota sint aliqua vera Ecclesia, eas autem, quas assignant Pontificii, illas non esse. cum tamen Anonymus omnino neget, opus esse, ut extent nota aliqua Ecclesia.* Smalz. contr. Franz. p. 282. *Nota Ecclesia nulla sunt.* Probat suam sententiam. (1) *Quia non est necessum, ut sint* R. (1) Dicit hoc, non probat. (2) *Dist. inter notas essentielles & accidentales: ha ut sint, necessum non est, sed illas esse, vere dicitur necessum, eum absq; illis Ecclesia consistere nequeat.* (3) *Dist. inter Ecclesia statum florentem & languentem; non ad hunc, sed ad illum notae sunt necessariae.*

4. (II) *Quia licet vera & sincera doctrina non sit, nisi in vera Ecclesia, & Ecclesia sine doctrina vera, velut verius loquar, saluari esse non possit, tamen non est nota Ecclesia doctrina vera & salutaria, sed est forma Ecclesia, qua scil. dat esse illi.* R. (1) *forma quoq; nota esse potest, non ab intra, qua constituit, sed ab extra, qua cognoscere facit.* (2) *Hinc dist. inter materiale & formale: ratione materialis, forma & nota conveniunt, ratione formalis differunt.* (3) *Dist. inter notam primariam & secundariam: illa quoq; dicitur ad essentiam pertinere, hac minimè.* Plura, quod doctrina vera & administratio sacramentorum non sint notae, l. d. proferuntur, sed illud modo non venit in controversiam, unde modo illa dimittimus.

5. (III) *Quia juxta Volkel. in dissolut. nodi Gordii contra Smiglec. p. 113. non dari possunt notae Ecclesiae.* Sic enim scribit: *Dicimus igitur, quicquid alii hac de re sentiant, nos nulla Ecclesiae signa quaerere, nec illi ad cognoscendam Ecclesiam opus esse, nec ea dari ulla modo posse.* Respondetur (1) *Qualis Socinianorum Ecclesia, talis etiam notarum, vel aliarum rerum cura: parù Ecclesiam attendunt, ideo mirum non est, si notas etiam Ecclesiae negligunt.* (2) *quod nota non sit opus ad cognoscendam Ecclesiam, illud facile quidem dicitur, sed non adeo facile probatur: contrarium antea fuit probatum.* (3) *fallum est, quod Ecclesia nota dari non possint, contrarium pater ex scriptura non tantum Canonica, sed etiam symbolica: contrarium etiam testatur communis Theologorum doctrina.*

6. (IV) *Quia sive inadspicibilem, vel adspicibilem, vel ut alias loquuntur, invisibilem aut visibilem Ecclesiam spectemus, nota propria, essentialis & indubitata locum nullum inveniunt. Ad inadspicibilem enim quod attinet, ipsa inadspicibilis appellatio omnes notas, praeter certas atq; indubitatas, quibus cognosci possit, excludit. Ea enim spectanda est non tantum ex factis quibusdam externis, quae aliis quoq; patent; sed imprimis ex animo eorum, ex quibus constituta est; quae quidem soli Deo atq; Christo cognitum perspicuumq; esse nemo ignorat. Externa, quamvis aliqui praeterea, simulari possunt: & licet non simuletur, dubitari tamen potest, utrum in eo homine, in quo illa cernuntur, omnia ea reperiuntur, quae ad membrum inadspicibilis Ecclesiae Christi constituendum pertinent, ut taceam, ne illa quidem omnem, utrum Christi mandatum usquequaque sint consentanea, dijudicari posse, nisi veritatis salutaris, jam bene signatus.*

7. R. [1] non hic tam de invisibili, quam visibili Ecclesia nobis sermo, quando de vera Ecclesia notis solliciti sumus: non igitur convenienter hic *Volk-lus* invisibilem admiscet, ut eo tutius causam involvere queat. [2] *Invisibilis Ecclesia* non habet notas publicas & patentes, optime tamen privatae & latentes habere potest, cum primis si non de cœtibus integris, vel paucis fidelibus congregatis, vel etiam singulis individuis sit sermo, quem respectum eidem adversarius hic admiscere videtur, cum nihil impediat, quo minus unus vel pauci doctrinae sinceritatem in Ecclesia non visibili retinere, aut se mutuo cognoscere queant. [3] sicut de occultis non judicat Ecclesia, juxta vulgatum dictum, ita nec occultas notas vel faciunt, vel inferunt. [4] *dijudicatio*, num aliquid sacris literis consentaneum sit, ex verbo DEI, non absq; eo, suscipienda dicitur. Primum quoq; scribit Franz. contr. Smalz. h. l. sect. 6. th. 74. est & generalissimum & notissimum, ideo necessario notius est Verbum, quam vera doctrina, & per consequens, quia ex vera doctrina juxta Verbum de cunctis hominibus est judicandum, ideo quoq; vera doctrina erit notior, quam ipsa Ecclesia. Et paulo post: Nota igitur testificans, i. judicans vera doctrina est verbum. & verbum est notius in orbe, quam vera doctrina, Nota Ecclesia est vera doctrina, & vera doctrina, ut prior, ita notior est, quam vera Ecclesia.



## QVÆSTIONES ANTI-SOCINIANÆ

EX ARTICULO IX.

AUGUSTANÆ CONFESSIONIS.

DE

## BAPTISMO.

## QVÆSTIO PRIMA.

*Num hac Baptismi Forma sit, ut fiat in nomine Sacrosanctæ  
Trinitatis, Patris, Filii & Spiritus Sancti?*

I.

Circa *Controversiæ statum*, ut omnis causa præsens eò clarius cinnotescat, unum vel alterum præmittere placet, videlicet ut ea removeantur, quæ directè nuncin quæstionem non citantur. Non igitur quæritur (1) *de forma simpliciter interna*, siquidem ea mysterium, *ἐπὶ τοῦ θεοῦ, ἐπὶ τοῦ λόγου, ἐπὶ τοῦ πνεύματος καὶ ἁγίου* positum, adeoq; nec mente nostra planius indagari, nec humana lingua plenius explicari, nec humano conceptu verius representari potest. *Forma mysteriorum* arcanae sunt, & intellectum nostrum fugiunt. *Rem in mysteriis credimus, modum nescimus*. Et quod de mysteriis aliis verissimum, de Mysterio sacramenti Baptismalis quoq; concedendum. Quomodo fiat Materiae celestis & terrestis unio, & quæ sit essentialis hujus sacramenti constitutio, vel interna conditio, non difficulter creditur, sed difficulter ab intellectu nostro, vel etiam prorsus non intelligitur. Hæc igitur forma constitutionis à nobis ignoratur.

2. (2) Nec agitur *de forma generatis cujusdam insinuationis*, quatenus Baptismus aliàs communiter inter Sacramenta numeratur. Nam secundum eam Baptismus saltem generaliter Sacramentum appellatur, ejus verò ratio specialiter non determinatur. Licet enim Sociniani termino *Sacramenti* rarius utantur, & ad Baptismi Sacramentum applicare rarissimè videantur, attamen non prorsus eum avertantur, quemadmodum ex scriptis ipsorum observare licet. Hoc tamen certum, quod genuinum Sacramen-

Z

torum

DISP. XII  
R. GEOR-  
GIUS MI-  
CHAEL  
DE UXX  
Lehminga-  
Francus.

rorum naturam prorsus evacuent, ut habet *Schmalz. contr. Franz. p. 158*. Falsissimum est, DEUM per Sacramenta salutem operari, cum potius Sacramenta professio sint ejus, quod DEUS in nobis vel per verbum, vel per Spiritum suum operatus est. *In Exam. 100. Err. p. 37*. tantum non esse blasphemiam dicit, per sacramenta hominibus gratiam conferri. *Socin. de Can. Dom. p. 102*. Neque unquam probabit autor (Niemojevius) Sacramenta esse media quædam fidelibus necessaria ad istud hominis interioris argumentum: & *p. 88*. Nec alia ratione concedi posse credam, Sacramenta significare, nisi eo sensu, quo Pontificii, cum mysteria suarum ceremoniarum explicant, dicunt: Hoc significat rem, aut factum tale &c: id est, adumbrat, seu ut nostri Theologi, aliquando loquuntur, figurat &c: *Schmalz. d. l.* Alterum plane ab omni verisimilitudine alienum esse sentimus, & ut errorem damnamus, non tam idè, quod Sacramentorum nullam faciant sacræ literæ mentionem, quo Iramen & ipsum non minimi est momenti, quam quod ea, quæ nos ipsi facimus, & facere teneamur, fidem in nobis excitare & alere, valde ineptum esse videatur, cum potius fidei sint argumentum &c: Ex his & aliis *Soci-nianorum* pronunciatis facile patet, quod parum sanæ doctrinæ idè formæ baptismi relinquant, Baptismum tamen sacramentum esse non prorsus negent, licet non adeo multum ipsi tribuant, sicut *Socin. de Can. Dom. p. 60*. scribit: Annunciat is, qui baptizat, ei, qui baptizari debet, remissionem peccatorum in Jesu Christi nomine, cui annunciationi baptizandus, si fidem adjungat, & propterea baptizetur, peccatorum remissionem consequitur, id, quod eo modo, quo potest, ablutione illa externa ADUMBRATUR, & QUODAMMODO OB OCULOS PONTITUR: non quidem quatenus ea ratione rem sic se habere probeatur (quomodo enim corporis externa ablutio probare potest, cuiquam esse remissa peccata?) sed quatenus id, quod verbis dicitur, ut melius intelligatur, & saltius animo & memoriâ imprimatur, depingitur etiam quodammodo Ceremonia illa, & figuratur. Ita alia ratione probata prius jam satis, & idcirco credi-

ta pec-

ta peccatorum remissio, baptismo deinde externo non quidem probatur ullo modo, sed tantum, ut diximus, adumbratur.

3. (3) Nec agitur de *qualicumq; usu verborum istorum*: Ego Baptizote in nomine Patris, Filii & Spiritus Sancti, & sic de *forma accidentalis* cujusdam vel *pronunciationis*, vel *usurpationis*: nam fateatur Socinus, quod apud suæ fidei socios etiam hæc verborum formula sit, & ordinariè maneat in usu, licet à quibusdam de facto mutetur. Sic enim scribit in *miscellan* p. 89. Nos, cum Baptismum administramus, vel utimur usitata formula verborum, In nomine Patris, Filii & Spiritus Sancti, vel simpliciter Apostolos imitati, In nomine JESU CHRISTI baptizamus. Si quis ex nostris alia formula est usus, est singulare quiddam, quod ipsi nostro catui adscribi non debet.

4. (4) Sed agitur hic potissimum de *forma speciali sacramentalis administrationis*, in qua potissimum ordinariè & necessariò *forma sacramentalis administrationis* habeat, ut verum Baptismus dicatur & sit etiam *Sacramentum*? Dicitur *forma specialis*, quia generalis Sacramenti vel appellatio, vel applicatio, vel infinitutio, minime sufficiens est, ad hoc baptismi Sacramentum constituendum & absolvendum. Dicitur *forma sacramentalis*, ut à ceremoniis externis & nude talibus, ad quas communiter etiam Baptismus à Socinianis refertur, item à verbo DEI suo modo Baptismus distingvatur, cum verbum in se, strictè loquendo, sacramentū non sit, licet ad Sacramentum strictè sic dictum pertineat, cum nullū Sacramentū absq; Dei verbo, tum institutionis, tum præceptionis, tum promissionis consistere possit. Dicitur *forma sacramentalis administrationis*, ut hac ratione quodammodo distingvatur ab interna, mystica, occulta, nobisq; prorsus imperscrutabili forma. Dicitur, quod de ea forma sit sermo, in qua potissimum sacramenti ratio hæreat, cum notum sit, quod ad plenam Sacramenti baptismalis administrationem etiam pertineat *Subiectum idoneum, aquæ elementum, baptismalid actus, baptizans minister*, ut omnis administratio rectè suscipiatur & expediatur: sed in horum omnium collatione *forma verborum institutionis & promissionis potissimum* respectum possidere deprehenditur, cum ex parte DEI talis forma verborum adhibeatur, & aqua sine verbo DEI sit

Z z

nuda

nuda aqua, sed cum verbo DEI fiat baptismalis aqua, verum quæ Sacramentum: nec *subiectum*, nec *minister baptizans*: nec *actus baptismalis*, ad eam eminentiam assurgunt, ut cum verbo baptismali locum æqualis dignitatis occupare queant: sed baptismale verbum potius his omnibus sacramentalem respectum communicare videtur. Dicitur *ordinariè* forma respectu Ecclesiæ, à Christi Salvatoris institutione pendentis, cum hic minime sit attendendum, quid extraordinariè, vel olim à nonnullis factum sit, à nonnullis hodie *de facto* suscipiatur: Unde postremo dicitur, quod hic de *necessariis* verborum *forma* solliciti sumus, ut hac ratione quævis *accidentalis mutatio*, cujuscumque sit rationis, prorsus excludatur, & certa forma verborum ad verum baptismi Sacramentum adhibeatur. Et sic *juxta scripturam, baptismi naturam, sacramentorum analogiam, Ecclesiæ consuetudinem, praxin & traditionem* verum asserimus, quod *forma baptismalis*, vel *vere sacramentalis*, in ista *formula verborum* inveniatur, quod *homo si baptizandus in nomine Patris, Filii & Spiritus Sancti*. Verum *Sotiniani* tum *hypothetibus*, tum *disertis verbis*, *negativam* sententiam tueri conantur.

§. Cum primis autem *Hieron. Moscorov. lib. de Bapt. contra Smiglec. c. l. p. 2* adversus nostram sententiam insurgit, cum titulus capitis sit apud Smiglecium: *Forma Baptismi Trinitatis professionem & invocationem contineri, contra Arianos demonstrari*: quod Moscorovi, refutare conatur. *Rationes* autem pro *negativa* sententia sequentes producit (1) quia *Matt. XXII. neque expressis verbis id continetur*, neque ulla legitima deductione inde probatur. *Æ*. (1) licet expressis verbis non dicatur, *Formam baptismi consistere in eo*, quod conferatur *nomine Patris, Filii & Spiritus Sancti*, tamen nec illud expressis verbis negatur. Et notum est, quod in sacris literis multa lateant, pauca pateant, si modos loquendi, vel exponendi, respicere velimus, hic *v. forma* verbis satis perspicuis insinatur. hinc (2) *urgem*, regulam vulgatam: *Quicquid dat esse, distingui & openiri*, illud est *forma*: jam in nomine *Patris, Filii & Spiritus Sancti baptizari*, vero baptismi Sacramento dat esse, distingui & openiri. Ergo est ejus *forma*: Major est certa: Minor prolixè probari posset: nam quod det esse, patet ex Christi ver-



si verbis: quia quando quaritur: *Quemodo, vel qua forma baptizandi sunt homines?* respondet Christus: *baptizate in nomine Patris, Filii & Spiritus Sancti.* Et sic baptismus sacramentalis distinguitur à *physico*, vel *vulgaris*, à *Leuitico*; itemq; à baptismo *flaminis & sanguinis* distinguitur, & omnes suas operationes consequitur, quia sine verbo DEI est aqua nuda, sed si sit lavacrum in verbo *Eph. V. 26.* ita sit *lavacrum regenerationis & renovationis Tit. III. 5.* (3) *diff.* inter *deductionem logicam*, vel etiam *Theologicam*, & inter *matheologicam*: illam hic attendimus, quia multipliciter ex h. l. probari potest, *Matt. XXIX. 19. formam baptismi* descriptam esse.

6. (II) Quia tametsi verissimum sit, Deum esse præcipuam salutis & remissionis peccatorum causam, hinc tamen consequi, aquæ Baptismum in nomine DEI conferri oportere, nullo modo apparere. Potest enim DEUS esse prima salutis & remissionis peccatorum causa, quemadmodum est, & tamen aquæ baptismus alterius nomine conferri, quemadmodum illius baptismi Israelitarum in nube & mari, licet DEUS fuisset præcipua & prima causa, nihilominus tamen divinæ literæ illos Israelitas in Mosen baptizatos testantur. *Reg. (1)* adsumimus concessa, quod Deus sit præcipua salutis & remissionis peccatorum causa: jam autem Baptismus est *causa media* ingressus regni cælorum *Job. III. 6.* salutis & remissionis peccatorum *Tit. III. 5.* & *media causa* in nomine causæ principalis & summæ dicitur *media*: sic igitur baptismus etiam in nomine *SS. Trinitatis* est baptismus, & in ejus nomine formaliter administratur. (2) Licet *Mosecrepito*, vel aliis execratis Socinianis illud non appareat, tamen nobis satis luculenter id apparet, uti modo probatum. (3) Ex h. l. *Matt. XXIX. 19.* probatur, aquæ baptismum in nomine DEI conferri oportere, quia Christus, *jussit baptizare gentes in nomine Patris, Filii & Spiritus S.* jam quicquid mandatum est, illud est *necessitatis*, non *libertatis*, & illud fieri oportet juxta mandatum. (4) *Diff.* inter *baptismum sacramentalem*, & *non sacramentalem*: de illo nobis sermo, non de *hoc*, hinc minus recte Baptismum Israelitarum

admiscet, cum in Veteri Testamento Baptismus sacramentalis non extiterit, adeoq; nec ejus forma fuerit.

7. (III) Quia etiam in alterius, non in solius DE I nomine Baptismus administrari potest: hinc varias instantias affert (a) Israëlitas in Moſen (b) Discipulos Johannis in Johannis Baptisma Aët. XIX. (c) alios in Christum (d) in Christi mortem baptizatos esse pag. 5. seqq. E quibus singulis conſequitur, id vel eum, in quem, vel in quod baptismus aquæ uſurpatur, DEum non eſſe. B. (1) Committit *ignorantem Elenchi*, quia hic ſaltem de *Baptismo Sacramentali* verba fiunt, male proinde reſpicit iterum ad *Baptismum Veteris Testamenti Typicum*. (2) *In Moſe baptizari* non *principaliter*, ſed *miniſterialiter* intelligitur, adeoq; non in nomine *Moſis*, ſed *Dei* cum Israëlita baptiſati fuerunt: (3) *Fallacia equivocationis* eſt, ut habet *B. Bald. Comment. I. Cor. X.* Baptismus (a) eſt vulgaris lotio Marc. 7. (b) Sacramentum N. T. Marc. 16. (c) Interna ablutio cordium, facta per Spiritum S. Marc. 1. (d) Tota inſtitutio, ſeu doctrina, ut baptiſmus Johannis Luc. 20. Matt. 21. & Aët. 18. (e) Crux, quæ eſt immerſio quædam in calamitates Marc. 10. (f) Mortificatio veteris hominis & ſuſcitatio novi Rom. 6. (g) Miraculoſus tranſitus per mare 1. Cor. 10. Eſt igitur baptizari in nube & in mari nihil aliud, quam per miraculoſum illum comitatum ac deſenſionem in mari rubro gratiæ DEI fieri conſortem, quemadmodum in vero baptiſmo, cujus typum appellare licet hunc Baptiſmum, de quo Paulus noſter, beneficium regenerationis conſequimur. In Moſen autem baptizari eſt obligari ad doctrinam Moſis, & mandata DEI, per Moſen promulgata. Nam per miracula illa magis magiſq; confirmabantur, Moſen eſſe ſervum Domini, doctrinamq; ejus cælitus delatam, ac proinde ſancta fide retinendam. (4) Quod attinet Aët. XIX. ipſe Spiritus Sanctus verbis immediate ſequentibus exponit, quid ſit illud, *In Johannis baptiſmate baptizari*, dum Paulus addit: *Johannes quidem baptizavit baptiſmo poenitentiae, populo dicens, in eum, qui venturus eſet poſt ipſum, ut crederent, hoc eſt, in Chriſtum JEſum*: non igitur in nomine ſuo, ſed in alteri nomine *Johannes* baptizavit, in eo, videlicet nomine, quitanquã principalis ipſum

ipsum misit ad baptizandum *Luc. III. 2. Job. I. 3.* & sic baptizavit in Christum *Messiam*, non tam *formaliter*, quam *fundamentaliter*, quia *Christi meritum baptismi sacramentalis, & remissionis peccatorum fundamentum*: id quod etiam in locis illis indicatur, quibus homines in Christum baptisati leguntur. Baptisari in Christo est ablui à peccatis, in nomine Christi instituentis, ac præcipientis usum hujus sacramenti, operantis etiam ac promerentis remissionem peccatorum, quam in baptismo accipimus: cui quoque nos per sacramentum Baptismi totos dicamus atque consecramus. Baptisari in mortem Christi est (1) per baptismum fieri participem efficaciam mortis Christi, quæ peccatum in nobis abolevit, vitam ac justitiam impetravit. (2) Deo promittere fidem istorum beneficiorum & mortificationem peccati: & ita hæc phrasim complectitur simul & efficaciam & confirmationem mortis Christi, inquit iterum *B. Balduin. in c. 6. Rom.*

## QVÆSTIO SECUNDA.

*Num Baptismus institutus sit in remissionem peccatorum?*

1. Circa *Controversiam statum* observamus (1) quod non quærat *de remissionis peccatorum annunciatione*, nam illud *Soriniani* concedunt, sicut inquit *Socin. lib. de Cæna Domini p. 60.* Annunciat is, qui baptizat, ei, qui baptizari debet, remissionem peccatorum in Jesu Christi nomine. (2) neque *de remissionis peccatorum significatione, vel adumbratione*, quam itidem asserit d. l. Socinus: Hinc pergit: Cui annunciationi baptizandus, si fidem adjungat, & propterea baptizetur, remissionem peccatorum consequitur, id, quod eo modo, quo potest, ablutione illa externa adumbratur, & quodammodo ob oculos ponitur; non quidem, quatenus ea ratione rem sic se habere probeatur (quomodo enim corporis externa ablutio probare potest, cuiquam esse remissa peccata:) sed quatenus id, quod verbis dicitur, ut melius intelligatur, & altius animo & memoriæ imprimatur, depingitur etiam quodammodo ceremonia illa, & figuratur. Ita alia ratione probata prius jam satis, & idcirco credita peccatorum remissio, baptismum deinde externo non probatur ullo modo, sed

tan-

sed tantum adumbratur. (3) neq; simpliciter quæritur, *an aqua baptismalis, tanquam sanguis Christi, peccatorum remissionem operetur?* hoc enim non placet Socino l. d. p. 87. Tamen si verum est, sanguine Christi nos ablutos fuisse à peccatis nostris (hoc enim apertis verbis non audent negare Sociniani, cum diserte dicatur I. Joh. 1. 7. Sanguis Jesu Christi Filii DEI nos emundat ab omni peccato) tamen ejus rei in baptismo aquæ rationem haberi, ita, ut aqua per figuram Christi sanguini respondeat, nunquam probabitur, nec id sane sacræ literæ uspiam commemorant, aut indicant. Non enim hic in quæstione versatur, quid aqua baptismalis sit, aut cui satis commode comparari possit, sed in quem finem baptismus sit institutus. (4) Nec est quæstio, de *physica vel essentiali quadam operatione*, num aqua baptismus ex opere operato præstet remissionem peccatorum? quæ communis est Papistarum sententia. Nos enim minime tale quoddam opus operatum statuimus, sed fidem etiam ad salutarem usum baptismi requirimus, quam etiam ad consecutionem remissionis peccatorum ipse Socinus in verbis allegatis exigit. (5) Nec est quæstio de *plenaria peccatorum per baptismum exstirpatione*, sicut itidem Papista talem in Baptismo statuunt, ut est in Concil. Trid. anath. 5. Si quis per Jesu Christi Domini nostri gratiam, quæ in baptismate confertur, reatum originalis peccati remitti neget, aut etiam asserit, non tolli totum id, quod veram & propriam peccati rationem habet, sed illud dicit tantum radi, aut non imputari, anathema sit. *Bill. arm. l. 1. de Bapt. c. 12. §. 2.* Baptismus tollit ac delet verè omnem culpam & poenam. Item c. 13. §. Contra hunc: Per Baptismum tollitur reipsa id omne, quod habet in homine rationem peccati. Et postea: Per baptismum reipsa tolluntur omnia peccata, ita, ut non solum non imputentur, sed nec sit, quod imputari possit ad culpam. Nam cum hoc errore Papistarum nihil nobis commercii. (6) sed quæritur de *vera, vel organica Baptismi operatione*, annon ita sit gratiæ medium, ut vere per baptismum nobis remissio peccatorum offeratur & conferatur? Et hoc est, quod affirmamus, *Sociniani negativam* tuentibus.

2. *Affirmativam* ut probemus, non videtur adeò necessarium, cum disertis verbis id de baptismo *Luc. III. 3. Marc. I. 4.* dicatur, & omnibus dictis classicis de *baptismo* luculenter satis inferatur: placeat igitur negativam statim adsumere, paucisq; nonnulla *fundamenta Socinianorum* expendere, cum primis ea, quæ reperiuntur apud *Moscorov. lib. de Bapt. contra Smigl.* ubi directe nostræ sententiæ contiadicit: *Nego, baptismum aquæ institutum proprie in remissionem peccatorum* (1) *Quia ex testimoniis, à Smigleccio allatis, id ullo modo effici non apparet.* Primum testimonium *Matt. XXIX. 13. 19. 20.* nihil tale habet, verba ejus hæc sunt: *Data est mihi, inquit Servator, omnis potestas in cælo & in terra. Profecti ergo, discipulos facite omnes gentes, baptisantes eos in nomine Patris, & Filii, & Spiritus Sancti, docentes eos servare omnia, quæ præcepi vobis. Ecce vobiscum sum omnibus diebus usq; ad consummationem sæculi.* Ubi igitur in his verbis mentio ejus rei, baptismum institutum esse in remissionem peccatorum? Nec verò eadem propositio *Smiglecciana* ex iisdem deducitur. Etenim hic Servator potestatem sibi datam denunciat, præcepta quædam discipulis injungit, in his etiam, ut discipulos Christo facerent, baptisantes eos in nomine Patris, Filii & Spiritus Sancti &c. & præsentiam suam Apostolis pollicetur. At quid hæc ad præsentem assertionem? *Smigleccius* tamen eum locum citavit, perinde ac si illo verbis expressis contineretur, Baptismum aquæ in remissionem peccatorum Christum instituisse.

3. R. (1) non hæc solum, sed & aliâ testimonia sacrorum literarum thesauri nostram confirmant: unde *Smigleccius* illa non *exclusivè* sine aliis, sed *inclusivè*, vel *relativè*, cum respectu aliorum produxit. (2) Hic locus maximè dicitur *emphaticus*, quia munus Apostolicum ad conversionem gentium & remissionem peccatorum omnibus respectibus describit: *a priori*, *muneris Apostolici principium* ostendit, quod ex plenitudine potestatis & auctoritatis hoc munus apostolicum, ut Apostoli proficiscantur, & omnibus hominibus annuncient remissionem peccatorum, ut omnes ubiq; pœnitentiam agant. *Act. XVII. 29* Christo instituat, quia data sit ei potestas omnis in cælo & in terra: *a formali*, post apostolici muneris exercitiū describit, quod euntes in mundum universum Christo, per veræ pœnitentiæ præconium & annunciationem remissionis peccatorum,

rum, omnes gentes Christo discipulos facere debeant, cum nemo sine remissione peccatorum Christi discipulus esse possit. modos autem geminos simul adducit, quibus ordinarie discipuli Christi fieri possint homines, nim. partim per baptismum, ut gentes in nomine Patris, Filii & Spiritus Sancti baptiscentur, à peccatis suis emundentur, & remissione peccatorum donentur; partim per ipsum verbum, quia per verbum Christi docentur omnia, quæ servare præcepit, inter quæ facile primum locum pœnitentia cum remissione peccatorum occupat *Matt. IV. 17. à posteriori denique munus apostolici patrocinii & præsidii introducit, Ego sum vobiscum usq; ad seculi consummationem, nim. cum vestro ministerio, ut homines per illud pœnitentiam agant, & remissionis peccatorum donum consequantur. (3) Dist. inter verbalem mentionem, & doctrinalem traditionem: non omnes loquendi exponendi modi, quoad verbalem mentionem, in S. L. inveniuntur, sufficit tamen, quod quoad doctrinalem traditionem in iisdem inveniuntur, sicut in antecedentibus, modo demonstratū. (4) Pari ratione probatū, quod hæc omnia faciant ad præsentem causam, quando h. l. Servator potestatem sibi datam denunciat, præcepta quædam Apostolis injungit, & cum primis, ut discipulos Christo facerent, baptiscentes in nomine Patris, Filii & Spiritus Sancti, & præsentiam suam Apostolis suis pollicetur, res igitur nunc in vado versatur.*

4. Alterum testimonium producit *Act. 2. Pœnitentiam agite, & baptizetur unusquisq; vestrum in nomine Jesu Christi in remissionem peccatorum. R. (1) locus hic satis est perspicuus, adeoq; non potuit adversarius expressa verba negare, quæ de causa fucos alios eidem accommodare, literaq; perspicuitatem obscurare voluit. (2) quia dicuntur homines in nomine Jesu Christi, hoc est, ex ejus institutione baptizari, quod causam efficientem respicit, nec id frustra, sed quoad causam finalem, in remissionem peccatorum, ideo Petrus nihil aliud dicere voluit, quam quod in thesi nostra reperitur, Baptismum in remissionem peccatorum institutum esse.*

5. Contrarium autem Moscorovius ex h. l. probare conatur *(I) Quia Petrus pœnitentiam baptismo præponat, ideo perspicuum esse, remissionem peccatorum ad solum baptismum non posse transferri. R. (1) nemo nostrum unquam dixit, quod remissio peccatorum ad solum*

luna

lum baptismum exclusivè transferrri debeat: nam remissio peccatorum tribuitur *gratia DEI, merito Christi, verbo, Baptismo, Cane fidei* & c: sicut prolixè probari posset, unius igitur positio, non est alteri remotio, nec licet à *non exclusivâ* statim ad *exclusivâ* argumntari: *nostrat hesis* est, quod baptismus institutus sit in remissionem peccatorum, *antithesis Moscorovi*, quod remissio peccatorum, non in *solum* baptismum transferenda sit, adeoq; non *solum* baptismus faciat ad remissionem peccatorum, quod totum concedere possumus. (2) Male separantur ea, quæ *Petrus*, vel potius ipse *Spiritus Sanctus* conjunxit: nam & *pœnitentiam agere, & baptizari*, non se junguntur, sed conjunguntur hic in remissionem peccatorum. *Pœnitentiam agite, ET baptizetur unusquisq; vestrum &c:* quæ particula copulat, non *separat*, non *excludit*, sed *includit*. (3) *pœnitentia baptismi* præponitur, sed à baptismi non seponitur, præmittitur, non dimittitur, multo minus amittitur, cum baptismus sine pœnitentia salutaris esse nequeat, nec ex institutione DEI sine ea esse debeat.

6. (II) *Quia pœnitentia & fide peccata nostra deleri atq; purgari, ex beneficentissima DEI voluntate, in divinis literis testatissimum sit Act. XIII. 39. & XV. 9. quæ semper aquæ baptismum, si modo in vitæ instituantur, antecedant oportet. R.* (1) quod pœnitentiæ & fidei peccatorum remissio in sacris literis tribuatur, de eo nunquam dubitatum, sed quod *exclusivè* vel pœnitentiæ, vel fidei, remissio peccatorum competat, illud foret probandum. (2) adsumimus, quod urget adversarius, quod pœnitentiæ & fidei remissio peccatorum conveniat: jam notum est, quod baptismus sit *Lavacrum regenerationis & renovationis Tit. III. 5.* regeneratio verò proprie & accuratè loquendo nihil aliud est, quam *fidei donatio*, nec pœnitentia, juxta *Socinianos*, aliud quid est, quam *vite mutatio*, quæ mutatio contingit in *renovatione*: nam in ea vetus homo cum desideriiis abnegatur, & novus homo paratur, adeoq; vetus in novum mutatur: hac ratione *Moscorovium* nostram probaret sententiam, quia baptismus & regenerationis, vel fidei collationis, & pœnitentiæ, vel renovationis organum. (3) Juxta *beneficentissimam DEI voluntatem ex parte nostri*, pœnitentia & fide peccata nostra delentur & purgantur, sed ex parte DEI,

verbo & sacramentis, remissio peccatorum donatur, quia hæc sunt media, quibus DEUS utitur ad peccatorum remissionem nobis conferendam. (4) *Diff.* inter *adultos* & *infantes*, pœnitentia & fides in adultis quidem baptismum præcedunt, sed in infantibus simul esse dicuntur.

7. (III) *Quia quod fidei & pœnitentia proprie, secundum gratiam divinam, attribuitur sacræ literæ, id ad agvæ baptismum nullo pacto pertrahi propriè nec potest, nec debet, sed valde improprie: id verò, quatenus vel fidei & pœnitentiæ vim, & gratia divinæ virtutem, in ablucendo peccatis exterius adumbrat, vel quatenus professionem nominis Iesu Christi contineat, quæ etiam extra baptismum fieri per egregie potest.* R. (1) petitur principium, quod remissio peccatorum fidei & pœnitentiæ solum, juxta scripturam, tribuatur: cum manifestis verbis idem de Baptismo dicatur Luc. III. 3. Marc. I. 4. Eph. V. 26. Act. XIX. 4. &c. Hinc (2) *diff.* inter attributionem propriam & communem: remissio peccatorum non fidei, nec pœnitentiæ, nec Baptismo, vel Cœnæ Dominicæ, vel etiam verbo DEI proprium bonum, sed potius his tribuitur tanquā commune bonum. (3) Falsum, quod baptismum valde improprie remissio peccatorum competat, cum ei potius propriissime, juxta laudata scripturæ testimonia, conveniat, nec ullam impropriæ competentiæ Moscorovius hic ostendere potuit, nec alius in posterum id facere poterit. (3) *Diff.* inter *formam* & *finem*: forma quidem alia fidei, alia pœnitentiæ, alia baptismum propriè competit, sed remissio peccatorum non est forma vel fidei, vel pœnitentiæ, vel baptismi, sed dicitur eorum mysticus finis & salutarius fructus. (4) *Figmentum adumbrationis* jam superius refutatum est; Sacramenta siquidem non sunt signa vel significantia, vel tantum adumbrantia, sed vere offerentia, conferentia, operantia &c. (5) Baptismus deniq; confert remissionem peccatorum non propter fidei vel pœnitentiæ vim, aut gratia divinæ virtutem in ablucendo peccatis adumbrandam, nec propter nominis Iesu professionem edendam, sed potius propter sacramentalem suam naturam, materiæ cœlestis vitiæ, sanguinis Christi gratiosam efficaciam, regenerationis & renovationis efficientiam &c: quæ singula, remissionem peccatorum baptismum competere, satis luculenter demonstrant.



8. (IV) *Quia summa Apostolica doctrina, pœnitentiæ & remissionis peccatorum in nomine Christi prædicatione, continetur Luc. 24. 47. R.* (1) *unius positio non est alterius remotio:* Baptismus enim non excluditur, sed includitur, quemadmodum ex locis parallelis est manifestum *Matt. XXIX. 19. Marc. XVI. 15. 16.* sicut igitur Christus in gemino isto loco Baptismum doctrinæ, vel prædicationi verbi, coniunxit, ita pariter eum apud *Lucam* subintellectum voluit. (2) *Prædicationis pœnitentiæ & remissionis peccatorum baptismum post se requirit, ut patet ex praxi Iohannis Baptiste, Christi & Apostolorum.* Nam *Matt. III. 1.* de Iohanne dicitur, quod venerit Iohannes BAPTISTA, prædicans in deserto Iudææ dicens: Pœnitentiam agite, appropinquavitis enim regnum cœlorum: illud ratione præconii v. 3. 4. 7. seqq. ratione baptismi v. 5. 6. declaratur, unde dicit ipse v. 11. Ego baptizo vos in aqua in pœnitentiam: clarius illud apud *Marcum c. I. 4.* Fuit in deserto Iohannes BAPTIZANS, & PRÆDICANS BAPTISMUM POENITENTIÆ IN REMISSIONEM PECCATORUM: & apud *Luc. III. 3.* notatur: Venit Iohannes in omnem regionem Iordanis, prædicans baptismum pœnitentiæ in remissionem peccatorum. Hinc etiam Socinus illud fateri cogitur lib. de Bapt. p. 64. Iohannes, ut apertissimum est, baptizabat ad pœnitentiam in remissionem peccatorum. Idem etiam praxis Christi confirmat, qui *Matt. IV. 17.* prædicabat Pœnitentiam & remissionem peccatorum, inquit: Pœnitentiam agite, nam appropinquavit regnum cœlorum; & per discipulos suos baptismum administrabat *Ioh. IV. 2.* eumque, ceu maxime necessarium, ad ingressum regni cœlorum urgebat *Ioh. III. 3. seqq.* unde doctrinam & baptismum indissolubili nexu Christianis præscribit *Matt. XXIX. 19. Marc. XVI. 15. 16.* Quæ fuerit Apostolorum praxis circa pœnitentiæ præconium, præter alia quam plurima loca, sufficienter in Actis Apostolicis adscripta, vel prima concio pœnitentialis Act. II. monstrat, ubi Petrus ad plenam & Christianam auditorum interrogationem, Quid facimus? v. 38. respondet: Pœnitentiam agite, & baptizetur unusquisque vestrum in nomine Iesu Christi, in remissionem peccatorum. (3) *Apostolica doctrina summa dicitur illis verbis contineri non explicitè, sed implicite, cum alias ipsi Sociniani plura capita doctrinæ proponant, & ad summarium Apostolicæ doctrinæ baptismum etiam referatur Heb. VI. 2.* (4) *Diff. inter medium remissionis peccatorum ex parte nostri*

*nostri, quod poenitentia dicitur, & ex parte DE I, quod baptismus appellatur, cum D E u s etiam per baptismum nos à peccatis emundet.*

9. (V) *Quia si Baptismus aquæ in remissionem peccatorum proprie institutus esset, nunquam Paulus, Christum se non misisse, ut baptizaret, quocumq; respectu scribere potuisset; At scripsit; Ergo hinc apparet, aquæ baptismum proprie non institutum esse in remissionem peccatorum.* R. (1) Quod aquæ baptismus proprie sit in remissionem peccatorum institutus, jam ex superioribus apparet, cum ejus rei clarissima dicta in scripturis citata sint. (2) Hinc tamen neutiquam dicendum est, baptismum esse *solitarium* remissionis peccatorum *medium*, cum etiam per verbum & sacram cœnā remissionem peccatorum De, conferat Matt. IX. 2, XXV L23. Diff. igitur inter *medium proprium* & *solitarium*: *proprium* quidem est medium, sed propterea non est *solitarium*. (3) Paulus I Cor. I. 17. ad vocationem suam *explicitam* respicit, quæ recitatur Act. IX. 15. *Vas electionis est mihi iste, ut portet nomen meum coram gentibus & Regibus & filiis Israël: quæ ratione non tam ad baptizandum, quam ad prædicandum missus est: hæc proinde verba magis comparative, quam absolute intelligenda veniunt, sicut contextus & Pauli scopus id evidenter ostendunt.*

### QVÆSTIO TERTIA.

*Num præsentibus Ecclesiæ Ministris etiam laici Baptismum administrare possint, vel debeant?*

1. Circa *statum* Controversiæ notandum (1) Quod non sit in questione, Num aliquando laici baptismum administraverint? nam de circumcisione V. T. & de baptismo notum est, quod interdum laici, vel etiam mulieres ejus administrationem susceperint. (2) Nec quaeritur, num laici de jure simpliciter ab administratione Baptismi sint excludendi? Hæc enim Calvinianorum, non Lutheranorum sententia. (3) Nec modo solliciti sumus de casibus necessitatis, annon quando periculum mortis adest, infans natus à laicis baptizari possit, si nullus minister haberi queat? nam hoc etiam, juxta præxin Ecclesiæ, baptismi naturam, circumcisionis analogiam &c. affirmamus. (4) Neq; loquimur modo de factis, vel exemplis ex-

STANT-

*extraordinarius*, utpote quæ regulam nec faciunt, nec tollunt. (5) Neq; sermo nobis de *primitiva Ecclesia*, quæ multa tulit singularia, neuiquam hodie ad imitationem trahenda (6) Neq; differimus hic de talibus casibus, ubi *minister ordinarius absit*, nec ad baptismum commode, vel tuto vocari possit, quod sapius in persecutionibus & aliis periculis contingit. (7) Sed illud potissimum in quæstionem venit, *An in præsentia Ministrorum vocatorum & ordinariorum laici baptismum administrare possint, vel debeant?* Nos tuncur *negativam*, affirmativam Sociniani tueri conantur.

2. Volckel. in *dissol. nodi Gordij contra Smigl. p. 13.* causam *Socinianorum* agit, & ipsorum affirmativam probare satagit (1) *ab analogia cœnæ*, quia quilibet laicus, præter ministrum, cœnam dispensare potest, dum *ministri persona nullam huic ceremoniæ mutationem affert*, nullam sanctitatem conciliat, sed quicquid horum habet, id omne ad illum, quicquid auctor est, referendum &c. R. (1) *peritur principium*, quia hoc etiam est, quod negamus: Sacramenta sunt Ecclesiæ, adeoq; publica bona; non igitur privatæ, sed publicæ dicitur potestatis, dispensare Sacramenta. (2) *Minister non ratione sui, sed ratione officii Sacramentorum est dispensator* I. Cor. IV. 1. (3) *Autor Sacramentorum, & Minister vel dispensator, relata sunt & subordinata, non opposita*; quod igitur sanctitatis adest Sacramentis, auctor ordinat, dispensator applicat. (4) *N. C. Minister non est sanctitatis collator*, Ergo non est ordinarius dispensator.

3. (II) *Quod idem multò magis de baptismi administratione existimandum.* R. (1) *concedendo*, quod Minister Baptismo non conferat dignitatem, vel sanctitatem, sed *consequentia negatur*, quod propterea neuiquam ordinarie eum dispensare debeat. (2) *Differt casum necessitatis & libertatis.* (3) Si Volckelii rationes aperte, & plenius produceret, pleniorẽ responsionem accipere posset.

4. (III) *Quia nos statuimus, ejusmodi casum incidere posse, ut a quolibet actu ista rite perficiatur.* R. (1) *Casus per accidens sunt*: ea, quæ per accidens sunt, illis, quæ per se sunt, opponenda non veniunt. (2) non tam ex contingentibus casibus, quam ex ordinariis actibus, de baptismo judicandum. (3) *sunt casus necessitatis, non nostra libertatis.*

5. (IV) *Quia in hoc Lutherani cum aliis non leviter errant, quod hoc in casu necessitatis fieri posse existimant, nim. absente ministro legit-*

mo, idq̃ propter summam baptismi necessitatem. Nam nec baptismum summe ad salutem necessarium esse, uspiam apud sacros autores scriptum legimus: nec eam ipsam ob causam iste necessitatis casus accidere potest. R. Necessitas baptismi probatur ex clarissimis dictis Ioh. III. 3. 4. 5. 6. ex divinis preceptis Matt. XXII. 19. Act. II. 38. ex divinis promissis Marc. XVI. 16. &c.

6. (V) Quia nihil prohibet, quo minus & presente legitimo ministro baptismus à quolibet administratur. R. (1) contrarium patet ex baptismi natura, statu Sacramentorum in Ecclesia &c: cum enim Baptismus sit publicum Ecclesiæ Sacramentum, propterea requiritur, ut & à publico ministro dispensetur. (2) Sicut non cuilibet privato permiffum est in politica sumere sibi vel auctoritatem, vel potestatem in publica bona, sic idem de bonis Ecclesiæ publicis judicandum. (3) Diff. inter illud, quod de jure fit, & quod de facto. (4) cum omnia κατὰ τὴν φύσιν fieri debeant in Ecclesia I. Cor. XIV. 40. omnino multa prohibent, quo minus laicus baptismum administrare possit.

7. (VI) Quia hoc factum fuisse in Actis Apostolorum legimus, ubi Petrus, qui Apostolus, ideoq̃ legitimus minister erat, jussit, ut se presente Cornelius una cum tota familia sua baptizaretur. Quod quidem à fratribus Ioppenfibus, qui una cum Petro venerunt, factum esse contextus luculentissime docet. R. (1) à factis singularibus ad causas universales argumentari non licet. (2) aliud est loqui de Ecclesia plantanda, aliud de plantata: multa siquidem in Ecclesia plantanda cum primis quoad miraculosam Spiritus S. donorum effusionem facta sunt, quæ cum illis donis postea cessarunt, nec amplius in exemplum, vel imitationem trahi potuerunt: nam propter illa dona peculiarem & extraordinariam vocationem multi consecuti sunt, qui ministeriales partes susceperunt, licet alias in ministerio vel antea non vixerunt, vel alios respectus habuerunt: id quod etiam locum hic habere dicitur. (4) Petrus quando dixit: Nunquid aqua quis prohibere &c: eo certe semetipsum à baptizantibus non exclusit, sicut Act. II. 38. ibi v. 41. eventus subiungitur, quod auditores libenter susceperint sermonem ejus, & baptizati sint, ubi citra dubium Petrus etiam inter Ministros baptizantes repertus est: sic idem h. l. negari neq̃ potest, neq̃ debet. (5) Posito, quod à fratribus Ioppenfibus baptismus administratus sit: illi tamen fratres & ministri, non solum auditores & laici fuerunt, sicut ex similibus, exemplis in Actis Apostolicis est manifestum.

## QVÆSTIONES ANTI-SOCINIANÆ

EX ARTIC. X.

## AUGUSTANÆ CONFESSIONIS

DE

## COENA DOMINICA.

## QVÆSTIO PRIMA.

*An Efficienti Causa Cœnæ Dominicæ sit Christus Omnipotens,  
omnisapiens & omniverax?*

I.

**H**Æc quæstio desumpta fuit ex Formulæ Concord. p. 737. ubi legimus: Cum Dominus & Salvator noster Iesus Christus, de quo (ut unico nostro præceptore) severissimum mandatum de cæli omnibus hominibus datum est: HUNC AUDITE: non sit vulgaris aliquis homo, aut angelus: nec sit tantummodo verax, sapiens, potens: sed & ipsa æterna veritas & sapientia, & verus omnipotens Deus, qui rectissime novit, quid & quomodo loqui debeat, & omnia, quæ loquitur, ac promittit, potentissime efficere & præstare valeat, sicut ipse inquit: Cælum & terra transibunt: & alibi: Mihi data est omnis potestas in cælo, & in terra &c. ideo B. Franzius, & alii Theologi, Christum omnipotentem, omnisapientem, & omniveracem, autorem principalem Sacræ Cœnæ constituunt, quemadmodum B. Franzius disp. XI. in August. Confess. 1b. 2. seqq. prolixè hanc propositionem demonstravit: De Causa Efficienti Cœnæ Dominicæ, quæ est Christus omnipotens, omnisapiens & omniverax. Huic thesi Smalz. in refut. Franz. p. 326. contradicit, quem modo paucis examinabimus.

2. Hic observandum, quod non de causa quacumq; Cœnæ huius sit sermo, sed de causa principali, vere divina: nam alias ipsi Sociniani, Christum esse Causam Efficientem Cœnæ Dominicæ, non inficiantur, sicut statim ab initio scribit Smalz: Prima sectio (Franzii) est de Causa Efficienti Cœnæ Dominicæ: de qua quia nulla est inter nos controversia, nulla hic opus est responsione. Verum (1) mox varia respondere conatur, adeoque sibi met ipsi contrarius est. (2) οὐκ ἔστιν ἀλλ'

B b

Dist. XIII.  
R. M. MI.  
CHAE L  
ΩΩΩΩΩ  
Liplicalis,

ον, ἀπόστολοι Θεοῦ οὐκ, ipsi Sociniani, verbum igitur consentiunt de causa cœnæ, sententia verò maxime dissentiunt, prout prolixè demonstrari posset.

3. (2) Quod non de causa Efficiente Cœnæ vulgaris, sed sacramentalis; hic agatur, quæ verè sit medium nostræ salutis, non autem indifferens, vel nuda quædam cœrèmonia, prout communiter Sociniani docent: unde rectè dicitur esse necessarium, ut statim in ipsa causa Efficiente nostræ fides certa quædam fulcra respiciat, ne per rationis dubia varia loco moveri queat: Non placet hoc Smalzio, quare pergit: Animadvertere quædam necesse est, sparsa in thesibus. Mirum enim, vel potius crasso artificio, ut suam monstruosam obtineat sententiam Franzii de Cœna Domini, viam sibi sternit, dum Iesum Christum omnipotentem, omnisapientem, & omniveracem vocat: Verum monstruosa sententia corruptæ rationi videtur, veræ fidei, juxta verbum Dei, talis non dicitur. Deinde non mirum, nec crasum, sed huic mysterio, nostræq; fidei congruum, dicitur artificium, quod talia B. Franzii supponit, cum mysterium ipsum talia fundamenta requirar, & nostræ fides adjuncta talia supponat.

4. (3) Quod nec ipsa causa Efficiens, nec ejus ad ipsam cœnam relatio, nec ipsius Cœnæ Conditio, sensu Sociniano, sed potius Christiano, sit intelligenda: nihil igitur valent reliqua Smalzii verba, quæ subiungit οὐκ ὀφείλουσιν, ut assertionem & confirmationem Franzii lectoribus suspectam reddat inquam: Quæ rectè intellecta, licet nemo in dubium vocet, non sunt tamen rectè à Franzio demonstrata, nec ostensum est, quomodo ad rem faciant. Verum ut contrarium ad oculum pateat, B. Franzii verba notabimus, quo lectoribus fraus Smalzii pateat.

5. Hæc est thesis B. Franzii: Causa Efficiens Cœnæ Domini est Christus omnipotens, omnisapiens, & omniverax. Singula hujus theses verba postea demonstrat, tum conjunctim, ex verbis institutionis: Causa Efficiens Cœnæ Dominicæ est Christus Iesus, Dominus & Servator noster ipse Matt. XXVI. 16. Marc. XIV. 22. Luc. XXII. 19. sicut quod, & vel comprimimus 24. 25. 26. distinctim de singulis particulis: Is inquam, cui ante passionem suam omnia tradita fuerant à Patre Matt. 28. 17. Job. III. 25. XIII. 3. qui post passionem iterum proficetur, de-

iam

nam sibi esse omnem potestatem in cælo & in terra Matt. XXIX. 18. qui est splendor gloria, & figura substantiæ Patris, portans omnia verbo virtutis suæ Heb. I. 3. Is iterum inquam, qui est constitutus ad dextram Patris in cælestibus supra omnem principatum, & potestatem & virtutem, & dominationem & omne nomen; quod nominatur non solum in hoc seculo, sed etiam in futuro, subiecta habens pedibus suis omnia Eph. I. 20. 21. 22. unde in Apostolos, & alios effundebat plus quam miraculosa, & multiplicia dona Spiritus Sancti, perfectissimam rerum cælestium omnium sapientiam, DEI & voluntati divine summam scientiam Act. II. 2. I. Cor. XII. 7. 8. I. Joh. II. 27. fortitudinem ineffabilem ad sustinenda martyria Rom. IIX. 26. 38. 39. Is inquam, solus cum Patre & Spiritu S. verus DEUS, utpote qui est ita ante Abraham Joh. IIX. 58. ut nuspiam ante Abrahamum cæperit: ideoq; ei assimiletur Melchisedech, nec initium dierum, nec vita finem habens Heb. VII. 3. Ille, imago DEI invisibilis & primogenitus (Dominus) omnis creaturæ, in quo condita sunt universa in cælu & in terra, visibilia & invisibilia; sive throni, sive dominationes, sive principatus, sive potestates, omnia per ipsum, & in ipso creata sunt Col. I. 15. 16. Quod enim Sinalzium lib. de divin. c. 16. fol. 98. scribit: Creare omnia invisibilia in cælis, esse angelorum pristinas dignitates mutare, ut alia nunc sint ab illis, quas antea, quam Christus in cælum ascenderet, habuerunt: id commentum ipsius, non verò doctrina scripturæ sacræ est. Et annon ineptum sit, quod Socin. adv. Erasmi. Johannis p. 171. scribit: Sicut novi Reges, novam formam officiorum constituunt, ita quoq; Christum angelorum munia & c. mutasse in ascensione sua: ipsis illis extra verbum talia eructantibus, judicandum committimus penitus. Is iterum inquam, qui sicut omnia creavit, ita omnes ex morte resuscitabit Ioh. V. 25. 28. Talis igitur est Cæna Dominica Autor & Ordinator, qui omnia, quæ vult, potest facere in cælo, & in terra; seu qui habet omnem potestatem in cælo & in terra: ubi omnis potestas certe est omnipotentia, hoc est, absoluta, perfectissima, infinita, indeterminata, non limitata, divina, adeoq; DEI ipsius ipsissima omnis, omniū, omniū, sine exceptione, potestas, quam nos mente humana nequaquam assequi, vel ex minima parte, nedum lingvarum nostrarum infirmis vasculis eloqui possumus, credere autem firmiter & constanter, ut etiam admirari & obstupescere debemus. Quam potens autem

autem est *Cœna huiusce auctor*, tam quoq; est *verax & sapiens*, ut  
 pore plenu veritatu *Iob. I. 14.* imò ipsa veritas *Iob. XIV. 6.* unde in ejus  
 ore nunquam inventus est dolus *I. Pet. II. 22.* ut eidem credere debea-  
 mus, sive *terrena dixerit*, sive *cœlestia Iob. III. 12.* hoc est, quæcunq; vobis  
 docuerit, mandaverit, explicaverit, summa, mediocria, infima,  
 consentanea aut dissentanea nostræ rationi visa. Quippe *sapien-  
 tia* quoq; *DEI* est *I. Cor. I. 24.* & in eo reconditi sunt omnes thesauri sa-  
 pientia, quam sapientiam *DEI* mundus sua sapientia nunquam po-  
 tuit cognoscere, sicut legatus Christi, & Gentium Doctor *Paulus I. Cor.  
 I.* illam radicem & scaturiginem omnium contradictionum, con-  
 tentionum & errorum, in mundo gravissime taxat, nim. humani  
 ingenii confidentiam & superbiam, alio pulcherrimo exemplo  
 ex articulo de redemptione generis humani, per crucem Christi,  
 quæ crux Christi, ut & verbum crucis revera omnibus piis est vir-  
 tus & potentia *DEI*, pereuntibus autem stultitia. Dum igitur  
 prolixius ibidem ostendit, ingens esse discrimen inter humanam  
 sapientiam, & sapientiam *DEI*, & monet *DEUM* adversari humanæ  
 sapientia, quæ se se contra verbum ipsum effert, sicut & sapientia carnis  
 sit inimicitia adversus *DEUM* *Rom. IIX. 7.* ubiq; hoc vult, perpenden-  
 dam esse sapientiam sapientum, & prudentiam prudentum reprobandam:  
 siquidem *DEUS* stultam fecit sapientiam huius mudi, quia  
 quod stultum est *DEI*, sapientius est hominibus, & quod infirmum est  
*DEI*, fortius est hominibus. Audiamus igitur de hoc, & de aliis my-  
 steriis, illum solum, qui factus est nobis sapientia à *DEO*, ut etiam iusti-  
 tia & sanctificatio, & redemptio. *DEUS* enim in omnibus articulis  
 vult agnosci, sicut se patefecit, & alligat nos ad verbum, ad fidem,  
 ad cultum, & ad obedientiam, & huiusmodi exercitiis pio-  
 rum unice delectatur, quando ab ipso tori pendemus, & ipsi simplici-  
 ter & humiliter uni confidimus, nec pro nostro, plus quam stul-  
 tissimo, & prorsus in rebus divinis, omnem cogitationem, & lin-  
 guam hominum per infinitas myriades transcendentibus, cœcu-  
 tiente arbitratu media somniamus. Ex quibus erit lectoribus aper-  
 tum, quod *B. Franzius* plane satis & plene demonstrat, autorem  
 cœnæ esse Christum Jesum, omnipotentem, omnisapientem & omnivera-  
 cem, & in ultimis thesibus satis aperta reperitur applicatio, quod mul-



multis demonstrare possemus, nisi res omnis in vado versaretur: falsum igitur est, quod Smalzius dicit, *hæc à Franzio non esse recte demonstrata, nec ostensum, quomodo ad rem faciant, quia quod Franzius demonstravit, & in genere simul ad omnes articulos fidei, & ad præsens mysterium accommodavit.*

6. Sed Smalzius nonnulla fundamenta videtur urgere, quibus nobis orthodoxiam de *Causa*, vel *autore principali Cœnæ Dominicæ* dubiam reddere conatur. (I) *Quia etiam si Christus sit omnipotens, non potest tamen ea, quæ per se & naturâ suâ impossibilia sunt.* R. (1) adsumimus hoc, quod Smalzius largitur, Christum omnipotentem esse, licet hoc cum aliis Socinianis sincere non credat. Si proinde Christus est omnipotens, sequitur etiam, quod corporis & sanguinis sui præsentiam in cœna præstare queat. (2) Falsum est, quod præsentia corporis & sanguinis per se sit impossibile, aut natura sua impossibile, hoc dicit Smalzius, non autem probat. Dist. autem inter impossibilia natura, & natura; facile largi mur, quod natura hoc sit impossibile, falsum verò, quod natura sua sit impossibile.

7. (II) *Quia Deus ipse ea, quæ sunt natura sua impossibilia, posse dici non potest:* talis autem dicitur Cœna, quæ veram inferat præsentiam corporis & sanguinis Christi: Ergo nec Christus ea præstare potest. R. (1) Impossibilia natura sua vocantur, quæ simpliciter non ens, aut entis negationem inferunt, nec rationem entitatu, aut, ut loquuntur, *factibilitatē* admittunt: falsum autem, quod præsentia corporis & sanguinis talem rationem non Entis inferat: falsum igitur, quod natura sua sit impossibile, quod hic male Smalzius præsupponit. (2) Falsum, quod Deus præstare non possit, ut corpus Christi sit præsens in cœna, contrarium multis demonstrari posset, nisi sæpius illud alibi factum esset.

8. (III) *Quia omnisapientia & veritas nihil valent, ubi revelatio, vel promissum nullum antecessit.* R. (1) male Smalzius omnisapientiam & veritatem divinæ revelationi, vel promissioni hic opponit, cum ex hac illa nobis innotescat. (2) Falsum, quod in hac cœnæ causa non extet divina revelatio, vel promissio, contrarium enim institutionis verba testatorem faciunt, ubi disertis verbis dicitur, *Hoc est corpus meum* &c.

9. (IV) *Quia omnipotentia Christi sic necessario limitanda est, ut non excedat significationem vocis Christi, quæ quia unctum, vel Regem significat, statuendum est, Christum nunc eamque omnipotentem esse, quatenus id ad salutem nostram extenditur. Quod verò affirmantur loca, ad demonstrandam Christi omnipotentiam ante passionem ipsius, & exaltationem, in eo duplex error est. Nam & vox Omnia universaliter accipitur, cum tamen nemo nesciat, eam plerumque generatim accipiendam esse: & vox tradendi, vel dandi, pro reali traditione, vel datione accipitur, cum non minus usitatum sit, eam pro prædestinatione traditionis, & dationis accipi.* R. (1) Restrictio talis omnipotentia commentum Socinianorum, non autem mysterium sacrarum literarum est. Christo tribuitur indefinita, vel illimitata potestas, in dictis à B. Franzio citatis, & alibi, nec in locis adductis Christi nomen, aut formali nominis, vel significationis ejus respectus invenitur. (2) Pari modo Christi potestas in oraculis allegatis non tantum ad negatum salutis restringitur, sed potius ad res omnes, ad creaturas omnes extenditur. Christus indefinitam ejusmodi potestatem possidet, quæ non tantum ad fideles, sed etiam ad infideles, & ad ipsos quoque; Diabolos se prorsus universaliter extendit, quibus tamen cum negotio salutis nihil commercii. (3) Ubi vox omnia non restringitur in textu, ibi quoque restrictio talis eidem non est affingenda; nec ullam ex textu restrictionem Smalzium ostendere potuit. (4) Sic etiam verba tradendi, dandi, manifestis indicibus textus de actuali vel datione, vel traditione, nobis intelligenda veniunt, cum prædestinatio non sit temporis, sed æternitatis: & quæ DEUS Pater homini Christo destinaverat ab æterno, de iis Christus in citatis locis testatur, quod nunc quoad actualem traditionem, vel dationem ea possideat.

10. (V) *Quia Christi potentia, sapientia, veritas non potest efficere, ut aliquid ille faciat, quod verbo illum, nobis tradito, contrarium sit.* R. (1) Christi sapientia & veritas, in, & è verbo, potentia verò in, & è facto elucefcit, adeoque inter se conferenda sunt. (2) Falsum est, quod Christo potentia, sapientia, veritas, aliquid verbo DEI contrarium efficere velint, adeoque nec talia vel potentia, vel sapientia, vel veritate recte tribuuntur. (3) Falsum, quod vel in aliis, vel in hoc de Cena

nego-

negotio Lutherani potentia, sapientia & veritati Christi quicquam tribuant, quod verbo DEI contrarium sit.

II. (VI) Quid praposterum est, docere, Christum posse omnia facere, & interim non docere, illum promississe, se aliquid facturum; ostendatur, illum promississe aliquid, vel saltem revelasse; & nemo erit, qui id eum facturum, vel facere posse, dubitaturus sit. R. (1) Satis illud à H. Franzio demonstratum, cur igitur Smalzius veritati demonstratæ non subscribit, sed contumaciter eidem contradicit? (2) Diff. inter demonstrationem realem & verbalem: non quibuslibet, & ad hæreticorum palatum accommodatis verbis Spiritus S. dogmata fidei demonstrat, sed realiter & doctrinaliter illa manifestat. (3) Clarissima sunt Christi verba: Hoc est corpus meum: Hic calix est Novum Testamentum in meo sanguine: clarissima sunt Pauli verba I. Cor. X. 16. c. XI. 23. seqq. in his si Smalzius acquiescere vellet, de clara vel revelatione, vel promissione, vel demonstratione, nullum dubium moveret. Jam valet illud: Semper contrarium esto.

## QVÆSTIO SECUNDA.

*Utrum Materia Cœnæ Dominica non tantum sit panis & Vinum, sed etiam Corpus & Sanguis Christi?*

1. Circa quæstionem ipsam indicamus (1) quod varia sint de Cœna Dominica sœmnia Socinianorum, utpote quod sit nuda quædam ceremonia Volkel. l. 4. de Ver. Relig. c. 22. p. 301. Smalz. contra Fr. p. 347. Socinû, & alios passim, quod non sit Sacramentum Smalz. d. l. Ostrod. in insit. p. 336. quod in locum ceremoniarum abrogatum V. T. sit à Christo instituta Volkel. d. l. quod nullo sit actus verbo promissionis. Socin. de Cœna p. 85. quod verbum DEI, ex quo fides nostra confirmatur, in Cœna Domini non sit necessarium p. 41. quod saltem institutus sit, vel potissimum, ut perpetua extet in Ecclesia commemoratio, & iphus, & mortuus, quam pro nobis sustinere voluit p. 3. quod licet à Domino sit instituta, tamen opus nostrum sit, nihil prorsus novi in se continens, aut præ se ferens, nihil deniq. habens, quod quicquam eorum verum esse nobis ostendat, vel suadeat, ex quibus fides nostra confirmari queat: & quæ sunt alia commenta. His enim & aliis cognitis, nec mirum alicui videri potest,

est, quod nihil præter panem & vinum, à Socinianis Cœnæ tribuatur.

2. (2) Quod non tantum de Materia visibili, vel externa, vel, ut vocari consuevit, *terrestri* sit sermo, sed etiam de *invisibili*, *internæ* & *cœlestis*, adeoque de *tota*, *adæquata* & *sacramentali materia* quæstio movetur, quæ materialiter totum sacramentum absolvat. Nos dicimus, quod *Panis & Corpus Christi*, *Vinum & Sanguis Christi*, sint *materia totæ Sacramenti*, contrariam sententiam Sociniani tuerentur, & præter panem & vinum in cœnâ nec Corpus & Sanguinem Christi dari, pertinaciter inficiantur. *Sacramentum Cœnæ Dominicæ*, scribit Socin. in tract. de Cœnâ p. 86. *nihil porrigit præter panem & vinum*. Smalz. contr. Franz. p. 327. *Secunda sectio doctrinæ* [Franzius] *quæ sit substantia Cœnæ Domini, nempe duplex, Terrena & Cœlestis*. De terrena, quæ est panis & vinum, non est ulla controversia: de altera videamus, quid dicat Franzim. Hanc autem dicit esse *Corpus & Sanguinem Christi*. Hoc nos negamus. *Ostrod. in instit. c. 38. p. 331.* So wollen wir den weiter beschn/was für Speise und Trank im Nachtmal sind. Dieselbe aber sind anders nichts/ denn nur schlechte Brodt und Wein / nemlich was ihre substantz und Natur betrifft. Ubi notandum, quod non agatur hic de *substantia panis & vini absolute*, num adhuc in cœnâ sit substantia panis & vini? nam hoc contra *Papisticum Transsubstantiationis commentum* defendimus: sed de *natura*, vel *substantia cœnæ*, quid panis & vinum sacramentaliter in Cœnâ sit, vel ex quibus substantia Cœnæ materialiter constituitur, quæ ratione dicimus, quod materialiter non tantum panis, sed etiam *corpus Christi*, non tantum vinum, sed etiam *sanguis Christi* reperiatur.

3. Sed missis aliis testimoniis, potiora quædam argumenta Socinianorum, cum primis juxta ductum *Ostrodi* l. d. nunc examinabimus. I. *Quia hæc Elementa sancta sunt, non propter naturam suam, sed propter usum suum, gratia cuius instituta sunt.* R. (1) non quæritur de *natura Elementorum panis & vini*, sed de *materia totius Cœnæ*, prout quæstio monstrat: hic igitur *ignoratio Elenchi* committitur, (2) *Elementa sancta sunt*, non quoad *usum absolutum*, quia datur etiam

iam *vulgari*, imò *abominabilis* usus panis & vini, sed propter *usum* *relativum*, *verèq; sacramentalem*: *sacramentalis* autem *usus* non consistit in solius panis & vini, sed etiam in *corpore & sanguine Domini participatione*. (3) Si *Elementa sancta* sunt propter *usum*, cujus gratia sunt instituta, sequitur, quod non sint sola, quoniam instituta sunt propter *corpore Christi manducationem*, & *sanguinis Christi bibitionem*, ut institutionis verba demonstrant.

4. II. *Quia sicut panes propositionis in V.T. licet nudi panes essent, tamen propter usum, gratia cuius ordinati fuerunt, sacri dicebantur.* R. (1) alia est ratio panis *ceremonialis propositionis*, alia ratio panis *sacramentalis institutionis*, nam toto cœlo iustare dicantur: ille siquidem *typum* offerebat, hic *antitypum* sistere debebat: ille destinabatur *sacerdotibus in usum quotidianum*, hic verò *fidelibus in usum salutarem atq; mysticum*: ille Domino offerebatur & proponebatur, hic *fidelibus Christianis* offertur, atq; proponitur. &c: (2) *Panes propositionis* neutiquam peculiare Veteris Testamenti *sacramentum* constituerunt, sed ad levitici cultus statum tantummodo pertineerunt, cum duo tantum fuerint V.T. Sacramenta, *Circumcisio* nimirum & *agnus Paschalis*: at panis Eucharisticus vere sacramentalis est.

5. III. *Quia scriptura diserte cibum illum panem, potum autem vinum vocat.* R. (1) Scriptura diserte *cibum illum panem*, & *potum illum vinum* appellat non *exclusive*, sed *inclusive*, non *absolute*, sed *relative*, adeoq; neq; *corpus*, neq; *sanguinem* excludit, cum juxta Logicos, à non *exclusive* minime liceat ad *exclusive* argumentari. (2) Scriptura loquitur de *pane sacramentali*, vel *eucharistico*, sicut materia substrata, vel contextus ostendit, non de *pane vulgari*, vel *physico*, prout *Ostorodius* aturnat. (3) Scriptura non tantum *panem* appellat *cibum*, & *vinum potum*, sed etiam de *pane* pronunciat, quod hic *panis, quem frangimus, sit participatio corporis Christi, calix autem, cuius benedicimus, sit communicatio sanguinis Christi* 1. Cor. X. 16. Confer. c. Xlv. 27. seqq.

6. IV. *Quia nostri sensus, nimirum visus & gustus, nihil aliud, quam nudum panem & vinum ibidem deprehendunt.* R. (1) *Cœna mysteriorum* est, adeoq; non *sensualis observationis*, sed *cœlestis revelationis*,

non objectum physicum, sed mysticam, non res externa speciei, sed interna fidei. (2) Dist. inter Elementum externum, & mysterium, vel sacramentum internum, ad illud externi sensus spectant, at hoc verò minime penetrant, nec penetrare possunt. (3) Sicut in baptismo tantum externum Elementum aqua videtur, in prædicatione verbi tantum externus sonus auditur, & tamen utrobique; mysteria magna regni cælorum inveniuntur, quod fideles credunt, etiamsi Photiniani neutiquam id sincere credere velint, sic eadem ratione visus & gustus, tantum panem & vinum percipiunt, sed fides animæ corpus & sanguinem Christi, secundum auctoris promissum, consequitur.

7. V. Quia vehementer errant, qui statuunt, quod cibum iste sit corpus, potus autem sanguis Christi, sive fiat per Transsubstantiationem, & ex sententia Papiſtarum, sive per sacramentalem unionem, ex sententia Lutheranorum, sive per spiritualem manducationem, ex sententia Calvinianorum, quas omnes sententias repudiat Osfordus. R. (1) nitiur hypothesis falsa nosſter adversarius, dum præsupponit institutionis verba non proprie, sed figurate accipienda esse, quod à nostris sæpius refutatum est. Confer. Form. Concord. tit. de Cæna. (2) Transsubstantiationem Papiſtis, absentis corporis & sanguinis spiritualem manducationem, exclusivo sensu, Reformati relinquimus, nos juxta scripturam & sacramentorum naturam, veram præsentiam & sacramentalem usurpationem, per & propter institutionem Christi Salvatoris, & sacramentalem unionem panis & corporis, vini & sanguinis, constanter asserimus atque defendimus.

8. Huc faciunt etiam sequentes rationes, quas pag. 334. seqq. contra prædicti verborum institutionis, & consequenter contra præsentiam corporis & sanguinis Christi, vel cœlestis hujus sacramenti materiam urget (1) Quia foret impossibile, corpus & sanguinem hominibus proprie manducare & bibere, neque tamen quisquam eorum gustare; sed nudum panem, atque vinum nudum, sensibus deprehendere. R. (1) apud DEUM non est impossibile verbum ullum, secundum angeli pronunciatum Luc. I. 37. Quod igitur impossibile nobis, illud DEO non est impossibile. (2) In mysteriis fidei non videndum est, quid dicatur, sed à quo dicatur, & instituat; cum igitur Christus verus DEUS, corporis sub pane manducationem, sanguinis, sub vino bibitionem instituerit, utique, credendum id est, non verò ratione vel

vel sensibus scrupulosius inquirendum. (3) *Diff. inter objecta sensuum & fidei*: panis & vinum sunt *objecta sensuum*, propterea sensibus exponuntur, dum oculis conspiciuntur, & gustu percipiuntur: sed *corpus & sanguis Christi* non sunt *objecta sensuum*, adeoque nec visu, nec gustu deprehenduntur, sed *fide*, vere proinde hic aduſe crediuntur.

9. (II) *Qvæ Christus abominabile quoddam & horrendum sic præcepisset dicens, Edite, bibite, qvæ nihil abominabile est, quàm corpus hominis manducare, & sanguinem ejus bibere, & quidem illius hominis, qui summus sit benefactor & salvator, qualis Christus fuit.* R. (1) aliud abominabile vel horrendum dicitur, aliud abominabile, vel horrendum est: licet hoc dicatur Socinianis abominabile vel horrendum, tale tamen non est, cum ex divina voluntate & bonitate, ac Christi Salvatoris institutione pendeat. (2) *Diff. inter cruentam & carnalem carnis humanæ manducationem ac humani sanguinis bibitionem, & inter in-cruentam vel sacramentalem*, qualis hæc esse dicitur; non hæc, sed illa dicitur abominabilis & horrenda. (3) *Diff. inter manducationem ipsam, & manducationis modum*: non ipsa manducatio, cum primis spiritualis & sacramentalis corporis & sanguinis Christi dicitur abominabilis & horrenda, sed modus capernaïticus foret abominabilis & horrendus, si quis eum statuere vellet, qui tamen à nostra sententia maxime dicitur alienus.

10. (III) *Qvæ talis manducatio corporis esset inutilis, teste Christo Joh. VI. 63. siquidem in corde hominis nihil operari potest: DEUM autem & Christum nihil frustra faciunt.* R. (1) contrarium testantur verba Institutionis, quod nimirum corporis manducatio faciat ad meritum Christi salutarem applicationem, qvæ corpus illud accipimus, quod pro nobis datum, & sanguinis bibitio quoque pertineat ad remissionem peccatorum, & veram nostri justificationem, qvæ sanguinem illum bibimus, qui pro nobis effusus est Matt. XXVI. 28. propter hos & alios usus manducatio corporis & bibitio sanguinis inutilis dici nequit. (2) Christus Joh. VI. plane non agit de sacramentali manducatione, qvæ fit in cœna, sed de spirituali manducatione, qvæ fit in verbo, non de ea, qvæ fit ore, sed qvæ fit sola fide, prout alibi prolixè demonstravimus, & contextus ipse docet. Et sic caro non panis, sed spiritus potius opponitur, sicut integer locus ostendit, qvæ

quia Christus dicit: *Spiritus est, qui vivificat, caro non prodest quicquam*: non autem loquitur de carne sua, quæ juxta textum præcedentem, *vere vivifica* dicitur, nec audent hoc Sociniani negare, quod multas carno Christi tulerit utilitates, sed loquitur Christus de carnali, vel crasso suorum verborum sensu, occasione Capernaica detorsione v. 25. *Quomodo potest hic nobis dare carnem suam ad manducandum? v. 60. Durus est hic sermo, quis potest eum audire?*

II. (IV) *Quia hæc opinio pugnat cum præcipuo articulo Christianæ fidei, nim. cum Christi ascensione, & ejus ad dextram DEI sessione &c.* R. (1) inter articulos fidei nulla datur pugna, sed conveniens harmonia, si modo fidei relinquantur, nec ad iudicium vanum rationis remittantur, quod hic fit à Socinianis. (2) falsum est, quod hæc doctrina pugnet cum ascensione, vel sessione ad dextram DEI, cum Christus ascendere visibiliter, & sedeat ad dextram DEI omnipotenter, hic vero corpore, vel sanguine suo dicitur adesse sacramentaliter, inter quæ certe nulla pugna reperitur, cum oppositio requirat idem non tantum subiectum, sed etiam eundem subiecti statum, modum, respectum &c. quod hic minime servatur. (3) Sicut visibili præsentia per se nihil immediate confert sacramentali corporis & sanguinis Christi perceptioni, quod patet ex institutione primæ cœnæ, quia Christus visibiliter coram oculis Apostolorum sedit, & Cœnam instituit atque distribuit, ut nimirum corpus non visibiliter manducarent, aut ita sanguinem biberent, sed ut utrumque sacramentaliter perciperent, sic ejus visibilis absentia nihil adimit sacramentali manducationi, cum præsentia sacramentalis non sit visibilis, sed invisibilis. (4) Ex natura dextræ DEI potius nostra sententia confirmatur, quam enervatur, quia sic in usum omnipotentis & omnipræsentis majestatis divinæ pervenit, adeoque fidelibus in his terris adesse vult & potest, & corpus suum ad manducandum, atque sanguinem suum ad bibendum optime porrigere novit.

### QVÆSTIO TERTIA.

*An detur Unio Sacramentalis Panis & Corporis, Vini & Sanguinis Christi?*

1. *Unio sacramentalis*, juxta B. Hutter. in Comp. loc. 21. q. 16. dicitur divinæ virtutis operatio, quæ duæ diversæ res, nempe terrena & celestis, hoc est, panis & vinum, corpus & sanguis Christi, in vero usu cœnæ,

qvi



qui consistit in manducando & bibendo, sacramentaliter, hoc est, supernaturali & ineffabili modo sibi invicem sunt unita, & secundum institutionem Christi simul distribuuntur & accipiuntur.

2. De hac Unione sacramentali prolixè disseruit B. Franz. d. 11. in Aug. Confess. sect. 3. & ejus fundamentum immediatum, nimirum Verbum institutionis, atque mediatum, nimirum Unionem personalem, copiosè demonstravit: Hæc, scribit inter alia, Sacramentalis Unio fundamentum habet ipsa verba institutionis, & ipsam veracissimam promissionem, apud tres Evangelistas, & apud Paulum I. Cor. XI. 23. seqv. *Poma* & si Christus promisit & dixit expresse, se una cum pane corpus suum, & una cum vino sanguinem suum verum & substantialem in Cœna distribuendum; tamen quomodo si suum corpus cum sacro pane distribuatur, & quomodo si suum sanguinem cum sacro calice nobis bibendum distribuatur, hoc non enuntiavit, nec usquam manifestavit Dominus & Magister noster Christus. Itaque primum pia mens in cœna panem & corpus, vinum & sanguinem agnoscat esse unum quiddam Sacramento, h. e. panem & vinum agnoscat esse media, organa & instrumenta *ἡμετέρας*, quibus mediantibus juxta promissionem dentur, & comedantur corpus & sanguis Christi ipse, scilicet tunc, quando media *ἡμετέρας*, panis & vinum, participantur. Deinde vero, quando piam mentem profundius exercet cogitatio de Modo, tum eadem recurrit iterum ad verbum DEI; quod monstrabit carnem Christi illius, ex unione cum omnipresente *λόγος*, ditatam esse divinis eminentiis, ut sese singulis, ubique, locorum communicantibus sistere facillime possit, etsi nos Christi rationem illam sistendi suum corpus & suum sanguinem infinitis participantibus cogitando assequi, & intelligere, & eloqui non possumus. Nisi corpus Christi cum *λόγος* omnipotente & omnipresente unitum esset *ἀδιεγέρτως*, *ἀδιαλύτως* & *ἀδιασάπτως* plius, quam aliud verum & naturale corpus, prestare non valeret, nec nisi verè in uno loco sese præsens exhibere posset. Jam verò propter unionem cum corpore suo, omnia, quæcumque vult, Christus perficere & agere potest, quæcumque & quocumque modo eadem promisit. Plura vid. d. l.

3. Hæc & alia, quæ juxta scripturam de Unione sacramentali B. Franzius protulit, fides in oculis Smalzio videntur, unde p. 330. scribit: Sectione tertia (Franzius) fabulam recenset, quæ altera fabula nitiatur, nempe unionem panis & corporis, vini & sanguinis Christi, quæ nitiatur unione quædam personali, quam homines otiosi ipsimet in Christo com-

*finxerunt, & cum eam probare nequeant, credi tamen volunt. Quæ vero id credi possit, quod nullo modo probari potest.*

4. Quod Smalzius mysterium Unionis Sacramentalis fabulam vocat, more suo facit, cum pleraque mysteria regni cælorum profabulis Socinianis venditent, non sine atroci injuria, & horrenda blasphemia. Mysteria scripturæ sunt divinæ revelationis, non fabulose traditionis. Probare verò conatur hæreticam suam assertionem (1) Quis niscatur alia fabula, quod nempe juxta Franzii sententiam, unio panis & corporis, vini & sanguinis Christi, niscatur unione quadam personali, quam homines otiosi ipsius in Christo confinxerunt. R. (1) falsum est, quod B. Franzius hoc primum & immediatum constituat fundamentum unionis sacramentalis, nimmysterium unionis personalis; contrarium ex eodem th. 2. demonstravimus, cum disertis verbis institutionis verba primum & immediatum unionis sacramentalis fundamentum constituat. (2) Dist. igitur inter fundamentum immediatum & mediatum, proximum & remotum, inter id esse sacramentalis unionis, & id posse præstare sacramentalem unionem; quoad priora B. Franzius institutionis verba producit, quoad posteriora ad mysterium personalis unionis respicit. (3) Dist. inter modum generalem & specialem sacramentalis unionis, inter materiale & formale: non ex unionem personali specialiter formalem rationem unionis sacramentalis exponit, sed generaliter materiale statum presentie, vel unionis supernaturalis inde deducit, sicut immediate sequentia verba demonstrant, Sic enim ad superiora pergit: Adeoque Christi corpus nunc non naturaliter, vel modo naturalis simul in omnibus, aut multis locis, ubi cæna Domini celebratur & administratur, præsens exhibetur; sed modo spirituali, Qui dependet ex RATIONE UNIONIS PERSONALIS ET SESSIONIS AD DEXTRAM DEI, præsertim cum Dominus JESUS CHRISTUS ipse circa finem visibilis sue conversationis, in verbis institutionis Cænæ Dominicæ hoc expresse & fideliter promiserit. Unionis igitur sacramentalis mentione & re, nequaquam intelligimus hoc, quasi panis & corpus, Vinum & sanguis unum fiant natura, vel persona, vel perpetua connexionem quæpiam simili, neque etiã indigitamus & fingimus, localem aliquam incarnationem, quæ oporteret corpus Christi localiter adesse & includi in pane, sicut stramen in sacco, cultrum in vagina, gladium in capulo, sicut alias quodvis contentum in suo continente. Et si localiter

qui-

quidem adest panis benedictus, tamen inde non sequitur, quod & propterea localiter adsit corpus Christi in pane. *Alio siquidem modo adest panis, aliter corpus Christi: Corpus enim Christi vere quidem adest, quia verba Christi, cum dicit, Accipite, Comedite, Hoc est corpus meum, Bibite, hic est sanguis meus, certò hoc expresse volunt, attamen adest cum pane, tanquam medio à Christo ipsòmet instituto, non nisi modo supernaturali, celesti, & rationi humana incomprehensibili. Quamquam etiam canimus: Das wir nimmer des vergessen / gab er uns sein Leib zu essen / verborgen im Brod so klein / und zu trincken sein Blut im Wein* I. e. ne illud oblivisceremur, dabat nobis corpus suum comedendum, latens in pane tam parvulo, & ad bibendum sanguinem in vino: tamen nec illis verbis localens in pane corporis Christi inclusionem stabilire, sed tantummodo veram praesentiam corporis & sanguinis Christi cum sacris symbolis indigitare volumus, & ut ea ulterius non extendantur, populum à pastoribus & ministris verbi doceri jubemus, nimirum ut sciat populus, symbola sacra esse media & instrumenta, per quæ Christus nobis in sacra Cœna, quæ hic in terris, & non in cœlo administratur, corpus & sanguinem suum exhibet. Quamquam item cum Patribus, ut cum Augustino, Cyrillo, Chrysostomo, dicimus, dari & accipi corpus, in, cum & sub pane, vel sub specie panis, tamen nec tum ullam localem comminiscimur, vel fabricamus inclusionem corporis in pane, sed earum particularum sensum hunc explanare jubemus, quod certo cum pane detur & distribuitur corpus Christi &c: quæ propterea recitare voluimus, ut lectoribus evidenter constet, quod B. Franzius satis plane, satisque plene mentem suam exposuerit, & simul causam ostenderit, quare personalis unionis mentionem hic injicere voluerit. (4) Falsissimum est, quod unio personalis fabula sit, vel orisoforum hominum signentum, quod alias Sociniani fabulantur, cum disertis verbis dicatur DEus manifestatus in carne I. Tim. III. 16. Verbum caro factum, ut habitavit in nobis Ioh. I. 14. & sicut pueri communicant carni & sanguini, quod sic etiam de iis Filiis DEI participavit Heb. II. 14. cum non angelos, sed Abrahamæ semen assumserit v. 16.

§. (II) Quod unionem sacramentalem probare nequeant. R. (1) nos in rebus versamur, nobis igitur minime, sed adversariis incumbit probatio. (2) ex abundantia tamen falsum est, quod unionem sacramentalem probare non possimus: nam urgemus (a) ipsum verbum  
nisi.

*institutionis*, quod multipliciter *unionem sacramentalem* confirmat, nimirum partim *ex unita demonstratione*, Hoc, inquit, nim. totum complexum unitum, est panis & corpus: partim *ex unita predicatione*, quia hoc, quod sensibus monstrabat, non panem solum dicebat, sed simul corpus esse predicabat, partim *ex unita exhibitione*, quia simul panem & corpus exhibebat, prout diserta verba convincunt: quæ vero simul exhibentur, ea quoque simul certo modo quodam uniuntur, & quidem pro substrata materia: dum igitur hic sacramentaliter exhibentur, sacramentaliter etiam uniuntur: partim *ex unita acceptione*, partim *ex unita manducatione*, partim *ex unita operatione* &c: quæ & alia sacramentalem unionem in verbis institutionis demonstrant. (b) Verbum Apostolicæ testificationis I. Cor. X. 16. *Panis, quem frangimus; nonne est communicatio corporis Christi? calix, cui benedicimus; nonne est communicatio sanguinis Christi?* ex qua communicatione certo sacrament aliu unio confirmatur: nam quæ realiter unita non sunt, eorum unum non est alterius *κοινωνία*: è contra verò, quorum unum est alterius *κοινωνία*, illa ut realiter unita sint, necessum est: & quia h. l. datur sacramentalis *κοινωνία*, propterea quoque sacramentalis unio necessario concedenda venit. (c) Verbum Apostolicæ traditionis I. Cor. XI. 23. seqq. Multa pariter hic argumentum ex sacramentorum quidditate, tum ex eorum integritate, tum ex eorum unitate, tum ex eorum virtute, vel operatione &c: nunc urgere possemus, sed hæc impræsentiarum dimittimus.

6. (III) Quia sacramentalem unionem Lutherani saltem credi volunt. Quasi verò id credi posset, quod nullo modo probari potest. 1. (1) Mysteria fidei non probationibus nostris, sed revelationibus & assercionibus divinis nituntur, adeoque multa creduntur, quæ tamen cum primis in fidei simplicitate non probantur. (2) Dist. inter probationes rationis & revelationis: has, non illas in mysteriis fidei respicere debemus: non tamen has, sed illas adversarius intendit, quemadmodum ex ejus tota tractatione de Cena patescit. (3) Falsum est, quod sacramentalem unionem Lutherani saltem credi velint, nullo verò modo probatam eam reddant, contrarium ex nostratum scriptis, ex allegatis antea B. Franzii dictis, & citatis thesi præcedenti fundamentis, est manifestum. (4) Falsum est, quod id credi non possit, quod nullo modo probari potest: contrarium Christus Joh. III. 5. seqq. & scriptura passim alibi demonstravit. (5) Falsum, quod unio sacramentalis nullo modo probari possit, cum evidentes probationes thesi 5. productæ sint.



omnes & singulas circumstantias, accuratam enumerationem criminipendæ requirunt, sicut ipse Bellarm. l. 3. de Poenit. c. 9. scribit: *Non possunt sacerdotes congruam poenitentiae actionem injungere, nisi PECCATA OMNIA ACCURATE COGNOScantur, & NECESSARIUM, ut SIGILLATIM peccata OMNIA sacerdotibus detegantur*: unde curiosius in singulas circumstantias inquirunt Papistici Confessionarii, juxta vulgatos versiculos: *Quis, quid, ubi quare, cur, quomodo, quando, Peccasti dices, ut sit Confessio vera*: Vel, *Aggravat ordo, locus, mora, causa, scientia, tempus, Lucta pusilla, modus, culpa genus, & status alius, Conditio, numerus, aetas & scandala, sexus, De hac Confession: passim ipsi Papistica saniores conquerruntur unde nobiscum illa nihil commercii*

3. (3) *Jure* sic ut aliquid retineri, vel jure divino quando nimirum per DEI verbum aliquid præscribitur & præcipitur: vel de jure Ecclesiastico, quando juxta *leges Ecclesie* quicquam observatur, & in Ecclesia conservatur, ita quidem ut fiat ad bonum ordinem, ad decorum, & ad aedificationis usum, secundum Apostoli requisita 1. Cor. XIV. 26 40.

4. His præmissis, circa *controversia statum* monendum, quod hic non agitur. (1) De *statu confessionis authentici*, num ipsum Deum autorem habeat, & sic institutione quadam authentica gaudeat: licet enim Deus à protoplastis nostris Gen. III. 9. seqq. statim privatam Confessionem peccatorum urserit, tamen simpliciter ex illa nostram confessionem privatam nec deducimus, nec defendimus: (2) nec de *statu Confessionis canonici*, num in scriptura Canonica Confessio privata sit ita tradita, ut quoad modernum statum, scopum & usum nobis præscribatur? nam etsi varia privatae confessionis argumenta reperiantur in scriptura canonica tum veteris, tum Novi Testamenti, non tamen eo modo, quo nunc in Ecclesiis orthodoxis viget, eam præscriptam nobis pronunciamus: (3) nec de *statu nomotetico*, num privata Confessio legis instar nobis à Deo præcepta sit? quamvis n. de Confessione peccatorum in genere varia præcipiuntur in sacris literis, hanc tñ. in Lutheranis usitaram Confessionem Ecclesiasticam legis instar præceptam esse, neutiquam à nobis asseritur. (4) nec de *statu necessario*: num usus ejus ita sit retinendus, ut in se confessio privata sit necessaria.

necessaria? nam tamen modo suo necessitatem aliquam externā & respectivam privatæ confessionis asserimus, non tamen propterea necessitatem internam & absolutam defendimus. (5) nec de *statu constitutivo & introductivo*, num ita se habeat Confessio privata, ut simpliciter apud omnes sit constituenda, recipienda, & ubi non est recepta, necessitate quadam introducenda? notum enim est, quod hæc Confessio, quæ fit per generalem, & respectu subiecti peculiarem peccatorum confessionem & contestationem, & per singularem cujuslibet peccatoris absolutionem, in omnibus Lutheranorum Ecclesiis non sit in usu, quæ tamen nihilominus verè Lutheranæ sunt & manent, etiam si talem confessionis privatæ ritum non servant, nec simpliciter ab aliis Lutheranis vel Doctoribus, vel Ecclesiis urgetur ut consuetudo privatæ confessionis in illis constituatur, introducatur & recipiatur. (6) Sed de *statu libero, legitimo & conservatorio* potissimum hic solliciti sumus: Num ita Confessio privata comparatata sit, ut in iis locis apud orthodoxos, ubi semel recepta fuit, vere licita sit & legitima, atque jure conservari possit, aut debeat? Et hoc est, quod nos asserimus.

5. Hinc quod jure conservetur apud nos *privata Confessio*, probavimus in *Method. Repet. Aug. Conf. art. XI. p. 276. li. 24.* (1) *ex usu didactico* (2) *ex usu therapeuticō* (3) *ex usu cathartico* (4) *ex usu omoologetico* (5) *ex usu peroratorio* (6) *ex usu epianorthotico* (7) *ex usu peroratorio* (8) *ex usu peroratorio* (9) *ex usu elegitico* (10) *ex usu dialektico*. Et in *Art. XXV. sb. 13. seq. p. 972. seqq.* (a) *ex scriptis symbolici* (2) *ex scriptis Didactici* (3) *ex scriptis polemicis* (4) *ex scriptis practici* (5) *ex quotidianis exemplis*. (6) *ex B. Lutheri testimonio*, quæ prolixius ibidem deducta leguntur.

6. Hæc autem *Confessio privata* non tantum *Calvinianis*, sed etiam *Socinianis* sudes est in oculis, unde *Smalzium in refut. Franz.* p. 351. 352. 353. de hoc negotio disputat. Assumimus autem 1) quod *Smalzium* faretur de *Papistica Confessione*: *Convenit inter nos & Lutheranos, magnam fuisse & esse in Papatu conscientiarum carnificinā, per istam tam Confessionem, quam absolutionem, quam ipsimet sibi confinxere.* (2) Quando scribit ulterius: *Franzium tantum affirmat, quod confessio peccatorum Deo & hominibus, nempe offensis faciendæ sit & id quibusdā locis sacrarum literarum, & testimonii quorundam*

*Patrum confirmat, sed ea in re nullum est inter nos & illos disfidium.*  
 [3] Quod verò scribit de nostra confessione: non possumus autem non dolere, reliquias istius Papistici erroris teneri & defendi ab iis, qui tantopere Pontificiam accusant tyrannidem in eo graviter nos accusat, sed nihil in his verbis demonstrat. p. 352. postea rationes quasdam allegare videtur, quas modo paucis examinabimus.

7. Sic autem l. d. scribit: *Qua Franzius in sect. 7. à tb. 132. ad 157. disserit, de Confessione auriculari Lutheranorum, ea quidem nobis non sunt incognita: sed an recte fiat illa auricularis Confessio, docendum erat Franzio. Non negamus nos, peccata aliquem confiteri posse coram ministro verbi divini, ut scilicet ab eo institutus, disceat in posterum à peccando cavere, & precibus ejus adjutus, facilius remissionē peccatorum consequatur: sed hoc nec necesse est in templo fieri, nec pro re tali censendum est, sine qua nemo ad cenam Domini admitti possit, nec deniq; statuendum est, idem etiam coram alio fieri non posse, qui scilicet sit homo probus, & ad erudiendum ac juvandum precibus suis eum, qui alios offendit, vel deliquit, aptus. Nam ut Pontificii omnes sibi in omnes potestatem ista sua auriculari scrupulosa confessionē arrogarunt: sic apud Lutheranos per istas reliquias auricularis confessionis non nihil etiam sibi ministros præter verbum DEI arrogare vel saltem arrogare posse, & homines in peccatis derineri, obvium est. Hac illē.*

8. Ex his verbis nonnulla videntur argumenta promanare, quibus Smalzii probare conatur, quod in Ecclesiis orthodoxorum jure Confessio privata non retineatur, idq; probat (1) à probationis neglectu. *Quia quod recte fiat ista auricularis Confessio docendum erat Franzio: quia verò non docuit, ideo Smalzii colligit, eum id docere non potuisse. Resp. (1) negatio non est probatio: si negare sufficeret, quilibet contra quælibet disputare posset. (2) Franziiu sect. 7. de Confessione Lutheranorum auriculari verba facit, non circa, sed juxta verbum DEI, quod statim ab initio præsupponit tb. 335. His igitur omnibus ex verbo DEI hætenus proseria Confessione peccatorum, DEO & Proximo facienda, & adversus auricularem Confessionē, omniumq; peccatorum enumerationem, quam ut necessaria ex jure divino requirunt Pontificii tortores, prælibatis: nunc tandē (ex eodem DEI verbo) restat, ut dicamus de nostra Confessione, sic vulgo etiam indigitata auriculari, quæ nimirū in Ecclesiis Lutheranis adhuc*



*adhuc est in usu.* Qua de causa Franzius hæc, quæ sect. 7. proponit, ex præcedentibus sectionibus colligit atque deducit, adeoque talia nequaquam, ut autumat Smalzius, sine fundamentis producit. (3) Falsum est, quod Franzius etiam non doceat, hanc *Confessionem Lutheranorum recte fieri: disting.* tamen est inter *doctrinam explicitam & implicitam*, non *explicitè* rectitudinem illam demonstrat, *implicitè* tamen eam manifestat, quod recte fiat Lutheranorum confessio (1) *rectitudine objecti*, quia *DEO* fit hæc confessio, quod in omni recta veraque confessione requiritur: *In nostra*, scribit rh. 136. *Confessione auriculari ad sacram synaxin accessuri confitentur Deo peccata:* Deo verò recte fit confessio, quod *sectione III.* Francius prolixè notaverat, cum primis *rb. 26. Privatam Confessionem DEO fieri solitam*, patet ex illo *Psal. XXXII. 5. 6. Dixi confitebor adversus me iniquitatem meam Domino, & in remissionem iniquitatum peccatorum meorum, pro hac orabit ad te omnis sanctus in tempore opportuno.* (2) *rectitudine ministri*, quia coram ministro verbi sui peccata poenitentes Deo confitentur, juxta Franzium d. l. jam ministri sunt dispensatores inysteriorum divinatorum *I. Cor. IV. 1.* quibus claves Ecclesiæ commissæ sunt *Matt. XVI. 19. XIX. 18. Job. XX. 23.* jure proinde non tantum in aliis, sed etiam in hoc gravissimo negotio nos ad Ecclesiæ ministros convertere debemus, cum primis quia DEUS hodie nobiscum non agit absolute, vel immediate, sed per suos ministros, tanquam legatos reconciliationis *II. Cor. V. 20.* (3) *rectitudine subjecti*, quia sacram synaxin accessuri confitentur coram ministro sua peccata, qui præsumuntur vere poenitentes, & an tales sint, atque digne sacram synaxin accedere queant, in tali privata Confessione & absolutione explorantur, sicut dicitur art. XXV. *Aug. Conf. ss. Confessio in Ecclesiis apud nos non est abolita. Non enim solet porrigi corpus Domini, nisi antea exploratum & absolutum. Et docetur populus diligentissime de fide absolutionis, de qua ante hæc tempora magnum erat silentium. Docentur homines, ut absolutionem plurimi faciant, quia sit vox DEI, & mandato DEI pronuncietur. Ornatur potestas clavium & commemoratur, quantum consolationem affert: perterrefactum conscientium. & quod requirit Deus fidem, ut illi absolutioni, tanquam voci de celo sonanti credamus, & quod illa fides in Christum verè consequatur. & accipiatur remissionem peccatorum* (4) *rectitudine modi*, quia tantummodo in genere peccata poenitentes confitentur, & petunt à Deo per ministrum absolutionem in ge-

# 214. DE CONFESSIONE ET POENITENTIA.

vere ab hisdem: si quis tamen scrupulos sue conscientia, & specialia quædam urgentia & mentem ex cruciantia crimina, apud DEUM coram ministro vult exprimere, & adversus ea consolationem & consilium in specie expectere, id liberrimam cuivis relinquitur, ministroq; verbi præcipitur, ut specialiter Deo coram se commissa fideliter retineat, tanquam Deo (quoniam coram se, DEI ministro) dicta nullis hominibus publicet. (4) r. Etitudine scopi, quia, juxta Fraanzii, Lutherus, ejusq; fideles parastatæ hoc unice spectarunt. [a] ut exterminaretur ἀνθερωπώ-θνησκεία, διδασκαλίας τῶν ἀνθερωπῶν Col. II. 22 quæ sub mentito maledictorum divinorum axioma & titulo in Ecclesia grassabantur, & ab omnibus ac singulis sub æterna damnationis certissima pœna exigebantur. [b] ut in Ecclesiasticis congregationibus fierent ἐνσχημῶν κατὰ τὸ ἔν I. Cor. XIV. 40. [c] rectitudine abrogati oppositi, quia Lutherani sic abrogarunt & ejecerunt ex communitate sacre Papsificæ auricularæ Confessionem, quia ex sacris literis nunquam probari possit [a] omnium peccatorum mortalium enumerationem vel ante sacra synaxeos usum vel ante Baptismum adultorum, vel alio tempore coram ministro jure divino exigendam & instituendam esse: [b] & ita quidem rigide & exacte, ut nullæ reticeantur circumstantia, quæ speciem falsi variant vel mutant (c) ira deniq; ut aliter absolutio peccatorum illis non efficax esse nequeat: id quod eo rectius se erit, quia probe patuit, illam partem conscientiarum infirmarum carnificinam esse, partim vero esse in securis potius recordationem peccatorum, quando secundum omnes turpes circumstantias, quas etiam intra cogitationes solummodo finxerant, a sacerdote ducebantur, imò quando etiam mutos nutibus & si nis externis peccata commissa repræsentare cocebant. Hæc & alia plura d. I. Franzius prolixè persequitur, ex quibus falsum esse deprehenditur, quod à Smalzio sine merito sic accusetur, quod non docuerit, recte fieri Confessionem privatam.

9. (II) A veriori Photinianorum sententia, quia pergit Smalzius, non negamus nos, peccata aliquem confiteri posse coram ministro verbi divini, ut scilicet, ab eo institutus, discat in posterum à peccando cavere & precibus ejus adjutus, facilius remissionem peccatorum consequatur. Resp (1) non tantum de τῷ ὄσει, sed etiam de τῷ εἶναι nobis sermo, & certo modo quoq; de τῷ deberi. quod ex superiori- bus certum. (2) Si verum, quod dicit Smalzius, à Socinianis mi-  
nime

nime negari, quod aliqui peccata coram ministro confiteri possit, ut scilicet institutus ab eo discat in posterum à peccando cavere, & precibus ejus adjuncto remissionem peccatorum consequatur. sequitur, quod propter has & alias causas confessio private non sine causa retineri possit, & actu retineatur: At verum prius, Ergo & posterius, & sic habemus, quod volumus. (3) Dist. inter confessionem privatam; & hunc, vel illum modum privatæ confessionis: non hunc, vel illi modum peccatarem urgemus, cum certum sit, quod etiam inter orthodoxos diversus ritus privatæ Confessionis inveniantur, sed ipsam Confessionem privatam recte retinemus.

10. (III) *An non necessario, quia privatam Confessionem in templis fieri non est necesse, cum primis quoad eum modum, quod aliquis confiteri possit peccata coram ministro verbi divini, ut scilicet ab eo institutus discat in posterum à peccando cavere, & precibus ejus adjuncto, facilius remissionem peccatorum consequatur.* Resp. [1] ipsa privata Confessio non est absolute necessaria, multo minus aliquis ejus modus necessarius erit, adeoque sic minime nobis contradicit. [2] Dist. inter necessitatem de jure divino, & de jure Ecclesiastico, inter necessitatem absolutam & hypotheticam, immutabilitariam & ordinis: si quid necessitatis hic invenitur, illud saltem est Ecclesia, hypothesis & ordinis, adeoque simpliciter urgeri nequit. (3) Privata Confessio vel consideratur ordinariè, pariterque in ordinario loco suscipitur, vel extraordinariè, quatenus in certis casibus etiam alibi, cum primis apud ægrotos, conceditur: priori modo saltem in templis privata confessio poenitentium admittitur, cum certum sit, quod ordinaria dispensatio mysteriorum saltem in templis instituitur, interim tamen extraordinariè nihil impedit, quomodo etiam alibi suscipiatur: sed ab extraordinariis ordinariæ neutrquam impugnare licet.

11. (IV) *Assilla perpersione, quia Confessio neutrquam pro re meli censenda, sine qua nemo ad cœnam Domini admitti possit.* & (1) nec confessionem talem simpliciter B. Franzius ante cœnam Domini ubi urget, sed consuetudinem orthodoxorum laudabiliter recusat. (2) ad cœnam Domini usum non impenitentes, sed poenitentes peccatores sunt admittendi, ne sancti canib., & margaritæ poris projiciantur. *Matth. VI. 6. exploratione qualicunque; proinde videtur opus esse,*

five

sive per *Confessionem* sive per aliud medium fiat, respectu Pastoris; & peccatorum recordatione, detestatione, seria contritione, per confessionem aut alio quodam modo, carere non potest is, qui digne vult ad sanctam Domini cœnam accedere; nam juxta mandatum Apostolicum *prober seipsum homo, & sic de pane illo edat, & de calice bibat: qui n. manducat & bibit indigne, judicium sibi manducat & bibit, non dijudicans corpus Domini: 1. Cor. XI. 28.* cum igitur quilibet simpliciorum semetipsum probare non possit, utiq; juxta consuetudinem Ecclesiæ pastorem accedere, seq; peccatorem agnoscere, vere pœnitentem ostendere tenetur. [3] Etcertè si in aliorum munus ad altare oblatione fratribus reconciliari debemus, ut munus nostrum acceptum sit DEO, juxta Christi præceptum *Matt. V. 24. si offers munus tuum ad altare, & ibi recordatus fueris, quod frater tuus habet aliquid adversum te, relinque ibi munus tuum ante altare, & vade primum, reconciliare fratri tuo: & tunc veniens, offers munus tuum:* multo magis in expectatione tantorum donorum, Corporis & sanguinis Christi, debemus ipsi Deo reconciliari per veram peccatorum Confessionem. [4] Cum igitur medio quodam opus habeamus, ut Deo per veram pœnitentiam reconciliemur, & scriptura nos ad verbi ministros remiserit, atq; confessionem peccatorum serio commendaverit, utiq; sic per veram peccatorum confessionem ad DEUM accedere debemus, idq; non immediate, cum DEUS hodie nobiscum immediate non agat, sed mediate, mediante DEI ministro. [5] *Confessio* non habetur pro re tali, sine qua nemo simpliciter ad Domini Cœnam admitti possit, sed sine qua nemo juxta consuetudinem Ecclesiæ laudabilem in scriptura fundaram admitti non debeat.

12 (V) *Am. ministri determinatione*, quia non est statuendum, idem etiam coram alio, præter verbi ministrum, fieri non posse, qui scilicet sit homo probus, & ad erudiendum ac juvandum precibus suis eum, qui alios offendit, vel deliquit, aptus. Resp. [1] Dist. inter actum privatum conversationis, quos omnes in universum Christiani, juxta DEI verbum, expedire possunt, & inter actum Ecclesiasticam dispensationis, vel administrationis, ad quos ministri verbi deputati sunt, quia nemo sibi sumis honorem, nisi qui vocatur, sicut & Aaron *Heb. V. 4.* hinc Christus discipulis suis dixit: *Sicut misit me Pater, sic ego misit vos Joh. XX. 31.* & ipse DEUS conqueritur *Jer. XXXIII. 21.*

*Curre.*

*Currebant, & non mittebam eos*; non omnes Christiani, sed verbi ministri sunt œconomi mysteriorum divinatorum *1. Cor. IV. 1. (2) Dist. inter Confessionem publicam & deprecationem privatam*, sive fraternam, hac omnium, illa publicorum n. ministrorum. (3) *dist. inter confessionem absolutam*, quæ sine respectu certo sit ad veram poenitentiam, quam omnino coram aliis piis edere possumus; & inter *confessionem relativam*, quæ respicit veram poenitentiam ad usum Cœnæ Dominicæ peculiariter ordinatam, hæc spectat ad publicos Ecclesiæ ministros, cum horum tantum sit publicam absolutionem in Ecclesia dispensare, & sacramentum Eucharistiæ fidelibus in templo communicare.

13. (VI) *A Pontificia Confessione similitudine*, quia sicut Pontifici omnem sibi in omnes potestatem ista sua auriculari scrupulosa confessione arrogavit: sic apud Lutheranos per istas reliquias auriculari confessioni nonnihil etiam sibi ministris, præter verbum DEI, arrogare, vel saltem arrogare posse, & homines in peccatis detineri, obvium est. R. (1) Quod Pontificia Confessio multis modis atque præcipuis punctis dic. di. potest differat à nostra Confessione, jam superius indicatum, & vel in ipsa Confessione Augustana Art. XI & XXV. notatum: estigitur mera calumnia, quæ d. apud Lutheranos vel eadem maneat confessio, vel reliquias saltem papisticæ confessionis. (2) *Reliquia papistica confessio*, vel dicuntur materialiter, pro peculiari saltem confessione, vel formaliter, pro formali conditione, respectu necessitatis, potestatis, virtutis &c. non ex priori, sed ex posteriori sensu de reliquiis papisticæ confessionis iudicandum. (3) à posse ad esse non valet consequentia: non quid possit fieri, sed quid ex natura rei fiat, respiciendum est. (4) *Dist. inter naturam confessionis, & culpam confessoriorum*: non ex natura Confessionis, sed ex culpa confessoriorum illa proficiuntur, quæ nonnunquam contingunt. *Servetur usus, tollatur abusus*: nec ob personarum culpam ipsam rei naturam improbare decet. (5) *Dist. inter ius & factum*: si malè dispensatur clavium potestas, sit de facto, de jure fieri non debet.

## QVÆSTIO SECUNDA.

*An poenitentia sit ad salutem necessaria?*

Ee

1. Circa

1. Circa *statum controversia* non incommodum erit, ut ad plenioris veritatis perceptionem unum, vel alterum præmittatur, ideo notandum (1) quod non agatur hîc de *salute infantum*, sed *adultorum*, quemadmodum ex contextu Smalzii, ubi quæstionem hanc tractat, videre licet: adeoque juxta scripturam affirmamus, quod poenitentia sit ad salutem adultorum, in peccatis genitorum, vel etiam in peccatis viventium, necessaria, licet etiam infantibus non omnino poenitentiam omnem denegare velimus.

2. (2) Quod non agatur hîc de *poenitentia certo modo*, sed de *re ipsa*, quâ videlicet *conversionem ad Deum* importat: nam aliâs facile largimur, quod non idem modus poenitentia conveniat omnibus, nec eadem ratio poenitentia reperiatur apud omnes, multo minus hunc, vel illum poenitendi modum Ecclesiasticum attendere debemus. Nam omnino certum, quod talis *poenitendi modus publicus*, qualis in Ecclesia nostris servatur, ubi mediante privata tûm Confessione, tûm absolutione, remissio peccatorum dispensatur, ratione sui non sit ad salutem necessarius.

3. (3) Quod hîc minimè solliciti sumus de *salute*, vel *beatitudine simpliciter spectata* vel etiam *sub modo, vel momento primo*, quatenus illa quondam *in statu integritatis* hominibus integris, in veritate primæva persistentibus, contigisset; vel etiam *sub modo, vel momento ultimo*, seu *perfectissimo*, & *in statu plenariò respectu status glorificationis*, considerato: nam in eterna vita non opus erit amplius poenitentia, quia prorsus erimus perfecti, & ab omni peccato, & sic etiam à dolore de peccatis, vel etiam à poenitentia liberati: sed potius de *salute* hîc agimus *sub modo, vel momento medio*, quatenus illa, quoad *statum reconciliationis & restitutionis*, spectatur, quia ratione neutiquam peccatoribus citra poenitentiam, vel reconciliationem, aut conversionem, venia, vel salus ipsa contingere potest.

4. (4) Quod hîc non tam respiciamus ipsum *esse salutis*, quam *ut fieri*, non tam *salutis constitutionem*, quam ejus *collationem*, vel *consecutionem*, non *salutis principium*, sed ejus *medium*, non *salutis causam*, sed *viam*, non *quidditatem*, sed *ordinem*, non ejus *formale*, sed

sed *materiale*, quomodo nimirum secundum ordinem divinius institutum atque præscriptum, ad salutem in statu corruptionis pervenire vel possimus, vel etiam debeamus.

5. (5) Quoad *necessitatem*, iridem non *absolutum*, sed *hypotheticam*, non *simplicem*, sed *modificatam*, non respectu *DEI*, sed respectu *nostri*, vel ipsius *subiecti*, non *rei*, sed *modi*, &c. hic intelligimus, cum ex sacris literis certum sit, quod nullum peccatorum DEUS sine poenitentia sermone voluerit, & conversionem ex necessitate quadam ordinis & divini præcepti requisiverit. His expositis atque præsuppositis, nunc ad ipsam quæstionem progredimur, & poenitentiam ad salutem necessariam esse, vel omnes peccatores poenitentia opus habere, nullos autem peccatores vel homines, secundum naturam propagatos, repositos fuisse, qui sine poenitentia servati fuerint, cum scripturis sacris pronunciamus.

6. *Affirmativam* nostram multis demonstrare possemus, hic vice saltem adducimus octo rationes, quas Venerandus *Th. D. Calvinus* in Socinism proflig. artic. de Poenit. quæst. 1. producit: (1) Quia nusquam scriptura tradit, quenquam adeo iustum esse, ut poenitentia haud indigeat. Verba Christi *Luc. XV. 7.* Augustin, *Psal. LXI.* accepit *uxori dicens*, secundum opinionem, sed distinguendum potius inter poenitentiam stantium, & poenitentiam lapsorum, cum verba comparat, ut è *Matth. XIX. 13.* liquet, intelligenda sint, quod scilicet iusti tali poenitentia non opus habeant, quali indigent, qui inde, via peccatorum abrepti, vitiis implicati sunt. (2) Quia ab omnibus poenitentia requiritur, cum conciones poenitentiales universales sint, omnesque homines invitentur passive. (3) Quia non est homo, qui non peccet. *I Reg. IX. 46.* & in multis labimur omnes *Jac. III. 2.* omnes ergo opus habemus, ut surgamus, & poenitentiam agamus. Cujus loci evidentiam cum effugere nequeat *Smalzius*, fingit *l. cit. s. Franz. p. 436.* vel hyperbolicè dictum esse, uti *Psal. XIV. 1.* ne unum quidem esse, qui à DEO non declinaverit, ubi tamen nullum hyperboles vestigium, imò totus contextus, & locus parallelus *Rom. III. 10.* excludant penitus hyperbolem: vel de lapsibus & ignorantia verbi, quas DEUS pro peccatis non imputat. At nullæ sunt ignorantia, ac lapsus morales, quibus

à lege divina declinamus, quia peccata sint, cum omnis *avoué* sit *à quærit*. I. Job. III. 4. & aliud est, *peccatum esse*, aliud *imputari in condemnationem*: Quod DEUS ea non imputet in condemnationem, non fit, quasi per se peccata non sint, poenitentia indiga, sed idem quod ob poenitentiam conjunctam, & fidem in Christum, ea gratis condonet. (4) Quia peccatum adheret renatis, eosq; subinde ad malum incitat Rom. VII. 15. Gal. V. 17. Jacob. I. 14. Hebr. XII. 1. Hæc autem prava concupiscentia, hi motus mali poenitentiam requirunt. (5) Quia in V. T. sacrificia constituta erant pro omnibus, nemine excepto, vera poenitentia & fide offerenda Psal. LI. 19. (6) Quia omnes inluper necessam habent expetere remissionem peccatorum Psal. XXXII. 9. Matt. VI. 10. ideoq; nemo adeo iustus est, quin poenitentia & remissione peccatorum opus habeat. (7) Quia hypothetis, quæ supponitur, falsissima est, nempe quosdam esse, nullius peccati habitum implicatos. Habitus enim concupiscentiæ pravi, peccatum illud *inveniat*, Heb. XII. 1. Lex peccati in membris nostris nunquam nisi cum ipsa vita exiit Rom. VII. 23. 24. Locum Rom. V. 14 non docet, quosdam esse, qui non peccarint, sed qui non peccarint *in wegapeforis* in similitudinem transgressionis Adam, quæ limitatio diutè addita, subdole à Smalzio prætermittitur. (8) Deniq; fatetur Smalzius i. e. *justos quandoq; errare & peccare*. *Justi possunt interdum errare & peccare, imò errant & peccant interdum*, ait Smalz. p. 456. Et p. 357. asserit, infirmitates & ignorantias reperiri in iis, qui à peccati habitu liberi sunt, ob quas, si DEUS summo jure agere vellet, omnes damnationis sint obnoxii. Si autem peccant, nec essum est, ut peccata agnoscant, ac deplorent, & gratiam DEI implorent, hoc est, poenitentiam agant. Si tales in illis sunt infirmitates, ob quas damnationi possunt esse obnoxii, qui, opus eos habere poenitentiam, negari potest?

7. *Negativa Socinianorum* est apud Smalzium contr. Franz. p. 356. 357. *Error bi. Franzii* (Opera bona non esse necessaria ad salutem) tantò major censendus est. quod (contra quam ille affirmat) quidam sine poenitentia servari possunt; Sine operibus verò bonis nemo prorsus. Certe enim illi, qui non egent poenitentia, sine ea servari possunt. At tales sunt iusti. Idq; totum Christus tot verbis expressit Luc.



15. 7. *Iusti autem sunt ex mente sacrarum literarum, qui peccati nulli habitu sunt implicati, etiam si interdum per ignorantiam, aut infirmitatem errant, vel peccent. Tales autem quosdam solum fuisse, & credibile admodum est, & prater hunc locum alibi etiam affirmatur. Vid. Rom. 5. 14. ubi Paulus dicitur ait peccatum etiam in eos regnasse, qui non peccarunt. Maxima autem Johannis, si dixerimus, quod non peccavimus, vel de eo quod in plerisque, fit, accipienda est, vel vox peccati ita explicanda est, ut etiam eas infirmitates & ignorantias comprehendat, quae in iis, qui a peccati habitu liberi sunt, reperiuntur, ob quas si DEUS summò jure agere vult, omnes damnationi sunt obnoxii.*

8. His in verbis certa quaedam argumenta Smalzius pro sententia sua stabilienda proferre videtur. Probat igitur sententiam suam (1) quia qui non egent poenitentia, sine ea servari possunt. *Tales sunt iusti, quod totum Christus tot verbis expressit Luc. XV. 7. Resp (1) Christus Luc. XV. in parabola loquitur, & respicit ad oves non perditas, quae non egent vel inquisitione, vel reversione: jam autem Theologia parabolica non in omnibus firmiter est argumentativa, comprimimus quia in hac parabola quoque plura reperiuntur, quae simpliciter ut geri nec debent, nec possunt (2) Augustini sententiam 1b. 6. n. 1. recitavimus, quod *non dōz* videantur intelligendi iusti, nimirum Pharisei, contra quos obmurmurationem de poenitentia & receptione publicanorum & peccatorum Christus hanc parabolam proponerebat. (3) si rigorose iusti nomen acciperetur, utique verissimum id foret, sed ita iusti saltem in statu integritatis fuissent, qui poenitentia non indigissent; verum post lapsum inter homines nemo iustus, ac nemo quidem, dum omnes de declinaverunt, & inuiles facti sunt Psal. XIV. 3. & omnes quae oves erravimus Esa. LIII. Conf. 1b. 6. n. 1.*

9 (II) *Quia iusti sunt ex mente sacrarum literarum, qui peccati nullius habitu implicati sunt, etiam si interdum per ignorantiam, vel infirmitatem errant, vel peccent. Tales autem quosdam saltem fuisse, & credibile admodum est, & prater h. l. alibi etiam affirmatur. Resp (1) Iusti, secundum scripturam, homines fide, non opere dicuntur, quia ex lege, vel operibus legis non justificatur ulla caro Rom. III. 20. & omnia nostra iustitia instar panni menstruata Esa. LXIV. 6.*

(2) *Peccatum* sive ex habitu, sive ex nudo quodam actu, sive ex scientia, sive ignorantia, sive ex infirmitate, sive ex plena voluntate, committatur, est verum peccatum, adeoque vera *adversus* I. Job. 11. 4. & vera *adversus*, vel *injustitia*, quæ certè cum iustitia vera vel plena consistere nequit: scientia, vel ignorantia, infirmitas & pravitas, sunt conditiones magis subjecti, quæ proprietates objecti, vel ipsius peccati. Omne proinde peccatum est aberratio, vel aversio à Deo, Deique lege, adeoque omne peccatum requirit etiam reversionem ad Deum, à quo iustitia omnis promanat, quæ reversio, vel conversio, non alio modo fit, quam per ipsam poenitentiam. (2) licet scriptura dicat, eos etiam iustos, qui nullo peccati habitu sunt implicati, tamen illud non fit simpliciter, respectu hominum, sed secundum quid, respectu fidelium, nimirum qui fideles sunt & tales manent, adeoque nullo peccati habitu contra conscientiam implicantur, illi iusti censentur, sed quia extra Ecclesiam vivunt, & peccati habitum non admittunt, illi tantum iusti coram mundo, non coram DEO, in politica, non in Ecclesia, et hic vel politicè sed non Theologicè.

10. (III) Quia Rom. V. 14. Paulus dicitur ait, peccatum etiam in eos regnasse, qui non peccarunt. Resp. (1) Committitur fallacia compositionis & divisionis, quia dicitur, quod quidam non peccaverint in similitudinem pravaricationis Adæ: jam autem aliud est plane non peccare, & aliud, non peccare in similitudinem pravaricationis Adæ: hoc secundum quid dicitur à Paulo, illud simpliciter adducitur à Smalzio: (2) neque dicitur, quod peccatum etiam regnaverit in eos, qui non peccarunt, sed quod mors etiam in eos regnaverit: sic enim habet integer locus: *Usque ad legem peccatum erat in mundo, peccatum autem non imputatur, cum lex non esset, sed regnavit mors ab Adam usque, ad Moysen, etiam in eos, qui non peccaverunt in similitudinem pravaricationis Adæ, qui est forma futuri.* (3) multi adhuc hodiè non peccant in similitudinem pravaricationis Adæ, hoc est, non comedunt de fructu arboris vetitæ, quippe quæ non amplius in mundo nunc extat, vel etiam non peccant actuali peccato, quale pariter fuit Adams peccatum, verè tamen sunt peccatores, & peccato cumprius originali commaculati, ut hinc mortui sint obnoxii, quod est mortis imperium, de quo Paulus loquitur;

quiritur; nam hoc imperium, morti tribuitur in homines, quatenus sunt extra Christum: in Christo enim sunt domini mortis, dum Christus mortem nostri causa devicit, & ipsum etiam, qui mortis habebat imperium, Diabolum. Addimus hic *B. Hunnii* testimonium ex comment. super h. l. *Hic verba*, inquit, *posteror Adam non expungit à Catalogo peccatorum, sed tantum ostendit, aliam fuisse rationem peccati Adamo, aliam in posteris. In Adam enim peccatum non fuit propagatum generatione carnali: siquidem is non agnoscit parentes se priores, utpote qui immediate à DEO conditus est justus, & per actualem transgressionem mandati de fructu vetito polluit naturam suam. At posteris demum non per actum polluerunt naturam, sed ex nativitate peccatum secum trahunt; licet non comederint ipsi de fructu arboris prohibita, aut ad similitudinem ejus peccati delinquerint. Quamvis enim posteris non impegerunt ipsimet in preceptum illud, datum Adam in paradiso, de non comedendo fructu arboris prohibita: tamen non omni lege caruerunt etiam ante Moysen, habentes legem naturæ sui cordibus inscriptam.*

11. (IV) Quia maxima *Johannis*, si dixerimus, quod non peccavimus, vel de eo, quod in plerumque, fit, accipienda est, vel vox peccati ita explicanda est, ut etiam eas infirmitates & ignorantias comprehendat, quæ in iis, qui à peccati habitu liberi sunt, reperiuntur, ob quas, si Deus summo jure agere vellet, omnes damnationi sunt obnoxii. Resp. (1) *Johannes* loquitur in prima persona plurali, atque seipsum includit, sequi peccatorem clarissimis verbis agnoscit, adeoque se poenitentia indigere luculenter ostendit. (2) ut eo certius nobis de eo constaret, & de peccato habito v. g. & de peccato actu praesentato v. 10. mentem suam exponit, illudque sibi, ut & aliis sanctis, vel justis tribuit v. g. Si dixerimus, quoniam peccatum non habemus, ipsi nos seducimus, & veritas in nobis non est, v. 10. Si dixerimus, quoniam non peccavimus, mendacem facimus eum, & verbum ejus non est in nobis. (3) ut poenitentia necessitatem simul indicaret, ideo v. 9. de ea verba facit: Si confitemur peccata nostra, fidelis est & justus, ut remittat nobis peccata nostra, & emundet nos ab omni iniquitate. (4) Si peccata infirmitatis & ignorantia reperiuntur in sanctis atque justis, sequitur etiam, quod illorum respectu poenitentiam agere debent. sed verum prius, juxta *Smalzum*, Ergo (5) Si talia reperiuntur in

tur in iis, qui à peccati habitu liberi sunt, peccata, propter quæ si DEUS jure vellet agere, morti, vel damnationi essent obnoxii, sequitur iterum, quod eorum respectu poenitentia opus habeant: At verum prius de omnibus, juxta *Smalzigium*: Ergo. Et sic nostra sententia per ipsum *Smalzigium* confirmatur. Nam Deus omnino vigore *sua legi & justitiae*, a *severitate*, non potest peccatum non misceri, cum maxime peccatum oderit, illud severe prohibuerit, sub gravissimis comminationibus homines de peccato fugiendo sæpius admonuerit, & horrendas penas peccatis atque peccata oribus constituerit. Jure etiam DEI prorsus immutabile adeoque non potest jure non agere DEUS, quia secus sibi meripsum contrarius esset suumque *jus & justitiam* verè divinam, imò semetipsum abnegaret, si jure non ageret, unde facile patet, quod in omnibus peccatoribus poenitentia sit necessaria, ut cum nihil juris coram justissimo throno possideamus, per veram poenitentiam coram throno misericordiae veniam inveniamus. Omnes igitur sancti poenitentia opus habent, sicut mulier David, vir aliàs sanctissimus *Psal. XXXII. 1. seqq.* testatur, quod beati sint, quorum remissæ sunt iniquitates, & quorum cæta peccata: quod beatus sit ille vir, cui non imputatur Dominus peccatum, nec est in spiritu ejus dolus: simulque demonstrat, continuam peccatorum confessionem necessariam esse *v. 3 & 5.* & respectu sanctorum omnium verè catholicam *v. 6. Pro hac* (remissione peccatorum) *orabit ad te omnis sanctus in tempore opportuno* (6) Falsum est, quod maxima *Johannus* saltem plerumque, secundum naturam propagaris, hominibus valeat, cum verè valeat de omnibus, sicut scriptura passim demonstrat; quod peccatum in universum mundum intraverit *Rom. V. 12. tota terra corrupta sit coram Domino Gen. VI. 11. omnes peccaverint Rom. V. 12. omnes simus immundi Esa. LXIV. 6 universi. justitia nostra, sicut pannus menstruata ibid. omnes peccaverint, & egeant gloria DEI Rom. III. 23. &c.* idè sociianae hypothesis de non nullorum sanctitate, vel perfectione repudiamus.

## QVÆSTIONES ANTI-SOCINIANÆ

EX ARTICULO XIV.

AUGUSTANÆ CONFESSIONIS

DE

MINISTERIO VEL ORDINE  
ECCLESIASTICO.

## QVÆSTIO PRIMA.

*An Vocatio Ministris Ecclesia necessaria sit ad  
functionem Ecclesiastici Ministerii?*

R.

DE *Vocatione Ministrorum* docet *Augustana Confessio* disertis verbis, quod nemo in Ecclesia debeat publice docere, aut Sacramenta administrare, nisi rite vocatus, adeoque, vocationem legitimam, ad Ecclesiastici Muneris functionem, necessariam esse statuit. Ubi circa statum controversie notandum (1) quod non agatur hic de Ecclesiæ plantanda, vel constituenda, sed de Ecclesiæ plantata, recteque constituta: nam ad Ecclesiam plantandam quilibet Christianus operam suam conferre potest, cum unusquisque Christianorum ad DEI gloriam & Ecclesiæ propagationem operam suam collocare debeat. (2) Hinc non de ministris inter barbaros & paganos, sed inter Christianos versantibus, hic sermo, cum vocatio necessaria sit inter Christianos, quæ nemini contingere potest inter homines paganos, quæ ratione nonnunquam feminæ verbum inter homines gentiles manifestarunt atque prædicarunt, sicut ancilla Israelitica apud Naaman Syrum II. Reg. V. 2. & Theodoretus lib. 1. Hist. Eccles. c. 23 historiam recenset, quod Iberiæ mulier captiva viam veritatis demonstravit, & quoad ejus fieri potuit, divinis præceptis erudierit, post mortem fuit, ut SS. Templum ad honorem Christi, quæ Reginam morbo eripuerat, edificarent, Rege etiam converso, templum

ff

addi-

DISP. XV.  
R. M. JO-  
HANNES  
EILERUS.  
Osnabru-  
genfis.

adificatum, & Episcopus à Constantino Magno petitus & impetratus est. (3) quod non de vocatione generali, vel occasionali sermo fiat, quando subiectu idoneis etiam ante vocationem, inter non conversos ex divina providentia datur occasio convertendi homines, sicut Sozomenus lib. 2. hist. Eccles. c. 23. refert, Frumentium etiam ante vocationem & ordinationem Indos, occasione captivitatis, ad Christianismum converterit: Veniens, inquit, (Frumentius) cum Athanasio Ecclesia Alexandrina præsule in colloquium, res apud Indos gestas exponit; docetq; Christianos, quibus sunt, opus habere Episcopo, qui ipsis præsset, Athanasius convocatis sacerdotibus, Alexandriam incolentibus, cum illis super hæc re inivit consilium, ordinatq; Frumentium India Episcopum, ratus eum tum maxime idoneum esse, tum posse Religionem Christianam vehementer propagare, apud eos præsertim, inter quos & nomen Christianorum primus predicasset, & in quorum animis fidei Christi semina insemineret: Theodoret. lib. 1. H. E. c. 23. hoc modo recenset eandem historiam, de Frumentio & Hedesio fratribus, quod à barbaris capti, & ad regem Indorum deducti, eandem fide & ingenio ipsorum explorato, domui regia præfati, & apud filium, etiam Regis successorem, in magno precio habiti fuerint. Hac illi arrepta occasione, Christianos convocarunt, & divina ministeria obierunt. Laici erant, nullo dum Ecclesiastico munere functi. Tandem multis anni, post Athanasius Frumentio munus Episcopatus impertivit, & ad animos Indorum pietatis doctrina excolendos misit. (4) Nec de vocatione prorsus extraordinaria, reſpectu functionis, quando DEus, extra ordinem prorsus, præcones verbi, seu voluntatis suæ per spiritum suum excitavit, sicut Pastores Berthebemiensis facti sunt præcones nativitatis Dominicæ, secundum nuncium ab angelis allatum Luc. 11. 17. Videntes autem pastores, divulgant de verbo, quod dictum erat illi de puero. Et omnes, qui audierunt, mirati sunt de his, quæ dicta erant à pastoribus ad ipsos. Tales præcones passim in sacris literis, cum primis in historiis Evangelistarum, introducuntur. (5) Nec de vocatione, vel legatione extraordinaria reſpectu subiectorum, quando DEus angelos, cœlestes Spiritus, ad voluntatis suæ manifestationem, vel mysteriorum divinorum annunciationem, ad homines ablegavit, cujus generis exempla non pauca

panca reperiuntur in sacris literis. (6) Nec de *vocatione extraordinaria ratione ordinationis ad verbi præconium*, quo referunt exemplum *Stephani*, qui mascule Christum prædicavit *Act. VI. & VII. Philippi* (sed non Apostoli) *Eunucho reginæ Candaces* prædicavit, imò & baptisavit *Act. IX. 30.* & aliis locis de Christo docuit, ut hinc nomen *Evangelistæ* consecutus sit *Act. XXI. 8.* quia neuter horum de numero fuit Apostolorum, sed tantum Diaconorum, qui tam ad verbi præconium, quam ad mensarum ministerium *Act. VI.* destinati fuerunt. (7) Neq; de *vocatione divina immediata*, quæ contigit *Patriarchis, Prophetis, Apostolis*, aliisq; viris divinis: talis enim vocatio divina, vel immediata, neutiquam hodie nobis expectanda. (8) Neq; quæritur de *more*, vel *factu*, vel exemplis *Veterum* circa Vocationem ministrorum? Annon olim in Ecclesia Ministri vocati sint? (9) Neq; de *factis recentioris Ecclesiæ*, vel *licito jure* illius circa vocationem? Nam utrumq; *Andreas Radecius* in not. ad refut. dissoluit. Nodi Gordii p. 3. discretis verbis asserit, inq;uens: *Consecratur & olim ministros Ecclesiæ vocari potuisse, imò vocatos fuisse, & nunc etiam vocari posse. An vero id, quod olim factum est, & hodie fieri potest ad munus ministerii constituendum requiritur, hoc verò & perpetuo quæritur.* (10) Nec quæritur, Annon propter *etæ & decorum*, vel etiam propter *autoritatem Ecclesiæ primitivæ* conveniat vocationem Ministrorum retinere? Nam hoc etiam *Smalz. contr. Fr. pag. 379.* largitur: *Jam responsum est, ut ordo, qui sufficiat, adhibeatur, non ex necessitate, sed ob ætatis & decorum.* Et si velis etiam hoc addere, ob *autoritatem primitivæ Ecclesiæ*, quæ hoc ordine etiam usa fuit, licet non in omnibus, qui tunc alios docebant: Sed quæritur de *Vocatione speciali, humana & ordinaria*, quæ hodie juxta communem orthodoxorum sententiam, & *Confessionem Augustinam*, atq; *Scripturam ipsam*, ex necessitate quadam ministris Ecclesiæ contingit. Hanc enim nos omnino tuemur, licet falso *Papistæ* cum aliis nobis per calumniam contrariam sententiam tribuant, sicut scribit ex sententia *Lutheranorum Henricus Lancelot. Pseudominister scilicet. D. Paulus legitime missus est à Deo Apostolus, & verbi divini minister; atq; non est missus ab hominibus, neq; per hominem, nec ordi-*

natus, sed immediate à DEO; Ergo supervacuans est institutio & ordinatio humana. Sed contrarium ex dictis, scriptis, Symbolis & factis Lutheranorum est manifestum. Hinc ipse Smalz. d. l. p. 377. sic de statu controversiæ disserit: Non negamus, ex ista consuetudine primitivæ Ecclesiæ Apostolicæ consecrari, illud etiam jure fieri posse hodie, quod olim fiebat; & si Ecclesiæ semper incorruptæ mansisset, non dubitamus, quin valde justum fuisset, ut modus iste ordinandi ministerii observaretur, quemadmodum etiam nunc, ubi est constituta Respublica Christiana, valde decorum esse arbitramur, ut id observetur, sed non hoc potissimum quæritur: Hoc enim in quæstione est, An hujusmodi constitutio sit prorsus necessaria ad constituendam Verbi DEI ministerium. Hoc autem nos negamus. Uno verbo agitur de necessitate mediata vocationis Ministeriorum:

2. Nostram orthodoxam sententiam Venerandus Dn. D. Calovius in Socinuum. proflig. sect. 8. art. 2. contr. 1. prolixè defendit, quod vocatione sit opus ad ministerium Ecclesiasticum (1) ob deificationem divinam eorum, qui non vocati publice docere præsumunt Jerem. XXIII. 21. (2) ob generalem maximam Joh. III. 27. (3) ob Apostolicam auctoritatem Rom. X. 15. (4) ob axioma Spiritus S. universale Heb. V. 4. (5) ob exemplorum inductionem in V. & N. T. (6) ob celestem missionem Doctorum Eph. IV. 11. (7) ob ministerii conditionem, quia ministri sunt DEI legati Heb. V. 20. æconomi DEI I. Cor. IV. 1. (8) ex rationum adversariorum inutilitate &c: quæ loco dicto plenius expolita sunt.

3. Sociniani dicam orthodoxiæ nostræ scribunt, & vocationem in Ministris non modo dubiam, sed necessitatem illius omnino nullam efficiunt. Sic enim Socinus in tract. de Eccles. p. 10. Quid est, cur à nostris ministris requirunt, ut legitimis sibi muneris autorem ostendant? annon cuivis Christiano homini licet, etiam sine speciali ullo sibi demandato legitime ejus rei munere, charitatem erga proximum exercere. Catech. Racov. de Eccles. cap. 2. p. 344. *Es ist nicht nöthig, daß dieß so andere Lehren und Ordnung in des Herrn Gemeinde unterhalten, auff eine sonder Weise gesand werden? u. Nein, es ist nicht nöthig.* Idem etiam passim alii Socinianorum affirmant, & propugnare laborant:

4. Pro-



x. Probant verò suam sententiam, in *Catechesi Racov. d. l.*  
 (1) *Quia modo nullam novam prius non auditam doctrinam offerunt,*  
*denn inquit, sie bringen ihr keine neue Lehre für die zu ver nicht ge-*  
*höret. R. (1) Vocatio, sicut vulgo notum, magis officium, quam*  
*objectum certum respicit, sicut ex vocatione Magistratum, offi-*  
*cialium, economorum & aiorum, est manifestum; nam hi omnes*  
*vocatione certa opus habent, & vocantur ad certum officium, sed*  
*non ad determinatum objectum. Hinc (2) notandum, quod voca-*  
*tio sit persona, non rei, cum persona, non res vocentur, persona*  
*verò per vocationem officium administrare dicuntur. (3) Dist. ia-*  
*ter objectum ipsum, & inter objecti adjunctum: officium, &*  
*vocatio, per officium objectum respicit, sed objectum ipsum, non au-*  
*tem accidentarium objecti adjunctum, sive proinde novum, sive ve-*  
*tus sit objectum, per officium vocati homines illud administrare te-*  
*nentur. (4) Falsum est, quod omnes Prophetæ Veteris Testamenti*  
*novum semper objectum, antea non auditum, habuerint; contra-*  
*rium ex collatione prophetarum manifestum erit, multo minus*  
*doctrinam novam semper attulerunt, quia fides, tantum una Eph.*  
*IV. 4. eadem de Messia futuro doctrina fuit omnium propheta-*  
*rum Act. X. 43. quæ fuit in ipso paradiso revelata Gen. III. 15. & vo-*  
*lus doctrina, vera doctrina, nova doctrina, suspecta doctrina. Idem*  
*etiam de Apostolis dicendum, ut postea patebit.*

5. (II) *Quia moderni ministri tantum proponunt Apostoli-*  
*cam doctrinam, jam olim receptam, & exhortantur homines, ut ad il-*  
*lam suam conforment vitam: Sic tragen den Menschen nur die*  
*Apostolische Lehre für, welche längst angenommen ist, und vermah-*  
*nen sie, Ihr Leben darnach anzustellen. R. (1) Nulla Consequentia,*  
*Quicumque tantum hominibus, proponunt Apostolicam doctrinam,*  
*olim receptam, illis non est necessaria vocatio: nam ab Apostolica*  
*doctrina præexistencia, non licet ad necessaria vocationum absentiam*  
*argumentari. Hinc (a) potius invertendum argumentum: Quia*  
*veterem doctrinam Apostolicam, à vere vocatis Ecclesiæ mini-*  
*stris olim prædicatam & promulgatam, proponunt, illis vocatio*  
*necessaria, quia sine vocatione nemo res divinas, seu Dei minister,*  
*proponere debet: nemo sibi sumis honorem, sed qui vocatus est, sicut*

U Aaron Heb. V. 4. & ut nec in privata domo quidam autoritate propria sibi potestatem æconomicam dispensandi res, familiæ rapere, salvo jure patrisfamilias, potest, sed is verus æconomus est, qui per ipsum Patremfamilias ad familiæ totius administrationem vocatur, sic multo magis hoc valet de magna DEI domo, quæ dicitur Ecclesia I. Tim. III. 5. cujus fideles pastores *Æconomi* dicuntur, cum sint *æconomi* mysteriorum divinarum I. Cor. IV. 1. (2) *Dist. inter. studium doctrinæ privatum, & præconium ejus publicum: non illud, sed hoc vocationem necessariam requirit.*

6. (III) *Quia Apostolus in recensendis Ministri requisitæ vocationem ut necessariam non requirit: Well der Arostelt pergit, da er die Dinge sonderlich beschreibet, welche zur beståtigung solcher Personen gehöret, im geringsten der sendung nicht gedencket. & (1) Apostolus Ministerium Ecclesiæ quoad varia requisita describit I. Tim. III. 1. Fidelis sermo, si quis Episcopatum desiderat, bonum opus desiderat. Oportet igitur Episcopum irreprehensibilem esse, unius uxoris virum, sobrium, modestum, benemoratam, hospitalem, apertum ad docendum, non percussorem, non turpis lucri cupidum, sed æquum, non litigiosum, non avarum, qui domui suæ bene præsit, filios habentem subditos, cum omni honestate: si quis autem domui suæ præse nescit, quomodo Ecclesia DEI curam habebit, non neophytum, ne in superbiam elatus in judicium incidat calumniatoris: oportet autem & illum testimonium habere bonum ab hiis, qui foris sunt, ut non in opprobrium incidat, & in laqueum. Item Tit. I. 6. seqq. Si quis sine crimine est, unius uxoris vir, filios habens fideles, non in accusatione luxuria, aut non subditos. Oportet enim Episcopum sine crimine esse, sicut DEI dispensatorem, non superbum, non iracundum, non vinolentum, non percussorem, non turpis lucri cupidum, sed hospitalem, benignum, modestum, justum, sanctum, continentem, firmiter retinentem eum, qui secundum doctrinam est, fideli sermonem, ut potens sit, & exhortari in doctrina sana, & eos, qui contradicunt, arguere. Ex quibus apertum est. quod plerique requisita magis Episcopi vitam, quam doctrinam, aut spartum immediate respiciant, licet unum vel alterum etiam eo respiciat, & quod magis de Episcopis constitutum, quales in officio se gerere debeant, quam de constituendo, quales*

les ad officium vocari queant, sermo fiat, sicut omnes circumstantiæ textus, & ipse verborum sensus edocent. (2) Falsum, quod vocatio prorsus in istis locis Apostolicis negligatur, & in Ecclesiam ministris non requiratur: nam contrarium patet (a) *ex ipsa denominatione*, quia dicuntur *Episcopi non privati, sed publici*, non *familia*, sed *Ecclesia*: tale munus publicum *Episcopatus publicam vocationem* prærequirit. Utenim nemo citra vocationem potest *Episcopus* esse totius *politia*, sic pariter nemo vel potest, vel debet esse citra legitimam vocationem *Episcopus* totius *Ecclesia*. (b) *ex substracta materia conditione*, quia talia ministri requisita, per Apostolorum recensita, personæ ministerialis idoneitatem ad functionem publici muneris Ecclesiæ manifestare debent, adeoque per se vocationem ad ejusmodi munus publicum vel includunt, vel præsupponunt. (c) *ex specialium requisitorum consideratione*, quia vocatur *DEI dispensator* in Ecclesia, *Curator Ecclesiæ*, qui *bene præsit Ecclesiæ* &c: quæ cum aliis veram & legitimam vocationem inferunt. (3) Falsum, quod vocationis etiam mentio non fiat. Nam *1. Tim. III. 1.* dicitur: *Si quis Episcopatum desiderat, bonum opus desiderat*, & hoc omnibus requisitis enumeratis præmittitur: ubi certe non *appetitus inordinatus*, sed *ordinatus* intelligitur, cum in Ecclesia cuncta *kata Q. IV* fieri debeant *1. Cor. XIV. 40.* tale verò *desiderium ordinatum vocationem*, ejusque *necessitatem* respicit: nam qui desiderat Episcopatum, ab aliquo desiderat, ut illud, quod desiderat, certo quodam modo vel expectare, vel accipere queat, aliàs frustraneum foret desiderium: desiderium autem respicit *Ecclesiam*, aut *eos*, penes quos est *Ecclesia*, vel *ministros vocandi, potestas*, adeoque fertur desiderium in eos, qui vocare possunt & debent ministros, ut publice docere queant: quia si quilibet ausu proprio, vel etiam pro lubitu munus Episcopatus invadere posset, nec vocationem legitimam expectare deberet, tali desiderio non opus foret: desideramus enim ea, quæ non nostra, vel modo præsentia, vel ea plerumque, quæ non sunt in nostra, sed alterius potestate, cum ea, quæ nostræ potestatis sunt, jam possidere, non autem ab aliis desiderare videamur. Sic etiam *Paulus 1. Tim. I. necessitatem vocationis* explicitis verbis præmittit, & ante functionem

anem omnem ministri requirit: nam v. 5. scribit: *Hujus rei gratia reliquite Creta, ut ea, quae desunt, corrigas, & CONSTITUAS per civitates presbyteros, sicut ego disposui tibi.* Jam Cretenses in Evangelii doctrina per Apostolum Paulum erant informati, adeoque novam doctrinam à Tito, vel ab aliis verbi praecombus expectare non poterant. Et tamen his Cretensibus Ecclesiae ministri constituendi per Titum erant, mediante necessaria quadam vocatione.

7. (IV) *Quia duo praecipue sunt necessaria requisita, nimirum inculcata vita, & aptitudo ad docendum.* Aber gleichwol/ subjungit porro, wenn solche Personen nach dem/so der Apostel vorgeschrieben/erwehlet werden/ und vornemblich die zwey Dinge in ihnen sind: *Erstlich ein unsträflich Leben/ darnach die Geschicklichkeit zu Lehren*: so sollen sie wegen solcher bestätigung billich von jederman geschmeuet und geehret. werden. R. (1) Si ministri sunt eligendi, vel secundum Apostoli praescriptum eliguntur, sequitur etiam, quod sint vocandi, vel secundum Apostoli praescriptum, adeoque *necessario* (quam necessitatem insert Apostolicum, vel etiam *divinum praescriptum*) vocentur, & hoc est, quod volumus. (2) Si Ministri propter talem *CONSTITUTIONE* sunt in honore habendi, vel illis etiam *parcendum* est, sequitur, quod omnino *vocatio sit necessaria*, quia publica doctrina cum honorem, tum auctoritatem & immunitatem in Doctoribus ex necessitate quadam exigit, cum illi Doctores, qui nullius sunt honoris & auctoritatis, sint etiam vel nullius, vel exiguae saltem utilitatis; quibus ob vocationem & auctoritatem publicam non *parcitur*, illis nec creditur, nec multum tribuitur. (3) Unius vel alterius positio non est reliquorum vel suppressio, vel rejeccio: requisita *inculpata vita & aptitudo doctrinae*, suam merentur laudem, & sunt virtutes generales, reliquis autem requisitis vel nihil adimunt, vel pondus illis addunt. (4) *Inculcata vita aptitudinem docendi* non antegreditur, quoad *sanctionem ministerialem*, sed in ordine requisitorum sequitur, cum magis sit *requisitum personale*, quam *officiale*, recte tamen utrumque conjungitur. (5) Nec *inculpata vita*, nec *aptitudo*

docen-

*docendi nec utraq;* simul immediate ministri munus infert, cum multi sint inculparæ vitæ, habeant etiam aptitudinem ad docendum, non tamen sunt *ministri*, quia de causa manifestum est, quod *vocatio*, vel *publica constitutio*, sit *necessaria*, ut is, qui dicitur inculparæ vitæ, simulq; deprehenditur aptus ad docendum, actu quoq; docere, vel populum informare possit, cum alias à *posse* ad *esse*, vel *fieri* non valeat consequentia.

8. (V) *Quia dictum Apostoli Rom. X. 15. nullâ vocationis necessitatē inferi:* Was heißtu denn von den Worten des Apostels: Wie sollen sie verkündigen/ wenn sie nicht gesand werden? Das/ daß der Apostel in den Worten nicht von einer jeden verkündigung/ redet/ sondern allein von verkündigung neuer Dinge/ so zuvor nicht gehört/ wie solche eine der Aposteln/ und anderer/ damals ihrer mitthelfer verkündigung war/ welche genzlich einer sendung bedurfte. Weil nun die verkündigung der jetzigen Lehrer und aufseher solch eine nicht ist/ so bedürfen sie auch keiner sendung nicht. 32. (1) ad *res novas* annunciandas *extraordinaria missione* fuit opus, quæ fuit *prophetarū*, & *Apostolarum*, sed quia *extraordinaria* non est opus, non propterea statim *missio*, vel *vocatio ordinaria* negandi venit. (2) Apostolus in *Epistola ad Romanos* non *res novas* prædicavit, sed omnem suam doctrinam ex *Veteri Testamento* demonstravit, sicut ex allegatis, in singulis capitibus occurrentibus, est manifestum, & in genere de suo præconio pronunciat emphaticis verbis, quod non *res novas*, sed *antiquas* annunciaverit *Act. XXVI.* 22. *Auxilio adjutus DEI, uq; in hodiernum diem flo, testificans minori, atq; majori, NIHIL EXTRA DICENS, QUAM EA, QUÆ PROPHETÆ LOCUTI SUNT, FUTURA ESSE, ET MOSES.* Hæc autem non sunt *nova*, sed jam olim scriptis consignata fuerunt. (3) *Paulus d.l. Rom. X. 15.* non loquitur de *speciali præconio suorum temporum*, neq; de *præconio rerum novarum*, sed potius de *præconio generali temporum omnium*, & de *præconio salutis*, quod est antiquissimum, unde in hoc capite X. quam plurima testimonia V. T. producit, suamq; doctrinam ex illis deducit, & harmoniam cum illis ostendit, Nam (a) v. g. allegat *Lev. XIX. 5. Ezech.*

XX.11. (b) v.6. citat *Dent. XXX.14.* (c) v.12. adducit *Esa. XXIX.16.* (d) v.13. profert *Joel. II.23.* (e) v.15. *Esa. LII.7.* *Nabum. I.15.* (f) v.16. *Esa. LIII.1.* (g) v.18. *Psal. XLIX.5.* (h) v.19. *Dent. XXXII.21.* (i) v.20. *Esa. LXX.26.* (k) v.21. *Esa. LXX.2.* Prævidit igitur hanc Pleudherminiam Socinianorum, & tot allegatis explicitis veteris Testamenti hunc errorem refellere voluit, ex quibus plenarius hujus doctrinæ consensus cum Veteri Testamento, & antiquæ doctrinæ Præsentis status luculenter innotescit. (4) Ipsa verba quoque rerum novarum suspicionem refutant, quia loquitur de verbo fidei, de verbo salutis, de religiosis invocatione, de verbo Evangelii &c: quæ non sunt nova, sed vetera, jam antiquis temporibus revelata, cum primis quia Paulus l. d. potissimum de Judæis verba facit: Ignorantes (Judæi) justitiam DEI, & justitiam suam quærentes statuere, justitia DEI non sunt subjecti. Perfectio enim legis Christus, ad justitiam omni credenti. Moses enim descripsit quidem justitiam, quæ ex lege est, quod, quis fecerit homo ea [mandata DEI] vivet in eis. Quæ autem ex fide est justitia, sic dicit: Ne dixeris in corde tuo: Quis adscendet in calum? id est, Christum deducere: aut quis descendet in abyssum? hoc est, Christum à mortuis reducere. Sed quid dicit scriptura? Prope est verbum in ore tuo, & in corde tuo, hoc est Verbum si lei, quod predicamus, quia si consuearis in ore tuo Dominum Jesum, & in corde tuo credideris, quod DEUS illum suscitavit à mortuis, salvus eris: Corde enim creditur ad justitiam, ore autem confessio fit ad salutem. Dicit enim scriptura: Omnis, qui credit in illum, non confundetur: Non enim est distinctio Judæi & Græci: nam idem Dominus omnium dives in omnes, qui invocant illum. Omnis enim, qui eum invocaverit nomen Domini, salvus erit. Quomodo ergo invocabunt, in quem non crediderunt: quomodo credent ei, quem non audierunt? Quomodo autem audient sine predicante? quomodo vero predicabunt, nisi mittantur, sicut scriptum est: Quam speciosi pedes Evangelizantium pacem, evangelizantium boni: Sed non omnes obediunt Evangelio. Esaias enim dicit: Domine, quis credidit auditui nostro? Ergo fides ex auditu, auditus autem per verbum DEI &c: Et mox rursus de Israelitarum cognitione, vel auditu verba facit. Ex quibus apparet, quod totus contextus in-

diffe-

discrepenter agat de *ministrorum* *prædicatione*, tum respectu *Veteris*, tum respectu *Novi Testamenti*, tum respectu *ordinariorum* & *extraordinariorum ministrorum*, tum respectu *antecedentium*, *præsentium* & *sequentium temporum*. (4) *Misio*, vel *vocatio* respicit *officium*, ut vulgo notum, *officium* respicit *objectum ipsum*, sive *novum* illud, sive *vetus* sit, hæc temporis diversitas nihil ipsi rei præiudicii afferre potest.

9. Alias nonnullas rationes *Venerandus Dn. D. Calovius d. l. sb. 8.* introducit, scribens: *Addi posset, quam fúiles sint rationes Adversariorum, quibus thesin suam, posse ministerium docendi suscipi sine vocatione, adstruere conantur, utpote (1) quod liceat concupiscere Episcopatum I. Tim. III. 1. Resp. Aliud est concupiscere, aliud sibi sumere officium: illud licitum est, imo ut non sumatur, nisi accedente vocatione: hoc illicitum.* Item (2) quod opus sit Christianæ charitatis, alios docere. Resp. *At publice docere, opus est charitatis non commune, sed peculiare, proprium ministrorum verbi, ad id constitutorum.* Deniq; (3) quod nonnulli prædicarint non missi A. D. II. X. 4. c. XI. 26. Apol. c. XII. 24. Resp. *Est misio peculiariter non commemoretur, non tamen ideo neganda est, prout ipse Faustus Socinus sub nomine Gratiani Prosperi in instr. & Doctrin. Aristotel. p. 36. largitur, Philippum Evangelistam ab Apostolis missum fuisse: sed de huius vide Dn. D. Gerbard. in LL. CC. Tom. IV. de Minister. Eccles. p. 56. ubi rationes Socinianorum plenius discutuntur.*

#### QVÆSTIO SECUNDA.

*Num detur vocatio Ministrorum mediata?*

1. Circa *quæstionis* *Statum* observandum, quod (1) non quæritur de mediata vocatione *ratione Christi*, an DEUS per Christum Apostolos vocaverit, adeoq; *Christus medium vocationis* extiterit? Hoc enim *Sociniani* facile concedunt, qui Christum *mediam causam* etiam in aliis mysteriis constituunt. Licet falsum sit, hanc propriè loquendo *mediatam esse vocationem*, cum revera sit *immediata*, vereq; *divina vocatio*, cum Christus re ipsa sit *naturalis DEI Filius*, & *verus DEUS*.

2. (2) Nec quæritur de *vocatione mediata* respectu *Prophetarum* & *Apostolorum*, annon *Propheta* tempore *Veteris*, & *Apo-*

stoli tempore *Novi Testamenti* suos quosdam discipulos ad verbi præconium vocaverint atq; constituerint, cum illud etiam Sociniani passim largiantur, olim ad *res novæ* annunciandas vocationem aliquam fuisse necessariam,

3. (4) Nec quæritur de *vocatione mediata* respectu *primitivæ Ecclesiæ*, num talis *mediata vocatio* temporibus Patrum, & in Ecclesia primitiva fuerit in usu, cum passim etiam Sociniani fateantur, in Ecclesia primitiva talem vocationem in usu fuisse.

4. (4) Nec quæritur de *vocatione mediata* respectu *verbi*, annon DEUS, interveniente quodam verbo vocationis, Prophetas & Apostolos, & alios Ecclesiæ ministros vocaverit? Cum enim Verbum DEI sit medium illud vel solitarium, vel consuetudinarium, quo DEUS vel in omnibus, vel in plerisque cum hominibus actionibus uti voluit, ideo passim ex sacris literis apertum, quod DEUS etiam in vocationibus maxime extraordinariis verbum aliquod Vocationis usurparit, quemadmodum ex vocatione *Abrahami Gen. XII. 1. Moysi Exod. III. 4.* & aliorum, id ipsum manifestum, adeoque contra manifestam scripturam à Socinianis illud negari non potest.

5. (5) Nec quæritur de *vocatione mediata*, quoad *necessary requisita subiecti*, Num futurus Ecclesiæ Minister sibi per *media* quædam idoneitatem ad ministerium comparare debeat? Certum enim est, quod DEUS hodie per *media* nobiscum agat, nec cuiquam assa columba per ventos veniat, sed ut alias omnis virtus labore, vel sudore paratur, sic etiam idoneitas ad ministerium non nisi per *media* comparatur, sed hæc sunt *media* quæ ad *Episcopatum*, non ad *Episcopatum* requiruntur, sunt *media*, vel *adjuncta subiecti*, non autem sunt *media*, vel *principia officii*, sunt *interna dona ministri*, non sunt *externa media ministrii*.

6. (6) Sed quæritur de *vocatione Mediatâ* respectu *Ecclesiæ*, qualis nunc post *Ecclesiam constitutam* & olim fuit, & adhuc hodie, quoad legitimum statum, est in usu, quæ nimirum hodie non alia ratione, quam Ecclesia mediante sit à DEO & Christo, quæ ratione de *causa* potissimum *externa*, vel *Efficiente*, hic est sermo, num *mediata* quædam *vocatio* respectu *Ecclesiæ* necessaria sit, ita  
qui-



quidem ut nullus in Ecclesia publice docere, vel administrare Sacramenta debeat, nisi qui rite sit ab Ecclesia vocatus, & ad eadem destinatus. Hinc recte scribit Venerandus Dn. D. Calovius in *Socin. profic. loc. de Ecclef. contr. 3.* Nos vocationem divinam non immediatam solum esse, sed etiam dari divinam vocationem mediatam, qua mediantes Ecclesia fiat à DEO & Christo, statuimus: Illum verò modum, quo quis aptus fiat ad annunciandum Evangelium, per acquisitionem eorum, qua in Episcopo requiruntur, merito rejicimus; quum non de adjunctis, aut requisitis ministrorum Verbi, sed de Causa Efficiente, qua constituuntur in ministerio, non de internis eorum donis, sed de externa eorundem ad ministerium designatione, & in locum certum ordinatione disquiratur, ad quam certe vocatio requiritur prater internam *ἐκκλησιαστικὴν*, ne αὐτοῦ κλητοὶ sese ingerant huic, aut illi cœni, sine missione, aut vocatione, quum DEus sit DEus ordinis, non confusiois I. Cor. XIV. 33. 40.

7. Sed hanc Mediatam Vocationem, vel missionem, Sociniani communiter inficiantur: nos jam audiemus Theophilum Nicolaïdem refutat. *tractat. de Minister. contr. BerKol's Ky Cap. X. p. 97.* Notandum, inquit, hic imprimus illud est, nullam missionem, qua ab hominibus proficiscatur, vel mediatam dari. Missio solum DEi est, & Jesu Christi, adeo, ut nec ipsi Apostoli quengquam mittere proprie loquendo potuerint, aut missi se legantur. Modus, quo ad annunciandum Evangelium homines apti fiunt, duplex dici potest, alter per missionem, qua a Apostolis, & aliis foras se paucis eorum sociis contigit, alter per acquisitionem eorum, qua Paulus in Episcopo requirit. Ille modus penes solum DEum est, & Christum, hic penes homines periturus.

8. Ex quibus apparet, quod non tantum mediatam ministrorum vocationem constanter neget, sed etiam fundamenta quædam supponere cogitet, quæ paucis examinabimus. Directè proinde nostræ thesibus antithesin opponit Nullam dari missionem, vel vocationem mediatam (I) Quia nulla missio proficiscitur ab hominibus: nam hæc verba licet videantur ipsius thesios, tamen materialiter argumentum aliquod includunt. Et (1) de Pauli quidem missione, vel vocatione dicitur ad Galat. I. i. quod sit Apostolus non ab

*hominibus, neg. per hominem, sed per Jesum Christum, & DEum Patrem, quisciscit eum à mortuis, sed quod in universū nulla missio, vel vocatio, proficiscatur ab hominibus, illud à Nicolai de dicitur, verum ex sacris literis non deducitur. (2) esse ab hominibus vel sumitur originaliter & principaliter, vel actualiter & minus principaliter: nulla vocatio ministrorum originaliter, vel principaliter ab hominibus est, vel esse debet: quod tamen suo modo actualiter & minus principaliter sit ab hominibus, illud nec à Socinianis negari debet, si hypotheses suas, præcedenti thesi propositas, conferre velint. Hinc (3) dist. inter rem & rei modum: res ipsa vocationis & DEO & Ecclesia communis, sed modus competentia maximè diversus, quia DEO nat. auto, Ecclesia nat. ad Deo, DEO per competentiam propriam, Ecclesia per competentiam communicatam, vel delegatam, sive subordinatam convenit, DEO soli tribuitur independentè & autoritatè, sed Ecclesia dependentè & subordinate tantum appropriatur.*

9. (II) *Quia missio est solius DEI & Jesu Christi: Est igitur immediata, non mediata. R. (1) Jesum Christum alias in omnibus mysteriis non ut causam primam & supremam, sed ut causam secundam & mediam considerant, prout alibi sæpius est demonstratum, sic igitur is etiam mediatae vocationis autor erit. (2) Quia Jesus Christus, juxta Socinianos, non est verus naturalis DEus, sed homo tantum esse essentialiter, hæc secunda ratio primam evertit: Nam si Jesus, quoad naturam est nudus homo, & autor est vera vocationis, sequitur etiam, quod quodam vocatio proficiscatur ab hominibus: at verum est prius, juxta primam rationem: falsum igitur, quod nulla vocatio proficiscatur ab hominibus (3) E contra si missio solius DEI, & Jesu Christi, manifestum hinc erit, quod Jesus Christus sit verus DEus, quod aliàs Sociniani pertinaciter negant. (4) Missio est solius DEI, sed non semper immediate, verum ex DEI misericordissima dispensatione & dispositione etiam mediata, videl. per Ecclesiam: nam quæ DEus mediate facit, verè quoque facit, cum primis DEI solius est, ratione autoritatis & proprietatis, quia juxta vocandi dicitur Ecclesia non jure proprio, sed communicato.*

10. (III) *Quia nec ipsi quidem Apostoli quendam mittere propriis*

*prie loquendo potuerunt, aut misisse leguntur.* R. (1) alia fuit ratio Apostolorum, alia patronorum modernorum: illi vixerunt tempore Ecclesie constituenda, Patroni moderni vivunt tempore Ecclesie constitutae, adeoque res aliter nunc se habet, cum in Ecclesia constituta tum Ministerium, tum Magistratus politicus, tum ipse populus, Christianae religioni sint addicti, curamq; gerant Ecclesiae totius & Ministerii. (2) Falsum est, quod Apostoli nullos ministros miserint, vocaverint & constituerint: contrarium & falsa, & testimonia Apostolorum luculenter evincunt. Apostoli quodammodo mediatè promoverunt, ipsius Apostoli *Mactria constitutionem* Act. I. v. 15. seqq. postea varios discipulos fecerunt, eosq; in ministerium Ecclesiae, tanquam cooperarios admiserunt, ut seqq. capita testantur. c. VI. septem Diaconos in Ecclesia ministerium elegerunt, inter quos Stephanus illustrissimum specimen edidit v. 9. seqq. & suae vocationis ac fidelis dispensationis mercedem, martyrii coronam, reportavit v. 58. similia passim, tum in Actis, tum in Epistolis Apostolorum inveniuntur. Nèc videtur Nicolaidès domi suae habitare, qui tam audacter negat, quod de Apostolica Ecclesia reliqui Doctores nobis sua sponte de Ecclesia Apostolica largiuntur, ut praecedenti quaestione circa statum controversiae notavimus. Hinc (3) quod; falsum est, quod jus vocandi, vel mittendi, proprie loquendo penes Apostolos non fuerit: nam & miserunt jam vocatos, Petrum & Johannem in Samariam Act. IX. 14. Barnabam usq; ad Antiochiam c. XI. 23. ut & Ministerium Antiochenum Paulum & Barnabam instituit Spiritus Sancti in omnem gentilitatem Act. XIII. 1. seqq. ut & alios nondum vocatos, quod exemplo Stephani & aliorum demonstrari potest. Ex quis diceret, viros Θεοκλήτους de facto sibi jus vocandi, vel constituendi ministros rapuisse, de jure vero nequiquam illud ex DEI voluntate habuisse.

11. (IV) *Quia modus, quo ad annunciandum Evangelium homines aptiunt, duplex dici potest, alter per missionem, qua Apostoli & alii fortasse paucis eorum sociis contigit: alter per acquisitionem eorum, qua Paulus in Episcopo requirit: ille modus penes solum Deum est, & Christum, hic penes homines perpetuo.* R. (1) non tam de modo, quam de re ipsa, nunc solliciti sumus, sicut patet ex quaestione, quia

quia quæritur: Num deus *quadam mediata vocatio*, non *quomodo* hac *vocatio* fiat, aut fieri debeat. (2) Dist. inter *modum subjectivum & objectivum*, hic curæ nobis est, ut ad *objectum ipsum*, nim. ad *ministeriale munus*, & ejus *constitutionem*, respiciamus, non autem ad *subjecta*, vel eorum *idoneitatem* transire licet, cum *subjecta* minime cum *objectis* confundere liceat: adeoq; *modus alius* sciendi respicit *officium*, quo minister Ecclesiæ constituitur *actus*, & sic fit *minister*, alius respicit *subjectum*, illudq; *idoneum reddit*, ut minister fieri possit licet *actus* talis nec sit, nec unquam fiat, cum multi sint idonei, vel donis sufficientibus *materialiter* instructi, qui *formaliter & actualiter* non sunt ministri, nec unquam ministri fiunt, unde ne utique ab *acquisitione materiali*, vel *personali* donorum, ad ministerium sufficientium, ad *formalem & officialem ministerii dispensationem & administrationem* argumentari licet, sicut *à posse fieri* ministrū, *ad esse* vel fieri ministrū non valet consequentia. (3) Falsum est, quod *ministerium* sit *peculiarium Apostoli & paucis aliis factum esse*, cum revera juxta scripturā sit *omnium ministrorum*, qui non possunt, nec debent publice docere, nisi mittantur, & legitime vocentur, nec ullā in tali spontaneo cursu non *ministerium* felicē successum sibi promittere possunt, cum Diabolus & mundus innumera prorsus impedimenta laborib; ipsorum objicere queat. (4) Confundunt *Sociniani vocationem extraordinariam & immediatam specialem*, quæ *DEI solius*, cum *vocatione ordinaria* vel *generali*, quæ licet *DEI* sit, tamen non semper immediate *DEI solius* manet. (5) Quilibet per semetipsum acquirere potest ea, quæ *Paulus* in *Episcopo requisita personalia* postulat, nemo tamen seipsum ministrum ordinat, vel ordinare potest, unde inter *requisita personalia & officia*, ut & inter *dona ministrantia & sanctificantia* distinguendum. (6) *Id aptum fieri* sumitur vel *materialiter*, sic omnino verum est, quod in Ecclesiæ ministro permulta requirantur, ut aptus fiat ad docendum, & ad publicum ministerium; vel *formaliter*, sic *publica designatio*, vel *vocatio* facit ad ministerium proxime, cum hæc ipsum publicum officium largiatur, sine qua nemo publicas res jure tractare, vel dispensare potest aut debet.

## QVÆSTIONES ANTI-SOCINIANÆ

EX ARTICULO XV.

AUGUSTANÆ CONFESSIONIS

DE

CEREMONIIS, VEL RITIBUS  
ECCLĒSIASTICIS.

QVÆSTIO PRIMA.

*Num Ceremonia licita sint in Ecclesia retinenda, vel  
omnes in univĕrsū prorsus sepelienda?*

1.

**I**Nter alia B. Frisetzjus *Disput in Aug. Confes.* erudite quoq; juxta scripturam, de *Adiaphorū* disseruit: ad hanc dissertationem *Smalzian refut. p. 356.* generalem, sed maxime suspectam *impugnatio* adjecit, scribens: *In tractatu hoc de Adiaphorū, quia cum Lutheranis facimus in plerūq; non est, quod opponamus, vel annotemus. Nos enim iis sumus, qui multa ad tempus ferre didicimus per DEI gratiam, & ceremonias honeste sepeliendas esse novimus. Licet interim non monere non possimus, cavendum summopere esse, ne multitudo Ceremoniarum sensim tandem introducat superstitionem, vel etiam religionem Christi anathematizantem, & vere vitilem transformet in puerilem & elementarem DEI cultum.*

2. Hic præsupponimus (1) quod non agamus de *Ceremoniis Ethnicis*, quarum ingens fuit turpitudine, sicut passim apud historicos profanos, & alios scriptores videre licet. (2) neq; de *Ceremoniis Papisticis*, quarum ingens in *Papatu* reperitur multitudo, sicut jam olim viri religiosi sub mediis *Papatus* tenebris de nimis multitudine ceremoniarum conquesti sunt. (3) neq; de *ceremoniis impiis*, veræ fidei contrariis, vel *inhonestis*, ab honestatis studio prorsus alienis, & sic ipso jure, penitus illicitis, cum impium in tabulam Decalogi primam, in hunc sum infecundam potissimum impingat. (4) neq; de *ceremoniis privatis*, quas ex *ἐθιλοθεσια*

Hh

xna

DISP. XVI.  
M. CHRISTIANUS  
ROETING  
Finsterwald  
da Misnicus,

*nam vana quilibet excogitare, vel in cultu sacro peragendo sub specie quadam devotionis, vel religionis usurpare possit. (5) neque de ceremoniis otiosis & penitus inutilibus, quæ nihil decori, vel ordinis, vel memorie, vel edificationis quæ se ferre videntur. (6) Sed agitur de ceremoniis Ecclesiasticis, veteribus, Christianis, piis & honestis, publicis, utilibus atque fructuosis, sicut ipsa Confessio Augustana docet artic. XV. De ritibus Ecclesiasticis docent, quod ritus illi servandi sunt, qui sine peccato servari possunt, & prosunt ad tranquillitatem & bonum ordinem in Ecclesia, sicut circa feria, festa & similia.*

3. Præterea notamus, quod hic non agatur, (a) vel de violenta ceremoniarum obtrusione, num contra voluntatem & Ecclesiæ libertatem, ceremoniæ quædam Christianis obtrudendæ sint, vel etiam obtrudi jure possint? Hoc enim maxime nos improbamus, sicut *Papiste Celibatarum sacerdotum vi Germaniæ obtruserunt, ut habet August. Confess. art. 23. idem de Potu monasticis, Discrimine ciborum, Confessione auriculari, & aliis, passim videre licet. (b) vel de nova ceremoniarum introductione, quæ multas requirit caute las: uti alibi fuit observatum (c) vel de copiosa, vel infinita ceremoniarum multiplicatione, quæ multum incommodi secum trahit, sicut non uno loco Confessio Augustana luculenter ostendit. (d) Sed de Ceremoniarum licitarum, & jam usitatarum conservatione. Hinc recte dicitur in Apolog p. 212. traditiones veteres, factas in Ecclesia utilitatis & tranquillitatis causa, libenter servamus, easque interpretamur propter id ipsum quod exclusæ opinione, quæ sentit, quod justificent. Ac falso nos accusant inimici nostri, quod bonas ordinationes, quod disciplinam Ecclesia aboleamus. Verè enim predicare possumus, publicam formam Ecclesiarum apud nos boniorem esse, quam apud Adversarios (Papistas.) Et si quis recte expendere velit, verius servamus Canones, quam adversarii. Apud Adversarios Mulas faciunt sacrificuli induti, & mercede conducti, & plerumque tantum mercedis causa, canunt Psalmos, non ut discant, aut orent, sed cultus causa, quasi illud opus sit cultus, aut certe mercedis causa. Apud nos utuntur Cæna Domini multis singulis Dominicis, sed prius insistenti, explorati & absoluti. Pueri canunt Psalmos, ut discant, facit & populus, ut vel discat, vel oret. Apud Adversarios nulla*

nulla prorsus est *κατήχων*, puerorum, de qua quidem precipiunt Canonēs. Apud nos coeuntur Pastores & Ministri Ecclesiarum publice instituere & audire pueritiam. Et hac ceremonia optimos fructus parit. Apud Adversarios in multis regionibus toto anno nulla habentur conciones, praeterquam in quadragesima. Atqui principuus cultus DEI est, docere Evangelium. Et cum concionantur Adversarii, dicunt de traditionibus humanis, de cultu Sanctorum & similibus nugis, quas jure fastidit populus. Itaque deferuntur statim initio, postquam recitatus est Evangelii textus. Pauci quidam meliores nunc de bonis operibus dicere incipiunt. De justitia fidei, de fide in Christum, de consolatione conscientiarum nihil dicunt. Imò hanc saluberrimam Evangelii partem lacerant convitiis. E contra in vestris Ecclesiis omnes conciones in his locis consumuntur, de penitentia, de timore DEI, de fide in Christum, de justitia fidei, de consolatione conscientiarum per fidem, de exercitiis fidei, de oratione, qualis esse debeat, & quod certò statuendum sit, quod sit efficax, quod exaudiatur, de cruce, de dignitate magistratus & omnium civilium ordinationum, de discrimine regni Christi, seu regni spiritualis & politicarum rerum, de conjugio, de educatione ex institutione puerorum, de castitate, de omnibus officiis civitatis. Ex hoc statu Ecclesiarum judicari potest, nos disciplinam Ecclesiasticam, & pias ceremonias, & bonos mores Ecclesiasticos diligenter conservare.

4. Denique supponimus, quod ceremoniae non sint urgendae, vel tanquam necessariis cultus, vel ad promerendam gratiam, remissionem peccatorum & justificationem, quod vere dicitur Antichristianum, sicut iterum luculenter exponit *Apologia Confessionis* p. 208. Quid in rem manifesta verba opus est? si hos humanos cultus defendunt Adversarii nostri, tanquam promerentes justificationem, gratiam, remissionem peccatorum, simpliciter constituunt regnum Antichristi. Nam Regnum Antichristi est novus cultus DEI, excogitatus humana auctoritate, rejiciens Christum, sicut Regnum Mahometi habet cultus, habet opera, per quae vult justificari coram DEO, nec sentit, homines coram DEO gratis justificari fide propter Christum. Ita & Papatus erit pars regni Antichristi, si sic defendis humanos cultus, quod justificent. Sed potius ceremo-

*nias libere retinemus ad ordinem bonum, decorum & adificationis usum, sicut Paulus I. Cor. XIV. prolixè docet.*

3. *Schmalzius* equidem de *suorum cum Lutheranis consensu*, quoad doctrinam de *Ceremoniis*, vel *Adiaphoribus* gloriatur. Ac frustra, quia prolixè demonstrare foret in proclivi, quod in ple-  
risq; *Sociniani* doctrinam orthodoxam de *Adiaphoribus*, vel dese-  
rant, vel oppugnent. Sed hoc alibi persequemur. Quod autem  
*usitata ceremonia retinenda non sint*, *Smalzius* probare videtur (1) *Ex Christianorum circa ceremonias studia*, quia ceremonias ad tem-  
pus ferre didicerunt. Nos inquit, ii sumus, qui multa ad tempus  
ferre didicimus per DEI gratiam. 2. (1) quod *Apostoli* nonnullas  
ceremonias ad tempus toleraverint. ex *Act. XIV.* & locis aliis no-  
vimus; sed ab *Apostolis* ad *Socinianos* argumentari non licet. (2) *Dist.* inter ceremonias *Leviticæ* & *Christianas*; illa fu-  
erunt veteris, hæ sunt Novi Testamenti; illa cum *Levítico cultu*  
transire debuerunt, hæ cum *Ecclesia Christiana* cœperunt, & in  
eadem observari consueverunt; illa fuerunt antiquatæ, hæ sunt  
usitatæ; illa fuerunt necessariae, hæ sunt liberae; illa typum gess-  
erunt, & corpus præcesserunt, hæ respiciunt antitypum, & ipsum  
corpus sequuntur. (3) *Dist.* inter ceremonias *incommodas* & *com-*  
*modas*; illa sunt ad tempus ferendæ, vel tolerandæ propter publi-  
cam Ecclesiæ pacem & veritatem, sed hæ sine gravi causa non  
sunt abrogandæ. Quod enim, etiam *incommodiores, ceremonia*  
propter evitanda maiora mala nonnunquam retineri possint,  
etiam docetur in *Apoloq. p. 214.* Et in hoc ipso conventu satis ostendi-  
mus, nos propter charitatem adia<sup>ph</sup>ora non gravatim observaturos  
esse cum aliis, etiamsi quid incommodi haberent, sed publicam con-  
cordiam, quæ quidem sine offensione conscientiarum fieri posset, judi-  
cavimus omnibus aliis commodis anteferendam.

6. (II) *Quia novimus, ceremonias honeste sepeliendas esse.*  
2. [1] Dicitur hoc, sed ex sacris literis non deducitur [2] Notan-  
dum, quod *ceremonia* triplicis sint generis [a] aliæ sunt impia, vel  
mala, quæ nunquam & nusquam, & à nullis servari possunt, aut  
debent, cum ea, quæ sunt impia, vel mala, legi divinæ contraria  
sint, adeoque verè peccata, quæ nullo modo servari possunt, cum  
sint



sunt illicita, & prorsus prohibita (b) *aliæ divina*, quæ divinitus sunt mandata, adeoque servari debent, nec à Christianis sunt omittenda, quò referri possunt Sacramenta, non equidem *sensu Sociniano*, sed *Christiano*, ne Sacramentorum rationem amittant, & nuda tantum ceremoniarum naturam induant. (c) *aliæ sunt media*, de quibus potissimum hic est sermo. Hæ rursus varias differentias admittunt, cum aliæ sint *utiles*, aliæ *inutiles*, aliæ *fructuosæ*, aliæ *otiosæ*, aliæ faciunt ad *edificationem*, aliæ ad *ostentationem* &c: ceremonias *inutiles* & *otiosas* cum honestate sepeliendas esse, facile largimur, sed minus recte hoc *in universum* de ceremoniis omnibus dicitur, hinc Smalz. fallaciam à dicto secundum quid ad simpliciter committit. (3) Vulgo dicitur de *ceremoniis Leviticis*, quod *Synagoga Judaica* cum *ceremoniis Leviticis* cum honore sepeliri debuerit, sed inde ad quaslibet ceremonias argumentari non licet.

7. (III) *Quia cavendum est summo pere, ne multitudo ceremoniarum sensum tandem introducat superstitionem.* R. (1) aliud est loqui de *ceremoniarum conservatione*, aliud de *earum multiplicatione*; dicimus, quod usitatae ceremoniæ, quæ sine peccato servari possunt, retinende sint, non autem statuimus, quod ceremoniæ multiplicande sint: nam ipsa *Confessio Augustana* non semel *ceremoniarum multiplicationem* improbat. (2) *Ceremoniarum multitudo* non per se *superstitionem* infert, cum in V. T. DEUS varias ceremonias, easque satis multas, instituerit, nec tamen ipse, nec lex ejus *superstitionis* causa fuit, sed *abusus varius ceremoniarum* *superstitionem* & *idololatriam* apud *Judeos* introduxit. Non ex parte sui, sed ex parte nostri ceremoniæ *superstitionem* pariunt.

8. (IV) *Quia cavendum, ne multitudo ceremoniarum religionem Christi sanctissimam & vere virilem transformet in puerilem & elementarem DEI cultum.* R. [1] juxta Paulum non à quibusvis ceremoniis, sed à *leviticis* potissimum ceremoniis hoc merendum Col. II. 20. seq. nam in V. T. fideles, ut pueri, sub *padagogia* fuerunt, in N. T. hac *padagogia* non est opus. Gal. III. 23. seq. [2] *restitutionem* & *pulchritudinem*, non autem *multitudinem* *ceremoniarum* nos urgemus: & certe *multitudinem* *superstitiosarum* ce-

remoniarum nunquam tolerare salva conscientia possumus, adeoq; nec ad tempus illas ferre debemus.

### QVÆSTIO SECUNDA.

*Utrum Ordinatio & Ritus Impositionis manuum in ordinatione Ministrorum sit utilis?*

1. Circa statum controversiæ prius aliqua præmittere lubet, ute clarius appareat, quid potissimum in quæstionem veniat. Non autem quæritur (1) Num Ordinatio & Ritus Impositionis manuum hodie sit apud Lutheranos in usu? Nam & praxis & doctrina Lutheranorum id aperte satis comprobatur, quod hic ritus cum aliis ceremoniis utilibus inter Lutheranos conservetur.

2. (2) Nec quæritur de dignitate hujus ordinationis, num vere, proprieq; loquendo sit sacramentum? Hæc enim Papistarum, non Lutheranorum est sententia, sicut patet ex Concilio Trident. sess. 14. de Sacram. Ordin. cap. 3. Dubitare nemo debet, Ordinem esse verè & propriè unum ex septem Sanctæ Ecclesiæ Sacramentis: & can. 3. Si quis dixerit, Ordinem, siue sacram ordinationem, non esse verè & propriè Sacramentum, à Christo Domino institutum, vel esse figmentum quoddam humanum, excogitatum à viris, rerum Ecclesiasticarum imperitiis, aut esse tantum ritum quendam erigendi ministros Verbi DEI & Sacramentorum &c.: anathema sit. Licet enim suo modo, vel improprie concedamus, quod Ordo Sacramentum appellari possit, tamen propterea minime dicimus, quod verè, proprieq; loquendo Sacramentum sit, sicut hæc Apologia Confessionis August. p. 201. luculenter exponit: Sacerdotium intelligunt adversarii non de Ministerio Verbi & Sacramentorum, alii porrigendorum. Sed intelligunt de sacrificio, quasi oporteat esse in N. T. Sacerdotium simile Levitico, quod pro populo sacrificet, & mereatur aliis remissionem peccatorum. Nos docemus, sacrificium Christi morientis in cruce facti fuisse pro peccatis totius mundi, nec indigere præterea aliis sacrificiis, quasi illud non satis fuerit pro peccatis nostris. Ideo justificantur homines non propter ulla reliqua sacrificia, sed propter illud unum Christi sacrificium, si credant, illo sacrificio se redemptos esse. Ideo sacer  
dotes

*doctores vocantur, non ad ulla sacrificia, velut in lege, pro populo faci-  
enda, ut per ea mereantur populo remissionem peccatorum, sed vo-  
cantur ad docendum Evangelium, & Sacramenta porrigenda populo.  
Nec habemus nos aliud sacerdotium, simile Levitico, sicut satis docet  
Epistola ad Hebraeos. Si autem Ordo de Ministerio verbi intelligat-  
ur, non gravatim vocaverimus Ordinem Sacramentum. Nam Mi-  
nisterium verbi habet mandatum DEI, & habet magnificas promi-  
ssiones Rom. I. Evangelium est potentia DEI ad salutem omnium creden-  
ti. Item Esa. LV. Verbum meum, quod egredietur de ore meo, non re-  
versetur ad me vacuum, sed faciet, quaecumque volui &c. Si Ordo hoc  
modo intelligatur neq. Impositionem manuum vocare Sacramentum  
gravemur. Habet enim Ecclesia mandatum de constituendis mini-  
stris, quod gratissimum esse nobis debet, quod scimus, DEUM appro-  
bare ministerium illud, & adesse in ministerio. Ac prodest, quantum  
fieri potest, ornare ministerium Verbi omni genere laudis, adversus fa-  
naticos homines, qui somniant, Spiritum S. dari non per verbum, sed  
propter suas quasdam preparationes, si sedent: ociosi, taciti, in locis  
obscuris. expectantes illuminationem, quemadmodum olim evan-  
gelizantes docebant, & nunc docent Anabaptista.*

3. (3) Nec disquiritur de simplici Ordinationis necessitate:  
nemo siquidem Lutheranorum asserit, quod Ordinatio *prae*cise, sim-  
pliciter & absolute necessaria sit, quæ pariter est Papistarum senten-  
tia, & dum Ordinationem inter Ritus Ecclesiasticos numeramus,  
eo ipso necessitatem ejus improbamus, cum Ecclesiastici ritus ex  
Ecclesia liberate pendeant.

4. (4) Neq. disquiritur de divina Ordinationis autoritate,  
num Ordinatio, quæ talis est, sit vel divini præcepti, vel etiam ju-  
ris divini: licet enim Ordinationis ritus per impositionem ma-  
nuum etiam in sacris literis adhibitus legatur, tamen propterea  
neutiquam de jure divino dicitur esse mandatus:.

5. (5) Nec quæritur de Ordinationis antiquitate, cum ex  
Epistolis Paulinis appareat, ab Apostolis & Apostolicis viris hanc  
ceremoniam *χρησίσαν* adhibitam fuisse in signum consecra-  
tionis & benedictionis divinæ, per quam Ministri peculiariter  
DEO consecrati, ministerioq. sacro destinati fuerunt; & divini-

tus etiam dona ad functionem Ecclesiastici muneris necessaria solenniter acceperunt, unde nec ipsi *Sociniani* possunt id ipsum negare, quænam modum passim consentitur, ealem ritum inter Apostolos & sequentibus temporibus in usu fuisse.

6. (6) Sed quæritur de *Ordinationis* & *Χρυσόδοσι* utilitate, sicut ipsa *quæstio* luculenter id docet. Venerandus *Dn. D. Calov. in Socin. profig.* sect. 8. art. 4. contr. 1. multis id rationibus confirmatum reddit, quas illustrationis ergo modo recitabimus (1) Quod Ecclesia antiqua *Apostolica*, & *Apostolorum temporibus proxima*, ritum *ordinationis*, & *impositionis manuum* observavit, cum *Diaconi*, vel *Ministri Verbi* constituti sunt, ut videre est *Act. VI. 6. c. XIII. 3. 1. Tim. I. 6.* (2) Quod ipse quoque *Paulus* remissus fuerit ad *Ananiam*, à quo ipsi manus imponebantur *Act. IX. 17.* Cui etiam, cum ablegaretur ad gentes, manus impositæ sunt *Act. XIII. 2.* Quod si factum hoc in eo, qui vocatus fuit immediate, quanto magis in aliis, qui mediate vocantur, id fieri decet? (3) Quod per *ordinationem* ob *manuum impositionem* *Ministri* ad sanctum ministerium consecrentur, quænam modum etiam *Levites* per *impositionem manuum* consecrari solebant *Num. IX. 10.* idè non immeritò nec inutiliter iste ritus adhibetur. (4) Quod publicè hoc ritu persona vocata sistatur, & cen legitime vocata declaratur, uti *Moses* vocationem *Joſua*, successoris sui, hoc ritu populo designavit *Num. XXIII. 18. Deut. XXXIV. 9.* (5) In *actu ordinationis* invocatur nomen Domini super *ordinandum*: ejus muneri benedictiones sunt, quæ uti olim *impositione manuum* fieri solebant *Gen. XLVIII. 14. Matth. XIX. 15. Marc. X. 16.* Sic etiam hic non immeritò *Χρυσόδοσι* adhiberi consuevit in Ecclesiis nostris (6) Quænam extra ordinaria & miraculosa *Spiritus S. dona* hodie non conferantur per *Χρυσόδοσι*, non dubitamus tamen *Χρυσόδοσι* *Spiritus S.* ad munus, sacrum necessaria, accedente *ordinatione Ecclesiastica*, augeri per *prec. s. Ecclesia*, & *persona ordinande publicas ac privatas*, cujus signum etiam quoddam est illa manuum impositio, quum in conferendis donis *Spiritus S.* eadem adhiberi consueverit *Act. IX. 17. c. XIX. 6.* (7) Utne superstitiones & abusus hujus ritus in Papatu interveniant, utpote quod *characterem indelebilem* imprimi persvaserint, ut & ex opere

operato

*operato* conferri dona ministris necessaria, non tamen ob abusus res ipsa tollenda; sed tollatur abusus, maneat verò rei bona usus: alioquin multa alia tollere oportebit. Valeat hic illud: *Usus habet laudem, crimen abusus habet.* (8) Quid quod Nicolaides ipse nostræ tandem accedat sententiæ, retineri posse ordinationem, si superstitionis Papistica absit: Sic enim ille loc. cit. *Quamquam vicissim eam ceremoniam ordinationis observari posse, si absit superstitio, non diffitemur.* At idem etiam nos volumus, ut omnis hic absit superstitio; unde Pontificii Sacramentum ordinationis, variasq; superstitiones invehentes, hic graviter à nostris reprehenduntur ac confutantur.

7. Theophilus Nicolaides cum aliis Socinianis negativam sententiam tueri conatur in *defens. tract. de Muf. Ministr. c. XI. p. 176.* Nobis, scribit, in religione perpetuo & necessario sequendum est, non quid Apostoli olim fecerunt, sed quod nobis illi, ut perpetuum & universale praeceperunt. Quod de impositione manuum apprimè considerandum est. Tanta enim erat eorum & auctoritas Apostolorum, ut plerumq; illi, cuiuscumq; manus imponebatur, dona spiritualia simul conferrentur. At hodie nemo est, qui id sibi attribueri possit, tum quia id non necesse sit, tum quia impossibile sit ab homine errorum, & interdum etiam peccatorum, pleno divina dona posse proficisci, quales hodie si non omnes saltem pleriq; sunt illi, qui istam potentiam alios ordinandi sibi vendicant. Cumq; hodie facile fieri possit, ut observata hac ceremonia is, qui eam alius confert, credat etiam, se prae ditum esse illa potestate, qua olim illi prae dicti erant, qui eam alius conferebant, non necessarium omnino est, illam ceremoniam usurpari: imò utile etiam est, eam plane intermitteri. Solet enim ex huiusmodi ceremoniis oriri superstitio, pestis omnis verae religionis: dum homines (ut solent) plus illis tribuunt, quam ipsi verae pietati.

8. Ex his verbis non obscurè quaedam argumenta colliguntur, quæ pro sua sententia Nicolaides afferre videtur (1) Quia in religione perpetuo & necessario sequendum est, non quid Apostoli olim fecerunt, sed quod nobis illi, ut perpetuum & universale praeceperunt, &c. (1) Apostoli, quæ tales, non tantum doctrina, sed etiam vita, non tantum verbis, sed etiam factis & exemplis docuerunt, & exemplar aliis Ecclesiæ ministris reliquerunt. Hinc dicitur, quod

*Apostolorum ministerialis* ~~ἡ~~ *ἔστι* aliorum fidelium ministrorum *ἡ* *ἔστι*. (2) Apostoli ritum ordinationis & impositionis manuum vel secundum, vel contra doctrinam suam adhibuerunt: hoc minime dicendum est de tam illustribus verbi præconibus; manet igitur illud, adeoque juxta doctrinam & praxin Apostolorum nos hanc ordinationem utiliter retinere possumus. (3) Mutatur statum controversia, quia non agitur hic de præcepto divini, vel Apostolico, sed de ritibus Ecclesiasticis, inter quos etiam ordinationem & manuum impositionem utiliter retineri posse pronunciamus.

9. (II) Quia Apostoli per impositionem manuum dona spiritualia contulerunt, quod hodie minime fieri potest ab illis, qui potestatem ordinandi sibi tribuunt. Tanta, pergit, erat vis & Auctoritas Apostolorum, ut plerumque illi, cuiusque manus imponebant, dona spiritualia simul conferrentur. At hodie nemo est, qui id sibi attribueret posset, tum quia id non necesse est, tum quia impossibile sit ab homine errorum, & interdum etiam peccatorum pleno, divina dona posse proficisci, quales hodie si non omnes saltem plerique sunt illi, qui istam potestatem alios ordinandi sibi vendicant. R. (1) Gratia donorum Spiritus Sancti quidem per *χρησθεις* communicata, ut constat ex *Act. II. 13.* sed propterea *χρησθεις* neutiquam ad solam illam communicationem restricta fuit, ut passim ex Novo Testamento videre licet. Venit Spiritus Sanctus cum donis suis & sine *χρησθεις*, ut patet ex *Act. II. 4. Job. XX. 22.* venit etiam per *χρησθεις*, ut apparet ex aliis locis, unde *χρησθεις* nec omni, nec soli, nec semper, collationi donorum convinere dicitur, sed Spiritus pro libertate sua prout vult operatur *I. Cor. XII. 11.* Vidit hoc ipse noster adversarius, propterea dicit, quod PLERUMQUE illis, quibus Apostoli manus imposuerunt, dona spiritualia simul collata sint. (2) Dist. inter gratiam peculiarem Ecclesie primitivæ, & inter gratiam universalem totius Ecclesie; dona quædam miraculosa temporibus Apostolorum propria & peculiaria fuerunt, quæcum Apostolicis viris cessarunt, sed Ministerium Ecclesie toti dicitur universale, ac proinde gratia ministerialis omnium temporum esse facile colligitur. (3) Dist. inter ministros, quatenus ut homines, & quatenus ut Dei ministri, vel mysteriorum divinorum dispensatores,

con-

considerantur: ut homines, æque sicut alii, peccatores sunt, nec ullam in DEI dona potestatem habent: sed quatenus DEUS eorum opera vult uti, sic per ipsos etiam gratiam suam dispensare dicitur. (4) *Ministri* vel considerantur *sine verbo*, vel *cum verbo*: *sine verbo* nihil gratiæ conferunt, sed erroribus & peccatis subiecti, vel ad minimū obnoxii, verū *cum verbo* gratiam DEI peculiarem conferre possunt, & ex verbo cælestis veritatis Doctores sunt: (5) Deniq; respicere videtur ad *arratos Paparum Episcopos*, qui sibi solis jus ordinandi capiunt, licet nihil minus, quam *veri sint Episcopi*, vel *DEI & Ecclesiæ ministri*, quem errorem nos etiam improbamus.

10. (III) *Quia hodie facile fieri potest, ut observata hæc ceremonia is, qui eam aliis confert, credat etiam, se præditum esse illa potestate Apostolorum, quæ olim illi præditi erant, qui eam aliis conferrebant.* R. (1) *à posse ad esse* non valet consequentia. (2) Si hoc ipsum fiat, non est *juris*, sed *facti*, est peccatum hominū, non *incommodum ordinationis*. (3) notum, quod *imposito manuum*, & olim in *Veteri*, & in *Novo Testamento* variis in objectis sit adhibita, sicut & adhuc hodie tum in *benedictione*, vel *copulatione novorum conjugum*, in *baptismo infantum*, vel *initiatione novorum Christianorum*, in *regum novorum inauguratione*, vel etiam in aliis solemnitatibus multis in locis adhibetur: vix igitur per somnium aliquis hoc ipsum concipere potest, quod per *χρῆσθαι* sibi potestatem Apostolis propriam tribuere velit. (4) *Dist.* inter *gratia ministerialis substantiam* & *circumstantiam*: quoad *rem ipsam* gratia ministerialis per publicas Ecclesiæ Ministrorum, & Candidatorū Ministerii preces adhuc hodie confertur, sed cum iis peculiaribus *circumstantiis* atq; specialibus donis hodie non conceditur. Nam ut olim Christus per verbi ministerium homines convertit, & fidem in illis operatus est; sic idem adhuc hodie beneficium in Ecclesia per gratiam Ministris concessum operatur.

11. (IV) *Quia non est omnino necessarium, illam ceremoniam usurpari.* R. (1) non tam de *necessitate*, quam de *utilitate* modo solliciti sumus, ut ex quæstione patet. (2) neq; dicimus nos, ne superius observatum, *ordinationem*, vel *χρῆσθαι* simpliciter esse

*necessariam, quem errorem in Papistis notamus & refutamus, imò hic de ordinatione & Χεροθρία, tanquam liberu Ecclesia Ceremoniu, disputamus: aliud autem est agere, de liberis ceremoniis, aliud agere de necessariis requisitis, vel principiis. (4) Dist. inter omnimodam necessitatem, quæ est ipsius rei, & inter modificatam, vel comparatam, quæ dicitur ordinis, aut aliorum respectuum: ordinationis non de jure divino simpliciter, sed de jure Ecclesiastico, suo modo, necessario, quod etiam de Χεροθρία dicendum.*

12. (V) *Quia utile esse potest, eam plane intermitteri. R. (1) iterum à posse ad esse argumentatur. (2) cum certum sit, quod ordinatio, vel etiam Χεροθρία, in mediis publicis precibus, sit Ecclesiasticæ constitutionis, pulcherrimæ conditionis atq; decoris, boni ordinis & multiplicis ædificationis, ideo verè dicitur, quod utile sit, eam non intermitteri, sed studiose conservari.*

13. (VI) *Quia solet ex hujusmodi ceremoniis oriri superstitio, pestis omnis veræ religionis, dum homines (ut solent) plus illi tribuunt, quam veræ pietati. R. (1) aliud est loqui de ceremoniis ipsis, aliud loqui de contingentibus eventibus ceremoniarum: superstitio non est ipsa ceremonia, sed accidentaliter nonnunquam ipsis contingit. (2) Superstitio non est vitium ceremoniarum, sed hominum ceremoniis abutentium. Servatur usus, tollatur abusus. (3) Sicut excessus improbat, quando plus ceremoniis tribuitur, ita defectus etiam non probatur, quando ceremoniæ prorsus abrogantur. (4) Distinnet consuetudines hominum malas & bonas, hæc retinendas, illas repiciendas esse docemus, (5) aliud est loqui de ceremoniarum ratione vitæ, vel pietatis, & aliud est loqui de ceremoniarum ratione Ecclesiastica hierarchia, vel Ministerialis auctoritatis; non de illis, quod advertarius facit, sed de hujusmodi solliciti sumus; cum ordinario & Χεροθρία non ad ejuslibet privati pietatem, sed ad ministri publicæ auctoritatem & constitutionem adhibeantur.*

### QVÆSTIO TERTIA.

*Utrum in lege divina fabricatio imaginum prorsus interdicta sit?*

1. In hac questione proponenda, vel exponenda, primum circa controversiam statum unum, vel alterum præmittemus, & es, quæ



quæ controversa sunt minus, à præsentī tractatione dimittemus. Non enim quæritur [1] *de imaginum existentia*: num verè dentur imagines, vel statuæ? nam & multorum seculorum historia, & quotidiana experientia, cum aliis iudiciis plurimis, existentiam imaginum invictè demonstrant, nec ipsi *Sociniani* contra manifestam veritatem eam negare tentant, unde passim de imaginibus loquuntur.

2. [2] Nec agitur hic de *quibusvis imaginibus*, sive *licitæ*, sive *illicitæ* sint, sive *historica* sint, sive *idololatrica*, sive *bonestæ*, sive *inhonestæ*, sive *pia*, sive *impia*, sive *DEI gloriam* & *aliarum rerum sacrarum memoriam*, sive *DEI ignominiam* præseferentes, sive *fructuose* sint, sive *scandalosa*: nec enim *infidelibus*, & à vera religione prorsus alienis, ex studia honestatis, illicitas, inhonestas, scâdalosas, libidinofas & ignominiosas imagines habere licet, multo minus inter *Christianos* ejusmodi ferendæ sunt imagines. *Impium* & *inhonestum*, *ignominiosum* & *scandalosum* sit à Christianis alienū.

3. [3] Nec agitur in specie de *DEI, Christi, vel Sacrosanctæ Trinitatis imaginibus*, de quibus alias in specie non pauca moventur, non tantum à *Calvinianis*, sed etiam à *Socinianis*, & aliis *hereticis*, verum hæc impræsentiarum non attingimus, dum in genere de imaginibus, earumq; fabricatione solliciti sumus.

4. [4] Neq; hic agitur de *vulgaribus* & *usui vel quotidiano, vel humano, destinatis imaginib;* licet enim generaliter *Sociniani* loquantur, tamen quando rectius quodammodo causam hanc considerant, *policas* & *domesticas* vel *imagines, vel statuas* concedere videntur, sicut scribit *Volkelius* p. 234. Quo in loco intelligendum est, nequaquam nos omnibus etiam illis prohiberi simulacris, quæ aliquem in communi vita usum habent: veluti sunt illa, quæ vel *historiam aliquam ante oculos nostros constituunt*, vel quibus *herba ad medicinam faciendam necessaria* depinguntur, vel quæ *ornatum quendam edibus profanis, aliisq; rebus extra religionem positis afferunt*: sed illis tantum nobis interdici, quæ quacumq; ratione ad divinum cultum adhibentur: Sic igitur *imagines usui communi destinatas* concedit, sed *imagines ad religionem quacumq; ratione relatas* rejicit.

5. [5] Nec quæritur hac vel de *possessione*, vel de *usurpatione*, eaq; varia ut & de varia *relatione imaginum*, sed, ut quæstio monstrat agitur saltem de *fabricatione*, num imagines, vel statuas conficere liceat?

6. [6] Nec quæritur hic de *legis divina ad imagines relatione*, annon leges quædam DEI respiciant imagines; hoc enim facile largimur. [7] nec agitur de *fabricationis imaginum per leges divinas præceptione*, num DEUS imagines ejusmodi, seu necessarias, præceperit, & ad cultum religiosum destinaverit, hominesq; ad fabricationem & usurpationem illarum obligaverit?

7. [8] Sed quæritur de *interdicto divino*, num in lege sua DEUS fabricationem imaginum prorsus prohibuerit? Nam hoc est, quod potissimum negamus, & quod Sociniani propugnare conantur, utilegimus apud Volckelium lib. 4. de Vera Relig. c. 12. quo in loco potissimum urget, *confessionem imaginum* in lege divina prohibitam esse [1] Ex ipso interdicto divino, quia secundum Deologos præceptum est. *Non facies tibi sculptile, neq; omnem similitudinem, quæ est in cælo de super, & quæ in terra deorsum, nec eorum, quæ sunt in aquis sub terra, non adonsis ea, neq; coles* Ego sum Dominus DEUS tuus, fortis Zelotes, visitans iniquitatem Patrum in filios in tertiam & quartam generationem eorum, qui oderunt me, & faciens misericordiam in multis his, qui diligunt me, & custodiunt præcepta mea. & (1) quod Sociniani cum Calvinianis præceptum de sculptilibus secundum faciunt, illud non fit accurate juxta textum, cum idem sit objectum, nimirum materiale, vid. idolum, & formale, præcepti interdictum, idem etiam finis, ne DEUS alius, præter verum, colatur: manet igitur eadem præcepti bestis, saltem illustrationis ergo specialis additur exegesis de imaginibus, sculptilibus & id. lis. quæ maxime tum inter gentiles usitata erant. (2) quod *εικονοποιία* non simpliciter prohibeatur, patet ex ipsa praxi DEI, qui Cherubim in tabernaculo facere præcepit, & in ipso templo multas imagines atq; statuas concessit, quod prolixè probari posset, nisi res omnis in vado versaretur. Dist. igitur inter *εικονοποιία* & *ειδωλοποιία*, vel *εικονολατρεία*, hæc, non illam, DEUS prohibuit.

8. [II] *Quia in his verbis Exod. XX. tum ipsum DEI præceptum, tum præcepti continetur ratio, seu causa, ob quam & hoc, & cetera omnia DEI mandata sint observanda. Speciat autem hoc præceptum non minus, quam primum ad divini cultus rationem: & PRIMUM quidem IMAGINUM CONFECTIONEM, deinde, & hoc quidem potissimum, earundem cultum & venerationem prohibet. R. (1) Si hoc verum, sequitur, quod in his verbis non unum, sed duo præcepta reperiantur, adeoque sic plura, quam decem, præcepta numerari debent, quod aperto DEI verbo non tantum, sed etiam Sociniani, & ipsi Volkelio contrariatur, qui totum præceptum de sculpsilibus antea secundum nominabar. (2) Falsum est, quod simpliciter imaginum confectio sit prohibita, quia hoc contrariatur tum legi naturæ, cum natura vivas imagines quotidie producat; tum legi divinæ, qui præcepit confectiorem Cherubim super arcæ fœderis & propitiatorio Exod. XXV. 18. serpentis atri Num. XXI. 9. tum praxi divinæ, qui ipse sub imagine antiqui dierum Dan. VII. 14. viri insidentis Solio Esa. VI. 1. &c. apparuit: tum legibus artis, quia ars effigiatoria, pictoria &c. sunt artes licitæ, nec unquam simpliciter prohibita. (3) Falsum, quod in præcepto de sculpsilibus duo præcepta nova reperiantur, cum primum præceptum saltem in his verbis exponatur, adeoque sic in specie prohibetur, ne sculpsilia vel imagines faciamus, & habeamus ad cultum, ut instat DEI, vel numinis eas colamus.*

9. [III] *Quia in præcepto de sculpsilibus non id revera agitur, ne imagines pro Diis habeantur ac colantur: (id enim primo præcepto satis jam cautum fuit, cum imago pro DEO haberi nequeat, quin alienus DEus coram DEO vero habeatur:) Sed ne ullius sive veri sive falsi numinis imago fingatur, nec ullus ei cultus exhibeatur, cum nempe in finem, ut is honor in illud ipsum nomen redundet, cuius simulacrum aliqua ratione colatur. R. (1) Si primo præcepto satis cautum, ne pro Diis habeantur atque colantur imagines, sequitur, quod in his verbis tantum explicatio primi præcepti reperiat, quia disertis verbis hic dicitur. Non adorabis, neque coles ea: male proinde distinguntur, quæ per Spiritum S. conjunguntur. (2) Quod habere DEum h. l. non tam theoretice, quam practice, sit intelligendum cum*

cum ratione cultus, ipse Volkel. p. 205. & 206. exposuit: unus igitur utriusq; præcepti sensus atq; scopus est. Hinc (3) habere DEum h.l. & religiose colere DEum, συνευουως accipiuntur.

10. [IV] Quia facientur omnes, & res ipsa loquitur, hoc præcepto interdici Ethnicorum idololatriam, ac porro omnem simulacrorum cultum ei similem. At v. Ethnici DEos suos, quorum imagines fingeant, colebantq;, aut in cælo, aut in terra, aut in mari, ne de inferis ipsorum Diis nunc quicquam dicam, existere credebant, nec imagine aliqua confecta, vel corrupta, illum ipsum, cuius imago esset, DEum vel confici, vel corrumpi putabant. Quare imagines non pro ipsis Diis habebant, aut colebant, sed in iis, aut per eas venerabantur Numina illa, quorū essent imagines. Quod idem de Israelitis, in vitulis olim DEum colere se arbitrantibus, statuendum est: adeoq; imagines conficere non licet. & (1) Nulla consequentia, quia rursus ab ἰδωλατρεία prohibita sit argumentatio statim ad ἰκονοποιῶν prohibitam, quæ maxime sunt diversa, cum aliud sit, imagines facere, aliud sit, imagines colere: illud licitum, hoc prohibitum: ars pictoria semper inter Christianos viguit, sicut olim & inrer gentiles floruit, & naturam ipsam æmulatur: Si proinde DEus jure creaturas, seu vivas imagines, producere, nobisq; proponere potuit, nec pictas imagines prohibere voluit. (2) Certum est, quod gentiles olim non tantum statuas Solis, Luna, vel aliarum stellarum aut etiam picturas animalium adorarint, sed etiam ipsum solem naturalem, lunam, & alias stellas, ut & animalia viva sæpius adorarunt: Si quis igitur more Volkelii colligere vellet, facile DEum, conditorem harum creaturarum, accusare posset. Sed hic nec DEus, nec natura, nec ars, vel ejus sive pictura, sive sculptura, accusari jure potest, ubi vana hominum opinio & superstitio, vel corrupta eorum phantasia, reprehensionem omnem meretur. Servetur usus, tollatur abusus. (3) Hinc DEus passim apud Moysen hoc præceptum de sculptilibz iteravit, illustravit & explicavit, ut omnibus de sensu genuino ejus constare posset, unum l. alterum saltem locum adducemus Lev. XXVI 1. Non facietis vobis idolum & sculptile, nec statuam erigatis, nec insignem lapidem ponatis in terra vestra, UT ADORETIS apud eum: Ego enim sum Dominus DEus vester, Confer. Dent. IV. 15. 16. 17. 18. 19.

QVÆSTIONES ANTI-SOCINIANÆ

EX ARTICULO XVI.

AUGUSTANÆ CONFESSIONIS.

DE

MAGISTRATU POLITICO,  
VEL REBUS  
CIVILIBUS.

QVÆSTIO PRIMA.

*An Magistratus Christiano licitum sit bella gerere?*

1.

**C**irca controversia statum observandum, quod non quærat<sup>r</sup> (1)  
Num Magistratus Christiano quodvis bellum sit licitum? notum  
enim est, quod iniqua sæpius bella sint, quæ nulli hominum, nec  
ipsi Magistratus licita esse possunt, adeoque minime sic illimitatè  
bellum Magistratus Christiano tribuimus.

2. (2) Non quæritur, annon pax bello preferenda sit? verum  
enim est illud quod dicitur communiter: nulla salus bello, pacem te  
poscimus omnes, cum pax una sit potior innumeris triumphis.

3. (3) An bellum offensivum facile suscipiendum sit? nam &  
nos largimur, quod omnia prius tentare debeamus, quam bellum  
offensivum ingredi velimus, cum ingressus sit facilis, sed egressus  
dubius atque difficilis: & magis defensiva bella, quam offensiva  
Christianis convenire, nos ipsi pronunciamus.

4. (4) Annon Magistratus pacem sectari, & cum vicinis amici-  
tiam colere debeat? hoc enim nos facile largimur, & Ostorod. in-  
stit. c. 28. p. 101. asserit, inquit. Fürs erste sagen Wir, daß die Obrig-  
keiten sie sey Herr/ oder König/ dem Friede nachjagen sol/ und mit  
den Nachbarn gute Freundschaft halten sol: Quantum enim in  
nobis est, cum omnibus pacem colere debemus Rom. XII.

Kk

5. (5)

DISP. XVII.  
R. ABIAS  
JORDAN,  
Heringa  
Thüringius.

5. (5) *Annon Magistratus de fœderibus cum vicinis & potentioribus sollicitus esse debeat, ut cum subditis in pace manere queat?* Nam & hoc *Ostorod. d. l.* affirmat: *dar nach kan man fœdera und bündnisse machen/durch welche Land und Leute eine lange Zeit in guten Friede sitzen können/ wie es die erfahrenheit bezeigt: Et certum est, quod hæc prudentia civilis verum sit Magistratus requisitum, ut omnibus modis & sibi, & subditis suis de pace prospiciat.*

6. (6) *Annon alia media prius tentare debeamus, quo bellum etiam defensivum evitare valeamus?* Nam & hoc facile largimur Schmalzio, qui de bello *defensivo* potissimum urget, quod illud minime suscipiendum, sed potius aliis mediis declinandum sit, quando contra *Franz. p. 394.* scribit: *Non certum est, an is sit regionem obtenturus, qui eam armis defendit. Multos enim videre est, qui hac ratione se & suos, & sua omnia perdiderunt, ita, ut si aliter se gessissent, regnare possent, qui nunc extrema sunt mancipia. Nonne igitur præstat, varios tentare modos, quibus regio conservetur præter bellum, quales sunt fœderum pactio, de jure suo quoddammodo cessio, addo etiam tributorum solutio, & tandem ipsius etiam regionis, scilicet nullo modo fieri possit, spontanea deditio, qua omnia fieri possunt absq. jactura salutis, vite, fortunarum: &c: Hæc si prorsus aliter fieri nequeant, & nulla restent vel consilia, vel auxilia defensionis, sic in casu necessitatis procedunt, quamdiu vero consilia, vel alia media diversum evadent, simpliciter hæc omnia concedi non possunt, cum Evangelium non aboleat politiam. Nec una conditionum illarum ratio: nam confederationes ad nostri defensionem inire, de jure quoq; nostro, quantum publica salus admittit, cedere possumus, sed hosti statim tributum solvere, vel se totum dedere, non adeo facile, nisi necessitas extrema tandem id exigat, concedendum. Sic enim Turcarum Imperitor, vel alius Tyrannus facile totum mundum sibi subicere possit.*

7. (7) *An ad bellum tributum conferenda sint?* nam & hoc *Ostorod. d. l. p. 182. 183.* faceret, scribens: *Man muß hie aber sehen/ das man nicht etwas vermeine wieder Gott zu sein/ welches doch nicht wieder Gott ist/ und sich also selber ohn Ursach*

Ursach in mühe und Verfolgung begeben/ wie die Iſſun (zum Exempel) welche nicht wollen Tribut/ Auflage und Schatzung zum Krieg geben/ welches doch GOTT nicht verboten hat: Nur durch die Ration bewogen/ damit sie nicht möchten angesehen werden/ als wenn sie eben durch das geben desselben Tributs/ auff den Krieg bewilligten. Welche ratio denn darum nicht gelten sol/ das da uns geboten ist/ der Obrigkeit Tribut zu geben/ simpliciter solches geboten wird/ und nichts gesagt/ worauf man colligiren, oder abnehmen könt/ zu welchen Sachen/ und widerum zu welchen nicht/ man Tribut solt geben. Dann wann man darum nicht solt Tribut geben/ damit man nicht angesehen würde/ als wann man auff die Dinge/ zu welchen die Obrigkeit den Tribut anwendet/ bewilligte/ so würden wir gar selten dem Gebot des Apostels nachkommen müssen: Sientemal die Könige und Fürsten gemeiniglich die Tributa an solche Dinge wenden/ mit welchen die Ehrſtliche religion wenig/ oder gar nichts zu schaffen hat. Verum non est de nihilo ratio producta, si tributa specialiter ad bellum gerendum postulentur, quod plerumq; fieri consuevit: Sic omnino, qui tributa tanquam media belli, conferunt, bellum ipsum gerere, vel promovere perhibentur.

8. (8) Non queritur: *An sine penitentia, vel etiam peccatis crescentibus, bellum nobis prodesse queat, etiam contra DEum, quando videlicet DEus regnum aliquod punire decrevit: vel annon frivolum sit belligerare, si talis nimirum populi status invenitur?* Nam Ostorodius p. 193. scribit: Wo die Sünde überhand nimmet/ und keine Buße erfolgt/ ist es vergebens zu Kriegen und zu Sechten: Den wieder GOTT/ welcher aller Königreiche ein HErr ist/ hilfft nichts/ nur Demut und besserung des Lebens. Neq; nos in eo contradicimus, sed idem cum scriptura semper urgemus, quod DEus non tantum in bello, sed etiam in aliis plagis

vera pœnitentia, humili patientia, & emendatione vitæ per veram fidem nobis sit conciliandus, ut ejusmodi plagas avertere velit: sed hæc quæstio magis de *tu* prodesse, quam esse belli translationem instituit, & non tam delicto, quam cominodo, vel utili sollicita.

9. (9) Non etiam quæritur: *An liceat ejusmodi discere & exercere opificia manualia, quorum industriis præparantur gladii, vel aliæ generum armorum, quibus ad bella gerenda, vel homines interficiendos utimur?* Nam ipse Schmalzius contr. Franz. p. 396. hoc itidem concedit: *Non per se quidem est peccatum, tractare artificia, quorum opera arma parantur, etiam si bella gerere non liceat. Potest enim fieri, ut talia quis parat, quæ ad bella gerenda pertinent, & tamen nunquam ad bella gerenda adhibeantur. Præstat autem id facere, quod vel peccatum per se non est, vel peccati causa potest non esse, quæ vel fame perire, vel suos deferere. Hanc tamen cautionem addenda putamus, si quis aliter sese nullâ ratione alere possit. Alias enim nimis rursus est, hominem Christianum ea laborare, quæ ad internecionem hominum comparata sunt. Discere vero tale opificium multo indignius est homini Christiano. Semper enim id eligendum est in omni vita, quod est rectissimum, & ab omni specie mali quam alienissimum.* In his Schmalzius disertis verbis concedit, armorum fabricationem & præparationem non esse per se peccatum: qui vult media, finem ipsum in totum repudiare non potest: & licet hypothesis addat, si aliter sustentare se nequeat: tamen notum est, quod non sint faciendæ mala, ut inde eveniant bonæ, neque propter solam sustentationem talia facere debemus, quæ vel mala sunt, vel mali speciem præferunt: & si demonstretur, Bella esse licita, talis hypothesis per se corrui.

10. Sed (10) quæritur: *Annon Magistratui Christiano sit licitum bellum gerere, sicut majestatem religionis & regionis illud facere, nec aliis mediis hostem à suis ditionibus repellere, vel injuriam illatum, à se, suisque, subditis aliter removere queat?* Nos affirmativam tuemur sententiam, quod omnino cæteris paribus, bellum Magistratui Christiano gerere licitum sit. Sociniani negativam defendere satagunt, quod omne bellum, à quocunque suscipiatur, qvii-



qvibuscunq; causis, & qvocunq; modo, sive sine geratur, ut & contra qvos instituat, prorsus illicitum, & in Novo Testamento penius prohibitum sit. Sicenim Smalz. contr. Franz. p. 393. In quarta sectione (Franzius) directe nos petit, & bella gerere licere, affirmat, qvoad nos negamus, & indignum Christiana pietate esse contendimus. Ostorod. d.l. p. 178. Wir geben denen keyser/ so den Krieg improbiren / das ist/ nicht für gut halten: ob wir wol wissen/ wie viele diß für den Kopff stossen wird/ die wol umb dieser unser einigen Meinung willen/ die ganze Confession selber leichtlich verwerffen solten. Denn es wird sie düncken / das diese unsere Meinung das unterste oben kehre/ und aller Dinge eine Confusion, oder Vermischung anrichte/ was sollen wir aber thun? Wir können nicht wieder unsere Conscientiam entweder etwas Reden/ oder Verschweigen/ sintemahl es umb den gehorsam der Gebot Christi/ und consequenter, oder folzig/ umb die ewige Eeligkeit zu thun ist. Ex qvibus satis apparet, qvoad secundum Ostorodum, omne bellum obedientie mandatorum Christi contraveniat, & æternæ salutis noceat. Unde Socinus advers. Paleol. p. 146. diserte scribit, qvoad bellum neq; res bona, nec indifferens, sed per se mala sit: Hic inquit, non de reali qva indifferente agitur, sed de re (videlicet bello) qva per se mala est, & præceptis Christi contraria: qva de Causa Volkel lib. 4. de Relig. Christianic. 16 p. 55. scribit, videtur, Christianum Magistratum præcepto, Non occides, ita comprehendere, ut à bellis alienus sit. Pluribus testimoniis, qvæ passim obvia sunt, non videtur esse necessarium.

1. Probare conantur sententiam suam ex variis argumentis, nos qvædam ex ipso Socino contr. Paleolog. p. 138. seqq. colligimus, atq; juxta scripturam & rei veritatem refellemus. Probat igitur Christiano Magistratui licitum non esse bellum gerere (I) Quia nullus est Christi respublica, ubi odium aliquod locum habet erga qvosvis homines. qvavis de causa. Ea siquidem universalis in amore & charitate erga omnes homines potissimum fundata est. R. (1)

inter *republicam Christi & mundi*: certum est, quod in *republica Christi*, quia talis est, nec odium sit, nec bellum: sed non *politia*, quia talis, est *regnum Christi*, cum potius in *politia* *regnum Christi* sit, quā ut *regnum Christi* sit *ipsa politia*. Hinc (2) notandum, quod *politia Christiana* non uno modo subordinetur, nam ut *Christiana*, subordinatur *Christo*, vereq; *Christiana* dicitur, sed ut *politia* subordinatur *mundano Domino*, vocaturq; *Politia*, vel *mundana politia*. (3) diff. inter *jus* & *factum*: de *jure* quidem nullum odium, nullum bellum, inter Christianos esse deberet, *de facto* verò multum odii, multū belli sapi, inter eos reperitur. (4) Hinc diff. inter *homines Christianos* ratione *spiritus*, & ratione *carnis* consideratos: ratione *spiritus* nullum odium erga homines, etiam persecutores, admittunt, sed omnia patienter ferunt: verū propter carnem sapius affectibus indulgent, & alteri malum intentant, unde necessarium omnino dicitur, ut *iusta defensio* concedatur.

12. (II) *Quia licet reipublica Christi suos etiam beneas hostes, cum quibus concinenter bella geris, tamen hi non sunt homines; non est enim, inquit Paulus Epb. VI. 12. nobis colluctatio adversus sanguinem & carnem, sed adversus principatus, adversus potestates, adversus mundi rectores tenebrarum hujus seculi, adversus spiritualia nequitiæ in cœlestibus. Hi sunt hostes nostri, cum quibus alia ratione, aliisq; armis, quam cum hominibus fieri soleat, nobis pugnandum est, idcirco statim subjungit Apostolus: Propterea accipite universam armaturam DEI, ut possitis resistere in die malo, & omnibus peractis stare. State ergo succincti lumbos vestros in veritate, & induti lorica m justitiæ, & calceati pedes in præparatione Evangelii pacis. In omnibus sumentes scutum fidei, in quo poteritis quæ omnia tela mali ignea extingvere. Et galeam salutis assumite. & gladium spiritus, quod est verbum DEI. Perspicuum igitur est ex Paulo, Christianæ reipublice hostes non homines, sed Dæmones, seu malos spiritus esse, nec illi cum hominibus, sed cum dæmonibus belligendum esse, non armis carnalibus, sed spiritualibus. R. (1) Unius positis non est alterius remotio: nobis & cum dæmonibus, & cum mundanis hominibus, & cum praviis, vel carnalibus affectibus pugnandum est: nam quoad carnem res certa, quod prudentia carnis inimicitia sit adversus Deum Rom. II. 7. & caro perpetuo concupiscit adver-*

*adversus Spiritum, Spiritus autem adversus carnem, hac enim sibi invicem adversantur Gal. V. 17. De mundo pariter id negari non potest, quia Jacob. IV. 4. amicitia hujus mundi inimicitia est DEI, & vice versa: & quicumque voluerit amicus esse seculi, inimicus DEI constituitur. (2) Diss. inter bellum mysticum, vel internum, quod geritur cum Diabolo, & politicum, vel externum, quod geritur cum hominibus: de hoc loquitur quæstio, de illo Socini ratio, sic scopæ sunt dissolutæ. (3) iterum confunditur Ecclesia cum politia; nos loquimur in præsentî quæstione de politia hostibus, sed Paulus loquitur de Ecclesia hostibus.*

13. (III) *Quia quod contra in Israelitica & Mosaica republica fuit, in qua cum hominibus, tanquam cum veris hostibus carnalibus armis bellandum erat, aut certe bellari jure poterat, ut ex historia sacra aperte constet, illud non habet locum in N. T. Cofarantur antecedentia & consequentia. Socin. lib. Svasor. p. 25. & passim alii, ex quibus patebit, quod juxta Socinianos alia sit ratio Veteris, alia N. T. cum Deus in illo bellum mandaverit, vel concesserit, hic prohibuerit, in illo hostium occisionem approbarit, hic improbarit, ibi terrenum regnū promiserit, & hostium propulsationem concesserit, hic minime, sed Christianos cælum respicere jussit &c. (1) Abraham etiam ante Moysen legitimum bellum gessit, ut patet ex Gen. XIV. unde manifestum, quod etiam ante Moysen, vel Mosaica reipublica constitutionem, belligerare licitum fuerit. (2) Bellum gerere tum in V. tum in N. T. licitum fuit, quia nusquam prohibitum, & non tantum in sacris literis passim, sed etiam in jure naturæ fundatum. (3) Falsum, quod in N. T. justum bellum sit prohibitum. Confer. Luc. III. 14. XIV. 31. Rom. XIII. 4. &c: unde Christus Centurionem non rejecit Matt. IX. 9. & ejus imperium militare v. 1. non improbavit, imò fidem ejus maxime commendavit v. 10. Cornelius etiam Centurio suum inter Christianos nomen dedit, neq; tamen militiam deseruit Act. X. seqq. (4) Ut in V. T. regni terreni promissionem, & ejus occupationem, acceperunt Israelitæ divinitus, sic etiam in N. T. datur proprietatum possessio, vel defensio, quæ de causa hostes etiā inde propulsare licet.*

14. (IV) *Quia Bellorum concessionem incommoda multis sequuntur, ut pluribus evincere conatur Socin. d. l. p. 143. 144. 145. cum-*

cumprimis illud urget: *Sij iusta sit causa bello lacescendi, & magistratus id facere negligat, posse populum, vel omnem, vel maximam ejus partem, resumpta quodammodo auctoritate sua (populus enim, ut supponit p. 141. magistratus suam auctoritatem antea circa constitutionem concessit) bellum illud gerere &c: idem etiam populum facere posse, si magistratus nolit & contradicat, ut nimirum hostes à republica belligeratione repellat: talibus autem belli gerendi concessionibus christiano populo, factum esse, ut contra ipsum magistratum, Christi nomine gaudens populus arma capere non dubitaverit, Doctoribus non modo assensientibus, & approbantibus, verum etiam suatensibus atq; impellentibus, & libris editis, id & posse, & debere fieri publice contestantibus & contendentibus. Testis est hodie eorum, pergit, orbis ipse terrarum, qui hac fieri aut vidit, aut certissima fama accepit, sed testes potissimum sunt dua nobilissima provincia, Gallia & Germania inferior, qua civili sanguine jam diu madent, atq; redundant, eo quod persuasum sit, ex certis quibudam causis populo, seu populi parti adversus Dominum & Principem suum bellum gerere licere. Itaq; hac etate nostra ab iis, qui Christianos se esse praeterius iactant, per speciem Christianae religionis asserenda, id fieri vidimus, quod barbari atq; effrenati homines facere exhorrescunt, ut scilicet contra proprios reges arma ferant. Et tamen (si DEO placeat) eos, qui ob praeclaram causam sive in ipsa acie, sive alibi ceciderunt, & obruncati sunt, in martyrum Christi numerum referri, publice audivimus. O seculum! Hi nimirum sunt vestrarum belli gerendi concessionum fructus. Egregii vos scilicet magistratum defensores estis, qui populos contra magistratum, id est, reges suos, armatis, dum magistratu iubente, bella iuste geri posse docetis. Rege enim tyrannos: Et (quod, quid sit, quilibet suo modo interpretatur) non regem amplius, sed populum ipsum, sive aliquos ex regni proceribus magistratum esse, vulgus hominum vobis ipsi indicantibus, vel certe annuentibus contendit: quibus auctoribus ex vestra disciplina tyrannum illum, ut ipsi putant, ejusq; vim armis repellere, cumq; eo apertum bellum gerere non dubitant. Unde quot ingentia mala necessario proficiuntur, plus satis jam experientia novimus, quae misere deplorari magnis, quam aperte verbis explicari possunt. p. [1] non exemplis, sed legibus judicandum: multa saepius sunt,*

quæ minime fieri deberent, si iustum belli gerendi modum omnes attenderent. (2) Ex *Lutheranis Theologis* minime docere poterit *Socinus*, quod subditis belli gerendi potestas conveniat; contrarium passim *B. Lutherus*, & alii *Theologi* cum eodem docuerunt. Quid inter *Papistas*, & *Calvinianos* tales Doctores reperiuntur, nostræ orthodoxiæ, de *iusto bello*, nullum parit præjudicium (3) *Dist.* inter *mala facere*, & *mala pati*: non *ilud*, sed *hoc* Christianorum est, adeoq; populo potius svademus, ut omni modo ferant injurias tyrannorū, non autem ad seditionem, rebellionem, vel similia se recipiant. (4) *Dist.* inter *subditos meros*, & *non meros*; qui subditi meri non sunt, illis nec simpliciter in omnibus, multo minus in iis, quæ sunt contra Deum & honestatem, obedientia erga tyrannos magistratus imponenda. (5) Falsum est, quod talia incōmoda proveniant ex orthodoxa de bellis gerendis doctrina, cum potius ex pravis hominum affectibus originem ducant &c.

15. [V] *Quia si Lutherani eos, quos tantopere reprehendunt, & tanquam magistratum eversores, palam traducunt, imitarentur, &c. magistratus auctoritas nulla ex parte violata fuisset, & nos tanta damna lucrati essemus, & pro innumeris scissariis, raptoribus, sufragatoribus, sacrilegis, parricidii, aliquos saltem veros Christi martyres haberemus.* R. (1) sicut non sunt facienda mala, ut inde eveniant bona, ita nec statuenda cum Socinianiis falsa, ut inde quædam bona eveniant. (2) De *Lutherano* falsum est, quod juxta doctrinam suam magistratui resistent, vel eidem bellum inferant, cum potius loco cedere, malaq; ferre jubeantur. (3) ab hominum vitio non licet ad doctrinæ errores argumentari, cum notum sit, quod in Ecclesia vera sæpius homines pessimi reperiantur, sicut ipsa scriptura monstrat, & nullus in humano genere status est, quem Satanas hactenus non variis vitiis contaminatum jverit, non tamen propterea status ipse reprehensionem meretur.

16. [VI] *Quia bellum non est aliqua res indifferens (etenim res indifferens, jubens magistratu, tanquam si ipse Deus jussisset, fieri debent) sed res per se mala, & præceptis Christi contraria,* R. [1] falsum est, quod bellum sit res per se mala: *dist.* inter *malum pænæ* & *culpa*, inter *malum*, quæ sumitur pro noxa, & quæ sumitur pro culpa: bellum equidem *malum*, quia nocet, sed non est *malum*, quod *DEI legem abolet*, & per se peccatum ipsum infert. (2) Falsum est,

quod bellum sit *præceptis Christi contrarium*: nullum enim dictum citari potest, in quo Christus simpliciter bellum prohibuerit: contrarium *ib. 13. n. 3.* notavimus. (3) *bellum quidem indifferens nonnunquam dici potest, cum in libertate magistratus politum sit; indifferens etiam sua natura manet, cum & bonum, l. iustum, & malum, vel iniustum esse possit, interim & nonnunquam necessarium est, & aliquando bonum, aliquando malum dicitur.*

17. (VII) *Quia si DEI mandati nomine singularem & apertum aliquam DEI monitionem intelligimus, quæ DEUS Bellum præcipiat, nihil hoc ad quæstionem facit: nemo enim est, qui non minus sub Evangelio, quam sub lege, quicquid DEUS, ut fiat singulariter & expresse monuerit, faciendum omnino esse neget. Sed certe, si Christianus populus tum demum bella gerere debet, cum à DEO singulariter ea de re monetur, sperare iuvat, nullum unquam bellum à populo Christiano gestum iri. & [1] aliud est, mandatum, aliud concessum esse: non quæritur, an bellum sit necessarium, & à DEO mandatum, quasi Christiani necessario bellum gerere debeant, quod nunquam ab orthodoxis assertum est, sed an sit licitum, adeoque divinitus concessum, & non prohibitum. (2) Dist. inter illa, quæ per se sunt, & quæ per accidens contingunt: occasiones bellorum non per se sunt, sed ex iis, quæ per accidens contingunt, fieri dicuntur, & hac ratione Magistratus DEI mandatum habet, quod gladium frustra gerere non debeat, sed quod eodem in ministerium DEI uti debeat Rom. XIII. 4. [3] Dist. inter mandatum explicitum & implicitum: bellum à DEO neutiquam explicite præcipitur Christianis, implicite tamen, ex officio magistratus, DEI quoddam præceptum aliquando inferri deprehenditur.*

18. (IIX) *Quia aliter se res habuit sub lege, aliter tempore N. T. Nam, juxta Socinum, sub lege non idcirco cum hostibus bello licuit, quia sic magistratus iuberet, quasi aliquoties id neutiquam liceret, quippe quod DEUS in lege sua homicidia fieri vetuisset, quæ multa committi in bello necesse est. Nec, enim potest magistratus id fieri jubere, quod DEUS vetuerit. Quemadmodum nullam habes auctoritatem magistratus jubendi, ut adulteria fiant, cum ea expresse in DEI lege interdicta fuerint: Sed ideo sub lege bellare licebat, & bellando hostes interficere, quia præceptum illud non occidendi ad hostes non porrigi, multis modis DEUS ipse declaverat, qui inter cætera hostium.*

*Alium occisionem servata legi primum populo suo statuerat, idq; res ipsa secum omnino ferebat, ut postquam ei DEum terrenam hereditatem ac possessionem assignaverat, quam etiam bellando adepti fuissent, terrenis quoq; armis eam defenderent &c: Non igitur ex magistratq; autoritate sed ex Dei concessu, voluntate, juri belli gerendi sub lege penderat.* [1] Multa dicuntur, sed nihil eorum firmiter probatur. [2] *opponuntur* ea, quæ minime sunt *oppositæ*, sed *subordinata*: nam magistratus autoritas divinæ voluntati, legi, vel concessioni non opponitur, sed subjicitur, cum à divina voluntate pendeat, legem divina pro norma respiciat, & divinam concessionem gaudeat. [3] Falsum est, quod Magistratus jubere debeat, vel etiam salva conscientia jubere queat, aut quod juxta nostram sententiam aliquid jubeat, quod legi divinæ contraveniat: cum enim magistratus norma sit lex divina, certe neutiquam huic normæ contravenire potest, aut debet, nisi velit enormiter peccare. [4] Falsum est, quod bellum sit in lege divina prohibitum, aut simile cum adulterio sit peccatum: nam adulterium, ut lege sua prohibitum, DEus nunquam concessit: bellum autem, juxta Socinum, concessit; ergo bellum non est tale peccatum, ut adulterium, nec lege divina prohibitum. [5] *Dist. inter homicidium justum & injustum, publicum, & privatum, judicialis actus, & culpabilis affectus, ex justitia, & ex ira, vel injuria profectum: hoc, non illud lege divina prohibitum.* (6) Legem moralem non magis Israelitæ, quam Christiani servare potuerunt *Act. XV. 10.* quia jugum tale, quod neq; nobis, nec patribus illis portabile fuit, unde nec in V. T. homicidium occisionem populus Israeliticus, tanquam præmium servatæ legis exercere potuit. [7] Falsum etiam, quod in genere præceptum quintum etiam ad hostes non extendatur vel in V. vel in N. T. cum per proximum, juxta tabulam Decalogi secundam, omnis homo subintelligatur &c:

19. (IX) *Quia DEI concessus, ac voluntas ratione belli, quæ fuit in Veteri Testamento sub lege, sub Evangelio plane cessavit, prout cum Christi verba Matt. V. 44. aperte docent, tum res ipsa satis per se monet. Cum enim hominibus, qui sub Evangelio futuri sunt, hoc est, Christianis, nullam terrenam possessionem DEi assignaveris sed eos, terra prorsus posthabita, eorum inquirere jussit, quid causa est, ut contra suum ipsius expressum, & antiquissimum humani sanguinis non fundendi mandatum Gen. IX. 6. Christianis hominibus bella gerere,*

*U homines occidere permittat?* R. (1) Ex superioribus jam constat, quod belli concessio divina quoque locum habeat in N. T. sicut dicta, exempla, & alia argumenta demonstrant. (2) Falsum est, quod Christi verba *Matr. V. 47. seqq.* bello contrariantur, cum potius de vita hominis cujuslibet privata, quam de publica Magistratus politici per bellum vindicta, Christus verba faciat: falsum etiam, quod hic ad legē N. & V. T. respiciat, cum potius legem veterem pharisaicis corruptelis opponat, & pristinam Moïsis legem integritati suæ restituat. (3) licet Christianis non eodem modo terrenam possessionem Deus assignaverit, sicut olim Israelitis, tamen possessionum proprietatem æque probavit, ut olim, proinde se suasque possessiones Christiani defendere tenentur (4) *Diff. inrer Christianum formaliter consideratum, quatenus est in Christo,* sic nullis opus habet externis possessionibus, adeoque nec illorum defensione opus habet, & inter eum consideratum *materialiter, quatenus est & vivit in mundo,* qua ratione bona possidet externa, suaque bona cum suis defendere tenetur.

#### QVÆSTIO SECUNDA.

*An liceat Magistratus opem ad vindicandas injurias implorare?*

1. Circa *questionem* ipsam aliqua rursus præmittere libet, ut eò rectius de *nostra* non tantū, sed etiam de *Socinianorum* sententia constare queat. Hinc non quæritur (a) *an ex privata vindicta, ejusque cupiditate, causam injuria nobis illatam debeamus ad Magistratum deferre?* nam privata vindicta, vel inordinata cupiditas ejus, prorsus est prohibita, nullo proinde modo Christianis convenire potest.

2. (b) Nec quæritur, *an à nobis perenda sit ultio per Magistratum, vel suscipienda sint lites forenses, aut ex avaritia, aut ex invidia, vel odio, seu studio nocendi proximo, vel libidine quadam rixandi, vel ut nostris affectibus inordinatis satisfiat, vel ex impatentia, quod DEO tolerandis injuriis nolimus obedire, nec expectare auxilium ipsius, aut ex quocunque alio pravo affectu, pugnante cum dilectione, vel DEI, vel proximi, vel an quasvis levissimas liti, auti occasiones cupide querere, vel aliunde objectas statim arripere debeamus? Vel an agere liceat mendaciis, fraudibus, infidiis, vel insidiosè vitia nostra causa involvere, fraudulentè veritatem causa adversarii intervertere, vel falsis,*



*falls. ambiguus, aut incertis nōi, vel an regnare debeat acerbitas animi, quāvis cum hoste agamus; an uti liceat convitiis, maledictis, an omnia, quā ad infamiam & detrimentum adversarii quoquo modo detorqueri possunt, conquirenda, plenus, buccis effundenda: an summō iure omnia sint agenda, nec pati debeat laesus aequis conditionibus sibi satisfieri: an principalis intentio actoris debeat esse infamia, vel damnum proximi, vel ut animo ardenti cupiditate vindicta satietur, vel ut quoquo modo, specie aliqua juris, nostras facultates, dignitates, vel alia augeamus? &c: Sicut enim & aliis modis adversarii nonnunquam sententiam orthodoxorum traducere laborant, sed nos talia minime probamus, multo minus urgemus, unde talia sunt facti, non juris, sunt hominum, non causarum.*

3. (3) *Nec quaeritur, an tantum ob penam proximi, vel ut hostisalem agre fiat, & mens nostra, vindicta cupida, puniunt eum videat, magistratus operi implorare conveniat? Hoc itidem Socinus nobis affingit in libr. Svasor. cap. 3. p. 23. ubi nostram sententiam sequentibus proponit, quod apud nos permittatur, ut quis injurias suas per magistratum ulciscatur, id est, eum puniri curet, qui injuriam sibi inculit, licet ex ea punitione nihil profus commodi ad se privatum rediturum esse, probe intelligat, nisi quatenus injuriam suam hac ratione vindictam sit visurum, seq. non inultum esse sensurus. Nam posito, quod hæc nonnunquam de facto contingant, tamen de jure non probantur, cum certum sit, quod nec ex vindicta, nec ex ultionis cupiditate, nec ex iniquitatis studio, nec ex nostro quodam privato commodo, sed potius ex justitia studio, itemq. boni publicae causa, nostras injurias ad Magistratum deferre conveniat.*

4. (d) *Nec illud in quaestione: Num prater bonum publicum in causis certis etiam privatam aliquam compensationem urgere liceat? Nam hanc ipse Socinus in libr. Svasor. cap. 3 p. 14. concedere videri scribens: summi iudicio persequi, & damni sibi iniuste illati compensationem per magistratum quaerere, nequaquam Christus prohibet, quamvis nonnulli. i. sint arbitrati: sed tantum ultionem & vindictam qualemcumq. vetat, ut leg. potius nos duplum damni pati, quam cuiquam malo homini ita resistere, ut si per nos ipso, si per magistratum, injurias nostras ulciscamur.*

5. (e) *Nec disquiritur, iterum jus nostrum coram magistratu persequi possumus, vel ut habet Catech. Racov. p. 198. Ob id recte*

sens, das seine rechtlich durch die Obrigkeit zu suchen/ und wegen des erlittenen Unrechts zu klagen? Responder enim: Ja es ist frey! wann es nur ohne Rache geschieht: Denn nur dieselbe verheurt uns der Herr Jesus. Et Smalz. contra Franz. p. 247. scribit *Non est vindicta, dum quis efficit per magistratum, ut ii, qui nobis mala fecerunt, vicissim malis afficiantur.*

6. (f) Sed quæritur: Annon ad vindicandas injurias, vel ad vindictam publicam, Magistratus opem implorare liceat? Hoc enim negant ipsi Sociniani, qui censent, discrimen esse V. & N. T. ubi fuisse vindictam quandam licitam, hic nullam. Sic enim Smalz. d. l. *Nos affirmamus, in V. T. non omnem vindictam prohibitam fuisse, sed tantum privatam: In Novo verò omnem esse prohibitam, tam publicam, quam privatam.* Socin. contra Palæol. p. 90. *Non potuit Christus evidentius, aut significantius omnem prorsus vindictam, siue ultionem interdiceret, quam jubendo, ut malam cadenti, alteram praebeamus.* Hoc enim omni ultionis generi plane contrarium esse, nemo est, quia videat.

7. Nostram sententiam confirmat Venerandus Dn. D. Calovius in Socinism. proflig. loc. de Magistr. Polit. Controv. 4. (1) à vindicta publica approbatione (2) ab approbatione judiciorum (3) à Christi approbatione Job. XIX. 23. (4) ab Apostoli judicio, 1. Cor. VI. 8. seqq. (5) ab exemplo Pauli Act. XXIII. 3. (6) à Magistratus munere (7) à vindicta publica necessitate (8) è Smalzii confessione contra Franz. p. 242. Sed & hoc non omnino concedendum est, licere Christianis disceptare de rebus magnis apud Magistratum. Nam omnia prius tentanda sunt, etià in maximis injuriis, quam ad lites & forum eatur, ne homines sapius contendendo discant aliis injurias inferre. Et paulo ante: Non est quæstio: An liceat Christiano homini judicii experiri sub Magistratibus politicis? Hoc enim certo respectu nos etiam concedimus. Quæ rationes ex sacris literis plenissimè diductæ, & planissime d. l. demonstratæ, quod ad vindicandas injurias Magistratus opem implorare liceat.

8. Sociniani passim etiam suam heterodoxam sententiam vel adserere, vel defendere conantur: nos considerabim, nunc ea, quæ Smalzius cons. Franz. p. 249. afferre videtur argumenta. Ex Matt. V. 40. Ego dico vobis, ne resistite malo. Falsum enim est, quod ait Franzius, in verbis Christi, Ne resistamus malo, tantum privatam resistentiam


pro-

prohiberi: hoc ex eo apparet, quod verba illa Christi opponuntur ei, quod licebat sub lege, nempe oculum pro oculo, dentem pro dente, curare excludi. Hoc vero nemini licebat sub lege propria autoritate, sed tantum per magistratum. *¶* (1) Ipse Socinus *adv. Palaeol.* p. 157. fatetur, *Matt. V.* Christum dicta sua non tam legum dictis, quam ius, quæ tanquam legum præcepta vulgo jactabantur, his in locis opposuisse, adeoque falsa legum interpretamenta rejicere voluisse: falsum igitur est, quod simpliciter h. l. ad tempus sub lege, vel ad ipsam legem Mosis respexit. [2] Certum est ex contextu, quod Christus in antecedentibus non tam de publicis, quam privatis differuerit, unde similiter etiam hæc verba non de publica magistratus autoritate, sed de privata vindictæ cupiditate loquuntur. [3] Verum quidem est: quod olim juxta legem Mosis non privatis personis rationem exercere licuerit, sed tantum per autoritatem Magistratus talis retaliatio fieri debuerit, interim tamen per antiquorum traditionem, & pravam scribarum atque Phariseorum defensionem, tempore Christi Judæi censuerunt simpliciter hæc verba legis intelligenda, & privatis etiam licitum esse, pœnam ejusmodi rationis exercere, ac illatas injurias per similes ejusmodi pœnas ulcisci.

9. II. Quia sic apparet, quod nec per magistratum nobis nunc liceat ita resistere malo, ut olim lex permittebat. *¶* (1) Quod per magistratum malum illatum tolli, seu vindicari possit, præter alia docet *Rom. XIII.* 3. quia principes non sunt timori boni operis, sed mali *v. 4.* Vis non timere potestatem? bonum fac, & habebis laudem ex illa. Dei enim minister est tibi in bonum: si autem malum feceris, time: non enim sine causa gladium portat. DEI enim minister est, vindixit injuriam ei; qui male agit. (2) Dist. inter vindictam ipsam, & vindictæ modum: talis vindicta, quæ simpliciter per rationem fiebat, & ad legem forenses Israelitarum pertinebat. hodie non est in usu, cum Evangelium non aboleat politias, & earum leges, non tamen inde colligendum, quod ipsa vindicta per Magistratum politicum plane fieri nequeat, aut fieri non debeat.

10. III. Quia sane mirum videri debet, quod Franzius affirmat, licere nunc oculum pro oculo excludere, cum vix ulla leges politica in unquam approbaverint. Nihil enim in eo inest rationis sanæ, si quis, qui me offendit, ita puniatur, ut nihil inde ad me redeat commodi: & alia omnino ratione ut, qui alicui oculum excluderet, puniretur hodie, secundum

cundum ipsas leges politicas, quam oculi excusatione. Indulgent autem hoc Deus populo Israelitico, ut ingenio illius puerili & vindicta cupido aliqua ratione gratificaretur. R. (1) Falsum est, quod Emnizius affirmavit, licere hodie oculum pro oculo excludere, sicut in V. T. cum Franzius loquatur in his verbis non de nostris, sed de V. T. temporibus: sicut enim th. 106. habent eius verba: *Quod verò Christus jubet, Ne resistamus malo, in eo tantum privatam resistentiam, privatamq; relationem oculi & dentis prohibere, adeoq; idem precipere voluit, quod in V. T. Levit. 19. his verbis mandatur: Non ulcisceris te, scilicet privatim, siquidem per publicam potestatem. oculus pro oculo eruebatur: unde partim Franzius ad V. T. partim ad tempora Christi, quoad ipsos Judæos, eorumq; vindictam publicam respiciebat.* (2) Quod aliz leges Veterum populorum non omnem rationem excluderint, ex politicis notum est, hic illud prolixè persequi nolumus. (3) Propter, impium & irreligiosum est, quod Smaltzig de lege divina pronuntiat, nihil eidem inesse rationis sana, esse legem puerilem, & ad vindictam cupiditatem accommodatam &c. eandem impietatem p. 269. profanus homo repetit: *Perficiores, inquit, plerasq; leges fuisse humanas in quibusdam, quam divinas, quæ in lege Moysi continentur, quantumvis fortasse absurdum alicui videri possit, certissimum tamen est. Nam rursus lex humana aut olim permisi, aut & nunc permittunt scilicet homines prudentes, modum istum ulciscendi injurias NIMIS esse HO MINE SENSATO & CORDATO INDIGNUM.* Dignū homine Sociniano de legibus divinis, veris sapientiz divinæ statutis. judiciū d. (4) Αλογοι etiā est, quod sana ratione sit alienum, si quis, qui me offendit, ita puniatur, ut nihil inde ad me redeat commodi: non enim privato, sed potissimum publico, quoad irrogationem poenarum, satisfieri debet: non injuriæ nostræ privatæ, sed divinæ, publicæq; justitiæ potissimum satisfaciendum, (5) Falsum est, quod lex aliqua compensationis vel rationi, vel naturæ contraveniat: contrarium enim leges naturæ quasi nobiscum natæ monstrare videntur, quales sunt: *Quod tibi non vis fieri, alteri ne feceris. Quod tibi vis fieri, alteri etiam feceris: suum cuiq; tribuendum: Per quod quis peccat, per idem puniatur & idem,* Et quæ sunt aliz constitutiones, non obscurè talionem aliquam respicientes, licet ex ipsa natura, rectaq; ratione suam originem ducant.



## QVÆSTIONES ANTI-SOCINIANÆ

EX ARTICULO XVII.

## AUGUSTANÆ CONFESSIONIS

DE

## NOVISSIMIS.

## QVÆSTIO PRIMA.

*Utrum in morte Corpus hominis prorsus in nihilum  
redigatur?*

I.

**V**ARIE Socinianorum opiniones erroneæ de morte nostra passim in scriptis ipsorum reperiuntur, ut inter alia videre licet & *Socini libr. de statu prim. hominũ*, ubi varios errores proponit & propugnat, utpote (1) quod mors sit proprium hominũ, vel natura hominũ propria & consentanea p. 10. Mors declaratur tanquam res, quæ ipsũ hominũ natura & materia, ex qua constabat, propriis esset eiꝯ, valde consentanea. (2) quod humanæ naturæ, etiam in statu creationis non sit contraria: Non infligitur, inquit ibidem de morte, tanquam aliqvid pristinæ naturæ vel contrarium, vel etiam dissimile. Hinc (3) negat, quod mors per peccatum mundum intraverit p. 16. Per peccatum, inquit Paulus, mors in mundum intravit, id est, moriendi necessitas, sive mors æterna, non autem mortaliũ conditio, sive ipsa mors naturalis. (4) Negat, quod mors sit pœna peccati p. 10. Videt (Gen. III. 17.) mortis non tanquam pœna mentionem fieri, sed tanquam termini ad quem usq; pœna duraturus sit. (5) Affirmat, primum hominem creatum fuisse mortalem p. 16. [6] Non infligi homini mortem à DEO p. 10. & multa alia, quæ nunc percensere nolumus: inter alia verò Sociniani statuunt etiam, quod in morte corpus hominũ prorsus in nihilum redigatur, de quo nobis in præsentiarum agendum.

2. Hic circa quæstionem ipsam monemus, non quæri (1) Num homines hodie moriantur? nemo siquidem, nisi mente captus, id negabit, & illum cum ex parte nostra, cum ex parte Socinianorum in confesso positum est: nã sciat: um est hominũ, semel mori Heb. IX.

M m

27. (2)

DISP. XIIX.

R. M. J. O-

HANNES

Schulze /

Jütreb. Sax.

27. (2) *Num corpus hominis ab anima separatur?* nam & illud facile conceditur, cum mors hominis nihil aliud sit, quam anima rationalis à corpore separatio. (3) *Num corpus hominis possit, cumprimis per divinam potentiam in nihilum redigi?* sicut enim per divinam potentiam ex nihilo productum est, sic etiam per eandem potentiam divinam in nihilum redigi potest, cum illud revera de cunctis creaturis dicatur, quæ dependent à DEO, non tantum in fieri, sed etiam in esse, ita quidem ut per DEI, seu causæ primæ, conservationem sint, absq; qua ne quidem ad momentum existere possent. (4) *Num vel homo, vel etiam corpus ejus post mortem nihil dici queat, aut dicatur?* Notum enim est ex sacris literis, quod non semel homo nihil dicatur, vel nihilo conferatur Psal. XXXIX. 12. (5) *Annon mors hominis rectè nihilum dicatur?* nam aliud est, de ipsa morte per se verba facere, aliud est de mortui subiecto, vel homine, seu corpore hominis post mortem agere: non homo, sed mors est nihilum, idq; non merum, sed verum, non negativum, sed privativum. (6) *Annon post mortem hominis corpus corruptioni sit obnoxium?* nam aliud est corrumpi, aliud in nihilum redigi. (7) *Annon homo post resurrectionem corpus aliud quod sit habiturus?* nam aliud corpus Sociniani concedunt homini, sed non vetus, & quod in hoc seculo gessit, sed novum, quod per novam productionem accepit. Hinc (8) directe quæritur, *num hominis corpus, quod modo circumfert, prorsus in nihilum redigatur?*

3. Nos negativam sententiam nostram facimus cum orthodoxis, ex scriptura sacra doctrinam suam stabilientibus. Veneranda Dn. D. Calvinus in Socin. proflig. sect. 10. contr. 1. artic. 1. multis hanc negativam confirmat, scribens: Quamquam verò corpora hæc, quæ circumferimus, post mortem corruptionem visura, nullum dubium sit, ea tamen plane in nihilum esse redigenda prorsus à fide alienum esse, censemus (1) quia scriptura testatur, corpora nostra in pulverem reverti, unde desunt a sunt Gen. III. 19. Eccles. XII. 7. at aliud longè est, in pulverem reverti, aliud in nihilum redigi, cum ea, quæ in pulverem revertuntur, non planè annihilentur, sed solum corrumpantur, nisi Sociniani pulverem nihil esse velint, & ex eo Non-Ens faciant, quod *αὐτὸ Παῖον* longe absurdissimum! (2) quia corpora nostra corrumpantur, scriptura teste, post obitum: dicuntur enim

corruptionem videre, ut è Psal. XLV. 10. Act. II. 22-31. XII. 3. 36. I. Cor. XV. 42. colligere est. At corruptio rei, non est annihilatio: cum corruptio fiat manente aliqua materia eadem; annihilatio verò nihil superesse relinquat, ut discrimine hoc vel tironibus è *Physiis* notissimum est. (3) quia mors describitur per somnum & obdormitionem Deut. XXXI. 16. II. Sam. VII. 12. I. Reg. II. 10. Esa. X. XVI. 20. LVI. 14. Dan. XII. 2. Mat. IX. 24. Joh. XI. 4. Act. XIII. 36. I. Cor. XI. 30. XV. 20. I. Thess. IV. 13. ut ergo in somno corpus quiescit in cubili suo, quod ipsum vicissim excitatur in expergefactione, ita corpora mortuorum non annihilantur, sed in cubilibus suis quiescunt, donec voce Christi excitentur Esa. XXVI. 20. 21. Dan. XII. 2. Joh. V. 28. 29. (4) quia corpora nostra *seminari* dicuntur in morte Joh. XII. 24. I. Cor. XV. 43. ut ergo semen corrumpitur quidem in terra, non autem planè annihilatur, sed iterum suo tempore progerminat, sicutiam corpora nostra destruenda quidem sunt, sed non annihilanda, ut vicissim lætius progerminent, unde ossa nostra in resurrectione, *gramini* instar revirescent Esa. XXVI. 14. (5) quia mors est talis *αἰδῶσις* Phil. I. 23. II. Tim. IV. 6. per quam totum quidem suppositum dissolvatur, sed neutra partium in nihilum redigatur, quia ut anima, vel spiritus ad Deum, ita pulvis in terram revertetur, Eccles. XII. 7. Qvo de Dionys. de Eccles. Hierar. c. XI. Mors non est *αἰὼν πρὸς ἑξία τῆς βίτης*, sed τῶν ἡνωμένων ἀλγεῶν, εἰς τὰ ἡμῶν ἀφαιρῶν ἀγνοῦν. Mors est ἀμύσησις & σκηπίσματ, depositio tabernaculi I. Pet. I. 14. κατὰ λύσιν, dissolutio terrestris domus tabernaculi II. Cor. V. 1. At cum domus æstruitur, non fit id partium, aut materia annihilatione, sed ædificii dissolutione. (6) quia opinio Sociniana pugnat cum descriptione mortis, non minus Philosophi, quam Theologi decantata, quod mors nihil aliud sit, quam separatio anime à corpore, uti Plato eam definivit, quod *σῆσις ψυχῆς ἀπὸ σώματος λύσις*, vel ἀφ᾽ αὐτοῦ, ἢ χαρμῶν in Phædon & Gorgia: & Tertull. lib. anim. c. XXVII. Mors non aliud determinatur, quam disjunctio corporis animæ, &c. c. LI. opus mortis in medio discretio corporis animæ. Ambros. lib. de bon. mort. c. III. Mors absolutio est anime & corporis, & quædam hominis separatio. Nunquam vero ab ullo sive Philosopho, sive Theologo, quod constet, ita mors descripta, uti à Socinianis, ut scilicet corporis annihilatio, vel non-existentia morte inera-

tur. (7) quia DEUS dicitur *piorum ossa omnia custodire, ne ullum eorum pereat* Psal. XXXIV. 21. unde ossa quasi herba germinatura pronuntiantur Esa. LXVI. 13. Confer. Ezech. XXXVII. 4. 5. Sitac. XLVI. 15. Quæ verò à DEO custodiuntur, ut vicissim repullulent ac germinent, ea sane haudquavquam in nihilum rediguntur. (8) Quia in scripturis resuscitatio describitur, non per novi hominū creationem ē nihilo, sed per corporis huius ē terræ pulvere excitationem Dan. XII. 2. Job. V. 28. per corporis huius mortaliū vivificationem Rom. II X. 11. per corporis humilitatis huius transfigurationem, in corpus gloriosum Phil. III. 21. per inductionem incorruptibilitatis & immortalitatis super hoc corpus, quod circumferimus I. Cor. XV. 53. & quæ huiusmodi alia ~~affectiones~~ occurrunt, quæ certè dis ~~aliquid~~ cum illa hypothefi de corporum annihilatione pugnant. (9) quia in nullius viventis interitū corpus in nihilum abit, ut ē Physicu notum est, sed corrumpitur. Qui ergo id de corpore humano admittendum, quod ipsius Spiritus S. domicilium fuit. (10) quia nullum planè fundamentum habent adversarii opinationis suæ novæ in Philosophia saniori pariter, & Ecclesia universa pene inauditæ, quod nempe corpus in morte, aut post mortem penitus annihiletur, sicut ex seqq. apparebit.

4. Licet autem his & aliis immotis fulcris orthodoxa sententia nitatur, Sociniani tamen adversam doctrinam asserere & defendere nullatenus erubescunt. Sic enim Smalz. Exam. 100. Err. Err. 81. p. 33. Sanctos vita sanctos non existere, firmiter credimus. Dissoluto enim corpore ab anima, & corpore in nihilum redacto, sancti non sunt amplius, sed tantum anima ipsorum restant. Ad sanctos autem constituendos, requiritur anima ipsorum & corpus. Animas sanctorum restare post mortem credimus: redit enim Spiritus hominū, teste sacra scriptura ad DEUM, qui eum dedit. Sed quia animam istam, vel spiritum hominū post mortem aliquid sentire, vel aliqua re perfrui, nec scriptura testatur, nec ratio permittit. Ut enim corpus sine anima, sic etiam anima sine corpore nullas operationes exercere potest, cum sit pars tantum hominū: quæ de causa iterum corpora permittuntur fidelibus in futuro seculo, ideo dici potest, sanctos nullo modo existere, quod ad totam sui substantiam. Conf. Err. 88. p. 33. Sic Err. 90. p. 36. Errorem & illud stansit Smiglecius non agnoscimus, Corpora non eadem resurrectione die iudicii, sed alia longe per-



ge perfectiora. Hoc vere quomodo non firmiter asseramus, cum Paulus ipse id ita discrete doceat, ut vix aliquid disertius, dum de modo resurrectionis, velin quali corpore mortui resurrecturi sint, disputans, ait, hominem resurrecturum, ut alia omitam, incorruptibilem, & corpus spirituale. vel spiritum vivificantem. Incorruptibile enim & spirituale, vel spiritum esse, toto genere à corpore nostro, quod nunc habemus, differunt. Idem Apostolus ait. Carnem & sanguinem (ex quibus corpora nostra sunt conflatà) non posse hereditare regnum DEI. Idem ait: Absorptum iri corpus hoc ab immortalitate. Idem deniq; alibi ait: DEum ut cibos, sic & ventrem aboliturum. Abolito autem ventre, nonne necesse est, vel ipsum corpus aboliri, vel sine ventre corpus fingere, quod longe absurdissimum est? sed nolo huic rei ulterius probandæ immorari, quæ Christiana religione ita digna est, ut contrarium ejus prorsus sit Machometanum & Judaicum. Hi enim ut post hanc vitam voluptates corporales fingunt, sic non mirum est, eos corpora etiam, qualia nunc habemus, imaginari futura esse. Cujus rei Christianos pudere deberet. Item lib. de Divin. Christ. c. XIII. p. 79. Resurrectio, vel resurgere nihil aliud est, quam ex non existente iterum existeret. Hinc generationi assimilatur resurrectio. Hinc etiam de mortuis dicitur, quod non sint, natura scil. rei inspecta.

5. Ex his quædam argumenta pro Socinianorum sententia facile colliguntur (1) *Quia sancti viri sancti sunt*: Ergo non existunt: sicut è contra dicuntur existere, qui viri fiuntur. R. (1) aliud est loqui de *vitis reliquorum viventium*, aliud est loqui de *vitis hominum*: vitæ reliquorum viventium morte finitur, & ad non-existentiam deducitur, sed cum *vitis hominum* res aliter se habet, cum homines ad immortalitatem creati sint *S. p. II. 23.* vel ad imaginem DEI, cujus vita certe non finitur, cum anima rationali, quæ vere dicitur immortalis. (2) *Sancti viri sancti sunt externa*, non aterna, terrena, non caelesti, mundana, non ultramundana, physica, non hyperphysica.

6. (II) *Quia dissoluto corpore ab anima, corpus in nihilum redigitur*. R. (1) à dissolutione ad annihilationem non licet argumentari, cum dissolutio plerisq; corporibus naturalibus, cum primis omnibus nostris conveniat, aut convenire possit, quæ tamen natura durante non annihilatur, sed dissolutione facta commu-

inter ad aliorum corporum formationem ordinantur. (2) *Diff. inter sententiam vulgatam & accuratam*: juxta *vulgis sententiam* homo quidem ratione corporis in nihilum redigitur, sed *accurate loquendo*, minime ferendum id est, cum *annihilatio* sit non *natura*, sed *divina potentia*. (3) *diff. inter nihilum absolutum & comparatum*: corpus in nihilum redigitur *comparatè*, h. e. non manet tale corpus, sed propterea non statim in nihilum absolute redigitur.

7. (III) *Quia tantum anime sanctorum post mortem restant, & ipsi non sunt amplius*, certe ergo corpus ipsorum annihilatum. *¶* (1) quod tantum anime sanctorum restent, *exclusive* nuppiam in Sacris literis dicitur, frustra proinde nobis à Socinianis objicitur. (2) Et anime sanctorum restant, & corpora sanctorum, quia DEUS custodit omnia sanctorum ossa Psal. XXXIV. 3. adeoque nec ratione corporis sunt omnino nihil, non sunt ratione hujus mundi, sed verè sunt & manent ratione futuri mundi, non sunt in conspectu nostris, sed vere sunt & manent respectu DEI, non sunt ratione sui, sed vere sunt in custodia DEI, non sunt secundum naturam, sed sunt supra naturam &c.

8. (IV) *Quia animas sanctorum post mortem restare credimus, redit enim spiritus hominū, teste sacra scriptura, ad DEUM, qui eum dedit: sed de corpore nihil testatur scriptura, quod supersit, Ergo nec illud credendum* *¶* (1) Et animas sanctorum ad DEUM & corpora sanctorum in pulverem redire, scriptura testatur Eccles. XII. 7. Gen. III. 19. utrumque proinde credimus: jam autem aliud est in pulverem redire, aliud in nihilum abire, quæ maximè sunt diversa. (2) jam ante notatum, quod DEUS omnia sanctorum ossa custodiat Psal. XXXIV. 8. & quod illi suis in sepulchris, tanquam in cubilibus suis, ut passim scriptura testatur, vel etiam in pulvere terra suo modo dormiant Dan. XII. 2. adeoque tali modo revera supersint, non in sua substantia, sed in DEI potentia, non ratione visibilis conversationis, sed ratione mystica conditionis.

9. (V) *Quia nec animam istam, vel spiritum hominis post mortem aliquid sentire, vel aliqua re perfrui, scriptura testatur, nec ratio permittit: ut enim corpus sine anima, sic etiam anima sine corpore nullas operationes exercere potest, cum sit pars tantum hominis:*  
multa

multo minus corpus superesse dicitur. R. (1) Anima sensus expert non est anima, sicut ex ipsa physica notum. (2) quod anima in sinu Abrahæ respiratione, vel consolatione fruatur, ipse testatur *Abraham* Luc. XVI. 25. ut alia nunc omittamus. (3) Dist. inter operationes physicas & humanas, & inter operationes pneumaticas, vel spirituales: anima non præstat amplius operationes physicas, cum tamen verè sit, & spiritus naturam non amittat, ideo tanquam purus actus etiam sibi convenientes operationes exercere dicitur.

10. (VI) Quia fidelibus iterum corpora promittuntur in futuro seculo, ideo dici potest, sanctos nullo modo ratione corporis existere. R. (1) Nulla consequentia quicquid fidelibus promittitur in futuro seculo, illud non est: nam à promissione non licet ad non existentiam, vel ad annihilationem argumentari. (2) Dist. inter corpora sanctorum in unionem, vel extra unionem: promittitur fidelibus corporum restitutio quoad unionem, non autem inde licet inferre, quod planè non sint: (3) Corpora non sunt ante resurrectionem in fidelibus, sunt tamen in suis partibus, quarum respectu quoad Deum non omnino nibilesse dicuntur.

11. (VII) Quia corpora non eadem resurrectura sunt in die iudicii, sed alia longe perfectiora, cum Paulus ipse ita diserte doceat, ut vix aliud disertius, dum de modo resurrectionis, vel in quali corpore mortui resurrecturi sint, disputans, ait, hominem resurrecturum (ut alia omittam) incorruptibilem & corpus spirituale, vel spiritum vivificantem. Incorruptibile enim & spirituale, vel spiritum esse, toto genere à corpore nostro, quod nunc habemus, differunt. Ergo priora corpora fuerunt annihilata: quia secus unius hominis duo corpora forent. R. (1) Quod eadem corpora resurrectura sint, non tantum *Job* c. XIX. 25. Sed & scriptura passim clarissime docet & alibi fuit à nobis demonstratum. Et Paulus I. cor. XV. 53. luculenter idem affirmat, dum pro nomen *ἀνθρώπων* & individuale τῶν, Hoc, bis usurpat: τὸ φθαρτὸν τῶν, NB. Hoc corruptibile inducet incorruptibilitatem: καὶ τὸ θνητὸν τῶν, & Hoc ipsum, quod mortale nunc corpus est, inducet immortale. Sic vers. 42. de subiecto uno & eodem loquitur Apostolus: Seminatur, nunc hoc idem corpus in corruptibilitate, & resurget in incorruptibilitate, semina.

*minatur corpus animale & resurget corpus spirituale &c.* Ex quibus apertum, quod Apostolus non loquatur de corporis essentia, sed quoad excellentiam differentia. (2) Hinc dist. inter corpora quoad essentiam, & quoad perfectionem alia: alia longe perfectiora resurgent, sed à perfectionis distinctione non licet ad essentia negationem, vel diversitatem argumentari. (3) Ipse Smalzius testatur, quod Paulus de resurrectionis modo, vel de qualitate corporum diversa loquatur, sed à diversa qualitate non licet ad diversam quidditatem inferre: diversam qualitatem corporum credimus, & secundum Paulum asserimus, sed diversam quidditatem Socinianis concedere nec possumus, nec debemus. (4) Hinc verba secundum substratam materiam intelligenda sunt & tunc incorruptibile, vel etiam spirituale non quidditatem, sed qualitatem respiciunt, adeoque singularem eminentiam inferunt.

12. (IIIX) Quia idem Apostolus ait I. Cor. XV 50. *Carnem & sanguinem (ex quibus corpora nostra sunt conflat) non posse hereditare regnum DEI.* R. (1) Voces *Carnis* & *sanguinis* in scriptura non tantum physice sumuntur, quatenus naturam nostram ingrediuntur, & de jure partes hominis esse dicuntur, sed etiam metonymice, quatenus mystice supponuntur, ab originali malo corrumpuntur, & nunc post lapsum in homine de facto reperiuntur, & sic causa carnalium affectuum & actuum, hoc est, peccatorum esse deprehenduntur, quia quicquid de carne natum est, caro est Joh. III. 6. dum caro concupiscit semper adversus Spiritum Gal. V. 17. & prudentia carnis inimica est adversus Deum Rom. IIX. 7. Confer. Joh. I. 11. & passim alia loca. Hoc sensu caro & sanguis DEI regnum hereditare non possunt. Hinc (2) Dist. inter essentialem carnis statum, & inter corruptum ejus affectum: de hoc, non de illo Paulus loquitur, unde statim addit, neque corruptio possidebit incorruptelam.

13. (IX) Quia Paulus idem ait, absorptum in corpus hoc ab immortalitate. R. (1) posito, quod hic Paulus dicat, verba tamen secundum substratam materiam, & juxta contextum intelligenda veniunt: cum igitur in omnibus reliquis agat Paulus de qualitate corporum glorificatorum, male verba hæc de quidditate contra textum intelligerentur. (2) Pauli verba sic habent v. 53. *Oportet corruptibile hoc induere incorruptionem, & mortale hoc induere immortal-*

litatem, cum autem corruptibile hoc induerit incorruptibilitatem & morale hoc induerit immortalitatem, tunc fiet sermo, qui scriptus est: Absorptio maior est in victoria; hoc igitur corruptibile induet corruptionem, non per transubstantiationem, neq; per annihilationem ipsius corporis, sed per veram glorificationem, vel exaltationem. Glorificatio verò non est annihilatio: talis autem glorificatio revera corruptibili corpori continget.

14. (X) Quia Paulus alibi, nimirum I. Cor. VI. 13. ait: Deum ut cibos, sic & ventrem aboliturum: abolito autem ventre, nonne necesse est vel ipsum corpus aboleri, vel sine ventre corpus fingere, quod longe absurdissimum. R. (1) cum Venerando Dn. D. Calovio, venter destruendus dicitur non per annihilationem, sed per corruptionem. (2) Apostolus loquitur de ventre & escæ respectu præsentis potius, quam futuri seculi. Omnia mihi licent, sed non omnia expediunt: omnia mihi licent, sed ego sub nullum redigere potestare: Escæ ventri, & venter escæ. Deus autem & hunc, & has destruet. Non igitur vel escæ, vel ventri serviendum, vel serviendum esse docet. (3) non ibi sermo de ventre ratione substantiæ, sed ratione usus & indigentiae, quæ is destinatus est cibis, iisdemque opus habet in hac mortali vita. Sed hoc nihil facit ad destruendam corporis humani per mortem annihilationem.

15. (XI) Quia contrarium huius sententia prorsus est judaicum & Machometanum. Hi enim, ut post hanc vitam voluptates corporales fingunt, sic non mirum est, eos corpora etiam, quæ nunc habemus, imaginari futura esse, cuius rei Christianos pudere debet. R. (1) aliud est loqui de corporibus, quæ nunc habemus, aliud de iis, quæ nunc habemus: dum illud Judei cum Machometanis statuunt, nobis minime consentiunt, qui corporum saltem identitatem, non quoad similem qualitatem argemus. (2) Corporum identitas non est humane imaginationis, sed divinæ revelationis & traditionis, ut ex præcedentibus liquet. (3) Nos cum Paulo somnium Judaico-Turcicum, & phantasiam Socinianam de sententia nostra, quoad corporales voluptates, refutamus I. Cor. XV. 40. seqq.

16. (XII) Quia resurgere nihil aliud est, quam ex non existente iterum existere. R. (1) resurgere nihil aliud est, quam iterum resurgere: hoc autem relativum quid est, jam omnis relatio non est abso-

*lute Non-Entis, sed alienius entis est relatio, cum necessario suum respectat subjectum.* (2) *Resurgere, vel resurrectio* quandam actionem importat, adeoque certum subjectum, vel agens postulat, non entis autem nulla vel operatio, vel resurrectio. (3) *Scriptura* *resurgere* per erigilare, exergiscere, i sepulchro prodire &c: exponit, quæ certe simpliciter non possunt esse non-existentia. (4) *Dist. inter non-existentiam, vel etiam existentiam absolutam & comparatam: comparate* mortui non existunt, & existere rursus incipiunt, sed absolute non existentia cum *Sociniani* ipsis non est affingenda.

17. (XIII) *Urgent illa scriptura dicta, in quibus de mortuis* dicitur, quod non sint *Psal. XXXIX. 14. Jer. XXXI. 15. c. XLIX. 10. Thren. V. 7. Mart. II. 18.* R. (1) in nonnullis istis locis potius de vivis, quam mortuis hominibus sermo, sicut ex contextu prolixè demonstrari posset: *Sociniani* verò non tam absurdi sunt, ut hominem vivum annihilatum, vel nihilum esse, statuere velint: nam hominis vita, vel ipse homo, comparatè loquendo, juxta phraseologiam Spiritus Sancti, modo dicitur nihilum, modo somnus, modo umbra, modo fabula, modo finis &c: quemadmodum notissima sunt testimonia sacrarum literarum. (2) ea dicta non loquuntur de corpore solo, sed potius de homine toto, adeoque sunt intelligenda ratione totius compositi, quod esse definit per mortem, non verò ratione partium seorsim consideratarum, vel etiam ratione tantum alterutrius partu, videlicet corporis humani, de quo nobis hic sermo. (3) juxta *Dn. D. Calorium d. l.* porro sunt accipienda talia loca, secundum quid, quod scilicet non sint amplius in regione hac viventium, in his terris, quod non sint inter homines, in ecclesia militante, ubi DEum cum aliis celebrare, penitentiam agere, vel suis solatio esse possint, prout locorum inspectio ducit, non verò absolute, quod scilicet nullatenus existant, aut quod corpora eorum in nihilum redigantur: quandoquidem etiam de *Enoch* dicitur *Gen. V. 24. Et non ipse, quia tulit eum DEus,* cuius tamen corpus in nihilum redactum non dicent adversarii. Uno verbo, non esse dicuntur ex sententia vulgi, non ex sententia Spiritus Sancti, ratione nostri, non ratione sui, ratione externa commorationis, non ratione divina conservationis, ratione visibili conversationis, non ratione totalis destructionis, ratione mundana vite, non ratione divine custodie &c.

18. (XIV) Urgent etiam, quod *resurrectio* juxta scripturam assimilatur *generationi*. R. (1) *resurrectio* non tam *generatio*, quam *regeneratio* dicitur *Matth. XIX. 28.* cum multis respectibus *regeneratio* dici queat, quos in præsentī nolumus adducere: sed dicitur *regeneratio*, non quod sit corporis novi productio, vel antea prorsus annihilati nova restitutio, vel omnimoda corporis ē nihilo creatio, contrariū etenim solus disertis verbis c. XIX. 25. testatur, sed totius naturæ nostræ supernaturæ restauratio, per quam peccatum, & mors penitus aboleatur, & vera vita in Electis inchoatur. (2) Notum est, quod nec *regeneratio*, nec *generatio* simpliciter ex nihilo fiat: nam *regeneratio* subjectum antea genitum præsupponit, cum non *Entiū* nulla sit *regeneratio*. Confer. *Iob. III. 5. 6.* *generatio physica* quoque non simpliciter ex nihilo, vel in nihilo fieri dicitur, cum ex nihilo, secundum regulam physicam, nihil fiat, ex nihilo nihil generetur, ex hac igitur ratione sententia Socinianorum potius refutatur, quam confirmatur. (3) Aliud est, corruptio, generationi opposita, cum *generatio* & corruptio sibi mutuo contradistingvantur & opponantur, & corporibus naturalibus convenire dicantur, aliud *annihilatione*, quæ opponitur *creationi*, vel ē *nihilo productioni*, nullumque locum in universa natura, vel physica, communiter invenire dicitur.

19. (XV) Urgent etiam, quod *resurrectio creatio* dicatur. R. (1) nostra *regeneratio*, vel *renovatio* dicitur etiā, juxta scripturā, *creatio*, ut patet ex *Psal. LII. 2.* *Cor mundum in me crea DEus*, & *Ephe. II. 8.* *creati sumus in Christo Jesu ad bona opera*, hæc tamen *regeneratio*, vel *renovatio* neutiquam dicitur *Non-Entiū*, sed veri tantum *Entiū*: ergo neutiquam talis inde colligenda venit *annihilatio*. (2) *Resurrectio* mortuorum dicitur *creatio in tantum*, non in totum, materialiter, non formaliter, ratione causæ, non ratione propriæ naturæ &c.

### QVÆSTIO SECUNDA.

*Utrum corpora nostra, quæ hic gerimus, eadem quantum ad substantiam resurrectionis sint, nec ne?*

1. Circa questionis statum unum vel alterum præmittere libet, ut eo rectius ipsum quæsitum intelligatur, & mens adversariorum percipiatur. Non igitur in quæstione (1) Annon Sociniani

de Resurrectione mortuorum, & eam se credere profiteantur? nam talia testimonia passim obvia sunt, & totum Symbolum Apostolicum, quoad verba, *Sociniani* recipiunt, adeoque resurrectionem carnis non omnimodè rejiciunt. Hinc *Ostrodus* disertis verbis fatetur, & contra suos adversarios protestatur, se credere corporum resurrectionem, & tamen horum corporum resurrectionem credere nec vult, nec potest, prout ipse scribit *instit. cap. XLI. p. 395.* Ob wir wol nicht glauben die Auferstehung des Fleisches / so man die versteht / wie die Wort lauten / so glauben wir doch festiglich die Auferstehung unser Leiber / und derhalben auch die Auferstehung der Todten.

2. (2) Annon aliquam diversitatem corpora resurgentia sint habitura? Nos enim omnino statuimus multiplicem corporum futurorum & præsentium differentiam, prout alibi notavimus, & passim observare licet: nec ignorant hanc nostram sententiam *Sociniani*, prout scribit *Volkel. l. 3. de V. R. c. 35. Opera precium erit expendere, utrum eadem futura sit corporum nostrorum à resurrectione substantia, quæ nunc est, an diversa? Pierij, in ea sunt sententia, ut humanorum corporum substantia permanente, qualitates esse tantum mutandas existiment.*

3. (3) Annon *Sociniani* statuunt, quod resurgenturi vera corpora sint habituri? Nam idem *Volkel. d. l. p. 136. Similiter ex eo, quod Paulus eodem loco utitur similitudine corporum celestium & terrestrium, quæ materia & substantia longe à se invicem distant, colligitur, corpora hæc nostra à futuris, materia & substantia longe distare. Hoc multo rectius concluderetur, quam illud (nimirum de identitate corporum) cum ita discrepent corpora hæc nostra à futuris, ut terrestria à celestibus.*

4. (4) Sed quæritur, An corpora nostra, quæ nunc circumferimus, quoad substantiam eadem resurgentia sint? Hoc est, quod nos credimus & profiteamur, & quod *Sociniani* credere nolunt. Corpora hæc, scribit *Smalz. Exam. 100. Err. p. 36. quæ nunc circumferimus, resurgentia non credimus.*

5. Nostram sententiam multis Venerandus *Dn. D. Calov. in Socinism. proflig. l. d. artic. 2. contrav. 1.* confirmatam dedit (1) *E Johæ professiõe c. XXI. 26. (a) de statione in pulverem. (b) de Circumstatione pellis*



pellu nostra. (c) de DEI in hac carne visione. (2) Ex Ezechielis visione c. XXXVII. 1. seqq. (3) Ex Esaiæ prædictione c. XXVI. 19. 20. (4) E Davidica asserzione Psal. XXXIV. 21. (5) E Danieli oraculo c. XII. 2. (6) à Christi attestazione Johan. V. 28. 29. (7) E dicto Apostolico Rom. IIX. 11. (8) E loco clasico I. Cor. IV. 4. 2. (9) E loco Paulino II. Cor. V. 10. (10) E corporum nostrorum transfiguratione Phil. III. 21. (11) Ex visione Johannea Apoc. XX. 13. (12) Ex Apostolica professione, videl. in Symbolo, ubi Christianorum Ecclesia Resurrectionem carnis confitetur. (13) E mortuorum resurrectione. (14) E iustitiæ retributione. (15) A Christi resurrectione. (16) à novissimi diei denominatione, quia vocatur tempus *ἡμέρας αἰῶνος πέντε* *αἰῶν* *αἰῶν*. III. 21. (17) à redemptione Christi. (18) à nostra sanctificatione, quia corpora nostra sunt membra Christi I. Cor. VI. 15. Tempia Spiritus Sancti I. Cor. III. 16. (19) à nostra conservatione. I. Thess. V. 23. (20) ab Ecclesie unanimi consensu. (21) à sententiæ adversariorum inutilitate ac mutua contradictione, quæ omnia argumenta prolixius ibidem exposita sunt.

6. Ipse Dn. D. Calvinus etiam d. l. ad nonnulla respondet argumenta Socinianorum, quando nobis objiciunt (I) Ex I. Cor. VII. 13. dictum de ventre abolendo. R. (1) ad h. l. jam superius est responsum, hic saltem monemus, quod venter in loco Paulino non ad naturam, sed ad usum, & potius ad abusum, quam ad verum usum referatur, sicut ex intentione dicentis, verbis & aliis circumstantiis textus, apparet; hinc ut notat Dn. D. Calvinus nonnulli distinguunt inter corpus & ventrem, & per ventrem cum Chrysostomo regulam intelligunt, quæ ad edacitatem invitat, quæ explicatio phrasæ *Pauline* convenit, quando dicitur Phil. III. 19. quorum Deus venter est. Imò Paulus ipse distinguere videtur inter corpus & ventrem, sicut verba diserte monstrant, & ventris destructionem, corporis conservationem introducit, inquam: *Esca ventris, & venter estis: Deus autem & hunc, & hac destruet: Corpus autem non fornicationi, sed Domino, & Domino corpori: Deus vero & Dominus suscitabit, & vos suscitabit per virtutem suam.* Et notanter addit: *Nescitis, quoniam corpora vestra membra sunt Christi.* Plura vid. d. l.

7. (II) Ex I. Cor. XV. 51. *Caro & sanguis non hæreditabunt regnum DEI.* R. (1) ad hunc etiam locum superius nonnulla responsa dedimus: quod verò hominès, & quidem in corporibus, iisq; veris & propriis, resurrecturi sint, multis documentis Apostolus l. d. de-

monstravit. Et ad hoc argumentum prolixè varia respondit Dn. D. Calovius d. l. nunc saltem illud urgemus, quod statim *vers. seq.* Paulus subjungat: *non omnes quidem obdormiemus, omnes tamen immutabimur.* Quod utiq; de corpore, non autem de anima intelligendum est, cum anima nec dormiat, nec mutationem recipiat, siquidem spiritus est, & vere immutabilis.

8. Nos adducimus præterea Smalzum contra Franz. p. 407. Ubi verò primum scriptum est, inquit, corpora nostra ex pulveribus excitata & resuscitata proditura? Equidem me tale quid legisse non memini: Franzius vero locum nullum adscripsit. Incertum igitur, omnino censendum est. Deinde si scriptum id alicubi esset, vel simile quid, sobrius aliquis sensus adhibendus esset, cum certum sit, nos habitationem nostram, quæ ex cælo (est) expectare, teste Apostolo, 11. Cor. V. 2. quæ admodum etiam Christi Dominus, novissimus Adam, vel secundus homo de cælo (est) vel nunc corpus suum habet, non tantum quoad qualitates, sed & quoad ipsam naturam.

9. His in verbis negat Smalzius corporum eorundem resuscitationem (1) quia nusquam scriptum extat, corpora nostra ex pulveribus excitata & resuscitata proditura: nam ipse tale quid non legit, nec Franzius locum ullum adscripsit: ac proinde censendum incertum. Bz. (1) censetur aliquid incertum vel æquo, vel iniquo censore, vel de jure, vel de facto, vel ex se, vel ex hominum opinione: Smalzium omnino censor iniquus, dum contra scripturam, & fidei Catholicæ constantem analogiam, ac ipsam fidem Ecclesiæ catholicæ corporum resurrectionem vel facit coram aliis, vel apud se statuit incertam. (2) Si loca scripturæ desiderat, allegata superius evolvat, & ex Job. XIX. 25. 26. Dan. XII. 2. Ezech. XXXIII. 1. Job. V. 23. 1. Cor. XV. & multis aliis certitudinem hujus sententiæ, nisi sciens ac volens errare voluerit, cognoscere poterit. Et certe dum è terræ pulvere mortui dicuntur evigilaturi, è sepulchris prodituri &c: non quoad animam, sed quoad corpora, secundum quæ mortui sunt in terræ pulvere, vel in sepulchris, hæc intelligenda veniunt. (3) Quod Smalzium ista vel non legit, vel se legisse meminit, vel intelligere non novit, illud veritati divinæ nullum parit præjudicium. (4) Ut de omnibus & singulis thesibus, cum primis in disputationibus, & quidem Elencticis, ubi propositum hoc autoribus sedet, ut adversario.

friorum sententiam exponant, rejiciant, & ipsorum argumenta dissolvant, scripturæ dicta citentur, illud omnino necessarium non est, cum *diss.* sic inter *tractationem Didacticam & Elencticam*, dicta scripturæ citare, ex iis doctrinam aliquam demonstrare, *Didactica tractationis*, non *Elenctica*, potissimum officium est. (5) Qvod autem *Franzius* h. l. potius *Elenctica* tractarit, quam *Didactica*, patet ex ipsis verbis. Sic enim *ib.* 75. Cæterum hoc in loco iterum attingemus illam quoq; *Photinianorum* hodiernorum disputationem, quam cernere licet apud *Ostor. in inst. Germ. l. 41.* Contendunt enim Christum ab eo tempore, quo Deus ipsum fecit, ut loquantur, Dominum & Regem, corpus habere cepisse spirituale & cœleste, & per consequens, non amplius carnem & sanguinem, sicut habuerat ante exaltationem, & talia corpora etiam habituros esse electos in altera vita. Probationis gratia cumulat aliquot dicta sacra *Joh. 3. 6. 1. Cor. 15. 50. Phil. 3. 23. & c. 40. fol. 376.* carpit versionem nostram Germanicam, quod versatim per *verwandeln* græcam vocaliam transtulerit. Verum non est operæ precium immorari in hac disputatione conficienda, siquidem quid *usquequaliter* ad *Phil. 3. 21.* item quomodo caro & sanguis regnum DEI possidere non possint *1. Cor. 15. 50.* illud ipsum in eodem capite ad Corinthios fusissimè declaratur. Caro n. & sanguis, h. e. humana natura illa est transfiguranda, vel reformanda, vel clarificanda, quæ nunc est corruptioni obnoxia, ignominiosa, infirma, tantummodo animalis, & est ita clarificanda, sicut ibidem habet glossa Paulina, ut fiat incorrupta, gloriosa, potens, spiritualis. Ulterius igitur non patimur carnis & sanguinis clarificationem à Photinianis extendi, quia non possunt verbo aliquo Dei manifesto ulteriorem aliquam transmutationem confirmare. Interim libenter fateamur, tantam futuram carnis nostræ glorificationem, quantum in hac vita somniare non possumus, idq; propter immensam potentiam Domini DEI nostri.

10. (II) Quia si scriptum id alicubi esset, vel simile quid, sobrius sensus aliquis adhibendus esset. R. (1) in rebus fidei certitudo, non ejusmodi *basistratio* locum invenire debet. Theologia sceptica, vel pyrrhonica, qualis est *Socinianorum*, & cum ipsis *Smalzi*, proximus ad *atheismum* gradus est. (2) per *sobrium sensum*, citra dubium, *Socinianorum sensum*

*sensum intelligit, qui non sobrius, sed ebrius est, & nihil sobrie Theologiae retinet. (3) praxin Socinianorum, non est ignota, quod in summis fidei mysteriis, quoad maxime perspicua loca, commenta figurarum porius assumenda, quam simplicem verborum sensum retinendum statuunt, sicut ipse Smalzius de mysterio incarnationis hanc fert censuram hom. IIX. in c. I. Iohann. pag. 89. Credimus, etiam si non semel atq; iterum, sed satius crebro & apertius scriptum extaret, Deum esse hominem factum, multo satius esse, quia haec res sit absurda, & sane rationi plane contraria, & in Deum blasphema, MODUM aliquem DICENDI COMMINISCI, quo ista de DEO dici possint, quem ista SIMPLICITER, ut verba sonant, intelligere. Socinius de mysterio satisfactionis atque Socinianam fert censuram part. 3. de SERVAT. Christo c. 6. Ego quidem, etiam si non semel, sed SOEPE id in monumentis sacris scriptum extaret, Christum pro peccatis nostris divina iustitia satisfecisse, non idcirco tamen jam prorsus ita se habere crederem, ut vos opinamini. Ea, quae fieri non posse aperte constat, divinitus etiam oraculis, ea facta esse, in specie attestantibus nequaquam admittenda esse, & idcirco sacra verba, in ALIUM SENSUM, quam ipsa sonant, per INUSITATOS etiam TROPOS quandoq; explicanda esse. Similia passim apud Socinianos reperiuntur; & sic nihil in Theologia tam certum, nihil in scriptura tam perspicuum, quod per inusitatos & usitatos Socinianorum tropos detorqueri non possit. Egregia certe fides & egregia Theologia, si commenta humana figurarum magis fiant, quam oracula divina scripturarum.*

11. (III) *Quia certum est, nos habitationem nostram, quae ex caelo est, exopetare II. Cor. V. 2. R. (1) Apostolus hic disertis verbis opponit terrestrem & caelestem corporis conditionem, de illa dicit, quod sit terrestris domus huius tabernaculi, de hac vero pronunciat, quod sit aedificatio ex DEO, domus non manufacta, sed aeterna in caelis, habitatio, quae est de caelo: aliud autem est loqui de conditione, aliud de constitutione corporis. (2) part. 2. quando dicitur habitatio ista non est, non accipitur materialiter, sed originaliter, ut patet ex v. 1. ubi dicitur aedificatio ex spiritu.*

12. (V) *Quia Christus Dominus, novissimus Adam, vel secundus homo, de caelo est, vel nunc corpus suum habet, non tantum quoad qualitates, sed & quoad ipsam naturam. R. (1) Christus verum corpus habuit, spiritus non fuit post resurrectionem Luc. XXIV. 39. (2) Dicitur Christus non corpus de caelo, sed Dominus de caelo, quae maxime sunt distincta. (3) Si Christus corpus SUUM habet quoad substantiam, sequitur, quod non habeat aliud corpus quoad substantiam.*

## QVÆSTIONES ANTI-SOCINIANÆ

EX ARTICULO XIIIX.

AUGUSTANÆ CONFESSIONIS

DE

## LIBERO ARBITRIO.

QVÆSTIO PRIMA.

*Utrum liberum arbitrium ante lapsum fuerit pars imaginis  
divinae?*

I.

Cum in statu controversiæ recte constituendo, vel cognoscendo, prima disputantium cura resideat, & principium omnis Elenchi tractationis hæreat, ideò non incommodum hic erit, unum vel alterum in hac etiam quæstione circa formationem status præmittere. Non igitur quæritur (1) *An liberum arbitrium sit ipsa imago DEI?* licet enim ad imaginem DEI liberum arbitrium referatur, tamen cum eadem non exæquatur, cum imaginis divinæ naturam liberum arbitrium non exhauriat, & per se simpliciter bonis & malis competat, quod certè de imagine divina affirmari nec debet, nec potest, adeoque nò ipsi neutiquam asserimus, quod liberum arbitrium ipsa sit imago DEI.

2. (2) Nec quæritur de imagine divina sensu Sociniano, quia, juxta sententiam eorum, vel in ratione, vel in dominio consistit imago DEI, secundum quam homo fuit ab initio conditus, prout inquit Smaltz contr. Schopper. p. 9. quod imago DEI consistat vel in ratione, vel in imperio, vel in utroque simul. Socin. in prælect. c. III. p. 9. DEI imaginem, ad quam conditus est homo, ne in ipsa quidem mente ac ratione consistere, scribit, sed in dominio rerum omnium, præsertim inferiorum: nam dominium est pars imaginis, non ipsa imago DEI.

3. (3) Nec quæritur de eo, num liberum arbitrium principalissima sit pars imaginis divinæ? nam certum est, quod liberum arbitrium in creatura rationali præsupponat voluntatem, à qua nimirum

Oo

rum

DISP. XXIX.  
R. M. SAMUEL  
LADIVER,  
Solná-Hungarus.

tum omnis libertas *formaliter* pender, cum absq; voluntate *liber-  
tas* nulla detur: quod item voluntas præsupponat *intellectum*, quem  
ipsum liberum arbitrium etiam *radicaliter* respicit: quæ ratione  
tum *intellectus sapientia*, tum *voluntas excellentia* potior, quam  
*liberum arbitrium*, quoad *imaginem divinam*, habebit respectum. Un-  
de B. Gerbard. *disput. theol. XXI. tb. 4.* scribit: Quod si *απλως* & *ab-  
solute*, prout est in categoria *qualitatis*, *imago DEI* consideratur, defi-  
nienda est per excellentem quandam cum DEO archetypo conformitatem,  
*omnium facultatum & virium tum animæ, tum corporis integritatem*  
*complectentem*. Conformitas illa duplex fuit, una *principalis* &  
*primaria*, altera *minus principalis* & *secundaria*. *Primaria* ac *principa-  
lis* conformitas sita fuit in *anima*, & quidem partim in *intellectu*, par-  
tim in *appetitu*. In *intellectu* erat perfecta DEI, *divinæ voluntatis* ac  
*divinorum mysteriorum notitia*, conjuncta cum exacta rerum *creatarum*  
*scientia*, quæ in parte homo conformis fuit *divinæ sapientie*. Appe-  
titus duplex est, *rationalis* & *sensitivus*. In *appetitu rationali*, seu *vo-  
luntate*, erat tum *naturalis ad bonum propensio*, tum *boni illius libera &  
expedita executio*. Ratione illius DEI *sanctitatem*, ratione hujus DEI  
LIBERTATEM homo representabat. In *appetitu sensitivo* erat  
*conformitas cupiditatum & affectuum cum recta ratione*, quibus DEI  
*benignitas, castitas, puritas, & integritas* representabatur &c.

4. (4) Nec quæritur de statu corruptionis, an liberum arbitrium  
sit per exiguum, an prorsus nullum, & revera per peccatum originis amif-  
sum? nam illud negamus, hoc affirmamus, in utroque contrari-  
tentibus Sociniani, qui primum affirmant, posterius negant. Primum pa-  
tet ex Smalz. contr. Franz. p. 370. Neg. nos id affirmamus, eam esse vi-  
rium humanæ naturæ conditionem, ut possit omnia peccata malitiosa &c.  
cavere: imò si vires humanæ considerentur per se, credimus, PEREXI-  
GIUM futurum studium innocentie in hominibus, præsertim ad Christi  
Evangelium conformate. Sed est divinum auxilium, id est tum externum;  
nempe promissa DEI, & eorum confirmationes, quod omnibus offertur, qui-  
bus Evangelium annunciat, tum internum, nempe Spiritus Sancti do-  
num, qui omnibus datur, quicumq; Evangelium recipiunt, & eidem obedire  
conantur, quo si homo juvetur, eoque est, qui affirmare audeat, non posse  
hominem DEO ita obedire, ut nullius peccati, præsertim gravi & enormis  
babi-

habitu contrahat, quæ ista obedientia est, in qua DEUS acquiescit, & quæ fidei nostræ forma est. Posterius verò Socino dicitur Evangelicorum commentum, ut habet in lib. Ivaforio p. 58. Malus istius effectibus (scilicet peccati originis) quos Pontificii excogitarunt, addiderunt Evangelici amissionem liberi arbitrii, qui ingens est error: non quia iactura ista peccato illi adscribatur, sed quia vel inducit, vel pro concessio ponit iacturam istam, & humanum genus universum libero arbitrio privat. Verum res ex scripturis certa, nec hoc loco de statu corruptionis nobis est sermo.

5. (5) Nec quæritur, An per liberum arbitrium in nobis imago DEI restaurari possit? nam omnem ejusmodi restorationem Sociniani negant, dum ipsam imaginis divinæ privationem, vel amissionem inficiantur, sicut scribit Smalz. contra Franz. p. 155. Evangelium de reparatione generis humani signum est hominum otiosorum: & p. 52. Sed nisi probetur, eam (imaginem divinam) amissam esse, nullus ejusdem restitutioni locus esse potest. Confer. p. 53. & 54. Neque nos asserimus, per liberum arbitrium ullam in nobis imaginis divinæ restorationem vel dari, vel dari posse, cum in statu corruptionis etiam corruptum sit liberum arbitrium.

6. (6) Sed quæritur, Num ante lapsum liberum arbitrium aliqua pars imaginis divinæ fuerit? Et hoc est, quod affirmamus, Sociniani contradicentibus. Nam Socinus in Epistol. ad Eliam Arcissivium p. 414. scribit: Liberam voluntatem hominū esse DEI imaginem, ad quam conditus fuit, nullo modo defendi potest: alia enim prorsus est libertas humanæ voluntatis à libertate divinæ voluntatis. Eatenus enim voluntas humana libera est, quatenus potest velle & benefacere & malè. DEUS autem non potest velle male quicquam facere, sed idcirco voluntatis summam libertatem dicitur habere, quia quicquid vult, non modo liberrimo vult, id est, à nulla, præter seipsum, alia causa ad id volendum quicquam prorsus cogitur, sed etiam quo minus id faciat, nullatatione impediti potest, id quod neutiquam homini est datum. Ubi notandum, Socinum non orthodoxo sensu liberum arbitrium totam imaginem divinam esse negare, de quo rh. i. aliquid notavimus, sed libertatem penitus à partibus, vel gradibus imaginis divinæ suis verbis & hypothesebus excludere.

7. Probare videtur autem suam sententiam (1) quia liberam

*voluntatem hominis esse DEI imaginem, ad quam conditus fuit, nullo modo defendi potest: alia enim prorsus est libertas humana voluntati a libertate divina voluntari.* R. (1) *Nulla consequentia, si libertas hominis est alia prorsus à libertate divina, sequitur, quod libertas hominis non sit vel ipsa imago DEI, vel pars imaginis divinæ: nam aliud est loqui de imagine divina archetypa, quæ est in DEO, & aliud de effypa, quæ concreata dicitur homini: illa DEUS ipse, hæc quidam esse Deus DEI: illa DEO essentialis, hæc accidentalis homini.* (2) *sicut sapientia hominis prorsus alia à sapientia DEI, quod notissimum, & tamen sapientia hominis fuit pars imaginis divinæ, sic etiam, idem de libertate valet.* (3) *sunt scopæ dissolutæ, quia divina libertas non essentiam, vel materiam nostræ libertatis, sed potius causam ejus infert, & sic potius externum principium, quam internum aliquod membrum imaginis divinæ dicitur.*

8. (II) *Quia eatenus voluntas humana libera est, quatenus potest velle & benefacere & male.* R. (1) *¶ velle bonum & malum, vel sumitur in statu simultaneo, vel successivo: falsum est, quod in statu integritatis homo simul bonum & malum voluerit, licet successu temporis voluntate sua malum etiam admiserit, vel etiam commiserit.* (2) *Velle malum vel sumitur formaliter, vel eventualiter: falsum est, quod sub integritatis statu homo formaliter voluerit malum, cum malum velle non sit integritatis, sed pravitatis, non perfectionis, sed imperfectionis, licet eventualiter malum extrinsecus ad voluntatem accesserit.* Hinc (3) *velle malum vel accipitur directe, & juxta principium voluntatis formale, vel internum, vel indirecte, juxta principium voluntatis causale seu externum. non priori, sed posteriori respectu malum homo voluit.* (4) *Dist. inter posse benevelle & male, & actu bene velle & male: ab illo non licet ad hoc argumentari, cum à posse ad esse non valeat consequentia.*

9. (III) *Quia Deus non potest velle male quicquam facere, sed ideo voluntatis summam libertatem dicitur habere, quia quicquid vult, non modo liberrime vult, id est, nulla præter seipsum alia causa ad id volendum quicquam prorsus cogitur, sed etiam, quominus id faciat, nulla ratione impediri potest: id quod homini neurgam est datum.* R. (1) *Dist. inter imaginem DEI essentialem & acci-*



*accidentalem; illa totalem, hac aliqualem convenientiam infert, illa notat omnimodam adæquationem, hac aliqualem assimilationem.* (2) non tam de *immagine divina immediata*, quam *mediata*, hic sermo, male proinde Socinus illam negata, *hanc* etiam homini denegare conatur. (3) *Dist.* inter *DEI voluntatem absolutam & ordinatam*: in respectu ad hominem non tam *illam*, de qua Socinus verba facit, quam *hanc*, attendere debemus.

## QVÆSTIO SECUNDA:

*An liberum arbitrium per hominis primi peccatum sit corruptum?*

1. Circa *Statum controversiæ* non infructuosum erit, unum vel alterum præmittere, quo nostra mens eum rectius perespere, pleniusque perspicere queat. Non igitur est in questione (1) *Num homo libertate præditus à DEO creatus sit?* Licet enim Sociniani dubie satis de homine primo loquantur, nec certi quid de *Statu primi hominis* definire videantur, quemadmodum ex prolixo tractatu Socin. de *statu primi hominis* liquet, eūque magis *id est* *magis*, quam vere bonum, aut malum, aut vere liberum asserant, quemadmodum alibi notavimus, ramen hoc loco de creatione, vel concreatione libertatis nobis sermo non est.

2. (2) *Num in homine liberum arbitrium reperitur?* Nam hominem libertate præditum esse, tum ipsa natura hominis, tum anima rationalis, tum experientia universalis, tum operatio moralis, & alia quam plurima confirmant, unde Sociniani neuiquam verā in homine libertatem audent negare. Hinc in Summario hujus articuli quod Smalz. ad artic. XIX. Aug. cont. Franz. p. 416. præmittit, hoc primo loco notatur, Arbitrium in homine liberum esse. Sic enim ille scribit: *Quod ad ipsum hunc articulum attinet de libero arbitrio, à nostris explicatus est non uno in loco. Summa est. Arbitrium in homine liberum est. Nam eo ante lapsum præditus fuit. & id per lapsum non amisit, id est, voluntas præstandi DEI voluntatem in hominibus naturaliter inest plenius. Virces autem valde sunt exiguae, ad præstandum eam, non ob primi parentis peccatum, aut corruptionem propter illud in nos transfusam, sed ob depravationem hominum voluntariam. Porro vires hominis tantas esse credimus, si sibi ipsi im facere velit, legi di-*

vinaparere possit. Auxilium autem DEI duplex est: unum exterius, nempe promissiones & mina, additæ legi divina. Alterum interius, cum scilicet DEUS vel hominum mentes illustrat ad recte intelligendam suam voluntatem, vel cum promissa sua in animis obsequat sibi obedientium. Ad quæ hactenus à nemine quicquam directè responsum est, nec quicquam responderi posse ad ea refutanda persuasum nobis est. At hæc vana Smalzio persuasio.

3. (3) Num antelapsus homo libertatem habuerit? certum enim est, quod DEUS ab initio constituerit hominem, & reliquerit illum in manu consilii sui, vel libertate sua Sirac. XV. 14. & ex multis aliis id apertissimum est, unde nec à Socinianis illud negare potest, quemadmodum th. præc. Smalzius id assererat, quod arbitrio libero homo ante lapsum præditus fuerit. Conf. th. 5. licet Socin, in *Præf. Theol.* c. 5 p. 14. hæsitanter loquatur: *Ex his, quæ supra disputata sunt, satis constare potest, in homine liberum arbitrium esse, SI MODO ID VERUM EST, quod omnes concedunt, & ipsa ratio manifestè docet, in primo homine ante lapsum liberum arbitrium fuisse.*

4. (4) Num liberum arbitrium prorsus ita sit annihilatum, ut omnimodo sit destructum, nec quicquam libertatis in homine post lapsum remanserit? Hoc equidem verum est, quod liberum arbitrium in homine quoad spiritualia sit prorsus mortuum & nullum I. Cor. II. 14. II. Cor. III. cum primis, quia totus homo dicitur in peccatis mortuus Eph. II. 1. Sed propterea neutriquam vel quoad ipsam facultatem naturaliter penitus extirpatum, quia post lapsum etiam homo manet creatura DEI rationalis, voluntate non tantum, sed etiam libertate prædita; vel quoad activitatem aliqualem, quæ ratione dicitur aliquam in externis habere libertatem, licet enim propter corruptum suum statum corruptam etiam habeat libertatem, quo respectu captivatum, vulneratum, semimortuum, ligatum &c: arbitrium appellatur, tamen propterea liberum arbitrium non est prorsus annihilatum in naturalibus, moralibus, civilibus, æconomicis, vel aliis externis objectis, sicut ipsa testatur Augustana Confessio h. l. De libero Arbitrio docent, quod humana voluntas habeat aliquam libertatem ad efficiendam civilem justitiam

*Et diligendas res rationi subiectas. Unde quaestio nostra loquitur non de plenaria destructione seu annihilatione, sed de vera corruptione.*

5. Quæritur igitur (5) Num liberum hominis arbitrium per hominis primi peccatum sit corruptum? Nos affirmativam tuemur sententiam, Sociniani negativam defendentibus. Sic nim. Carech. Racov. c. 10. p. 250. Lapsus *Adæ* cum unus actus fuerit, vim eam, quæ depravare ipsam naturam *Adami* posset, habere non potuit & p. 249. Certum est, primum hominem ita a DEO conditum fuisse, ut libero arbitrio præditus esset; nec verò ulla causa subest, cur DEUS post ejus lapsum illum eo privaret.

6. Socinus in prælect. Theol. cap. V. p. 14. pro heterodoxa illa sententia militat: Ex iis, scribit, quæ supra disputata sunt, satis constare potest, in homine liberum arbitrium (videlicet integrum, non corruptum) esse, si modo id verum est, quod omnes concedunt, & ratio ipsa manifeste docet, in primo homine ante lapsum liberum arbitrium fuisse (1) Quia nulla causa est, cur propter lapsum eo privati debuerit. R. (1) Negatio non est probatio. (2) per lapsum homo non tantum passivè libero arbitrio privatus est, sed etiam activè semetipsum per apostasiam abominabilem hoc ipso privavit, dum in mortem spirituale incidit, & meram confusionem ac imperfectionem in naturam suam introduxit, perfectionem & integritatem perdidit. (3) sicut in politicis apostasia, rebellio, rerum publicarum transgressio, & similia sufficiunt instar causarum, ut homines bonis & privilegiis priventur, ita pariter in Ecclesia, vel etiam paradiso gravissima peccata causæ satis ad pœnam omnem, & bonorum paradisi privationem dederunt.

7. (II) Quia nec rei ipsum natura id postulat, ut homo propter lapsum arbitrio libero privetur. R. (1) iterum mera est negatio, negare verò non sufficit. (2) sive respiciamus naturam arbitrii liberi concreati, sive naturam hominis, talem privationem utraque postulat. Nam liberum arbitrium concreatum erat bonum, privilegium vel fendum ex creatione concessum, & ad peculiarem obligationem relatum, ut nimirum homo, tanquam fidelis vasallus in obedientia perpetua maneret, neque DEI legem manifestam viola-

violaret: nam quocumq; die contra DEI creatoris interdictum de vetito fructu manducaturus erat, morte mori debebat *Gen. II. 17.* jam *liberum arbitrium exat pars imaginis divinae*, quæ tanquam *oppositum mortis* cum ipsa morte per naturam consistere non poterit, cum duo contraria simul & semel in uno subiecto non reperiuntur, adeoq; mortis per lapsum invasio nihil aliud fuit, quam imaginis divinae, vel ipsius arbitrii liberi destructio vel exclusio: requirerebat illam etiam judicalem privationem *naturæ*, seu *veritatis DEI*, quia DEUS ipsa veritas, adeoq; statim post lapsum homo candidatus mortis & libertate privatus manebat, nec aliud ipsa *hominis naturæ* postulat, vel demonstrat: homo namq; per lapsum corruptus est, & peccatum originis ipsum totum occupavit, adeoq; liberum arbitrium destruxit. Nam corruptus homo *corruptam naturam*, *corruptas facultates*, & consequenter *corruptum*, vel *non perfectum*, nec integrum liberum arbitrium possidet, cum nulla *proprietas*, vel affectio nobilior esse possit suo subiecto.

8. (III) *Quia nec DEI iustitia patitur id, ut homo propter lapsum arbitrio libero privetur.* R. (1) Simile & hoc argumentum, nihil probat, tantummodo negat, & quidem pro autoritate, Socinianorum autem autoritas apud orthodoxos nulla dicitur. (2) *iustitia DEI* non tantum id patitur, sed etiam idem exigere dicitur. Nam ex *iustitia DEI* qui peccat, punitur, bonis privatur, pœnis castigatur. Jam *Adam* peccavit & *Eva*, quia *Sociniani* lapsum hic manifestis verbis supponunt: ergo manifestum est, quod *iustitia DEI* postulaverit, ut bonis creationis privarentur, malis pœnam peccatores castigarentur. Bonum autem creationis fuit liberum arbitrium, quod etiam Sociniani concedunt: hoc igitur ex *iustitia DEI* protoplasti privati sunt.

9. (IV) *Quia neq; de pœna ista inter ea, quæ pœnæ loco DEUS lapsui illi constituit, ulla prorsus sit mentio, ut Genes. cap. III. legenti perspicuum esse potest.* R. (1) Negatio rursus non est demonstratio. (2) Totidem verbis ista non leguntur, Homo propter lapsum arbitrio libero privatus est, vel privari debuit, nec illud erat necessum, cum alia *ἡ ἁγία*, alia *ἡ ἁγία* *ἡ ἁγία* in sacris literis inveniantur, alia quoad ipsa verba, sed alia tantum quoad ipsam rem tradun-

dantur. (3) *Tor Gen. III.* amissi liberi arbitrii documenta reperiuntur, ut cæcus planè sit, qui talia prorsus observare nolit. Nam liberum arbitrium concreatum directe non malum, sed bonum respicit; sed lapsus non applicationem libertatis ad bonum, verum inclinationem ad malum includit, & defectionem à bono posse trahit, quod periculosa cum serpente collocutio, cupida vetiti fructus contemplatio, illicita fructus illius ad manducandum correctio, & prohibita manducatio, cum aliis demonstrant. Porro liberum arbitrium amissum in bono confirmant, omnium affectuum & membrorum turpissima confusio, nuditas probrosc notatio, soliorum sicut usurpatio, meritis servilius erga DEUM animadversio, turpia coram DEO fuga vel occultatio, peccati nequam excusatio, & reliquarum poenarum denunciatio.

10. (V) Quia concedimus, in plerisque hominibus non quidem propter peccatum primum parentis, sed propterea, quia homines paulatim degeneraverunt, & seipsos corruerunt, innatam quodammodo esse magnam ad peccandum proclivitatem; & pravitatem quandam, idcirco dicimus, in plerisque hominibus naturaliter exiguas esse vires ad ea præstanda, quæ DEUS lex jubet: ea autem præstandi voluntatem in omnibus natura esse posse, atque adeo in plerisque esse, nisi peccandi assuetudine subitum sit, ut quis ipso peccato atque iniquitate delectetur. R. (1) non in plerisque, sed in omnibus hominibus regnat corruptio, non tantum aliarum facultatum, sed etiam ipsius libertatis arbitrii, quia ne quidem unus homo est, dum omnes ad malum declinaverunt *Psalm. XIV. 2. 3.* (2) *Consuetudo mala suam ex mala natura trahit originem, quia qualis effectus, talis etiam causa:* & natura bona, quæ talis est & manet, malam consuetudinem non admittit. (3) Si datur innata quædam, & magna quidem in hominibus ad peccandum proclivitas, quod Socinus asserit, sequitur, quod etiam innatum detur liberum arbitrium corruptum: At verum primum ex Socini verbis: Ergo posterius etiam concedendum, & sic habemus, quod volumus. (4) aliud est, præstare ea, quæ DEUS lex jubet, & aliud est, præstare totam legem, quam distinctionem ostendit ipse Paulus ad Romanos II. 15. dum inter facere & videri, & *ἰσχυροῦς* præstare, distinguendum esse, manifestis indiciis ostendit. (5) à posse ad esse non valere consequentia: potest in natura talis facultas esse, non tamen statim est in natura.

(6) *Diff. inter esse in natura, & esse à natura, vel per naturam: esse quidem potest præstandi facultas in natura, sed non à natura, vel per naturam, aut naturalem facultatem: sed per DEI gratiam, vel benignitatem, cum sit beneficium supernaturalis, non doni naturalis, hodie post lapsum illa legalis obedientia.* (7) *Diff. inter præstandi voluntatem & facultatem: præstandi voluntatem in natura saltem esse posse, Socinus affirmat: jam autem à velle ad posse, vel etiam facere, nulla consequentia datur,*

### QVÆSTIO TERTIA.

*Num ad sui conversionem homo se merè passivè habeat?*

1. Circa pleniorum sensum hujus quæstionis notandum, quod non agatur hic de homine, vel quoad statum integritatis, vel quoad statum reparationis, vel quoad statum glorificationis; siquidem in illo habuit homo liberum arbitrium concreatum, in isto per DEI gratiam inchoatum possidet, in hoc consummatum habebit: sed agitur de homine quoad statum corruptionis, cum is conversione vera propter peccatum opus habeat.

2. Quod attinet terminum conversionis, non hic sermo de conversione æconomica ministrorum, cum in illa minister Ecclesiæ se non passivè, sed activè habeat, siquidem illi sunt ministri Christi, vel æconomi mysteriorum divinarum I. Cor. IV. 1. & οὐκ οὐκ οὐκ, per quos homines credunt, vel fidem veram efficaciter incipiunt c. III. nec agitur de conversione secunda, vel etiam continuata, quæ dicitur Christianorum, cum certum sit, quod Christiani, seu fideles, quotidianè, vel etiam momentaneè poenitentia opus habeant, siquidem contra legem DEI peccatis vel commissionis, vel omissionis indefinenter delinquant, ut ita vita Christianorum sit perpetua vel continua poenitentia: sed ad hanc poenitentiam homines fideles ex gratia Spiritus Sancti se non merè passivè habent, verum juxta virtutem communicatam operantur: sed de conversione prima non renatorum, quatenus homo corruptus primum à regno Satanae ad regnum DEI, vel à corruptione ad conversionem transfertur.

3. (3) *Mere passive* se habere non accipiuntur sensu physico, quasi homo prorsus sit non agens, ita ut nullas ipsi physicas actiones tribuere liceat, dum convertitur: nam ut homo conversus, est homo naturalibus agendi viribus præditus, sic etiam ante conversionem verum est agens naturale, suasque naturales habet operationes, easque neutiquam in conversione vel deponit, vel amittit, sed ut verus homo manet, sic etiam verè humanas vel naturales operationes possidet: nec sensu enthuasiastico, quasi spiritus, vel trunci, vel lapidi instar nihil prorsus videre, nihil audire, nihil sentire, nihil cogitare, sed absolutam operationem internam, in ecstasi quasi constitutus, expectare debeat. Non ignoramus, inquit, Form. Concord. solid. declar. p. 668. Et Enthusiastas & Epicuræos, pia hac de impotentia & malitia naturalium liberi arbitrii doctrina (qua conversio & regeneratio soli DEO, nequaquam autem nostris viribus tribuitur) impiè, turpiter & maligne abusi. Et multi impii illorum sermonibus offensi atque depravati, dissoluti & feri fiunt, atque omnia pietatis exercitia, orationem, sacram lectionem, pias meditationes remisse tractant; aut prorsus negligunt: ac dicunt, quandoquidem proprium suum naturalibus viribus ad DEUM sese convertere nequeant, perrecturos se in illa sua adversus DEUM contumacia: aut expectaturos donec à DEO violenter, & contra suam ipsorum voluntatem convertantur. Et cum in hisce spiritualibus rebus nullam agendi facultatem habeant, sed totum illud conversionis negotium solius Spiritus S. operatio sit, negant, se potro verbum DEI vel audituros, vel lecturos, aut sacramento usus: sed expectare velle, donec ipsi DEUM immediate cælis dona sua infundat, ut revera in seipsis sentire, & experientia ipsa certiores fieri possint, se à DEO conversos esse. Confer p. 672. seqq. ubi inter alia notatu digna verba leguntur: Cum homo propheta in instrumenta, seu media Spiritus S. contemnit, neque verbum DEI audire vult, non fit illi injuria; si à Spiritu S. non illuminetur, sed in tenebris infidelitatis suæ relinquitur & pereat. De hac re sic scriptum extat: Quoties volui congregare filios tuos, quemadmodum gallina congregat pullos suos sub alas, & noluisse? Et hac ratione recte etiam dici potest, hominem non esse lapidem, aut truncum. Lapidem enim, aut truncum non reluctatur ei, à quo movetur; sed neque intelligit, aut sentit, quid secum agatur, sicut homo DEO suæ voluntate reluctatur, donec ad Dominum conversus fuerit. Et tamen

verum est, quod homo, etiam ante conversionem sit creatura rationalis, quæ intellectum & voluntatem habeat. Nec sensu pædagogico, cum certum sit, quod homo suam non tantum in rebus mere naturalibus, sed etiam ad externum cultum divinum pertinentibus, libertatem in statu corruptionis retineat, quod ex *Art. XIX. Conf. August.* manifestum, ubi præter alia dictum *Augustini* citatur, & clarius de religiosis actibus externis in *Apolog. Confess. p. 218.* id explicatur: Habet humana voluntas libertatem in operibus & rebus diligendis, quæ ratio per se comprehendit. Potest aliquo modo efficere iustitiam civilem, seu iustitiam operum, potest loqui de DEO, exhibere DEO certum cultum externo opere, obedire magistratibus, parentibus, in opere externo eligendo, potest continere manus a cæde, ab adulterio, a furtis. Tales enim actus pædagogici passim in sacris hominibus gentilibus etiam tribuuntur: Sed quæritur de sensu mystico, theologico, vel casualiter effectivo, num homo, quoad sui conversionem, in ipsa videlicet formali conversione, se passive habeat? Et hoc est, quod affirmam; *Sociniani negativam* defendentibus.

4. Hac vice porissimum *Schlichting* in c. 6. *Galat. p. 310.* notabimus, qui loco dicto sequentia profert & urget (I) Quia inepse ex hoc verbo Creationis colligunt quidam, DEUM, sicut in prima creatione solus fuit opifex homini, minime *evangelis*, sic etiam in hac nova creatione solum, non modo non concurrente, sed etiam tunc, cum DEUS ipsum reformat, quantum in se est, repugnante homine, illum resingere. Aliud enim est, hominem, qui prorsus non fuerit, condere, aliud eum existentem, viventem, intelligentem & arbitrio præditum reformare: & quidem reformare, non quoad essentiam, sed quoad voluntatis inclinationem & mores, id est, efficere, ut velit certam aliquam doctrinam & religionem, ac vivendi rationem sequi, eamque porro re ipsa sequatur. Ad illud homo concurrere nullo modo potest, hoc sine hominis opera, & ad id concursu fieri nec debet, nec potest. Non debet, quia alioquin nullus esset virtuti locus, & omnis ratio religionis ac pietatis everteretur. Non potest, quia necesse est, ut homo & velit, & faciat: at quomodo homo aliquid sine seipso potest & velle & facere. R. (1) Dist. inter similitudinem & identitatem; quando tale quid colligunt, ex eo non identitatem creationis & reformationis, sed veram similitudinem, vel etiam operandis



randi solitudinem & paritatem inferunt & ostendunt. (2) Dist. inter efficientem causam & materiam: hic sermo nobis de causa efficiente, non materiali, nimirum, quæritur, non an homo tunc, quando reformatur, adsit, sed an aliquid in reformatione possit, non de existentia, sed de efficientia, solliciti sumus: nam aliud omnino est, hominem non existentem primum fingere, aliud verò jam existentem resingere. (3) Dist. inter formalem causationis actum, & inter solitarium causationis statum: non quæritur h. l. num aliud sit, hominem non existentem ex nihilo formare, sed aliud eum existentem, viventem, intelligentia & arbitrio præditum, reformare? quo tendit Schlichtingius, cum secundum orthodoxos etiam verissime dicatur, aliam esse actionem ipsam creationem, aliam novam recreationem, cum illa sit opus potentie, hæc gratie, illa præsupponat non hominem, vel nihilum, hæc corruptum hominem, vel hominem verum, illa fiat extra Christum, ejusque meritum, hæc per Christum, & propter ejus meritum, illa sit omnibus creaturis communis, hæc soli homini propria &c: sed quæstio nobis cum Sociniano de solitario cause statu, num DEU ita causetur nostram reformationem, ut ipse solus casualiter concurrat, homo verò nihil prorsus in eadem operetur, sed merè passive se habeat? (4) Confundit Schlichtingius reformationem hominu totalem cum partiali: nam totaliter accipitur, quatenus primæ formationi simpliciter opponitur, & sic tam regenerationem, quam renovationem complectitur: sed quando partialiter accipitur, vel sumitur à priori ratione principii, sic reformatio dicitur ejus, qui reformat, & primum vel actum, vel juv, vel statum reformationis confert, qua ratione potius dicitur esse regenerationis, quam renovationis; vel sumitur à posteriori ratione subjecti, vel etiam effecti, quatenus reformatio certo subjecto competere dicitur, vel in illud introducit, illudque vere reformatum deprehenditur; quo pacto dicitur potius renovationis, quam regenerationis. Hæc omnia neutiqvam inter se confundenda sunt. (5) Quod reformatio sic explicatur, eam non quoad essentiam, sed quoad voluntariæ inclinationem & mores fieri, & nihil aliud esse, quam efficere, ut velit certam aliquam doctrinam & religionem ac vivendi rationem sequi, eamque porro reipsa sequatur, illud non pauca fovet incommoda, multaque Socinianorum includit portenta, quæ tamen hic an-

notare volumus. (6) Et si *hypothefes Socinianas*, itemque verba *Schlichtingii* h.l. respicimus, potius de *moralis*, quam *spiritualis* vel *reformatione*, vel *conversione* sermonem esse deprehendimus, cum tamen nobis de *spirituali* sermo sit: illa fine concursu hominis nec potest, nec debet fieri; sed ad hanc nihil ipse conferre potest; licet autem deberet, tamen præstare propter innatam corruptionem illud non valet.

5. (II) Quia ideo Scriptura sacra nos ipsos non semel hortatur ad id, ut novi homines & nova creatura fiamus: at si ad istud nulla hominum opera interveniret, quomodo hortari homines, ut id faciant, divinum spiritus posset? R. (1) à præcepto non licet ad posse colligere, cum primum quoad statum corruptionis, in quo multa nobis præciuntur, quæ tamen nostræ potestatis nunc minime sunt, licet antea ratione status integritatis humanæ potestatis fuerint, aut simpliciter esse possint, aut ratione divini juris & legalis obligationis esse debeant. (2) nec ab exhortatione ad obsecutionem, vel præstationem argumentari fas est: cum multis sæpius exhortationibus excitentur ad bona perficienda, quæ tamen nec perficiuntur, nec perficere volunt. (3) Scriptura nos exhortatur, ut novi homines, vel creatura nova fiamus, non ex nobis, sed ex DEO, non per opem naturæ, sed gratiæ, quemadmodum mysterium hoc luculenter explicatur Eph. II. 3. seqq. Eramus natura filii iræ, sicut & ceteri: DEUS autem, qui dives est in misericordia, propter nimiam charitatem suam, quæ dilexit nos, & cum mortui essemus peccatis, convivificavit nos in Christo & concitavit, & confedere fecit nos in celestibus in Christo Jesu. Gratiæ enim estus salvati per fidem, & hoc non ex vobis, DEI donum est, non ex operibus, ut ne gravolieretur: Ipsum enim sumus FACTURA, CREATI in Christo Jesu ad opera bona, quæ præparavit DEUS, ut in illis ambulemus.

6. (III) Ex Eph. IV. 22. seqq. ubi scribit Apostolus; Vos deponite secundum pristinam conversationem veterem hominem, qui corrumpitur secundum desideria errorum, renovamini autem spiritu mentis vestræ, & induite novum hominem, qui secundum DEUM creatus est in iustitia & sanctitate veritatis, propter quod deponentes mendacium, loquimini veritatem unusquisque cum proximo suo, quoniam sumus invicem membra, transgimini & nolite peccare &c. R. (1) Apostolus loquitur de voca-

ti &c.

riū & jam renatū, sicut patet ex v. 1. seqq. non autem de non renatis, vel hominibus in statu corruptionis adhuc consideratis: locū igitur hic dicitur ordiōis utq; allegatur. (2) loquitur de hominibus, quia jam sunt membra mystica, juxta reformationem, non qui debent fieri membra per reformationem, ut patet ex v. 29. (3) Distinguit ipse Paulus inter pristinam & presentem conversationem: vitia, quæ recenset, pristinae conversationis ante reformationem fuerunt, presentis conversationis post reformationem esse non debent. (4) Renovatio tribuitur hominibus non active; quasi diceret, renovate, sed passive, quia dicit, renovamini, sic igitur nostra confirmatur sententia, quod homo ratione conversionis se non active, sed passive habeat.

7. (IV) Ex Col. III. 9. Nunc & deponite vos omnia: iram, indignationem, malitiam, turpem sermonem de ore vestro: nolite mentiri invicem, exspoliantes vos veterem hominem cum actibus suis, & induentes novum, eum, qui renovatur in agnitionem DEI, secundum imaginem ejus, qui creavit eum. R. (1) locū hic priori parallelus est: eadem igitur responsiones locum inveniunt. (2) disertis verbis iterum Paulus testatur, quod renovatio nostra respectu nostri non sit activa, sed passiva, quia novus homo RENOVATUR in agnitionem secundum imaginem DEI.

8. (V) Quia qui contrarium ex verbo creandi, aut alii similibus colligunt, figuratam ac metaphoricam vocum significationem cum propria hac in parte confundunt, nec intelligunt, similia haec esse non eadem, hoc est, non ejusdem generis synonymi, sed aliquo usq; tantum analogi. nec meminerunt, omnem similitudinem (similitudo autem contracta est metaphorā) claudicare, ut in scholiis loqui solemus. R. (1) Figuratam locutionem Schlichtingius h. l. magis praetendit, quam ostendit; praetensio vero non est ostensio. (2) Similitudo hic conceditur in tantum, non in totum, cum omnis similitudo vel unum, vel plura tertia respiciere soleat, simile namq; suo modo simile nuncupatur, adeoq; maxime inter similitudinem & identitatem distinguendum. Reliqua jam ex superioribus certa sunt & expedita.

9. (VI) Smalzius etiam contr. Franz. p. 419. haec Franzii verba res-

ba reprehendit, hominem non renatum nihil posse in spiritualibus, nempe in interno assensu in verbum divinum, in conversione ad Deum, agnitione Christi & fide in illum, & quidem earatione; quia hoc carenus tantum verum est, quatenus homo non renatus de istis rebus non cogitare potest, nedum eas facere, quamdiu a DEO non illustratur participatione voluntate illius: quamprimum autem divina accessus revelatio, iam ita homo, qui antea erat non renatus, potest ista omnia sapere, ut alia opera, quae ante istam revelationem faciebat, externa.

10. Verum respondet (1) ipse Franzius in Vindic. contr. Smalz. ad h.l. quod idem ipse notavit th. 22. Etsi, scribit, & Velle, tamquam rationalis anima quaedam facultas, restat in non renato, tamen & Velle vera bona pertinentia ad aeternam consequendam salutem, penitus interit. Uno verbo: In hoc postremo Velle arbitrium hominis plane non est ullo modo liberum, sed secundum omnes partes servum, quia homo ex suis viribus naturalibus non potest vel in mente concipere viam ducentem ad caelorum gaudia, vel in voluntate sese disponere ad demerendam illam, ut pote quam non intelligit, imò plane non concipit. Sic th. 107. idem inculcat: Quemadmodum ante actum Conversionis, ita quoque in ipso actu regenerationis voluntas hominis pure pure passiva sese habet, nec ut causa *συνεργός*, vel adjuvans Spiritui Sancto ex naturalibus suis viribus quicquam cooperatur, sed habet sese, ut subiectum convertendum, quod non per se & ex se, sed per Spiritum Sanctum ex tenebris in lucem, è morte in vitam, ex inferno ad caelum traducitur. (2) Si homo nihil cogitare potest, multo minus aliquid in sui conversione cooperari poterit, adeoque mere passiva se habebit. (3) Dist. inter tempus ante & post illuminationem: homo quamprimum illuminatur, accipit Spiritum conversionis vel regenerationis, adeoque sic in statu vel actu regenerationis, non prorsus ut homo non renatus consideratur, cum primis, quia Spiritus Sancti gratia nescit tarda molimina. (4) Confunditur igitur hominem non renatum, cum renato. B. Franzius loquitur de homine prorsus non renato, Smalz. de renato, quia ratione sunt scopae merè dissolutae. Plura cum Dissur. de Lib. Arb. super August. Conf. cum in vindiciis contra Smalz. d. l. B. Franzius annotavit.

QVÆSTIONES ANTI-SOCINIANÆ

Ex ARTICULO XIX.

AUGUSTANÆ CONFESSIONIS

DE

CAUSA PECCATI.

QVÆSTIO PRIMA.

*An, quædam peccata DEO volente fieri, rectè dicatur?*

DISP. XX.  
R. MICH.  
AUGU-  
STINI, Sol-  
Hungarus.

**C**irca quæstionem ipsam in frontispicio quædam delibare nec incommodum nobis, nec instructuosum lectoribus aliis erit, cum primis quia non postremam in doctrina de *Causa peccati* sedem quæstio præfens occupat, & aliàs multum lucis affert tractationi, nec parum utilitatis lectoribus confert.

2. Non igitur quæritur (I) *An Sociniani directè Lutherani in hoc articulo de Causa peccati contradicant, ita ut dicat ὁ πρῶτος* dissideant? Nam contrarium Smalz. contr. Franz. p. 426. disertis verbis fatetur, quod in *disputatione IX. de Causa peccati veritatis patrocini*um Franzium suscepit.

3. (II) *An Sociniani simpliciter in hac causa Calvinianorum errores suos faciant?* Nam fatentur etiam, hos errare, sicut Smalzius de Franzio l. d. pronunciat, quod adversus quorundam **ERRORES**, non minus **PERNICIOSOS**, quam **ABSURDOS**, veritatis patrocini-um suscepit. Jam autem B. Franzium potissimum contra Calvinianorum errores de *causa peccati* disputaverat.

4. (III) *Annon videri velint Sociniani, quod nobiscum in hac religionis causa sentiant?* Nam idem etiam Smalzius d. l. profitetur, quod ipsi nobis plane assentiantur: In hac *disputatione nona*, scribit, quia veritatis patrocini-um suscepit Franzium, adversus quorundam errores non minus perniciosos, quam absurdos, **NOBIS MI PLANE ASSENTIMUR**.

5. (IV) *Annon volunt ut DEI suo modo peccata quædam respicias?* nam cum sine DEI voluntate nobis nil quicquam contingere

Si

quærat.

*voluntatem hominis esse DEI imaginem, ad quam conditus fuit, nullo modo defendi potest: alia enim prorsus est libertas humana voluntati a libertate divina voluntatis.* R. (1) *Nulla consequentia, si libertas hominis est alia prorsus à libertate divina, sequitur, quod libertas hominis non sit vel ipsa imago DEI, vel pars imaginis divinæ: nam aliud est loqui de imagine divina archetypa, quæ est in DEO, & aliud de eotypa, quæ concreata dicitur homini: illa DEUS ipse, hæc quidam esse stus DEI: illa DEO essentialis, hæc accidentalis homini.* (2) *sicut sapientia hominis prorsus alia à sapientia DEI, quod notissimum, & tamen sapientia hominis fuit pars imaginis divinæ, sic etiam, idem de libertate valet.* (3) *sunt scopæ dissolutæ, quia divina libertas non essentiam, vel materiam nostræ libertatis, sed potius causam ejus infert, & sic potius externum principium, quam internum aliquod membrum imaginis divinæ dicitur.*

8. (II) *Quia eatenus voluntas humana libera est, quatenus potest velle & benefacere & male.* R. (1) *velle bonum & malum, vel sumitur in statu simultaneo, vel successivo: falsum est, quod in statu integritatis homo simul bonum & malum voluerit, licet successu temporis voluntate sua malum etiam admiserit, vel etiam commiserit.* (2) *velle malum vel sumitur formaliter, vel eventualiter, falsum est, quod sub integritatis statu homo formaliter voluerit malum, cum malum velle non sit integritatis, sed pravitatis, non perfectionis, sed imperfectionis, licet eventualiter malum extrinsecus ad voluntatem accesserit.* Hinc (3) *velle malum vel accipitur directe, & juxta principium voluntatis formale, vel internum, vel indirecte, juxta principium voluntatis causale seu externum. non priori, sed posteriori respectu malum homo voluit.* (4) *Dist. inter posse benevelle & male, & actu bene velle & male: ab illo non licet ad hoc argumentari, cum à posse ad esse non valeat consequentia.*

9. (III) *Quia DEUS non potest velle male quicquam facere, sed ideo voluntatis summam libertatem dicitur habere, quia quicquid vult, non modo liberrime vult, id est, nulla præter seipsum alia causa ad id volendum quicquam prorsus cogitur, sed etiam, quominus id faciat, nulla ratione impediri potest: id quod homini neutrquam est datum.* R. (1) *Dist. inter imaginem DEI essentialem &*  
acc-

*accidentalem*; illa totalem, hac aliqualem convenientiam infert, illa notat omnimodam adæquationem, hac aliqualem assimilationem. (2) non tam de imagine divina immediata, quam mediata, hic sermo, male proinde Socinus illam negata, hanc etiam homini denegare conatur. (3) *Dist. inter DEI voluntatem absolutam & ordinatam*: in respectu ad hominem non tam illam, de qua Socinus verba facit, quam hanc, attendere debemus.

## QVÆSTIO SECUNDA.

*An liberum arbitrium per hominis primi peccatum sit corruptum?*

1. Circa *Statum controversiæ* non infructuosum erit, unum vel alterum præmittere, quo nostra mens eum rectius percipere, pleniusque perspicere queat. Non igitur est in questione (1) *Num homo libertate præditus à DEO creatus sit?* Licet enim Sociniani dubie fatis de homine primo loquantur, nec certi quid de *Statu primi hominis* definire videantur, quemadmodum ex prolixo tractatu Socin. de *statu primi hominis* liquet, et quæ magis ad id meo, quam vere bonum, aut malum, aut vere liberum asserant, quemadmodum alibi notavimus, tamen hoc loco de creatione, vel concreatione libertatis nobis sermo non est.

2. (2) *Num in homine liberum arbitrium reperitur?* Nam hominem libertate præditum esse, tum ipsa natura hominis, tum anima rationalis, tum experientia universalis, tum operatio moralis, & alia quam plurima confirmant, unde Sociniani neuiquam verè in homine libertatem audent negare. Hinc in Summario hujus articuli quod Smalz. ad artic. XIX. Aug. con: Franz. p. 416. præmittit, hoc primo loco notatur, Arbitrium in homine liberum esse. Sic enim ille scribit: *Quod ad ipsum hunc articulum attinet de libero arbitrio, id à nostris explicatum est non nunc in loco: Summa est. Arbitrium in homine liberum est. Nam eo ante lapsum præditus fuit. & id per lapsum non amisit, id est, voluntas præstandi DEI voluntatem in hominibus naturaliter inest plenè. Virces autem valde sunt exigua, ad præstandum eam, non ob primi parentis peccatum, aut corruptionem propter illud in nos transfusam, sed ob depravationem hominum voluntariam. Porro vires hominis tantas esse credimus, si sibi ipsis facere velis, legi di-*

vinaparere possit. Auxilium autem DEI duplex est: unum exterius, nempe promissiones & mina, additæ legi divinæ. Alterum interius, cum scilicet DEUS vel hominum mentes illustrat ad recte intelligendam suam voluntatem, vel cum promissa sua in animis obsequat sibi obedientium. Ad quæ bætenus à nemine quicquam directè responsum est, nec quicquam responderi posse ad ea refutanda persuasum nobis est. At hæc vana Smalzio persuasio.

3. (3) Num antelapsum homo libertatem habuerit? certum enim est, quod DEUS ab initio constituerit hominem, & reliquerit illum in manu consilii sui, vel libertate sua Sirac. XV. 14. & ex multis aliis id apertissimum est, unde nec à Socinianis illud negare potest, quemadmodum th. præc. Smalzius id assererat, quod arbitrio libero homo ante lapsum præditus fuerit. Conf. th. 5. licet Socin. in *Præf. Theol.* c. 5 p. 14 hæsitanter loquatur: *Exiis, quæ supra disputata sunt, satù constare potest, in homine liberum arbitrium esse, SI MODO ID VERUM EST, quod omnes concedunt, & ipsa ratio manifestè docet, in primo homine ante lapsum liberum arbitrium fuisse.*

4. (4) Num liberum arbitrium prorsus ita sit annihilatum, ut omni modo sit destructum, nec quicquam libertatù in homine post lapsum remanserit? Hoc equidem verum est, quod liberum arbitrium in homine quoad spiritualia sit prorsus mortuum & nullum I. Cor. II. 14. II. Cor. III. cum primis, quia totus homo dicitur in peccatis mortuus Eph. II. 1. Sed propterea neutiquam vel quoad ipsam facultatem naturaliter penitus extirpatum, quia post lapsum etiam homo manet creatura DEI rationalis, voluntate non tantum, sed etiam libertate prædita; vel quoad activitatem aliqualem, quæ ratione dicitur aliquam in externis habere libertatem, licet enim propter corruptum suum statum corruptam etiam habeat libertatem, quo respectu captivatum, vulneratum, semimortuum, ligatum &c: arbitrium appellatur, tamen propterea liberum arbitrium non est prorsus annihilatum in naturalibus, moralibus, civilibus, æconomicis, vel aliis externis objectis, sicut ipsa testatur Augustana Confessio h. l. De libero Arbitrio docent, quod humana voluntas habeat aliquam libertatem ad efficiendam civilem iustitiam



*Et diligendas res rationi subiectas.* Unde quæstio nostra loquitur non de plenaria destructione seu annihilatione, sed de vera corruptione.

5. Quæritur igitur (1) Num liberum hominū arbitrium per hominū primi peccatum sit corruptum? Nos affirmativam tuemur sententiam, Socinianū negativam defendentibus. Sicnim. *Catech. Racov.* c. 10. p. 250. *Lapsus Adæ cum unus actus fuerit, vim eam, quæ depravare ipsam naturam Adami posset, habere non potuit & p. 249.* Certum est, primum hominem ita à DEO conditum fuisse, ut libero arbitrio præditus esset; nec verò ulla causa subest, cur DEUS post ejus lapsum illum eo privaret.

6. Socinus in præf. Theol. cap. V. p. 14. pro heterodoxa illa sententia militat: Ex iis, scribit, quæ supra disputata sunt, satū constare potest, in homine liberum arbitrium (videlicet integrum, non corruptum) esse, si modo id verum est, quod omnes concedunt, & ratio ipsa manifeste docet, in primo homine ante lapsum liberum arbitrium fuisse (1) Quia nulla causa est, cur propter lapsum eo privari deberet. R. (1) Negatio non est probatio. (2) per lapsum homo non tantum passivè libero arbitrio privatus est, sed etiam activè semetipsum per apostasiam abominabilem hoc ipso privavit, dum in mortem spirituales incidit, & meram confusionem ac imperfectionem in naturam suam introduxit, perfectionem & integritatem perdidit. (3) sicut in politicis apostasia, rebellio, rerum publicarum transgressio, & similia sufficiunt instar causarum, ut homines bonis & privilegiis priventur, ita pariter in Ecclesia, vel etiam paradiso gravissima peccata causæ satis ad pœnam omnem, & bonorum paradisi privationem dederunt.

7. (II) Quia nec rei ipsum natura id postulat, ut homo propter lapsum arbitrio libero privetur. R. (1) iterum mera est negatio, negare verò non sufficit. (2) sive respiciamus naturam arbitrii liberi concreati, sive naturam hominis, talem privationem utraqve postulat. Nam liberum arbitrium concreatum erat bonum, privilegium vel feudum ex creatione concessum, & ad peculiarem obligationem relatum, ut nimirum homo, tanquam fidelis vasallus in obedientia perpetua maneret, neque DEI legem manifestam viola-

violaret: nam quocunq; die contra DEI creatoris interdictum de vetito fructu manducaturus erat, morte mori debebat *Gen. 1<sup>a</sup> 17.* Jam *liberum arbitrium* erat *pars imaginis divinae*, quæ tanquam *oppositum mortis* cum ipsa morte per naturam consiliteri non poterit, cum duo contraria simul & semel in uno subiecto non reperiantur, adeoq; mortis per lapsum invasio nihil aliud fuit, quam imaginis divinae, vel ipsius arbitrii liberi destructio vel exclusio: requirebat illam etiam judicalem privationem *natura*, seu *veritas DEI*, quia DEUS ipsa veritas, adeoq; statim post lapsum homo candidatus mortis & libertate privatus manebat, nec aliud ipsa *hominis natura* postulat, vel demonstrat: homo namq; per lapsum corruptus est, & peccatum originis ipsum totum occupavit, adeoq; liberum arbitrium destruxit. Nam corruptus homo *corruptam naturam*, *corruptas facultates*, & consequenter *corruptum*, vel *non perfectum*, nec *integrum liberum arbitrium* possidet, cum nulla *proprietas*, vel *affectio* nobilior esse possit suo subiecto.

8. (III) *Quia nec DEI iustitia patitur id, ut homo propter lapsum arbitrio libero privetur.* R. (1) Simile & hoc argumentum, nihil probat, tantummodo negat, & quidem pro autoritate, Socinianorum autem autoritas apud orthodoxos nulla dicitur. (2) *iustitia DEI* non tantum id patitur, sed etiam idem exigere dicitur. Nam ex *iustitia DEI* qui peccat, punitur, bonis privatur, pœnis castigatur. Jam *Adam* peccavit & *Eva*, quia *Sociniani* lapsum hic manifestis verbis supponunt: ergo manifestum est, quod *iustitia DEI* postulaverit, ut bonis creationis privarentur, malis pœnam peccatores castigarentur. Bonum autem creationis fuit liberum arbitrium, quod etiam *Sociniani* concedunt: hoc igitur ex *iustitia DEI* protoplasti privati sunt.

9. (IV) *Quia neq; de pœna illa inter ea, quæ pœna loco DEI lapsui illi constituit, ulla prorsus sit mentio, ut Genes. cap. III. legenti perspicuum esse potest.* R. (1) *Negatio* rursus non est *demonstratio*. (2) Totidem verbis ista non leguntur, Homo propter lapsum arbitrio libero privatus est, vel privari debuit, nec illud erat necessum, cum alia *ἡ ῥῆσις*, alia *ἡ τῆς ἀπορίας* in sacris literis inveniantur, alia quoad ipsa verba, sed alia tantum quoad ipsam rem tradun-

duntur. (3) Tot Gen. III. amissi liberi arbitrii documenta repel-  
luntur, ut cæcus planè sit, qui talia prorsus observare nolit. Nam  
liberum arbitrium concreatum directe non malum, sed bonum  
respicit: sed lapsus non applicationem libertatis ad bonum, verù  
inclinationem ad malum includit, & defectionem à bono post  
se trahit, quod periculosa cum serpente collocurio, cupidaveriti fructui  
contemplatio, illicita fructus illius ad manducandum correctio, & pro-  
hibitam manducatio, cum aliis demonstrant. Porro liberum arbitrium  
amissum in bono confirmant, omnium affectuum & membrorum tur-  
pissima confusio, nuditatis probrosæ notatio, solitorum sicut usurpatio, me-  
tus servili erga Deum animadversio, turpis coram DEO fuga vel occultati-  
o, peccati nequam excusatio, & reliquarum penarum denunciatio.

10. (V) Quia concedimus, in plerisque hominibus non quidem pro-  
pter peccatum primum parentis, sed propterea, quia homines paulatim dege-  
nerarunt, & seipsos corruerunt, innatam quodammodo esse magnam ad  
peccandum proclivitatem; & pravitatem quandam, idcirco dicimus, in  
plerisque hominibus naturaliter exiguas esse vires ad ea præstanda, quæ DEI  
lex jubet: ea autem præstandi voluntatem in omnibus natura esse posse,  
atque adeo in plerisque, nisi peccandi assuetudine factum sit, ut quis ipso  
peccato atque iniquitate delectetur. R. (1) non in plerisque, sed in  
omnibus hominibus regnat corruptio; non tantum aliarum facul-  
tatum, sed etiam ipsius libertatis arbitrii, quia ne quidem unus ho-  
mo est, dum omnes ad malum declinaverunt Psal. XIV. 2. 3. (2)  
Consuetudo mala suam ex mala natura trahit originem, quia qualis  
effectus, talis etiam causa: & natura bona, quæ talis est & manet,  
malam consuetudinem non admittit. (3) Si datur innata quæ-  
dam, & magna quidem in hominibus ad peccandum proclivitas, quod So-  
cinus asserit, sequitur, quod etiam innatum detur liberum arbi-  
trium corruptum: At verum primum ex Socini verbis: Ergo posterius  
etiam concedendum, & sic habemus, quod volumus. (4) aliud  
est, præstare ea, quæ DEI lex jubet, & aliud est, præstare totam legem,  
quam distinctionem ostendit ipse Paulus ad Rom. II. 13. dum inter  
facere & vimus, & ποιῶμεν præstare, distinguendum esse, manife-  
stis iudiciis ostendit. (5) à posse ad esse non valere consequentia:  
potest in natura talis facultas esse, non tamen statim est in natura.

Pp

(6) Diff.

(6) *Dist. inter esse in natura, & esse à natura, vel per naturam: esse quidem potest præstandi facultas in natura, sed non à natura, vel per naturam, aut naturalem facultatem: sed per DEI gratiam, vel benignitatem, cum sit beneficium supernaturalis, non doni naturalis, hodie post lapsum illa legalis obedientia.* (7) *Dist. inter præstandi voluntatem & facultatem: præstandi voluntatem in natura saltem esse posse, Socinus affirmat: jam autem à velle ad posse, vel etiam facere, nulla consequentia datur,*

### QVÆSTIO TERTIA.

*Num ad sui conversionem homo se mere passivè habeat?*

1. Circa pleniorē sensum hujus quæstionis notandum, quod non agatur hic de homine, vel quoad statum integritatis, vel quoad statum reparationis, vel quoad statum glorificationis; siquidem in illo habuit homo liberum arbitrium concreatum, in isto per DEI gratiam inchoatum possidet, in hoc consummatum habebit: sed agitur de homine quoad statum corruptionis, cum is conversione vera propter peccatum opus habeat.

2. Quod attinet terminum conversionis, non hic sermo de conversione economica ministrorum, cum in illa minister Ecclesiæ se non passivè, sed active habeat, siquidem illi sunt ministri Christi, vel economi mysteriorum divinatorum I. Cor. IV. 1. & οὐκ ἐγγὺς Θεοῦ, per quos homines credunt, vel fidem veram efficaciter suscipiunt c. III. nec agitur de conversione secunda, vel etiam continuata, quæ dicitur Christianorum, cum certum sit, quod Christiani, seu fideles, quægidiana, vel etiam momentanea pœnitentia opus habeant, siquidem contra legem DEI peccatis vel commissionis, vel omissionis indefinenter delinqvunt, ut ita vita Christianorum sit perpetua vel continua pœnitentia: sed ad hanc pœnitentiam homines fideles ex gratia Spiritus Sancti se non mere passivè habent, verum juxta virtutem communicatam operantur: sed de conversione prima non renatorum, quatenus homo corruptus primum à regno Satanae ad regnum DEI, vel à corruptione ad conversionem transfertur.

3. (3) *Mere passivè* se habere non accipiuntur *sensu physico*, quasi homo prorsus sit non agens, ita ut nullas ipsi physicas actiones tribuere liceat, dum convertitur: nam ut homo conversus, est homo naturalibus agendi viribus præditus, sic etiam ante conversionem verum est agens naturale, suasque naturales habet operationes, easque neutiquam in conversione vel deponit, vel amittit, sed ut verus homo manet, sic etiam verè humanas vel naturales operationes possidet: nec *sensu entusiastico*, quasi *spiritu*, vel *trunci*, vel *lapidu* instar nihil prorsus videre, nihil audire, nihil sentire, nihil cogitare, sed absolutam operationem internam, in ecstasi quasi constitutus, expectare debeat. Non ignoramus, inquit, *Form. Conferd. solid. declar. p. 668. & Enthusiastæ & Epicuræos*, pia hac de importentia & malitia naturalis liberi arbitrii doctrina (qua conversio & regeneratio soli DEO, nequaquam autem nostris viribus tribuitur) impiè, turpiter & maligne abuti. Et multi impii illorum sermonibus offensi atque depravati, dissoluti & feri sunt, atque omnia pietatis exercitia, orationem, sacram lectionem, piæ meditationes remisse tractant, aut prorsus negligunt: ac dicunt, quandoquidem proprium suum naturalibus viribus ad DEUM sese convertere nequeant, perrecturos se in illa sua adversus DEUM contumacia: aut expectaturos donec à DEO violenter, & contra suam ipsorum voluntatem convertantur. Et cum in hisce spiritualibus rebus nullam agendi facultatem habeant, sed totum illud conversionis negotium solius Spiritus S. operatio sit, negant, se porro verbum DEI vel audituros, vel lecturos, aut sacramento usus: sed expectare velle, donec ipsis DEUS immediate oculis donata sita infundat, ut revera in seipsis sentire, & experientia ipsa certior fieri possint, se à DEO conversos esse. Confer p. 672. seqq. ubi inter alia notatu digna verba leguntur: Cum homo prophetiam instrumenta, seu media Spiritus S. contemnit, neque verbum DEI audire vult, non fit illi injuria; si à Spiritu S. non illuminetur, sed in tenebris infidelitatis suæ relinquitur & pereat. De hac re sic scriptum extat: Quoties volui congregare filios tuos, quemadmodum gallina congregat pullos suos sub alas, & noluiisti? Et hac ratione recte etiam dici potest, hominem non esse lapidem, aut truncum. Lapidem enim, aut truncum non reluctatur ei, à quo movetur; sed neque intelligit, aut sentit, quid secum agatur, sicut homo DEO suæ voluntate reluctatur, donec ad Dominum conversus fuerit. Et tamen

verum est, quod homo, etiam ante conversionem sit creatura rationalis, quæ intellectum & voluntatem habeat. Nec sensu pædagogico, cum certum sit, quod homo suam non tantum in rebus mere naturalibus, sed etiam ad externum cultum divinum pertinentibus, libertatem in statu corruptionis retineat, quod ex *Art. XIII Conf. August.* manifestum, ubi præter alia dictum *Augustini* citatur, & clarius de religiosis actibus externis in *Apolog. Confess. p. 218.* id explicatur: *Habet humana voluntas libertatem in operibus & rebus deligendis, quæ ratio per se comprehendit. Potest aliquo modo efficere iustitiam civilem, seu iustitiam operum, potest loqui de DEO, exhibere DEO certum cultum externo opere, obedire magistratibus, parentibus, in opere externo eligendo, potest continere manus a cæde, ab adulterio, a furtis.* Tales enim actus pædagogici passim in sacris hominibus gentilibus etiam tribuuntur: Sed quæritur de sensu mystico, theologico, vel causaliter effectivo, num homo, quoad sui conversionem, in ipsa videlicet formali conversione, se passive habeat? Et hoc est, quod affirmamus, Sociniani negativam defendentibus.

4. Hac vice porissimum *Schlichting* in c. 6. *Galat. p. 310.* notabimus, qui loco dicto sequentia profert & urget (I) Quia in præ ex hoc verbo Creationis colligunt quidam, DEUM, sicut in prima creatione solus fuit opifex hominis, minime *αυτογης*, sic etiam in hac nova creatione solum, non modo non concurrente, sed etiam tunc, cum DEUS ipsum reformat, quantum in se est, repugnante homine, illum refingere. Aliud enim est, hominem, qui prorsus non fuerit, condere, aliud eum existentem, viventem, intelligentem & arbitrio præditum reformare: & quidem reformare, non quoad essentiam, sed quoad voluntatis inclinationem & mores, id est, efficere, ut velit certam aliquam doctrinam & religionem, ac vivendi rationem sequi, eamque porro re ipsa sequatur. Ad illud homo concurrere nullo modo potest, hoc sine hominis opera, & ad id concursu fieri nec debet, nec potest. Non debet, quia alioquin nullus esset virtuti locus, & omni ratio religionis ac pietatis everteretur. Non potest, quia necesse est, ut homo & velit, & faciat: at quomodo homo aliquid sine seipso potest & velle & facere. R. (1) Dist. inter similitudinem & identitatem; quando tale quid colligunt, ex eo non identitatem creationis & reformationis, sed veram similitudinem, vel etiam operandi

vari solitudinem & paritatem inferunt & ostendunt. (2) *Dist. inter efficientem causam & materiam*: hic sermo nobis de *causa efficiente*, non *materiali*, nimirum, quæritur, non an homo tunc, quando reformatur, *adsit*, sed an aliquid in *reformatione possit*, non de *existentiâ*, sed de *efficientiâ*, solliciti sumus: nam aliud omnino est, *hominem non existentem prout fingere*, aliud verò jam *existentem resingere*. (3) *Dist. inter formalem causationis actum, & inter solitarium causationis statum*: non quæritur h. l. num aliud sit, *hominem non existentem ex nihilo formare*, sed aliud eum *existentem, viventem, intelligentiâ & arbitrio præditum, reformare*? quo tendit Schlichtingius, cum secundum orthodoxos etiam verissime dicatur, *aliam esse actionem ipsam creationem, aliam novam recreationem*, cum illa sit *opus potentie, hæc gratie*, illa præsupponat *non hominem, vel nihilqm*, hæc *corruptum hominem, vel hominem verum*, illa fiat *extra Christum*, ejusque *meritum*, hæc *per Christum, & propter ejus meritum*, illa sit *omnibus creaturis communis*, hæc *soli homini propria &c*: sed quæstio nobis cum Sociniani de solitario *causæ statu*, num *DEu ita causetur nostram reformationem*, ut ipse *solum causaliter concurret*, homo verò *nihil prorsus in eadem operetur*, sed *merè passivè se habeat*? (4) Confundit Schlichtingius *reformationem hominû totalem cum partiali*: nam *totaliter* accipitur, quatenus *primæ formationis* simpliciter opponitur, & sic tam *regenerationem*, quam *renovationem* complectitur: sed quando *partialiter* accipitur, vel sumitur à *priori ratione principii*, sic *reformatio* dicitur ejus, qui *reformat*, & *primum vel actum*, vel *jus*, vel *statum reformationis* confert, quæ ratione potius dicitur esse *regenerationis*, quam *renovationis*; vel sumitur à *posteriori ratione subiecti*, vel etiam *effecti*, quatenus *reformatio* certo subiecto competere dicitur, vel in illud introducit, illudq; vere reformatum deprehenditur; quo pacto dicitur potius *renovationis*, quam *regenerationis*. Hæc omnia ne utiq; inter se confundenda sunt. (5) Quod *reformatio* sic explicatur, *eam non quod essentiam, sed quod voluntatis inclinationem & mores fieri*, & nihil aliud esse, quam *efficere*, ut velit *certam aliquam doctrinam & religionem ac vivendi rationem sequi*, eamq; *portò reipsa sequatur*, illud non pauca foveret incommoda, multa; Socinianorum includit portenta, quæ tamen hic an-

notare nolumus. (6) Et si *hypothefes Socinianas*, itemque verba *Schlichtingii* h.l. respicimus, potius de *moralis*, quam *spirituali* vel *reformatione*, vel *conversione* sermonem esse deprehendimus, cum tamen nobis de *spirituali* sermo sit: illa fine concursu hominis nec potest, nec debet fieri; sed ad hanc nihil ipse conferre potest; licet autem deberet, tamen præstare propter innatam corruptionem illud non valet.

5. (II) Quia ideo Scriptura sacra nos ipsos non semel hortatur ad id, ut *novi homines* & *novæ creaturæ* fiamus: at si ad istud nulla hominum opera interveniret, quomodo hortari homines, ut id faciant, divinus spiritus posset? R. (1) à præcepto non licet ad posse colligere, cum primis quoad statum corruptionis, in quo multa nobis præcipiuntur, quæ tamen nostræ potestatis nunc minime sunt, licet antea ratione status integritatis humanæ potestatis fuerint, aut simpliciter esse possint, aut ratione divini juris & legalis obligationis esse debeant. (2) nec ab exhortatione ad obsecutionem, vel præstationem argumentari fas est: cum multis sæpius exhortationibus excitentur ad bona perficienda, quæ tamen nec perficiunt, nec perficere volunt. (3) Scriptura nos exhortatur, ut *novi homines*, vel *creaturæ novæ* fiamus, non ex nobis, sed ex DEO, non per opem naturæ, sed gratiæ, quemadmodum mysterium hoc luculenter explicatur Eph. II. 3. seqq. Erant naturæ filii iræ, sicut & ceteri: DEUS autem, qui dives est in misericordia, propter nimiam charitatem suam, quæ dilexit nos, & cum mortui essemus peccatis, convivificavit nos in Christo & conresuscitavit, & confedere fecit nos in celestibus in Christo Jesu. Gratia enim est salvari per fidem, & hoc non ex vobis, DEI donum est, non ex operibus, ut ne quæ gloriaretur: Ipsi enim sumus FACTURÆ, CREATI in Christo Jesu ad opera bona, quæ preparavit DEUS, ut in illis ambulemus.

6. (III) Ex Eph. IV. 22. seqq. ubi scribit Apostolus; Vos deponite secundum pristinam conversationem veterem hominem, qui corrumpitur secundum desideria erroris, renovamini autem spiritu mentis vestræ, & induite novum hominem, qui secundum DEUM creatus est in iustitiis & sanctitate veritatis, propter quod deponentes mendacium, loquimini veritatem unusquique cum proximo suo, quoniam sumus invicem membra, transgimini & nolite peccare &c. R. (1) Apostolus loquitur de vocati-  
tū &c.



tu & jam renatus, sicut patet ex v. 1. seqq. non autem de non renatis, vel hominibus in statu corruptionis adhuc consideratis: locum igitur hic *αὐτοῦ* *συνεστῶτος* allegatur. (2) loquitur de hominibus, quia jam tunc meminit *μυστικά*, juxta reformationem, non qui debent fieri membra per reformationem, ut patet ex *ψ. 19*. (3) Distinguit ipse Paulus inter pristinam & presentem conversationem: vitia, quæ recenset, pristinae conversationis ante reformationem fuerunt, presentis conversationis post reformationem esse non debent. (4) Renovatio tribuitur hominibus non active, quasi diceret, *renovate*, sed passive, quia dicit, *renovamini*, sic igitur nostra confirmatur sententia, quod homo ratione conversionis se non active, sed passive habeat.

7. (IV) Ex Col. III. 9. *Nunc & deponite vos omnia: iram, indignationem, malitiam, turpem sermonem de ore vestro: nolite mentiri invicem, exspoliantes vos veterem hominem cum actibus suis, & induentes novum, eum, qui renovatur in agnitionem DEI, secundum imaginem ejus, qui creavit eum.* *Et* (1) locum hic priori parallelus est: eodem igitur responsiones locum inveniunt. (2) disertis verbis iterum Paulus testatur, quod renovatio nostra respectu nostri non sit activa, sed passiva, quia novus homo *RENOVATUR* in agnitionem secundum imaginem DEI.

8. (V) *Quia* qui contrarium ex verbo creandi, aut alii similibus colligunt, figuratam ac metaphoricam vocum significationem cum propria hac in parte confundunt, nec intelligunt, similia hæc esse non eadem, hoc est, non ejusdem generis synonymi, sed aliquo usque tantum analogi. nec meminerunt, omnem similitudinem (similitudo autem contracta est metaphoræ) claudicare, ut in scholis loqui solemus. *Et* (1) Figuratam locutionem Schlichtingius h. l. magis præterdit, quam ostendit; præterfuso vero non est ostensio. (2) Similitudo hic conceditur in tantum, non in totum, cum omnis similitudo vel unum, vel plura tertiare spectare soleat, simile namque suo modo simile nuncupatur, adeoque maxime inter similitudinem & identitatem distinguendum. Reliqua jam ex superioribus certa sunt & expedita.

9. (VI) *Smalzius* etiam contr. *Franz.* p. 419. hæc *Franzius* ver-  
batur:

QVÆSTIONES ANTI-SOCINIANÆ

EX ARTICULO XIX.

AUGUSTANÆ CONFESSIONIS

DE

CAUSA PECCATI.

QVÆSTIO PRIMA.

*An, quædam peccata DEO volente fieri, rectè dicatur?*

I.

Circa quæstionem ipsam in frontispicio quædam delibare nec incommodum nobis, nec instructuosum lectoribus aliis erit, cum primis quia non postremam in doctrina de *Causa peccati* sedem quæstio præsens occupat, & aliàs multum lucis affert tractationi, nec parum utilitatis lectoribus confert.

2. Non igitur quæritur (I) *An Sociniani directè Lutherani in hoc articulo de Causa peccati contradicant, ita ut dicat 21<sup>a</sup> πρὸς τὸν διψιδεant?* Nam contrarium Smalz. contr. Franz. p. 426. disertis verbis fatetur, quod in disputatione IX. de *Causa peccati* veritatis patrocinium Franzium suscepit.

3. (II) *An Sociniani simpliciter in hac causa Calvinianorum errores suos faciant?* Nam fatentur etiam, hos errare, sicut Smalzium de Franzio l. d. pronunciat, quod adversus quorundam **ERRORES**, non minus **PERNICIOSOS**, quam **ABSURDOS**, veritatis patrocinium suscepit. Jam autem B. Franzium potissimum contra Calvinianorum errores de causa peccati disputaverat.

4. (III) *Annon videri velint Sociniani, quod nobiscum in hac religionis causa sentiant?* Nam idem etiam Smalzium d. l. profitetur, quod ipsi nobis plane assentiantur: In hac disputatione nona, scribit, quia veritatis patrocinium suscepit Franzium, adversus quorundam errores non minus perniciosos, quam absurdos, **NOS EI PLANE ASSENTIMUR.**

5. (IV) *Annon voluntas DEI suo modo peccata quædam respiciat?* nam cum sine DEI voluntate nobis nil quicquam contingere

SE

quæritur.

DISP. XX.  
R. MICH.  
AUGUSTINI, Soli  
Hungarus.

queat, voluntas etiā divina non uno modo juxta *scripturam* & *objectionum naturam*, ac *volendi*, vel etiā *operandi formam*, considerari debeat, ipsa pariter experientia satis luculenter id svadeat, ideo suomodo voluntatem DEI circa peccata versari, non difficulter largimur, quod autem propterea volente DEO simpliciter peccata fiant, illud nullo modo concedere possumus.

6. (V) *An peccata quædam pænæ respectum induant, vel admittant?* Nam & vulgo dicitur, quod DEUS peccata peccatis punit, & scriptura non reclamation, sed tales historias recitat, quæ luculenter id ipsum confirmare videntur, & simul experientia quotidiana documentis apertissimis id demonstrare deprehenditur, unde generales inter leges hæc etiā recensetur: *Per quod quis peccat, per idem punitur & idem.*

7. (VI) *An omnia peccata DEO volente fiant?* Nam hunc errorem ipsis imputare nolumus, quia disertis verbis Smalzius de quibusdam saltem peccatis hoc enunciaſſe deprehenditur: *Pauca quædam addere, pergit, operæ præcium visum est, quibus justam causam juvari posse credimus, quorum hoc est præcipuum: Nihil scilicet absurdum in eo esse, si dicatur, quædam peccata quandoq; DEO volente fieri.* Ex quibus apertum est, quod de quibusdam, non de peccatis omnibus ipse loquatur.

8. (VII) Hoc igitur est, quod juxta Smalzum in quæſtione versatur; *Num quædam peccata DEO volente fiant?* Ubi notandum est, quod Smalzius de voluntate DEI directæ verba faciat, quæ respectum habet à priori, simulque causali dicitur, ut vel causalitatem veram inferat, vel causis malorum operum formaliter adhæreat. Nam p. 434. idem Smalzius inquit: Socinus ait; DEUM DECREVISSE, ut extarent falsi Prophetæ, & VOLUISSE, ut homines, qui sunt mali, & ita digni pænâ, illi adhæreant. Certe nec verba pugnant secum, nec res ipse, Et libr. de Error. Nov. Arian. p. 25. scribit: Theologi & Patres nonne errare potuerunt? cum quia erroribus omnes sumus obnoxii, cum quia ut erremus, si DEI verbum negligamus, DEUS permittere, imò & interdum PROCURARE solet. Huc faciunt Hypotheses Socinianorum de absoluto DEI jure, de absoluto ipsius dominio, & manifestæ assertiones, quod DEUS sit causa peccati, de quibus alibi fuisset agendum.

9. Probat sententiam suam Smalzjus (I) *Quia peccata quandoq; DEO volente fiunt, quatenus sunt pena peccatorum.* R. (1) *pœna magis passionis, quam actionis respectum habet, adeoque non tam principium, quam subjectum respicit: hic igitur in doctrina de causa peccati, vel de iis, quæ peccati causam concernunt, quo præsens etiã quæstio tendit, hæc ratio nullius est valoris.* (2) *Pœna præterea dicitur obiectum juridicum, non physicum, judiciale, non causale: judicia verò respectum habent a posteriori, quia judicantur præterita, non futura, facta, non autem ea, quæ nondum facta sunt.* (3) *peccata neutiquam fiunt vel à DEO, vel DEO volente, quoad immediatam & formalem relationem, quasi DEus peccata velit, ut pœnae sint, sed quoad mediatam relationem, & materialem conditionem, quia DEus propter peccata pœnas vult, ad quas pœnas non formaliter, cum dependentia ratione divinæ voluntatis, sed materialiter cum efficiencia, vel dependentia ratione Diaboli, vel prava hominum voluntatis, peccata concurrunt, & sic pœna formaliter sunt, sed materialiter peccata sunt, vel fiunt, non à DEO, sed à Diabolo vel pessimo hominum facto.* (4) *Hinc DEus non simpliciter peccata vult, ut pœnas, multò minus ipse peccata peccatis punit, sed pœnas decernit, & Diaboli, vel hominum malas actiones circa pœnas non impedit, sed permittit.*

10. (II) *Quia certum est, inter alias peccatorum pœnas, hanc esse unam, eamq; gravissimam, quando per peccata DEus peccata punit.* R. (1) *Ex præcedentibus non obscurè patet, quid ad hoc etiam respondendum sit.* (2) *Pœna peccatorum considerantur vel ratione rei, seu communis effecti, vel ratione modi, seu principii operandi: pœna generaliter & totaliter quoad rem, & ad DEum, & ad Diabolum, vel malos homines refertur: ad DEum ratione rei, vel etiam ratione scopi, quo justitiæ divinæ satisfiat, & peccator justas pœnas sentiat, & sic ratione passionis; sed ad Diabolum & malos homines, quoad executionis modum, vel varium confusionis, aut pravariationis respectum refertur, unde vulgò dicitur de DEO; altio displicuit, passio grata fuit.* (3) *Falsum est, quod accuratè loquendo DEus per peccata puniat, cum potius per justitiam vindicatricem, per severitatem, & alia concurrentia quædam attributa, & hinc manantia decreta, vel*

inde pendentia effecta DEus punire dicatur, sed ubi DEus erigit *justitiæ tempus*, ibi mox Diabolus *nequitia*, vel *injustitiæ sacellum* ædificare conatur, quemadmodum illustre satis exemplum *Achabi* I.R.g. XXII. ostendit.

II. (III) *Quia facile concedi potest, DEum Pharaonem indurasse, & alia huic similia procurasse, quia scilicet illi, quos DEus vel induravit, vel ad alia scelera perpetranda compulsi, nempe per Diabolum, jam pridem mali erant, & digni quovis DEI supplicio.* R. (1) Quod DEus Pharaonem induraverit, illud scriptura dicit, & nos idem dicimus, sed modum *Calviniano-Socinianum indurationis*, quo DEus revera constituitur *causa indurationis* prorsus rejicimus: DEus enim non per *vitium*, sed per *judicium* indurat, adeoque non *nomluxēs*, sed *δικαστικός* se habet in *vitiosa malorum induratione*. (2) Ex superioribus jam constat, quod falsum sit, *DEum peccata procurare*: DEus peccatorum non *procurator*, sed *censo*r ac *ultor* est, cum peccata graviter puniat. (3) Falsum, quod DEus *ad scelera perpetranda compellat*, cum hac ratione homo non posset non peccare, si DEus vi sua hominem ad peccandum, vel scelera perpetranda compelleret, & revera peccati causa, vel autor DEus esset, si homines ad quædam scelera perpetranda compelleret. (4) Falsum, quod DEus vel *per se*, vel *per alium*, ad peccata compellat: licet enim Diabolus impellat ad peccata, tamen ipse per se hoc facere dicitur, non autem DEus per Diabolum ad peccata compellere perhibetur. (5) Dist. inter *impellere ad peccata*, & *compellere ad peccandum*: homo quidem impellitur ad peccata, sed propterea nequiquam accurate loquendo *compellitur* ad peccandum, dum non invitus, sed volens peccata committit.

12. (IV) *Quia hoc in Juda prodicione inprimis considerandum est. Destinaverat quidem DEus, ut aliquis ex Christi domesticis eum traderet, idq. mutari nullo modo potuit. At non fuit ad hoc scelus destinatus Judas, antequam nasceretur, sed tantum homo quidam malus; & jam pridem dignus, quem DEus puniret. Talis quia fuit Judas culpa sua, antequam esset Apostolus (erat enim fur & avarus) ideo statuendum est, eum à Christo electum esse, ut tanti sceleris, nempe prodicionis, autor esset.* R. (1) *Jude prodicio consideratur vel ratione facinoris, vel ratione finis:*  
priori

priori modo nec pendet ex DEI vel *destinatione*, vel *electione*, nec ex ulla DEI *constitutione*, multo minus ex DEI quadam *operatione*, ut hinc *causa*, vel *autor prodicionis* appellari possit: *posteriori* modo DEus voluit Christi passionem, & vicariam pro peccatis humani generis satisfactionem, & admisit *Judæ prodicionem*. (2) *Dist. inter prodicionem & productionem*: DEus *prædixit*, aliquem ex domesticis Christum esse proditurum, ut patet ex *Psal. XLI.* sed propterea neutiquam *produxit*, nec *à priori* destinavit, ut aliquis ex Christi domesticis eum traderet. (3) *Dist. inter infallibilitatem & immutabilitatem*: DEus ob infinitam sapienriam & præscientiam *infallibiliter* Judæ prænunciavit prodicionem, sed nullatenus eam *immutabiliter* destinavit. (4) Non tantum homo quidam malus, sed etiam ipse *Judas*, cœu proditor prævisus, quia præscientia DEI futura cernit non ut *futura*, sed ut *præsentia*, nec propter infinitatem suam circumstantias, vel intervalla temporum admittere novit. (5) Falsum est, quod *Judas ad hoc à Christo sit electus*, ut tanti sceleris, vel ipsius prodicionis autor esset, cum juxta passionis historiam Christus omnibus modis atq; mediis *Judam* ab hoc scelere prodicionis abducere contenderit, secundum historiam autem Evangelistarum *Judam* in Apostolum & verbi præconem, non autem in proditorem elegit.

13: (V) *Quia hoc idem etiam de occisoribus Christi statuendum est. Christum mori & multa pati oportuit, divino decreto, ob nostram salutem; irascente. Nam & Prophetæ de Christi afflictionibus vaticinabantur; & falso dicitur, Christum potuisse mori, ut Moyses mortuus est, postquam decretum DEI accesserat. Ad has afflictiones ad exitum producendas DEus istis hominibus usus fuit, qui jam antè ob scelera sua meriti erant gravissima supplicia.* R. (1) De occisoribus Christi non aliud ferè dicendum, quam quod de proditore *Juda* responsum, cum de similibus simile fieri debeat Judicium. (2) Christum oportuit multa pati non tantum, sed etiam mori, *quoad rem ipsam*, sed non *quoad omnem rei modum*: nemo siquidem dixerit omnes passionis & mortis circumstantias *simpliciter* fuisse necessarias, nec alia, quam hæc media fuisse respectu passionis & mortis admittenda. (3) *Dist. inter decretum judiciale & causale*: DEus hæc *judicialiter*

decevit, vel in hominibus malis, à Diabolo, pravaque voluntate impulsus, *permittere*, nec impedimentis indebitis ea prohibere voluit, neutiquam autem in hominibus malis talia *simpliciter* ut *causa*, vel *autor* efficere constituit. (4) *Conciones Prophetarum* sunt *passioni Christi vaticinia*, non *principia*, rei gerendæ *veritatem* inferunt, non autem *causalitatem* exprimunt, adeoque nec *DEUM causam*, vel *autorem* quorundam peccatorum constituunt. (5) *DEUS* usus est malis hominibus non instar *mediorum causalium*, sed *judicialium*, quia neutiquam causaliter per illos vitia fuit operatus, sed potius mirabiliter & supernaturaliter ad finem salutarem illorum peccata convertit.

14. (VI) *Quia hoc DEO licere, nemo negabit, qui considerat, quantum sit DEI in homines sibi immorigeros jus & potestas.* R. (1) non quæritur, quid *DEO liceat*, sed quid *DEUM deceat*, contra decorum nihil *DEO licere*, de sanctissimo Numine credendum: nihil indecorum *DEO* contra rectam rationem asfingendum: jam indecorum est hominibus, esse causam peccatorum, multo minus illud de *DEO* dicendum. (2) *jus DEO* revera summum tribuitur, sed *ordinatum*, & *divini attributi proportionatum* atq; *conformatum*, non autem *inordinatum*, *affectatum*, & *reliquis attributi divini oppositum*: jam autem esse *causam peccatorum*, & *divinæ justitiæ*, & *sanctitati*, & *integritati*, & *perfectiōi* &c. maximè contrarium. *DEUS* autem sibi metipsi contrarius esse nequit. (3) De *potestate* *judicii* idem fieri debet, *potestas summa* non *injuriæ*, sed *juri DEO* tribuenda: jam autem cum *injuria* conjunctum foret, si *DEUS* homines ad peccata quædam compelleret, vel nonnullorum peccatorum autor foret, & tamen miseros homines ob peccata graviter puniret. Quorum *DEUS* est ultor, eorum non est, nec esse potest autor. (4) *Summum DEI jus* dicitur in homines immorigeros ad puniendum, non ad peccata vel efficiendum, vel promovendum.

15. (VII) *Quia, quod de prædicatione abnegationis Petri dictum à Socino fuerat, nempe id etiam à DEO decretum fuisse; quia scilicet dignus erat ista pœna Petrus ob suam pertinaciam, quæ Christo semel atque iterum suorum prædicanti, & eam rem testimonio sacrarum literarum, quod erat instar oraculi & decreti divini, confirmanti, resistebat.*

& SAN-

*Et tantum non mendacii arguebat, respondet Franzius th. 28. id omnino nihil ad rem facere. Quam verò ob causam videamus: Sicigitur ait: Eſto, quod DEUS decreverit, ſubtrahere gratiam à Petro: interim tamen non decrevit, quod ipſe DEUS velit impellere Petrum, ut ter neget Chriſtum, dum biſcanner gallus, ſicut ei prædixit Chriſtus. Illas enim circumſtantias prædixit Chriſtus: Aut igitur Chriſtus præſcivit has circumſtantias, aut DEUS eas impulit & complevit. Sed hoc impium. Ergo verum illud prius. At non animadvertit Franzium, conſeſſo eo, quod DEUS decreverit ſubtrahere gratiam à Petro, reliqua, quæ ad perſiciendum illud peccatum requirerentur, multo facilius decerni etiam poſuiſſe? Majus enim eſt decernere, ut Chriſti Apoſtolus Chriſtum abneget, quam ut ter, & certo tempore id faciat. Ha enim circumſtantia non ad naturam peccati conſtituendam, ſed tantum ad illud exaggerandum, & pena imminentis certitudinem deſcribendam pertinent. Itaque, ſi nulla impietas in eo eſt, quod peccatum tam atrox decernitur, ſed magna tantum divina ſeveritas, quomodo impium cenſendum eſt, ſi decernatur etiam quadaſ circumſtantia, quæ ad peccatum illud exequendum neceſſaria quodammodo ſunt? Tantum enim neceſſe eſt ad hoc facinus exequendum, voluntatem Petri ad breve temporis ſpaciū libertate ſua privatum, & quodammodo coactam eſſe, quod DEUS interdum facere poſſe & ſolere, nec impium eſt, nec abſurdum, ſed tantum ſeverum DEI judicium, & ira iſta, ad quam tardus eſt in ſacris literis, non uno in loco dicitur. R. (1) a prædictione abnegationis Petri rursus ad productionem ejus non licet argumentari, cum illud ſit omniſcia veritatis, hoc impia cauſalitati, illud DEO proprium, hoc à DEO prorsus alienum. (2) DEUS decrevit prædictionem abnegationis, & actu quoque talem CHRISTUS prædixit, ſed à priori ne utique decrevit ipſam abnegationem. (3) Diſt. inter decretum permiſſivum & operativum: permittere, non efficere decrevit abnegationem Apoſtoli, idque ob iſtam pertinacem audaciam, quæ Chriſto contradicebat, & ob alias cauſas. (4) Quod attinet Franzii verba, hæc omnino firmiſſimo ſtant talo: Diſt. autem inter gratiæ ſubtractionem abſolutam, & relatam: non ſimpliciter DEUS gratiam Petro ſubtraxit, ſed quia Petrus carnali confidentia turgidus*



dus, Christo potius contradicere, suis viribus sine Christo, vel etiam  
 sine DEO fidere, vel nimium tribuere, quam verbo Christi credere  
 maluit, ideo gratiam eidem pauli per subtrahere, sibi quæ soli re-  
 linquere constituit. (5) Falsum, quod *formaliter à negatione ad po-  
 sitionem* argumentari liceat: DEUS decernit gratiam subtractionem,  
 quam nulli præter ordinaria media debet, sed decernere nequit  
*active vitiosum actum*, qui DEUM minime decet. (6) non de pecca-  
 torum circumstantia, sed de ipsorum substantia nobis est sermo, num  
 ad illam decretum aliquod causale concurrere queat? (7) Falsa  
 supponitur libertas Petri, vel hominis in bono, quæ per corruptio-  
 nem naturæ prorsus nulla. (8) Falsum, quod DEUS voluntatem  
 libertate in bonis privet, & eam ad mala quodammodo cogat, quod  
 certe blasphemia non caret; nam si DEUS libertate in bonis pri-  
 vat voluntatem, eamque ad mala quodammodo cogit, sequitur,  
 quod DEUS magis peccet, quam ipse homo: At hoc absurdum &  
 blasphemum: unde falsissimum, quod DEUS istud interdum fa-  
 cere possit & soleat, & quod illud nec sit impium, nec absurdum  
 asserere. (9) Dist. inter severum DEI iudicium & pessimum peccati  
 vitium: ad illud spectant ira simul & pœna, sed hoc ne utique cum  
 illis confundendum.

16. (IIX) Quia juxta Socinum DEUS oppressionem & servi-  
 tutem Israëlitarum in Agypto decrevit. Respondit ad hoc B. Frun-  
 zius tb. 30. uti ipse notavit Smalcius p. 431. At si hac irasci habent, ut  
 vult Socinus, tum causa peregrinationis Abrabæ, Isaaci, Jacobi & pos-  
 terorum, nulla fuit alia, nisi ut à peregrinis affligerentur passim, cum  
 tamen scriptum longe alias causas istarum peregrinationum monstret,  
 nimirum quod debuit Abraham expectare donationem terræ promissæ,  
 in qua ex isto suo semine nasceretur, & quod interim, donec venias-  
 set tempus completionis Chananaeorum, debuit esse Propheta, sicut appel-  
 latur expresse Gen. 20. 7. seu reformator gentium generalis Tb. 31. Et  
 quia nominatim c. 35. 5. Abrahamo promissit DEUS, sese ira velle mul-  
 tiplicare semen, sicut cæli stellas, ut numerari nequeat, an ille in eodem  
 capite Genesios contra Abrahamum statim alterum decretum putabi-  
 tur in sese concinnasse, quod velit in Agypto minus servitute immi-  
 nuere genus Abrabæ v. 13. tb. 32. Utique hæc plane contradictoria sunt, &  
 refu-

refutantur fortius inde, quod in ipso descensu in Ægyptum Jacobo DEum noctu apparet in visione Gen. 46. & eum ita alloquitur: Ne metuas descendere in Ægyptum, quia in gentem magnam ponam te ibi. 26. 33. Ecce quam magnifica, & non nisi bona promittat Israeliti DEus, & tamen idem DEus interim juxta Socinum decrevit ibi efficiere suffocationem infantium Israeliticorum in aquis, ut jure habeat tandem causas puniendi Ægyptios in mari. Quasi vero: ch. 34. Ergo quæ pradicuntur de afflictione Israelitarum, in Ægypto futura, ea pertinent ad peccata Ægyptiorum à DEO praviſa, & potius DEus utiq; longe alia via punire Ægyptiorum idololatram.

17. Sed ad hæc Smalzius respondet: Hac omnia produnt inſonem Franzii inconstantiam. Quomodo enim ex eo, quod DEus decrevit, ut Abrahami posteritas ſervitute premeretur in Ægypto, ſequitur, nullam aliam cauſam fuiſſe peregrinationis poſteritatis Abrahami, quam ut affligeretur? Decrevit DEus, ut Chriſti populus affligatur in hoc mundo. Ergo nulla alia eſt cauſa ipſorum in mundo habitationis, quam ut affligantur. Apage iſtam collectionem! Deinde quod huic ſimile eſt, ea, quæ tantum diverſa ſunt, adverſa & contradiſtoria appellat Franzius. Nonne enim potuit DEus decernere, & ut exſtelleret Abraham donationem terra promiſſæ, & eſſet propheta, vel Reſormator gentium generalis, ut loquitur Franzius? nonne potuit DEus decernere, ut ſemen Abrahæ, ſicut cali ſtella multiplicarentur, & Jacobo eandem promiſſionem repeteret, & tamen ſimul decernere, ut iidem etiam affligerentur & premerentur? Obſtne populi alicujus afflictio DEO ad illum extollendum? quid huic omnibus ineptius diſci poteſt? Decrevit DEus Chriſti populo non terram Chanaan, ſed regnum ſuum celeſte glorioſum, & tamen decrevit etiam, ut idem in hoc mundo graviſſime affligatur. Imo ſi quis opera DEi conſideret paulo attentius, animadvertet, quod quanto magis benſcencia iſtius hominibus offert, tanto etiam plerumque eorum, quæ iſti benſcencia contraria, & eam deſtruere poſſe videntur, plerumque proponit, ut hac ratione ipſius ſapientia & potentia tanto illuſtrior appareat. Unde conſtat, non necesse eſſe, ut peccata Ægyptiorum DEus illa futura praviſeat, nec id, ut per eos affligeret populum ſuum; ſed ſatis eſſe, quod illi jam ante impij fuiſſent, & digni, quorum opera DEus ad affligendum po-

populum suum uteretur. Potuisse DEum alia ratione punire Aegyptios, nemo est, qui dubitet: sed hac etiam ratione puniri eos potuisse, ipsa docet experientia. Misceat autem vera falsi Franzii, dum ait, DEum decrevisse suffocationem infantium israeliticorum in Aegypto, quia decreverit, ut posteritas Abrahami ibi affigeretur; & Socinum calumniatur, dum eum id dicentem facit. Nec enim necesse est, certas peccatorum species decerni ab eo, qui generatim afflictionem populi sui decernit: Sed penes homines ita peccata semper sunt, quibus DEus deinde permittit, ut quo velint, & qui DEO probetur modo, populum ejus affligant.

18. R. (1) B. Franzii non ita nude dicit nullam aliam fuisse causam peregrinationis præter afflictionem, sed ex Socini verbis illud deducit, quemadmodum ex verbis ipsis apertum, adeoque non ad unum, vel alterum comma, sed potius ad totum Socini contextum est respiciendum. Jam autem Socini in præf. Thol. c. 10. p. 33. sic peregrinationem Patriarcharum & posterorum introducit, ut hanc solam adducat causam, & DEum etiam autorem peccatorum constituat: Potuit, inquit, DEus (imò id certissimum esse debet) auctor esse servitutis & afflictionis populi sui, ut earatione Aegyptios, ob idololatriam, qua inter alia scelera, præceteris populus semper infames fuere, graviter puniret. (2) Falsum est, quod B. Franzii diversa pro contrariis vendit, cum disertis verbis ostendat, quod peregrinationis illius Patriarcharum & posterorum diversam causam, vel etiam diversi eventus extiterint. Fingit igitur Smalzig contrarietatem absolutam, quam nullam in Franzii verbis reperit, siquidem is perpetuo respicit ad mentem & verba Socini, qui causam hanc tanquam unicam, vel ad minimum tantquam præcipuam adducit. (3) B. Franzii manifestis verbis asserit, quod DEus prædixerit afflictionem Israelitarum in Aegypto, sed finem Socinianum hujus prædictionis, vel ipsius peregrinationis, non concedit. (4) Dist. inter finem & eventum: afflictio non fuit finis peregrinationis, sed tantum ejus eventus, cum talis inter peregrinos commoratio plerumque cum incommodis sit conjuncta. (5) Opera DEI mirabilia non capit ratio humana: DEus à priori bona vult, suisque decernit: & obstantibus Diabolis, & aliis hostibus,

bus, & alia tentantibus, ac mala multa fidelibus inferentibus, DEUS tamen opus suum perficit, & in eo suam sapientiam ac potentiam ostendit, cum contraria juxta se posita magis elucescant: interim à priori talia mala, comprimis quoad modum, non decernit. (6) Si DEUS Ægyptiorum peccata non prævídisset, ea non prævídisset; nam verbum oris, verbum mentis, vel eloquium intellectus a sum præsupponit. (7) *Dist.* inter decretum ælium & permissum, à priori & à posteriori: prius Socinus intendit, posterius Franzius attendit, & sic neutiquam, quod in Socino reprehendit, ipsemet asserit.

19. (X.) *Quia, juxta Socinum, DEUS defectione Israheliticæ populi ad idololatriam verisimiliter prævídixit.* R. (1) *verisimilitudinem* DEO, simpliciter veraci, minime rectè Socinus tribuit, (2) aliud est loqui de *præviditione*, aliud de *productione*, DEUS prævidit populi defectionem ad idololatriam, sed neutiquam eandem effecit, cum passim idololatriam omnem prohibuerit.

20. (X.) *Quia DEUS solet excitare falsos prophetas, ut suos tentet, atque exploret: & quod homines illius falsis prophetis fidem adhibent, illustrati fieri. DEI consilio, quod velit homines malos, aut negligentes, qui veritati non obediunt (quod totum ipsorum culpa fit) isto modo puniri, ut istis mendacibus hominibus adhareant.* R. (1) DEUS excitat falsos prophetas non *causaliter*, sed tantum admittit, vel non impedit *judicialiter*, quæ maxime distincta sunt. (2) Hæc permissio Pseudo prophetarum ex sapientissimo DEI consilio dirigitur ad fidelium tentationem & explorationem, licet Diabolus per Pseudopphetas, vel etiam ipsi Pseudopphetæ nihil aliud intendant, quam fidelium seductionem & defectionem, (3) Aliud est loqui de *DEI directione*, & aliud de *Pseudopphetarum operatione*: hæc, quæ faciunt ad fidelium tentationem, explorationem & confirmationem, pendent ex DEI directione: sed *quævis*, vel etiam Smalzii, vel Socini rationes loquuntur de *malorum operatione*, quæ neutiquam vel in totum, vel in tantum, à DEO pendet, adeoque manet, quod DEUS nullorum peccatorum sit causa, vel autor.

*An DEus peccata peccatis puniat, & sic causa quodammodo peccatorum fiat?*

1. Qvod DEus peccata peccatis puniat, sæpius in orthodoxorum & heterodoxorum scriptis invenitur, at sensu prorsus div eo: cum hæretici hac phraseologia vel veram & proprie dictam, vel aliquam saltem causalitatem intelligant, orthodoxi verò nihil causalitatis sub hac phraseologia DEO tribuant, sed tantum iudicium ejus describant.

2. Non igitur quæritur (1) *An hac phrasi, quod DEus peccata peccatis puniat, in totum rejicienda sit?* Hoc enim minime nos asserimus, sed potius contrarium dicimus, quod ea sano sensu scripturæ sit conveniens, & in scriptis orthodoxorum Theologorum non infrequens. (2) *Nec quæritur de eo, Num DEus peccata revera puniat?* cum ex scriptura non tantum, sed etiam experientia quotidiana satis constet, DEum justissimè impunita peccata non dimittere. (3) *Nec est in questione, num talia, quæ peccata sunt, & quibus ob peccata homines nunquam afficiuntur, ad DEum suo modo non referantur?* Nam ex scriptoris constat, quod ipse DEus sibi talia tribuat. II. Sam. XII. 13. segg. Nathan propheta Davidi respiciens ei dicit in nomine Domini: Dominus transtulit peccatum tuum: Verumtamen quia blasphemare fecisti inimicos nomen Domini, propter verbum hoc, filius, qui natus est tibi, morte morietur: & v. 11. Ecce ego suscitabo super te malum de domo tua, & tollam uxores tuas in oculis tuis, & dabo proximo tuo, & dormiet cum uxoribus tuis in oculis solis hujus. Tu enim fecisti absconditè, ego autem faciam verbum istud in conspectu omnium Israel. & in conspectu solis hujus. Sic etiam David. c. XVI. de Simei maledicente respondet v. 10. Dimitte eum, ut maledicat; Dominus ei præcepit, ut malediceret David: & quæ est, qui audeat dicere, quare sic feceris? & vers. 11. Ecce filius meus, qui egressus est de visceribus meis, quærit animam meam, quanto magis nunc hic filius femini malediceret mihi: dimitte eum, ut maledicat, quia dixit ei Dominus, si forte respicias Dominum afflictionem meam, & reddas mihi Dominus bonum pro maledictione hac die bodierna. Verum hæc judicialiter, non causaliter ad DEum referuntur, eiq; non tanquam auctori, sed tanquam justo iudici

eribuntur. (4) Nec de eo disquiritur, *An DEus circa tales penas, quæ materialiter peccata sunt, aliquid operetur?* Nam faciles largimur, DEum non esse prorsus otiosum in ejusmodi penis infligendis, sed id, quod sapientissimi justissimiq; judicis est, prudenter & irreprehensibiliter agere. (5) Sed quaeritur, *Num DEus actualiter & formaliter ad illa peccata, quæ pena sunt, aut sunt, tanquam causa, quocumq; modo concurrat?* Et hoc ipsum est, quod nos inficiamur.

3. Sociniani passim non tantum ejusmodi foveant hypotbeses, sed etiam disertis verbis hoc inferunt, quod *DEus peccat a peccatis puniat* ita, ut simul ad peccata concurrat. Nos hac vice paucis Crell. de DEO & Attrib. divin. c. 35. p. 233. examinabimus. Sequentes autem videtur rationes urgere. (1) *Quia Deus homines malos indurat.* Dico malos, pergit, *quia nunquam quengvam nisi sponte sua malum aut contumacem indurat se legitur.* R. (1) Si DEus homines malos indurat; sequitur, quod ad peccati malitiam non cooperetur. (2) Si induratio DEI contumaciam semper præsupponit, manifestum est, quod DEus judicialiter tantum, non autem causaliter ad malum concurrat. (3) DEus equidem variis modis indurare dicitur, prout alibi fuit observatum, nullo vero modo dicitur ad indurationem, quæ peccatum est, activè concurrere:

4. (II) *Quia induratio pena quædam est, & quidem talis, quæ ad majorem ac graviolem ducat:* DEus autem neminem punit innocentem; nedum ut impedire velit, quo minus ille id faciat, quod ipsi gratissimum est, quodq; ipse præcepit, quæ in re induratio consistit. Id enim cum demum facit DEus, cum homo ipsipare obstinatè resistit tunc, cum parere possit. Itaq; cum penam & quidem gravem fuerit commertus, digna est, cui via eam effugendi præludatur. Quia verò DEus omnibus respicientibus & vitam emendantibus peccata condonat, ideo, cum penam diutius differe cogitat, aut ea homini supplicia insigere, quæ animi contumaciam frangere alias facile possent, & eum ad respicientiam adducere, cum indurat & sic diam illi, quo minus supplicium effugiat præcludit. R. (1) Induratio quidem pena, sed suo modo, non omni modo, magis negativè, quam positive, non quæ peccatum, sed quæ iudicium & supplicium, unde communiser DEus aliter; aliter Diabolus, aliter homo dicitur in-

dur re: quia peccatum est, Diabolis tantum & hominibus competit, sed quatenus supplicium, ad DEum etiam refertur. (2) Verissimum est, quod ad maiorem & graviozem pœnam induratio ducat, quodq; DEus neminem innocentem puniat, & neuriquam impedire velit, quo minus homo faciat, quod ipsi gratissimam, sed inde non sequitur, quod ad indurationem DEusaetive concurrat. (3) Licet autem DEus tunc demum hominem inducet, cum homo ipsi parere obstinate nolit, tunc, cum parere possit, & quando pœnam gravem fuit commeritus, tamen ad ipsius malum non cooperatur, nec per mala viam ad pœnitentiam præcludit, sed gratiam indurato subtrahit, eumq; contumaci suæ voluntati permittit.

5. (III) *Quia induratio instar vinculorum est ac carceris cuiusdam; quo malefici ad supplicium veluti detinentur.* R. (1) Comparatio simpliciter non est probatio, sed tantum illustratio. (2) Vincula vel carceres per se vitia moralia non sunt, adeoq; nec formaliter peccata: si proinde vinculorum instar induratio se habet, sequitur, quod nec sit peccatum, adeoq; DEus peccatis, quæ talibus, peccata non punit. (3) *Dist. inter carceris. & ea quæ sunt in carceribus, inter vincula, & ea, quæ sunt per vincula.* Peccata sunt in carceribus, & per vincula, sed vincula l. carceres peccata non sunt.

6. (IV) *Quia ad indurationem generaliter loquendo, nihil aliud requiritur, quam ut omnia remedia homini subtrahat DEus, quibus animi contumacia sponte contracta moliri posset, vel saltem in illa moderetur, ne animi duritsem omnino frangant, permixtu Satana, ut eam alat, aut etiam augeat, potestate.* Nam si homines tunc perviciaci animi vel suscipiunt, vel deponere noliunt, cum à DEO invitantur, cum auxilia illis subministrantur, quibus seclis in melius poscent, quid cogit amiseri, cum auxilio divino destituti, ubiq; animarum suarum hosti patens? Neg, verò necesse est, Satana impetare, ut hominum contumaciam alat, ut eos in scelera impellat, sua sponte in id perpetuo excubat, divina gloria, humana salutis, ac porro etiam pietatis perpetuus atq; insensissimus hostis. Vincula tantum, quibus à DEO tenetur restrictus, illi laxari aliquantum, satis est. Interim tamen indurationis vis non est plane ineluctabilis, præsertim sem-

semper. Cum enim DEUS homini mentem non eripit, nec naturalem arbitrii vim eodem eripit; Sed cum à malitia inuicem sit valde conficta, & deturberi par sit veluti astricta, exterioribus eam vinculis, quæ malitiam ac contumaciam solui non facile patiuntur, adhuc magis constringit. Ideo vix ulla sunt illius ad bonum vires. Quod sit tamen id, quod procul dubio rarissime fit, diuturniore temporis spacio concessio, se aliquantum à malitia modo, ad iumentum forte aliquid exterius nata, expeditur, divina voluntatis consentaneum est, ut indurationis quoque, vis cesset. Hæc enim animi malitiam homini non ingenerat, sed sponte susceptam ac voluntariam præsupponit, sine illa vim suam amisura. Et sanè dignum est DEO contumaces ita constringere, ut non nisi per summas difficultates, & inusitato, ut ita dicam, facinore penam evitare queant. R. (1) DEUS talia media non tam subtrahit, quam homo malus à fatalia repellit, & gratiosæ verbi, vel Spiritus operationi resistit, hæc igitur active non tam ad DEUM, quam ad hominem malum referenda. (2) DEUS dicitur subtrahere non absolute, vel à priori, media salutis & remedia peccatorum, sed respectively, & à posteriori, quando sæpius repulsum passus, gratiæ suam non vult amplius de novo conferre. (3) Contumacia cordis humani vel est naturalis, seu congenita, l. præternaturalis, moralis & acquisita: remedia divina quidē semper illā sed hanc nō semper corrigere possunt. (4) Falsum est, quod DEUS gratiam suā, l. remedia peccatorum ita per se modoretur; ne malitiā, vel contumaciam, l. duritiem hominis peccatoris omnino frangant. DEUS per idem verbum, per eundem verbi ministrum, per eundem Spiritum, in bonis & malis, eodem tempore vult operari, sed à malis non æque, sicut à bonis operatio talis admittitur. Moderatio remediorum Sociniana, ne duritiem hominis omnino frangant, est accusatio in DEUM injuriosa. (5) Talis DEI dimissio est Satana permisso, qui paratus omnino semper est, & nihil aliud intendit, quam ut hominem magis magisque per contumaciam cordis induret. (6) Falsum est, quod indurationis vis non sit ineluctabilis vel per mente naturalem, vel per naturalem arbitrii facultatem; sicut enim homo naturaliter mortuus non potest semetipsum naturaliter vivificare, sic etiam peccator induratus, spiritualiter mortuus, non potest per mentem suam, aut arbitrii potentiam, se spiritualiter vivificare &c.



7. (V) Quia DEus peccata peccatu punire potest. R. (1) à posse ad esse N.V.C. (2) Potentia DEI, quæ talis, circa peccata producendo non versatur, cum peccata producere non sit potentia, sed impotentia. (3) quomodo DEus peccata peccatis puniat, illud jam in superioribus expositum, quod illud prædicendo, permittendo, judicando, puniendo &c. fiat.

8. (VI.) Quia talia DEus hominibus, etiam non plane improbi comminatur, quæ sine scelere ab iis fieri non possunt, quæle fuit illud, quod Christus Petro comminatus est, eum ter se abnegaturum: cum nimis Domini ac Magistri verbis autoritate etiam antequam vacuissimus communitus, animus audacter resistisset, & constantem præ cæteris omnibus erga Dominum in periculo fidem nimis audacter promississet, ac cæteris discipulis ejusdem temeritatis veluti signum erexisset. Duo enim imprimum hic sunt observanda; alterum est, ad eam rem non fuisse opus, voluit autem negandi Dominum animo Petri occulta quadam ratione instillari. Satis enim fuit, cum ope divina destitutum imbecillitate sua, cum nimia sui fiducia conjuncta, relinqui: & Satana vim atque astutiam, ipsum, ut Christus monuerat tentare volentis, non cohiberi. Nam ipse simul temeritate, & Satana, ea utentis, astutia factum est, ut in præcipitium, unde delapsus est, deduceretur, & tanta tam graviter peccandi discrimini objiceretur. Imbecillitas autem effecit, ut ejusdem Satana instinctu atque arte, objecta ei peccandi occasione, periculi se undique ostendentis metu perculsus, succumberet. Ut autem divino auxilio hac in parte destitueretur, sua illa audacia ac confidentia commensus fuerat; præsertim quia remedium illud usurpare neglexerat, quo poterat severitatem hujus comminationis mitigare, & penam hujusmodi ac flagitium à se deprecari atque avertere. Nam ut alterum etiam addamus, quod hic observandum esse diximus; quænam modum multa alia DEI comminationes, licet simpliciter prolata, prosum tamen absolutæ ac irrevocabiles non sunt; ita nec hoc decretum videtur fuisse absolutum ac penitus irrevocabile. &c. R. (1) à comminationibus divinis ad operationes divinas argumentari velle N.V.C. (2) Comminationes DEI respiciunt DEI judicium, non peccatorum flagitium. (3) Christus abnegationem Petri prædixit, abnegationis autor minime fuit. (4) sicut Petri confidentia, vel audacia non à Christo, sed à carne, vel Satana habuit ortum, sic idem de Apostasia dicendum. Plura nunc addere non licet. Hoc saltem adjicimus.

SOLI DEO SIT GLORIA!